

Р. Н. Заппаров

Чушкам лultzёс

Кузьмадёс



БОН АНЦА

Ижевск
2012

УДК 882
ББК 84Р6
З 33

З 33 Заппаров Р. Н.

Їушкам лулъёс: кузьмадёс — Ижевск: Информационно-издательский центр «Бон Анца», 2012. — 180 с.

Перевод Олега Геннадьевича Четкарева.

«Їушкам лулъёс» — Растем Заппаровлэн асулонсюресэз сярысь кузьмадёсэз. Тожъясь отын Быдзым тылож дыръя но со бере сютэм, курадзоно аръёсы вёл-вёл Кам дурысь Дулесовоын улэм-вылэмез, Сарапулысь электро-механикая техникумын, пинал лётчикъёсты дасясь школаын дышетскон вакытэз, нырысетй яратонэз но улон сюрес вылаз пумиськем синмаськымон адямиос сярысь маде.

Ас синмын адзыса возматэм зэмучыръёс пыр тон, гажано лыдзись, со дырын улэм адямиосты адзод.

Та книга котькинлы но тунсыко, лыдзымон луоз.

ISBN 978-5-903140-93-0

© Заппаров Р. Н., 2012

© ООО Информационно-издательский центр

«Бон Анца», оформление, 2012

*Быдзым тыложын бырем атаймылы но
яратоно анаймылы сйзисько*

1. Мурт гуртын

Тодмотэм, толон жыт гинэ пырем юртын ныс-ныс көлыны уг луы. Озыы ке но выль интые вуэмъёс, сюрес вылын жадеменызы, шундылэсь жужамзэ өз адзе, көлэме кылызы. Мумызы гинэ вазьгес султйз но куно пал висъет шорысь бадзым гур азын берга ни. Атайзы но султыса валзэ чакланы потйз — кыче-мар көлйз меда? Солы турын сётйз но уробойсь котырзэс жоктыны өдъяз.

Песянайзы валесаз кылле на, бездыт гинэ югдытэм выль улонни пушсэс сакла. Соин артэ ньыль аресъем Роза нунокез купырскыса изе.

Но тани чук шунды корка пушкы учкиз но яркыт сиосыныз нырысь ик пичи нылашез вешаз. Розалэн мусо ымнырыз кисырскиз, ымдуръёсыз тумошо кырыжтйськызы. Чопкетйзы. Бичатйсь сиосты улляса, со кыыныз шонтэм вал: но шундыез уллялод шат. Нылаш ымнырзэ мукетлань берыктйз но борддор палагес кариськиз.

Палэнысьгес валес вылын Коля агаез көлэ. Толон солы зол гинэ тыршоно луиз: соин ик вётатэк но, дыр, номыре шөдылытэк изе. Дас одйг аресъем пияш, пинальёс пöлысь бадзымез, атаезлэн зэмос юрттйсез ни. Бубиз Коляез, кытчы ке ветлыкуз, котьку сямен сьöраз басьтэ. Пияш туж даньяське, айиз солы биньгозыез сётэ но валэн уробоез валтыны оске шуыса.

Шунды сиос, корка пушлэсь жынызэ ини зарнивуаса, гур бордысь корт шилляосын дурем шыкысэ пыкиськызы, со вылысь тушак интые трос полэс куасаса валем дэра кесэгез, начар миндэрез югдытйзы но сьöдкысьем пияшлэн ымныраз вуизы. Рустамлы сизыым арес гинэ тырмиз ай. Валес вылын со, ураметй быззылон вакчи штанэныз сэрэн-а,

мар-а, чылкак тэшкыли адзиське. Шунды сиос бамъёсаз йӱтскыса, пияш синъёссэ усьтӱз но паймыса котырак учкиз. Буш борддоръ ёс мӱзмыт адско, укно янак вылысь гераньёс гинэ синмез ӱжыт шумпотто. Соосты толон жӱт мукет арбериосын, дӱсьёсын ӱош пыртыса вуттӱзы.

Рустам, зеч-зеч сайкаса, шыкыс вылысьтыз усьтыртабыр султӱз, синъёссэ кимышкыныз ӱушылӱз но, мар ке туж тунсыкозэ адзӱтэк кылемезлэсь кышкаса кадъ, азбаре голык пыд бызьыса потӱз. Вить борддоро корка, кудӱзлэн одӱг палаз соослы улыны кылдэм, лапышак ке но, йыг-йыг сылэ. Ожоен басьтӱськем азбар юбоос борды юнматэм пӱчъёсын котыртэмын, кенер дуртӱ адями жӱжда пушнер будэ. Сьӱросэз синйылтытэк, пияш кенер борды султӱз но ожоез коттӱз. Собере уробо котыртӱ ортчиз, отчы тырем котырзэс-ваньбурзэс эскерем кариз. Со куспын мумиз, азбаре потыса, бигер сямен кеськиз:

— Кыдӱе эн кошкы, пие! Жӱоген ӱукшыд каром, ваньмы ӱош сисъком.

1940-тӱ арын инвожое вал со.

Рустамлэн Нургаян атаез — шаплы воргорон. Солэн песьтаезлэсь кылем юртэз Огырчи но Сарапул ёросъёс вискысь Касаево бигер гуртэ, вашкала шайвыл вӱзы, интыяськемын. Колхоззы веказ бере, мырдэм но кызы улӱзы. Нургаян кышноеныз туж тыршыса, гуртысьтызы вань калыкен огкадъ ужазы, нош ваньбуро, шулдыр улонэз ӱз адзӱлэ. Шумпотон мугъёс шер сюрӱлӱзы.

Зечгес улонэз утчаса, Нургаян Сарапулысь «Заготживсырьё» конторае интыяськиз. Солы татын вал, уробо сӱтӱзы но матысь гуртӱёсысь пудо куосты коньдонэн яке кыче ке вузьёсын вошъяса басьяны косӱзы. Улонтӱ ласянь ке шуоно, Дулесово гуртэ выжыны дэмласъком, пе.

Тӱни озыы соос колхозысьтызы, ас калыксы пӱлысь, шуньт атыкай карысьтызы шуак-дуақ ишкалскизы но кошкизы. Мурт кылын вераськыны чик йӱндырытэк, зӱч гуртэ вуизы. Атайзы, ялан калыкын ужаз бере, зӱч сямен лабыртыны

1. Мурт гуртын

Жог дышиз. Нош пиналъёсыз, кышноез, тужгес но песяйзы, бускельёсынызы вераськыны кема курадзизы на.

Чукна сиськемзы бере Рустам, уробоысь котырзэс жоктись мумиз-айиз котырын кӧня ке бергаса, гуртсэс учкыны потиз. Асьсэлэныз чӧшатыса, таиз бадзымгес вылэм. Со Камлэн нялмыт ярдураз пуксемян. Гуртлэн мукет пумтиз Нечкиное нуись бадзым скорес ортче, паллян палаз — мур нюк. Со нюклэн пыдэстиз пичигес шур визыла. Меӊ ярдурьсен ик бадзым съӊд нӧлэс кутске.

Нюкетӊ бызись шур Каме усе. Тулыс сяна, со ноку но бадзым вуо ӧз луылы, куд-ог интыюсаз гинэ, мур кожъёсын, йӧнгес чорыгъёс возиськызы. Нюк валлин бакчаос кыстисько, чурен сылӧсь юртъёс дорысь соос уллань лэзисько. Инвожо толзъь, гужемлэн тужгес пӧсь вакытэз, вуымтэ на ке но, бакча сиёнъёс, картофкапуд сянаез, чужектиллям ни, нош скореслы матысь турын тузонэн шобырскыса «пурьсьтамын».

Гурт урамысь батыр писпуос коркаосты сайяло ке но, улчалэн одӊг пал пумысеныз мукетыз адзиське. Эсьма, бадзым скорес вылысен ик, ыбес дорысен, лызо-чагыро вогыръяськись паськыт шур адзиське, отӊ бадзым но пичи пароходъёс уяло. Ма, шур тупалась возьёсты басьтэм вулэн чиямез но синъёсты пӧртма. Камлэн шукурес чебересь меӊ ярдуръёсыз, сӧлэмез икак карымон вӧлскем вуосыз, тулкымъёслэн, вукуаръёслэн шудэмзы, шурлэн солань-талань кожылэмез, вож пильыс возьёс, куакъёс, чынкыт пыр адскись нӧлэс — ваньмыз со аспӧртэмлыко пужы-крезьгур кылдытэ но тонэ бы дэс дуннеен валчея. Синэз шумпоттись, мылкыдэз бугыртись суредэз гурт пумысь скал гидъёс но бездытыны уг быгато. Фермалэн кенерам азбарез съӧрысен ик жужыт турыно возь адске. Отӊ куняньёс но ыжъёс сиськыса ветло, нош скалъёсты шунды жужам бере ик кыдӧкысь возь выльёсы нуизы.

Шундыен няськытам урамын одӊг адями но уг адскы. Гурт шорысь колхоз правленилэн юртэз вӧзынгес ик югтӧдъы но пурьсь жазегъёс пичигес ты быдӊа пукись вуын

пыласько, коркаос азъысь пичильтык садъёс дорын курегъёс
Ѣабъясько-кокчасько, нёдын парсьёс погыллясько.

Выллань жутскемъяз шунды пумен золгес пыже. Рус-
тамъёслэн корка вёзасы будйсь кызьпуослэн куаръёссы
чик уг выро. Курегъёсты ньорен уйылысь ныгылёк пияшез
адъыса, Рустам со доры вамыштйиз. Дораз ог вить вамыш
вуытэк дугдйиз но пыд вылысьтыз пыд вылаз лёгыштйиськиз.
Тодмотэм пияш, выль ёззэ адъыса, ачиз со доры лыктйиз
но чипыям кизэ мычиз:

— Мишка.

Рустам мазэ-созэ өз вала, та гуртын озыы кулэ, дыр, шуы-
са, пияшлэсь кизэ кырмиз, ачиз но солэн кылыныз вазиз:

— Мишка.

— Иське, асьмеос паньтэмъёс?

Рустам солэсь зуч сямен верамзэ өз вала ке но, таче
жог тодматскемзылы шумпотыса, «Мишка» но «Мишка»
гинэ вазылыиз. Соку выль тодмоез та кыллэсь пуштроссэ
валэктоно кариськиз — азъчиньыеныз ас мёляз мырзйиз
но шуиз:

— Мон — Мишка!

Рустам но озыы карыса шуиз:

— Мон — Мишка!

Кыкназы шулдырак серектйизы.

Тйни озыы Дулесово зуч гуртын Рустамез Мишка карыны
ёдъязы. Та ним со борды кемалы лякиськиз. Армиын дыръяз
гинэ ини солы выльысь Рустам шуыса вазиськыны ёдъязы.

Жыны нунал куспын бигер пияш выль эшезлы туж
синмаськиз. Мишка кошкиз гинэ — Рустам солэсь мёзмыны
кутскиз ни. Зуч пияш капчи сямо вылэм, мар малпа, сое ик
вера, номыре уг ваты.

— Монэ «куко миндэр» шуо, зёк но лапег уго, — соку
ик усътйиськиз со. — Но со понна мынам кылы лэчыт,
ваньмызлы кушем нимъёс лякылысько. Но тыныд уг ляк.
Ул ойдо аслад нимыныд.

Зуч эшезлэсь верамзэ бигер пияш соку өз вала...

1. Мурт гуртын

* * *

— Мишка, ойдо козлокен шудом!

Рустам но эшезлэсь та кылъёссэ шумпотыса вераз:

— Мишка, ойдо козлокен шудом!

Ныгылес пияш юлтошсэ асьсэ азбаре нуиз. Ваткан интыысьтыз козлокъёс, вакчи бодыос поттйз. Гож лэсьтыса, козлокъёсты со вылэ пуктылйз но шудонлэсь радзэ, кылыныз гинэ өвёл, киосынызвырось ёсыныз но валэктыны кутскиз. Собере шоналскыса бодыез лэзиз — козлокъёс кыдёке палдйзы. Табере Рустамлэн черодэз вуиз. Солэн бодыез козлокъёс йылтй кыдёке гож сьёры лобиз. Мишка шумпотыса валэктйз: мон, пе, vormи. Бигер пи бодыез эшшо кёня ке пол лэзиз на, озьы ке но козлокъёс шоры өз йотты. Со чыжектйз, кымысаз пёсям ву шапыкъёс кылдйзы, ымдуръёссэ куртчылыны өдъяз. Возьыт но вал, вожез но потйз: ма, кызы огпол но йоттыны өз быгаты? Но та шудонлы со одно дышоз. Дышоз но токолё эшсэ вормоз! Таё малпанэн ассэ зырдатыса, Рустам, оло, чылкак вожомысал — ярам, анаез шудонзэс куспетй кариз, нуназеяны отиз.

Рустамез табере вань гуртоос Миша шуылйзы ни. Лякыт сюлэмо, капчи мылдыдо пияш аслэсьтыз баджым пиос борды но кыстйськиз. Соослэсь верамъёссэс пальпотыса, меёак синмазы учкыса кылзылйз, паймыкуз сырмаса нёжтылйз:

— Озьы-а, ма?

Со сяна, Миша туж чидась, пезьгыт сямо будйз. Одыг пол (таиз вордскем гуртазы вал ай) со кызьпуысь лобиз. Ас кыыныз лэсьтэм шырчик умортыез ошыкуз, пыд улысьтыз кёс улвай чигиз но, пияш, вайёсты мугорыныз лыдыяса, музэ усиз. Штанэз кесиськиз, пыдыз шуккиськиз. Но со өз бёрды, өз черекъя, пиньёсыныз гинэ гизьыртйз.

Дулесовоын дыръяз ини со аджиз, кызы кудзем егит пи бускельёссылэсь кочышсэс изэн шуккыса вииз. Аджиз но зар-зар бёрдйз, лул быдтйсез пыраклы синазькыль кариз.

Дулесовоысь улон юртсылэн азбараз куашкан калэ вуэм мунчозы вал, вёзас — пичи сарай. Соос съёрын, кенер дуртй кадь ик, зёк модосо лек пушнер алямын. Пёлтйз кокчаськыса юрт кузёослэн курегъёссы ветлылызы. Кузё кенак, ог ньыльдон аресъем зёк кышномурт, котькуд нунал нуназе бере сарае пуктэм кудыосысь курегпуз бичалляз, курегъёссэ лек кыльёсын тышкаськыса, кукейёссэс пушнер пёлысь но утчалляз. Нош бурдоосыз, лек сямо сюдйсь-вордйсьсылы оч карыса кадь, Чапак отчы, лушкем азе, тросгес пузаллязы.

Мишкалэн пичи дырыз Роза сузэреныз артэ ортчиз. Покчиез Анвар вынзы ньыльдонэтй арын гинэ вордскиз, нош Мишалэсь вить ареслы бадъым Коля агайзы, тылож кутскытозь, атаенызы ёош гуртъёстй ветлыз. Бёрысь со кызы ке туж ёог быдэ вуиз но, техникумез йылпумъяса, Сибыре кошкыз.

Тямысаз мынйсь Миша но ньыль аресъем Роза ёемысь йыртэмаменызы абдратъязы. Мемизы соосты юртлиэс палэнэ ёз лэзья. Укнооссы вадьсысь урам, азбарзы, юрт кузёослэн бакказы — тйни сыёе вал пинальёслэн вань шудон дуннезы.

Миша татчы вуэм тырысенызы сарай съёрысь пушнер пёлы шудон корка сазнан сярысь малпаськыса улйз. Огпол со Розалы костаськись вуж пульёсты отчы нуллыны ёектйз — липет, пе, лэсьтом. Сузэрез талы дурыстэм шумпотйз. Соос ёегатскытэк уж борды басьтйськызы. Пульёсты кытй-мартй «пушнер дуннее» нуллызы но, вакчиоссэгес урдэсьёсаз пуктылыса, кузьёссэ вылазы кузяна тырыса, липет нерге пёрмытйзы. Собере Роза отчы кытысь ке пилиськем ёоршок чалепёсты вуттйз — со, пе, сиён-юон тйрлыкмы луоз. Со сяна, сарайысь буш ёенеликёсты шедьтйзы на, таоссэ но шудон коркаязы нуизы. Солань-талань ветлон сяменызы, Миша кузё кышноен адъымтэ курегпузёсты синйылтйз. Лачак люкаськиллям. Пинальёс соосты кёт вылазы нюжтйськыса бичазы но сёрылыса

1. Мурт гуртын

җенелик җсы кисьтазы. Озы шудон коркаязы ческыт сиёнэн «кенос» кылдиз.

Огаз нуналә кузә кышно, вожпотәменыз чыж-чыжектыса, доразы пыриз но, кизер курегпузән җенеликез сәзъяса, атайзы шоры кеськиз:

— Нургаян, учкы ай, со албастыосыд мар дауртиллям! Вань курегпуз җсты изъянтиллям ук! Инмаре, ма быдза ыштон! Воксә сютәм кельтизы ведь!

Нургаян җенеликез кутиз но югыт шоры карыса учкиз. Нош кышномурт чалмыны ик уг малпа.

— Осто, осто! — чабкиське со. — Кытчы, пөй, ышо курегпуз җсы, кытчы луо? Тини кытчы! Эке, пыдйылчи карозы ай.

Соку ини пичиослән атайзы но җырдаз:

— Кытын та шайтан җс? Виё, кыкназәс виё!

Югдур умойтәме берытскемысь, Миша копак кәдәктиз. Со атаезләсь сямзә тодә угось: мар вераз, сое ик ләсьтоз. Лулыз пыдтышказ вуыса, со бадзым шыкыс доры бызиз, бәрсяз — Роза. Шыкысән гур вискы ватскыны. Пияш сузәрезлы шыпыртиз:

— Нырысь мон выдо, тон — вылам. Тон пичи на, соин ик сокем уз йөт.

Пинал җс өз тодылә, атайзы юри адзымтә улә аналскиз но соослы ватскыны дыр сәтиз шуыса. Ачиз весь кесяське, соосты утчам карыса, коркати чүш-паш ветлә:

— Я, кытын ти, шайтан җс? Шедьти-марай ке, ну, кытырдәс ләдо! Соку тододы, кызы Кузонәз басьтизы!..

Ватскем пинал җссә таки шедьтымтә кариськыса но озы ик даллашыса, Нургаян корказе потиз. Отын, воргоронлән лек кыл җсызләсь ачиз ини шөмыса, сое кузә кышно вите вал.

— Ярам, Мокеевна, шедьто ай мон со эрказмем җсты. Шедьто но виё!

Кузә кышноез төл нюлыштиз кадь.

Я, сильтөл ортчиз. «Шайтан җс», нырзәс кыскаса, шыкыс сәорысь потизы. Кыкназы кузә кышнолы вожпотонән

гыбдазы. Соин ик, огкык арня ортчыса, Миша юрт кузёослэн укнооссы шоры лушкем учыртылыса ёектйз:

— Роза, ойдо сарайысь вань ёенеликёсты капка доры нуллом!

Озы шуиз но, кёня ке ёенеликёсты ёыгыртыса, зёк юбо вёзы вуттйз. Сузрез солы мыло-кыдо юрттйськыны ёдъяз. Капка доры быдэс люк нуллэмзы бере Миша косйз:

— Мын ай, Роза, вань пияшёсты татчы оть!

Соиз ураме лобатйз. Кузь йырсиосыз тёлъя гыало. Лёптыса ик кёня ке пол кесъкиз:

— Эй, пияшёс, лыктэ корка дорамы! Ваньды-ваньды!

Кытй-мартй ог дасо пинальёс вуизы. Ваньзы — гольык пыд, пась штанёсын. Миша ёошатскон ялайз: кин капка юбое трос полгес йёттоз. Пияшёс шумпотыса ёенеликёсын лэзьяськыны ёдъязы. Огёсыз юбое йётто, мукетьёсыз — капка пулэ. Їок ойдо, ёенеликёс трос. Роза тужгес ёеч тыршиз. Котькуд ёенеликез лэзьякуз, понназ мар ке лек шыпыртыса. Їезы азысь музьем ёоген пияла чалепёсын шобырскемын ни вал.

Тачеза адъяса, кузё кенак чабкиськиз гинэ. Нош ёыт Розаен Мишалэн атайзылы шуиз:

— Вот ма, Нургаян! Тырмоз! Кошке татысь! Мыным таче улийсьёс кулэ ёвёл!

Кунокуае пыремёслэсь тэльмыремзэс со кылэм но ёз кар.

Їуказез Нургаян мукет кузё кышноен, гурт пумын улийсь Протазиха песяен, вераськиз но, соос та доры пичи корка улыны выжизы. Пинальёслы татын удалтйз. Песянай пичиосты яратэ вылэм уга. Соослы азбарын но, лапег укноё корка азын но шудыны-шаянтыны ёз люкеты. Ялан бакчаяз бергаменыз, пинальёслэсь лякыттэмьяськемзэс но адъяса ёз вуттылы, лэся.

Атайзы бадёым пиеныз азывыл сямен ик гуртёстй котырьяськиз. Мемизы но песянайзы юрт котыразы но покчи Анвар котырын бергазы. Нош Розаен Мишаез,

1. Мурт гуртын

соосты чакланы кулэ өвөл ни шуыса, ас кожазы кельтылызы но, таосыз нылпиоссы педлон мар мылзы потэ дауртылызы.

Мар веранэз, майбыр вакыт вал!..

* * *

Гуртысь пинальёслэн улонзы кыче ке пумтэм-йылтэм шудонлы укшалляз. Шудон сяменызы соос дырлэс ортчемзэ но өз шөдылэ, чемысь пеймытозь ышылызы но, соку мемиоссы озраньёссэс урамъёстй, бускель азбаръёстй утчаса ветлылызы. Гурт пумысь я Кам дурысь шедьтыса, кытйяз ньөрэн шачкытьяса но вайылызы.

Гурт пумын, Нечкиное нуись сюрес вылын, пучьёслэс сазнам капка сылйз. Соку вань гуртьёс кенерамын вал уго. Та капкаез котьку ворсаса возьылызы. Пинальёс нуналлы быдэ сямен со капка доры люкаськыса шудылызы. Валэн уробоен лыктйсьёсты, татй туж шер ортчылйсь ЗИС машинаосты кыдёкысен адзылызы. Соослы капкаез усьтыны вожмаськылызы. Пичильтык ке но табыш поттыны луэ вал уга. Отй ортчисьёслы «Агай, вай уксэдэ!» — кесько но, соосыз тузон сюрес вылэ векчи коньдон пазыго. Чиясь макеосты одйгтэмак октыса, нин зйрыё капкаез берен ворсало, ваменпуало но, мукет сюресчи вуытозь, шудонзэс азинто.

Зэмзэ вераса, Мишалы та векчи коньдон шер донгиськылыз, озыи ке но сое та капка доры выльысь но выльысь кыскылыз. Гурт пияшь ёсын чөш дырзы татын шулдыр, тунсыко ортчылйз уго. Ма, сюресчи воргороньёс но кыче ке аспөртэмлыкоесь вал.

Вазь чукнаосы быдэс гурт ас юрт котыразгес бергалляз. Пиналь ёссылы но уж сётылызы. Нош соосыз, косэмез жогак быдэстыса, отын ик пөртэм шудоньёс малпаллязы я гурт ыбес доры дыртылызы. Нош жыт выльысь ваньзы ульчае люкаськылызы. Пияшьёс чорыганы но яратылызы. Кытйяз вазь чукна ик пичи шур дуре

бызё но, кутано чорыгзэс син азязы пуктыса, визнанъ-ёссэс кожъёсы чёлто. Оломар бадзымъёссэ өз ке но кутылэ, куриказы векчи юшпиос дэмзыку но, сюлэмъёссы икак луылйзы.

Одйг пол Миша, визнанзэ, нйзилиен бадзымос банказэ кутыса, вазь чукна ик тодмо кож доры бызиз. Мемиез сое Камын чорыганы өз лэзъылы. Отын воргоронъёс гинэ пукылйзы.

Чукна — чорыганы байлыко дыр. Берегес кылид ке, чорыгтэк бертод: зыгатэмысь дугдэ. Соин ик дыртоно. Нош мар сыче? Мишалэн яратоно интыяз, пукыез шоры жальмаса, Федя пуке ини. Бадьпуослэн вужеразы ватйськыса. Куакъёслэн вайёссы вуэ месйськылэмын. Матынгес ик ву жомбыляк вазиз. Яр вылысь суй люк я адыми усьыку кадь. Миша жожомыса котырак учкиз: «Эх, чорыганэ туннэ өз удалты!» Сыл ай, оло нош, удалтоз? Федялэн кыиз капчи уго. Чош чорыгакузы, визнанзэс нырысь чёлтыны пиос солы чектылйзы, малы ке шуоно оскылйзы: Федя чорыг кутйз ке, соос но доразы буш кыин уз бертэ.

Федя зеч пияш. Со муминыз но айиныз пичигес коркан улйз. Озыы ке но быдэс гуртысь пияшъёс гужемен-толэн отчы люкаськылйзы. Чок, корказы шыкыс быдза гинэ ке, со понна азбарзы вёл-вёл, отын лякыттэмъяськыны нокин уг люкеты. Огпол гинэ Федялэн атаез сое зол жезиз. Бускельёссылэсь укнозэ сөрөмзы понна. Эсьма, валес мертаса кыллёно луиз. Миша соку эшез доры, кенсы, лушкемен пыраз. Соиз кыче ке жустариос вылын кылле вал — викишъяса, нырзэ кыскаса. Миша вөзас купырскиз но эшезлэсь пыдессэ маялтйз. Со виын кенсы Федялэн мумиз пыриз но пизэ лякытак зыгыртйз:

— Атаедлы вождэ эн возь, пие. Валаны тыршы: али пияла шедьтыны капчи өвёл. Бускельёсмы начар уло, пиналъёссы корка тыразы. Кызъы соос пась укноен толъёзы? Айдлы котжождэ кыс, шукырес тылпуэн медаз гомзы.

1. Мурт гуртын

Ма, Федя ачиз но озьызе валаз ни, соин ик табере сӧрем укно пумысен ӧпкелиз...

Та сярись малпаськонъяз Миша шӧдыса ик ӧз вутты, кызы Федя визнан ньӧрзе жутӓз но, куриказ дэмзем бадзӓмос чорыг ӧук шунды шорын зарниен чилектӓз. Нош Мишалэн пукыез ырзӓылытӓк кылле. Лазеггес чӧлтӓм ке шат? Пукызӓ ӧжытак вылланы жутыса, со куриказ зӧк нумыр дэмзӓйтӓз но визнанзӓ выльысь чӧлтӓз — нӓзилиез ынлӓ сьлзӓыса, кыдӓкегес, мурегес. Но пукыез отын но ӧз ырылы. Нош Федя ньыльзӓ поттӓз ни. Мукет интые мыноно, шӧдске, та вань чорыгме кышкатӓз, дыр», — малпаз Миша. Но кошкыны ӧз дырты — юаз:

— Федя, тодӓськод на-а, ма быдзӓ юшез мон огпол татысь поттӓ?

— У-уг, — йырзе бергатӓз эшез.

— Ма, кызы уд?! — Мишалэн вожез потӓз.

Со вие визнан ньӧрзе кин ке лурк! кыскиз но, соиз вуэ усиз. Миша со сӧры тӓтчиз.

— Миша-а! — курдаса кескиз Федя. Эшезлӓсь йырзе ву выльысь адзӓйтӓк, ачиз но шуре жомбыльскиз...

Мувыре потӓмзы бере визнан ньӧрзе юн кырмыса возись Миша эшсӓ алӓз:

— Сыл, эн люкеты!

Озы шуыса, со куриказ дэмзем чорыгез кыкна кыныз ярдур пала кыскиз но, йӧнтӓм пумитъяськись бадзӓым юш жоген турын ынлӓ вуиз. Сыӧезе татын улӓсьӓс, оло, быдӓс даур ӧз адзӓылӓ ни вал. Сумбрес тӓтчась чорыгез басма пуйые понӓмзы бере Федя кескич пальпотӓз:

— Таӧе юш сярись уд юаськы вал-а?

— Ӧапак таӧеез сярись, — Миша но мыняз. Солэн суй быгытьӓсыз зугыр куалекъязы на...

Нош котьку ик тазы ӧз удалтылы. Куд-ог дыръя Миша вань семьязӓс сюдымон чорыг вайылӓз, нош мукетъят — кӧчышсылы гинӓ.

Тїни озьы нунал бѳрсьы нунал ортчылїз, озьы пинальёс будїзынуйтїськїзы.

Улыса-вылыса тол но вуиз, отїяз выльысь тулыс возьматскїз. Южтолэзе ик вырїылїёсысь лымы шунаса Каме бызїз. Атасьёс ньылонзэс кесямон чорьяны ѳдьязы. Пинальёсты доразы еэн яке гозыен шачкетьяса гїнэ пыртылыны луиз на. Бен кызы-о сыче шулдыр вакытэ соос доразы пукыны чїдалозы? Лыз инмын нош ик пѳсь шунды кузїяське, музейем вожектэ, бусыюсын тулыс ужїёс гурлало. Нош таиз мар? Уть ай, вылїын лудїазегїёс кесяськыса лобо. Уллёзы кык ваё. Тїни азьветлїсьсэс мукетыз кужмо їазег воштїз. Валтїсьлы котьку секытгес їѳтэ уго. Миша лыдїяз но куамын поттїз. Бадїым уллє. Таосыд туэ бергес лобо кадь. Озьы бере, калык верамья, туэ гужем няськыт луоз, кема кыстїськоз.

2. Тылож гомзон ар

Сюрс укмыс сю ньыльдон одйгетй аре гужемлэн кутско-наз зэмзэ ик пось вал. 22-тй инвожо арнянуналэ тупаз. Гуртоос та шутэтскон нуналэз но возь вылын турнаса пумитазы. Пичиез но, бадзымез но шуэм сямен. Нош Мишалэн атаез бадзым пиеныз валэн уробоен матысь гуртьёсы потйз — вандэм пудо ку, ыж гон но мар басьяны. Миша муминыз но Роза сузэреныз турнан удысын вал. Сарапул палась кытй ке өвёл борзёмен мурт возьматскиз. Лашкintйсь валзэ жалятэк шлачетья. Возь вылын ужасьёс доры вуыса, со чугдэс черектйз:

— Война!

Чик дугдылытэк, со Яромаска пала ворттйз. Паймем адямиос, огазе люкаськыса, ог-огзылэсь юалляськыны өдъязы:

— Мар, пе? Ма со шуиз?

Виктор Черепанов, Мишаосын артэгес улйсь пияш, уробое тэтчиз но, отын голык пыд тапыртыса, киосыныз шонаны шөтаз:

— Война, пе, война!

Кышноос соку ик нёркыт кыланы-бураны, бёрдины кутскизы. Воргоронъёс, юскиськем киоссэс лэзьяса, чалмыт сылйзы. Көня ке озьы улэмзы бере Егорыч, бригадирзы, сураськем малпанъёссэ бергатыса вазиз:

— Шабаш, туннэ ум ужалэ ни. Ваньды дорады бертэ.

Конторазы пала бызьыса сямен вуыкузы, солэн борддо-раз ошем съёд радиотэркыысь кылйзы, кунмы вылэ, пе, немец фашистьёс омырскизы.

Молотовлэсь тачыртэмъёсын согылйськись куаразэ шып кылзыса сылйзы. Интыязы кынмыса кадь. Бере кылемъёс но шоканзэс ворсаса матэктылйзы. Радио чалмем бере адямиос ог-огзы борды жиптйськызы, секыт

иворез возыны чидатэк выллем, пельпумъёссэс лэзизы. Быдэс гурт шаймиз кадъ. Эсьма, пинальёслэн куараоссы но өз кылйське ни.

Гуртоос та жйтсэс секыт ивор сярсы вераськыса ортчйтйзы. Нош воргоронъёслы со куспын Сарапул военкоматэ өтёнъёс вуизы. Їуказеяз Їушна вуоно ожгарчиосты келязы ни. Оло, котькуд юртысь тыбыр сьöраз котомкаен воргорон потйз, нош куд-огысьтыз кык кузя — атаен пиез. Отын но татын арганъёс шудйзы, нош кырзанъёс өз кылйське. Анайёс, кышноос бöрдйзы, пинальёс жирекъязы.

Кошкись воргоронъёс уробое пуксьыку, кышномуртъёс айшетъёсынызы синвуоссэс Їушылйзы, кайгуэн зйбем но шöмзем пиосъёссэс кирос поныса келяллязы.

Рустамлэн-Мишалэн атаез но, повестка басьтыса, валзэ «Заготживсырьё» контораяз сөтйз. Мемизы солы бинялтонъёс, майтал, туш мычон арбериос, корт кружка, пуньы, сукури нянь но маке-маке мукетсэ дасяз. Їушна воргорон ваньзэ ошет кало пуйые тыриз.

— Тон пиосыдлы кылдэ вераса кельты вал, — куриз мемизы.

— Веранэ одйг, — шуиз атайзы, — мемидэс уте. Бадъымез пимы Коля мон интые кузё кылёз. Эн бöрдэ, даурлы уг кошкиськы, тулыс берто.

Сыче жöг бертонэзлы зэмзэ оскыса, лэся, со мемизылэсь губырскем тыбырзэ маялтйз.

Бубызэс ваньзы гурт пум капка дорозь келязы. Отчы вуыса, гуртлэсь сайкамзэ огшав кылзыса сылйзы. Нургаян котькудзэс воженвожен зыгыръяз, песянайзэс бордаз жиптылйз, пинальёссэ кымысазы чупаз, кышнозэ — ымдуръёсаз. Собере кузпалызлэн кийсытьыз кало мешоксэ басьтйз но дыртытэк кошкиз.

Воргоронъёсты Иж каре нуизы. Отын соос ожгар ужлэн инъетъёсыныз тодматскизы, нош отйяз Можгалан пулемётэн ыбылйськыны ды шетскизы. Мишалэн мумиз, бадъым мешок тыр сиён-юон тырыса, одйг пол Иже но

2. Тылож гомзѳн ар

атайзы доры ветлїз. Отын берпумзѳ пумиськизы.

Соос дас куинь ар гинѳ чѳш улыса вуттїзы. Мемизы пересь песянаенызы но ньиль пинальѳсыныз кылиз. Бадзѳ-мезлы пиезлы соку дас кык арес тырмиз, пичиезлы — одїг.

Инмаре, кычѳ шудо улїзы татчыозь! Ваньмыз умой радъяськиз но, улон-вылонзы огсыр мынѳ кадь вал ини. Атайзы миым бадзѳмзѳ пизѳ, Коляез, дышетїсь доры нуиз но куриз:

— Елизавета Павловна, басьтѳ вал та пиме школаяды. Со мынам нодтѳм ѳвѳл, бигер школаын вить классѳз быдтїз. Нош тї дорын куатетї классын дышетскыны уз вормы, дыр. Соин ик ойдолѳ сое куинетї классѳ пуктом. Татын со зѳч кыллы но йѳскадь дышоз.

Озыы Николай выльысь куинетї классын дышетскыны ѳдъяз. Нош табере тїни, бубызы фронтѳ кошкыса, Коля юртазы воргорон чотѳ кылиз.

* * *

Гуртын жѳген шал-шал луиз. Воргоронѳѳсты но быдѳ вуѳм пиосты оже нуизы. Ма, ваньзѳ зѳч вальѳсты но городысь вуѳм кагазъя басьтїзы, сиес тїрлыкен, уробоосын чѳш. Но гурт начармон калѳ вуонзѳ туж ик ѳз шѳды на. Бакчаосын пѳртѳм емышьѳс жалектїзы, кеносьѳсын ю тысь но пызь тырмыт вал на. Нош ужаны, валамон ини, гуртоослы табере кемагес но, тросгес но усыылїз.

Колхозлы турын дасяны соос Кам дуре ветлїзы. Быдѳс гуртѳн бур пал ярдуртї турназы, мажсаськизы, нош турынзѳс кын вылтї ини фермаосы нуллїзы. Шур валлин будїсь куакѳѳсты пулы коразы. Эстїськыны со ѳз тырмылы, соин ик гуртѳ кылем кѳня ке воргоронѳѳс но кышноос со сяна но пу дасяллызы на: пыжьѳсы пуксьылїзы но пурьѳсысь мозтїськем корьѳсты, багорьѳсын дѳмзїытъяса, ярдуре поттылїзы. Рустамлѳн мумиз но Коля агаез котьку сямен та калык пѳлын вал. Ачиз Рустам та ужын юрттїськыны выриз ке но, зѳмзѳ вераса, чѳмысь люкетылїз гинѳ. Собере, пу

дасянэ кӧня мурт пырыськемез лыдэ басьтыса, корьёсты юртьёсья люкылызы. Толалтэозь кот пузы куасьмылыз но гурьёсын гуретыса жуаз ини.

Мишалэн анаез толалтэлы школаын утялскыны интыяськиз — выжьёсты, партаосты миськыз, гурьёсты эстйз. Покчи пиеныз соос корьёсты вандылызы, нош Колязы (со бадзым ни ук!) пу пильылыз.

Гуртоослэн улонзы пумен секытгес луиз. Дулесовоын но песятайёс, кышноос гинэ кылызы на. Отйяз сютэм улон но вуиз. Анайёс нылпиосынызы ялан кӧтсы сюмаса улызы, оже басьтытэк кельтэм вальёссы но, сютэмен жуммыса, пыд вылазы мырдэм сылызы. Но соослы бырыны ӧз сётэ.

Колхозысь пичиен-пичиен сезыы, йыды пызь висьяллызы. Адямиос сое, турын-куарен сураса, нянь пыжылызы. Кузял вал сыче нянь, но соин кӧтсэс алдаллызы ик. Анайёс асьсэлэсь пичи турижзэс но пинальёссылы люкылызы. Нылпи садзы гуртазы ӧй вал, соин ик пичи тэшкылиоссэс песайёс утылызы. Нош анайёс шутэтсконэз тодылытэк ужазы. Юрт котыр пӧрзэс уйёсы гинэ быдэсьяны кылылыз на. Шунды жужамен чӧш кин бусые, кин фермае дыртылыз.

Война, котькуд шимес адзӧн выллем ик, со Инмар азын кыл кутон кадь. Ваньзэ ик адямиосты лэсьтэм ужьёссыя дуньяллызы. Ож дыр, ю тысь тӧлон пуж музэн, адямиосты бырйиз-тазатйз. Гуртын котькудйз аслэсьтыз интызэ тодыса улыз, кулэ адями чӧпак солы тупась удысэ сжорылыз.

* * *

Толлэсь матэктэмзэ возьматыса, кот музьем вылэ куакакеньыр чаштыртыса усиз. Коньывуон толэзьлэн югыт нуналэз туж жӧг кысэ, уйлэн пеймытэз сое шӧдымтэ улсын шобыртэ. Омыр секыт но мускыт, сисьмыны валиськем куарьёслэн курыталэс зынынызы пычамын, бакчаосысь гыбдась нюр картофкапуд люкьёс бордысь чын лӧсьяське. Жыт куать часын коркан пеймыт ини, карасин лампа

2. Тылож гомзён ар

жуатыны дыр вуэмын. Нош гуртоос ялан ас уженызы выро на, берпум кужымзэс поныса пырско. Чидантэм улонэз кызы ке чидано ук. Нургаянлэн Маруся кышноез, пиоссэ душеслэсь утись шырчик музэн, шугадзёнъёсын нюръяськиз. Оло нош, кызы ке тылобурдо, сильтөл пыртї лобыкуз усемезлэсь уг кышка, со но секытьёслэсь озьы ик өз кышкалля, угось одйг малпанэн улиз: котьма мед луоз но, пиналъёссэ утёно, пыд йылазы султытоно. Котькуд кышкасьтэм мурт сямен, Маруся но шырыт, жалясь, бадзым сюләмо адями вал. Сыче кышномуртъёслэн гуртъёсын уйнал тыршемзытэк вормыны ой быгатысалмы.

Быдзым ож бере көня ке ар ортчыса ини, Миша анаезлэсь юаз, кызы со вань секытьёсты чидаз, вормиз. Мумиз огшоры гинэ валэктїз:

— Ма, ож дыр вал ук. Воргоронъёс тушмонэн жугиськыны кошкызы, нош ми, кышноос, татын ожмаськимы, юртьерьёсмес утим, пиналъёсмес жутїм.

Мур лулзыса будэтїз на:

— Нуналысь нуналэ секытгес но секытгес йөтїз. Куинь мурт понна пычкиськыса ужаськиз, сиён нерге гинэ ыме пырылїз. Гужемзэ көтмес кызы ке озьы алдаллям ик: Камысь чорыг сюрылїз, кырым ке но пызь сётъяллызы. Чырстурынэз кораськод, сое пызен яке кydэн сураськод, көт кышъяське кадь, улон азинске. Сйзыл картошка, чужкушман, гордкушман утылызы кулэмлэсь. Вот тулыс пал сютэмен курадзыймы.

Мумизлэн та верамез Мишалэсь сюләмзэ вось кариз. Син азяз пуксиз, кызы төлъя шонаськись сютэм кышноос тулыс шунды улын парланїсь бусые мынылызы но ляк-ляк горд суйысь мимала картофкаез копыллыса поттылызы, мешокъёсы тырыса, доразы вайылызы. Кынмем картофкаез миськыса, тазатыса, тазьёсы, ведраосы кезыт вуэ котылызы но шунам бераз көмзэ висъяллызы, нош кизер крахмалзэ, кydэн сураса, пичи табань пыжылызы. Корт гурын тыл гуретэ, педлон төл вузэ но укноосы йыгаське.

Таёе дырря гурт кышноос понна со кынмем картофкалэсь пичи табаньёс кадь ческыт сиён дунне вылын ой вал: угось сюмаса кóтыд тыбырад лякиськемын ни. Тйни озьы нуналысь нуналэ ульйзы, гурт кышноос губырскыса, ёабьяськыса кыскизы-нуизы секыт ныпъетсэс меё улон сюрес вылтйзы.

Быдзым ожлэн нырысетй секыт толэз порпиос ыбылйськем улсын ортчиз. Адямиос начар вальёссэс улляса но соослы герыез кыскыны синтйзы тылгизьы потымон юрттыса, бусыосы кизёнзэс, бакчаосазы мерттйськонзэс йылпумъязы. Тау предзылы: со фронтэ кошкем воргоронъёслэсь бакчаоссэс гырыны колхоз эрвалэз висъяз. Кышноос, бакчазэс лопатаен бугыртыны вырыса, киоссэс медаз пульдытъялэ, колхозын ужан дырзэс медаз кельтэ.

Узым чебер жужаз. Возьёс вылын ёем но жужыт турын жутскиз.

Куазь турнан дырзэ кузьмаз. Турнаны секыт йётйз, угось турын модосьяськыса вуттйз, сылонъяз ёужектыны ёдъяз — кусодэ тышкаса-шуккыса катьыд быроз. Мишалэн мумиз но агаез ваньмыныз ёош турнало. Колялэн турнан улысэз кузь ёвёл, но паськыт. Со ёемысь дугдылэ но ымнырысьтыз пёсям вузэ дэрем саесэныз ёушылэ. Пёсь. Кусоос чурыт турынэ шуккиськыса уг жичкето ни, ёаштырто, шокпотыса векам кадь. Турнасьёс я огеz, я мукетыз шерзэс вуэ донгало но кусозэс шукко. Нуназеозь быдэн вить чумолё пала турназы. Нош шунды пыже но пыже. Зэм верало калыкын: толалтэ порпиос ыбылйсько ке, гужемед пёсь луоз.

Аран дыр но шуак вуиз. Та вакытысь одйг нунал арез сюдэ, шуо.

Али егитьёслы мадид ке, кыёе соку Дулесово гурт вал, уз но оске. Бен, ож тыл татчыозь ёз вуы, нош кытын ке гомаса но, со гуртэз чылкак начармытйз. Гуртоос Горд Армилы ваньзэ жалятэк сётылйзы, келям ваньбурзы тушмонэз жугыны, вормыны мед гинэ юрттоз. Вальёсты

2. Тылож гомзон ар

война кутскем бере ик нуизы. Зеч уробоосты, дөдьюосты, сиес тирлыкес но. Кылемъёсыз быгатись пиосмурт киостэк шальтразы, вужмизы. Нош юосты кызы ке, кыин ке но, утялтоно.

Тылож вакыт котькуд нянь юдэслэн дуныз вылийын вал. Юос туэ өз ке но удалтэ, со но нянь ук. Колхоз председатель, фронтысь пал суй бертэм Петрович, калыкез жыт кенеше люказ но, быдэс кылем кыныз омырез чогылыса, солдатъёс азын командир музэн, ужпум пуктйз:

— Ужан вальёсмы армие басътэмын, воргоронъёсынымы чош ожмасько. Соин ик юосты кыин утялтоно луомы. Котькуд семья тямыстон десяти юэз сюрлоосын араны кулэ. Быдэс бусы. Чошкыт бусыостй жаткаос орчизы ни, нош нюко-гопо интыостй сюрлоен гинэ араны луоно. Дыр туж кысык: ю тысь жильдйське ини. Вить нунал куспын вань юосты утялтоно.

Председатель чиньюосссэ шонертыса вылланы жутйз но веранзэ азылантьйз:

— Ю-нянь туэ өз удалты, ваньды ик тодйськоды. Иське, сое уката но жикыт октоно-калтоно. Тодады возе: квадрат метре кык шеп ке но кылиз, гектараз кызь кило тысь кисьтйськоз, нош асьмелэн сюрс гектарлэсь ятыр юосмы, озьыен, кызь тонна няньмес ыштом. Лыдъялэ ай, көня адямиез сомындаен сюдыны луоно.

Вазь чукна ик удысьёсты люкылйзы, сэрегъёсазы зег куроез кырымен-кырымен ваче керттылыса. Нокыче даллашон өз поты — вань удысьёс одйг быдзэась. Кышноос, песйёс но пиналъёс сюрлооссы борды кутскизы. Чук зардонысен акшан вакытозь бусыын тыршизы.

Мишалэн анаез бадзым пиеныз чош гинэ нырысь араз. Но огаз чукнае песянайзы пештырскиз: мар-о, пе, мынам сюрло воземе уг лу ни шат? Мон но араны пото. Мемизы көня ке малпаськиз но кыныз шонтйз: я, пе, иське. Тае кылыса, Мишаен Роза нырзэс кысканы одъязы: огнамы доре ум кыле, ми но араны мыном.

— Озы ке, жоггес сисыке, ваньзэ быдтэ, пырызэ но эн кельтэ: кужым трос кулэ луоз, — косйз анайзы но пичи ужасьёсызлы корказысь сюрлоос утчаны потйз.

Роза бурдъяськиз, паль паляз но, тау карыса кадь, бамзэ Мишалэн кыиз борды лякиз. Собере кыкназы ик йёлзэс сультыр юизы, няньзэс дыртыса кушазы.

Удыссылэн паллян дураз мемизы султйз, соин артэ — песянайзы, собере — Коля, нош Мишаен Розалы десятиналэн бур пал дурыз кылиз. Анайзы гуртын ваньмызлэсь чупрес араляз, быгатыса, чылкыт. Тани солэн сюрлоез шунды шорын воректйз, нырысь кырым жег кияз кылиз. Мемизылэн бур кыисътыз сюрло кутскиз ук эктыны: чилектэ — вандэ, чилектэ — вандэ. Арам жег паллян кияз тросгес люкаське но, мемизы сое шепъёс дортйзы сюрлоен жикытак возыса, жыжы вылэ лачмытак понэ. Сюрлоез нош ик эктыны өдъя, нош соин чош — паллян кыисътыз пумен зёкомись жег аны. Песянайзы но быгатыса ара, но шөдйське: мыкырскыса ужаны солы секыт йөтэ. Коля, азьвыл өз аралля ке но, сюрлолы жог дышиз, огшап ортчыса, мемиезлэсь өз кылылы ни.

Миша лэчыт сюрлоез шоры кышкасагес учкиз — кизэ шырзны медам шедьты вал — жег куроез кырмыса вандйз, нош пичи кыыныз тросгес кырмыны шедьтэм, лэся, жыныез вандэм куро музэ усыса кылиз. Ярам ай, Роза, солы сюрло өз тырмы бере, усем жегез усытыртабыр жутйз. Озы Миша сузэреныз удыссэс азинтыны пумен-пумен дышизы, аран уж соослы но кизыя луиз.

Шунды чидантэм пыже. Кык-куинь кырым жегез араськод но, ымныр вылад былъырам но синмад пырись пёсям вудэ нош ик саесэныд чушалтоно ни. Лымшорозь жыны удыссэс араса вуттйзы ик. Нош соослы ньыль таёе удысэз арано ай. Со сяна, культо керттоно. Соин ик, жогак нуназеяса, выльысь араны өдъязы. Нош куазь жыт вить часын но пыжиз на.

Культо керттыны кутскизы. Мемизылэн таиз но ужез шаплы мынэ. Куро еэз син куспын пунэ, культоез керттэ

2. Тылож гомзон ар

но жыжы вылэ пуктыса кельтэ. Культоссыз жыкытэсь, веськытэсь, векчи но пезьгыт куско пөрмо, ныгыт кенакьёс кадь сыло. Нырысь дас культоссэ керттйз но жадем куссэ шонертйз, баджым пиез шоры учкиз. Соиз, мумиз шоры учкыса но солэсь дышетскыса, культо керттыны курадзэ. Нош солэн шеп йыро «кенакьёсыз» укыр сумбресэсь пөрмо, пунэм керттэтэз я вакчи луэ, я чиге. Ай дышоз, уж ачиз дышетэ. Миша но Роза песянаенызы чош культоссты пуктосэ нуллыны одъязы ни. Бёрысь соосты вал уробоен итыме нуллозы но кутсалозы. Бусые одйг шеп но, одйг тысь но киргаса медаз кылы. Тае пичи пинальёс но тодо.

Вуоно нунальёсы но шунды музъемез жалятэк зырдатйз. Аратэк кылем бусылэн пумыз но, йылыз но өвөл кадь. Гуртоос жадизы ни, нош уж соосты ас öраз кыскиз но, киоссы, кусьёссы нырысь аран нунальёсы кадь öз висылы ни. Бигер семья мукетьёслэсь бере кылытэк тыршиз. Куамынлэсь ятыр суслон пуктйз ини. Уж пöзъыку, шуак кытысь ке съöd пилем вуиз но шундыез ворсаз, жаль зорыны кутскиз. Ваньзы культо пуктосьёс улэ ватскыны дыртйзы. Песяйзы Мишалэн пельпумаз пыкъяськыса конгыляз, угось пыдъёссэ выртыны кынарыз вань ай, нош жог мыныкуз, солы одно кин ке борды пыкъяськоно. Культос улэ ватскизы гинэ, зор чалмиз, тузонэз шуккыны сянa кужымеz öз тырмы. Нош ик араны потыны кулэ.

Калык зэм вера: гужем ке öд пöся, толалтэ кынмод. Соин ик кузъылиос, мушьёс гужем куаш поттыса дэмен ужало. Кышноос, песяй ёс, нылпиос соос сямен ик тыршизы, аранэз вормизы.

1942-тй ар секыт, шимес, сютэм вал. Куарусён толэзь. Котькуд коркан почта нуллийсь кенакез витизы. Доразы кожемезлэсь кышкаллызы но: воргороньёссылэсь гожтэт интые, быремзы сярысь ивор уг вутты-а?

Мишаослэн но юртазы почта нуллийсь кенак кайгу кагаз пыртйз. Кема возьмам гожтэт атайзылэсь öз вуы, солэн быремез сярысь ивор кузпалзэ, ньыль нылпиё куамын

аресъем кышномуртэ, чашйиз. Нургаян пулемётчик Курск дорын ожъёсын бырем. Мемизы зуч сямен лыдзиськыны но, гождяськыны но уг быгаты вал. Соин ик атайзылы араб иероглифъёсын гожтэт суредаляз. Почта кенакез со пичи гинэ пурись кагазэз ассэ лыдзыйтэ. Шимес иворез кылыса, мумызы көдэктэ, ымдуръёсыз кырыжтйськызы, пумизы. Көнә ке чалмыт пукиз но, бөрдонэз пөсьтэ. Кыламзэ-бурамзэ быдэс урам кылэ, дыр. Кайгуэн зйбем Марусяяз буйгатыны гуртоос люкаськызы: салдат кышноос, асьсэос но похоронка басьтэм но пал кылем кенакъёс.

Анайзы, пичи пинальёссэ зыгыртыса, коркан зус вылын пукиз. Кышноос сое буйгатыны выризы, бөрдйзы, фашистьёсты, Гитлерез каргазы. Урамын кыдыраз. Корка пырисьёслэн ымнырысьтызы зор шапыкъёс синвуосынызы сураськылызы.

Пинальёс анайзы дорысь палэнскизы но бөрдуса сыйзы. Сюлэмзы вөсь луыса учкизы мемизылэн чигись-кемез шоры, асьсэос зеч-зеч өз ке но валалэ ай, макем секыт кайгу соослэн юртазы пыриз. Коля арескын бадзымгес, ногогес но, соин ик атаезлы котьку матынгес вылэм пияш, куректонэз валаз ни но зар-зар бөрдйэ. Нош покчи пинальёс корказы люкаськем вань анайёсты, палкышноосты, атыкай музъем понна ожмаськись атайёсты, агайёсты, быремъёсты, сөсырмемъёсты жалязы.

Шуак калык мышкын, өс дорын ик, огез кышномурт мукетъёслэсь золгес бөрдныны кутскиз. Со борды вөзэз сыйсь кенак итйськиз. Быдэ вуэм нылаш, соосты кылыса, синвуэн пыласькем бамъёссэ киосыныз ватйэ. Кышноос огез бөрсый мукетыз зар-зар бөрдйэ, лулзылонэн сюлэмзэс вөсь карыса но кыласа-бураса. Быдзым ож кыкетй арзэ мынэ ини... Адямиос троссэ чиданы дышизы ни, нош бырем воргорон сярысь ивор кудаз ке корка вуэ ке, асьсэлэн ожгаричоссы понна кышкан вань гуртоослэсь лул-сюлэмзэс кискачен пачкатэ.

Адямиос бөрдэмьсь дугдыны нокызы уг быгато. Нокин соосты уг алы, уг буйгаты. Кузё кышно шымырскыса пукиз,

2. Тылож гомзон ар

пукиз но шуак султйз, Мишалэсь анайзэ зыгыртйз, бёрдыны өдъяз. Озыы соос огогзы борды жиптйськыса пукизы. Нош Мишалэн мемиез, синъёссэ борддоре чёлтыса, нокинэ өз кылы, өз адзы кадь. Та дыре со картэныз улэм-вылэмзэ тодаз вайиз, луоз. Воргорон кулэмез бере но кышноез понна улэп кыле уга, малы ке шуоно кузпальёслэн лул-сюлэм кусыпъ ёссы уг ышо.

Бускель кенак, кайгуэн бышкалтэм кышномуртлэсь куаразэ кылыса, котькинлэсь азыло бызыыса вуиз вал. Со но Мишалэсь анайзэ зыгыртйз но буйгатыны выриз:

— Сокем эн чигиськы, Маруся, юнматскы, тыныд ньыль пиналь ёстэ пыд вылазы жутоно. Э, Инмаре! Шайтан мед басьтоз вал со фашистьёсты!

Но Мишалэн анаез бускель кенаклэсь верамзэ өз но кылы кадь...

Мишалэн шоканэз шуак пытсаськиз, сюлэмзэ кин ке жалясьтэм, кезыт кыин пачкатйз кадь. Ымдуръёсыз золскизы, синъёсыз кынемын, ымпумъёсаз мур кисыриос кылдйзы. Со шимес адзёнэз адзыны, курадзён улонэз чиданы судам муртлы укшаз...

Кайгу пырем юртын таиз уй кузь но шим-шим вал. Катътэммытозь бёрдыса, Миша умме усьытэк кема кыллиз, тём пеймытэ учкыса, котырысьтыз номыре шөдытэк, кылытэк.

Со дырысен трос арьёс ортчизы ни, нош бёрдйсь кышномуртъёс, пинальёссэ бордаз жиптэм анайзы, солэн номыре адзытэк учкемез Мишалэн али но син азяз. Та суредэз сютэм, йөнала дйськуттэк потэм война арьёс но чүшыны өз быгатэ. Пичи дыръяз ик чүшкам кайгуэз Миша быдэс улонтйз нуиз. Макем өз тырмылы солэн вöзаз атаез...

Бырем атайзы понна пенсия тупатыны кема выризы. Туж пичи тыризы. Начар улонзылэн умоянэзлы оскон чик öй вал. Но улонэз кызыы ке но улоно ук. Шуг-секытьёсын гижыен-пиньын нюръяськыса.

3. Нырысь урокъёс

Сйзьыл Мишалы школае мыныны дыр вуиз. Гуртын школазы кык вал. Огез вашкала пу юртын интыяськемын. Отын одйг гинэ классэз но дышетйсьлэн улон висэтэз вань. Таяз школаын Мишалэн Коля агаез нылетй классын дышетске. Революцилэсь азьвыл пунктэм школаын вань гуртоос ныль классэз йылпумъязы, дыр. Тросэз али но со школазэс тодазы вайыло на.

Писпуос, вужер куштыса, класс укнуос улын ик будйзы. Кудйз соос, ог кык-куинь сю арьем маос ке, зыгыртыны луонтэм зөкесь, но йыг-йыг сыло на. Мукетъёсыз пересьмиллям ни, гыркоесь, шодйське, даурзы пумаз вуэ ни. Ваньмыз сямен писпуос шурдыт жужытэсь, шоразы учкиськод но, соос кырыж-мерыж вайёсынызы инбамез пыкыса возё кадь.

Вашкала топольёслэн но сирпуослэн вайёсазы тачак тылобурдоос улйзы. Соослэн турлы-турлы куараоссы, чик чалмылытэк, котыр улосэз тырмытылйзы. Тылобурдоос каръёсазы ялан мар ке но вайылызы: куро, мамык, векчи ньоръёс, вайёс. Писпуослэн йылазы ик быдэс уллё куакаос каръяськемын, соослэн куараоссы ваньмызлэсь золгес кылйсько, угось таосыз бурдоос (чылкак адямиос кадь) куспазы чемысь керето, ог-огзылэсь сиёнзэс талало.

Нош Миша мукет школаын дышетскиз. Соиз палэнысьгес урамын сылйз но, отын вашкала писпуос өз будэ. Таиз но дышетскон юрт йыгйыг коръёслэсь жутэмын но, татын озыи ик одйг дышетскон висъет гинэ вал. Чапак татчы мемиез Мишаез нырысетй классэ валтйз. Таизлэн школалэн азбарез пичигес но жикытгес, писпуос но татын сокем бадзымесь өвёл, нош тылобурдоос лачак, дугдылытэк куаш! потто. Вазь сйзьыл шунды музъемез шунтэ на но, музысь ческыт, йырез поромытйсь зын жутске. Та шуныт

3. Нырысь урокъёс

но шундыё, выльйын каллен уясь тӧдды пилемъёсын нунал мылкыдэз шулдыр но лякыт каре.

Школа ӧсьёс дорын экеосты, нылокъёсты Елена Ивановна дышетись пумита. Со гуртысь кенакъёслы чик уг укша: векчи гинэ куско, туж капчи вамышъя, чебер дйсьскемын. Школае гурт ураметй мыныкуз, йырыз выльйе жутэмын, йырсиосыз вальк-вальк сынамын, чильтэро курень чулкаосаз векчи пужы, пеймыт ыж гон костюмез улын юг-тӧдды кофта — учкиськод со шоры но, дышетись кыче ке мукет дуннеысь вуэмын кадъ. Егит ке но, гуртоос солы котьку нимын-тулын вазиськылызы. Песятайёс гинэ но, соин пумиськыкузы, йырысьтызы картуззэс басьтылызы.

Елена Ивановна тусын но чебер вал, веськрес, нап йырсиосыз чужесь, синъёсыз чагыресь, лякыт сиосын чияяло, мусояло, ымдуръёсыз нокыче буелтэк но чыж-чыжесь, пальпотыкуз туж мусо адзисько. Куараез но солэн лякыт, небыт вылэм, вазиз но, Мишалэн тыбыртыз шунит тулкым погыльскиз.

— Жечбуресь, пинальёс! Пыре классэ. Ойдолэ асьмеос тодон-валан дуннее вамыштом.

Школаысь одйг гинэ дышетскон висэтын кык классысь пинальёс пукизы: нырысетй но куинетй. Елена Ивановна нылпиосты партаос сьӧры пуктылыз. Нырысьёсыз сьӧры покчиос интыяськызы, пумысь ёсаз — бадзымъёсызгес. Мишаез чебер нылашен артэ азыпаласяз пуктызы. Собере Елена Ивановна шуиз:

— Асьмелы тодматсконо. Мон тйляд дышетисьты. Нимы — Елена Ивановна. Дышето тйледыз лыдзиськыны, гожьяськыны но лыдъяны. Нош школае азьвыл ветлэмъёс дышетозы ни зуч кылэз но арифметикаез. Табере котькудды вералэ нимдэс но фамилидэс. Кутском мынам нылы бордысен. Тамара, султы но класс пала берытскы.

Мишаен артэ пукись нылаш султыз. Солэн мумизлэн кадъ ик бадзымесь чагыр синъёсыз пинальёс шоры паляса

учкызы, ымдуръёсыз мырдэм адскымон мынязы — тїни кыче, пе, мон чебер!

— Нош табере Тамаралэн бускеленыз тодматском, — ялїз дышетїсь.

Миша султїз но, эли-кеби луыса, фамилизэ но вунэтїз, син ултїз учкыса вазиз:

— Миша...

Елена Ивановна паймыса шораз учкыз, журналысь угось мукет нимез лыдїиз вал.

— Кызы озы тон Миша луид ай? Тынад нимыд Рустам ук?

— Монэ татын ваньмыз Миша шуо.

— Ярам, ми тонэ озы ик нималом, тыныд сыче ним яра бере, — сюлмысьтыз но шыпытак серектїз дышетїсь. Солэн ошмес жильыртэм кадь серектэмез Мишалэсь мылдызэ каньылак кариз.

Жоген пинальёс дышетскон оре пыризы. Шолаез утялтїсь кенаклэсь, урок быремез ивортыса, туй чингылиен жингыртэмзэ гинэ возьмаса өз пукылэ ни. Елена Ивановна нырысь ик покчиослы букварьысь букваосты возьматъяз, кытысь ке но шедьтэм пурысь, сиён бинён бумага вьлэ гожъян пусъёс пуктылыны косылїз но, покчиос, кылзэс мычыса, тыршеменызы пöсяса, букваосты суреданы, нош тросгес кагазэз виштыосын наштаса курадзїны одъяллязы но, дышетїсь бер партаос пала мынылїз, бадзымъёсызлыгес пинальёслы уроксэс валэктыны кутскылїз. Инмар тодэ, кызы озы со йöскадь дышетыны быгатылїз меда. Но сютэм, урод дїсяськем гурт пиос нылъёс сюлмо дышетскизы, быдзым ожлэн шокамез соос доры вуылїз ке но, шудыны-серектыны но быгатылїзы.

* * *

Куинь ар ортчыса, нырысетї парта сьöры Мишалэсь Роза суэрзэ но пуктїзы. Нош ачиз со берпуметї партае интыяськыз ни. Покчи Анвар вынзы, гуртын нылпи сад öй

3. Нырысь урокъёс

вал бере, Миша агаез съёры школае ветлыны калъяськиз. Урок бырытозь, классын чус пукылйз. Одйг пол чингыли жингыртыса уроке отиз, пиналъёс интыосазы пуксьылйзы но, Анварен серемес учыр луиз. Елена Ивановна, укно доры султыса, урокез кутскиз, шуак классэ ос каллен гинэ усьтйськиз но, Анвар шыпытак пырыны турттэ ни вал. Елена Ивановна, сое адзыса, лякытак отиз:

— Пыр, пыр, Анвар, пусы аслад интыяд.

Пичи пияш пыдзэ ос кусыпе пуктыны вырзем вал но, малы ке дугдйз, сюлмаськись тусын вазиз:

— Мон чисяны ой вутты...

Быдэс класс укно пиялаос жингыртымон гориз. Елена Ивановна пырсйыны турттйсь ымзэ кыныз чоктаз но йонскыса ини шуиз:

— Ярам, Анварчик, мын, ас уждэ лэсьты но соку классэ пырод.

Пияш осэз шыпак ворсаз.

Одйг нуналэ, урокъёс мыныку, школае тодьы халатьёсын эмчиос вуизы. Елена Ивановна ивортйз: бадзымъёсылы пиналъёслы, пе, кыче ке висён алямлэсь уколъёс пуктылозы. Курдам нылпиос эмчиос доры оген-оген лыктылйзы но, дэрёмъёссэс пужалтыса, тыбырьёссэс лэчыт вень улэ пуктылйзы. Миша но эмсузэр доры юри йыгмыт мынйз но золскем тыбырыныз со пала берытскиз. Укол укыр вось каре вылэм, Мишалэн кышкаменыз йырыз поромиз но, со выж вылэ усиз. Эмчиос пияш вадьсы ури-бери вуизы, ныр улаз нашатырен вата донгизы, нош созы, ялан курдаса ай, синъёссэ но усьтыны уг дйсьты, уг вырзйлы. Роза, тае адзыса, эмчиез халаттйз, китйз кыска, кесяське:

— Тон виид сое, агайме виид.

Кытй-мартй нылаш школаысь бызьыса потйз но дораз лобиз. Нош мумиз чапак пумитаз лыктэ вылэм. Роза сое китйз кутйз но школае валтйз, ачиз пумен викышъя:

— Соос, марым... Укол пуктйзы но Мишаез виизы. Со выж вылын кылле. Ойдо жоггес. Со кулйз ни, дыр.

Эмчи, ачиз но кышкаса, Мишаез бамъёсаз чабкылиз но, соиз синъёссэ усьтэм бере пукон вылэ пуктйз. Пияшлэн мумиз вуыку, ваньмыз лапкомизы ни вал. Но мукет пинальёслы укол та нуналэ өз пуктылэ ни. Соку гуртын вань эмъюмъёс пöлысь аспири́н но изэм эгыр сяна ой вал. Сютэм улонлэсь катътэмме́м пинальёс йырсазьзэс ыштыса усьылизы. Нош озыы ке но со арьёсы кыльёс адямиос борды öжытгес норылизы.

* * *

1943-тй арын асьме шаере тулыс вуыны öз дырты. Тудвуос кемалась ини куашетыны кулэ вал, нош лымы шунаны ик уг малпа, сое сылмытйсь бусъёс но уг вöлскыло.

Нунальёс шундыё, сайкыт улйзы. Корка борддоръёс нуназеосы шунйтэн шоказы ни. Писпуос котыртй лымы шунаса, мур гутёос кылдылизы. Тулыслэсь каллен ке но матэктэмзэ шöдыса, будосьёс улзыны вырзйзы, шоканы öдъязы. Нош уйёсы юн кынтылиз на, южмам лымы бусыюсты юн выжен шобыртылиз. Кам шуре шунам лымы вуос бызыны öдъязы ни, йö пурись луиз. Паськыт шур öз сайка на, усьыса кылем турынен, куроен виштыям дöдды сюресъёс «тыбыр вылаз» улйзы на. Но кытй-отй соосты бызись вуос уретылизы ни. Шурлэн шобретэз тачыртылиз, интыен-интыен губыриос кылдылизы, нош йö öз сөтйськы на, со ай бергес вырзоз.

Мишалэн пулемётчик атаез ожмаськем пальёсын тулыс куашетэ ни, дыр. Кызыы меда ожгарчиосмы тушмонэн кезыт дэриез коласа жугисько? Юрттоно вылэм соослы каргам фашистьёсын ожмаськыны. Кöня куректон, синвуос вайиз дышмон котькуд гурт семье!

— Пулемёт лэсьтоно! — шуак малпанэз лыктйз Мишалэн. — Ас киосын. Куашкам сарай вöзын уть кöня вуж пульёс лошъясько.

Векчи кор пум шедьтыса, Миша чаклаз, кызыы талэсь «Максим» пулемётэзлы гумы пöрмытыны луоно. Сыче

3. Нырысь урокъёс

пулемётэз со школаын суред вылысь адзиз. Э-э, нош питранъёс зокгес корез вандыса лэсьтоно. Соосты, тйни со кыллись зырез вакчиятыса, пумъёсаз бырттоно. Зыр борды кык паськыт пульёслэсь щит юматон, вискытйзы пулемётэдэсь гумызэ поттоно. Одыг ожмаськон интыысь мукетаз пулем ётэз питранъёсыз вылын кыскано. Со понна бордаз тйни со вакчи зок езэз юматон, пумзэ куасалтон, кыскыны каньылгес медло шуыса. Тйни соку пулемётэз зэмос «Максим» выллем луоз, школаысь суред вылын кадъ. Ваньзэ тае малпакуз, пычал тйрлык кылдытйсь усточи доры Роза Чуш-паш вуиз:

— Ма лэсьтыны малпаськод?

— Асьмелэньёслы юрттыны кулэ. Ойдо «Максим» пулемёт лэсьтом, гуртамы тушмон вуиз ке, луоз маин сое жугыны...

Роза агайзэ пумозяз өз но кылзы ни, ма лэсьтыны малпамзэ валаса, со корказе дыбыр-шалтыр пыраз но бычкыен, кисэн вуиз ни.

— Тани, кис но вайи, вуж пульёсысь кортчогыёсты кысканы...

Чошен соос пöсятозязы лумбыт тыршизы. Пулемёт бордазы тачыртон но юматйзы, табере со зэмос пычал тйрлык кадъ куара сётэ. Жомал вакыт ини пулемётсэс (тужгес дуно ваньбур арберизэс) корказе пыртйзы.

Чуказеяз урокъёс бере гурт урамын зырдыт ожмаськон пуромиз. Гера, Витя но Санко пу винтовкаосын но автоматъёсын коркаоссы паласен «ыбылыса» лыкто. Миша сузэреныз, лымы борддорзы сьöры ватскыса, пулемётэнызы соос шоры тачырто. Вошъяськыса: я Роза, я агаез. Сузэрэз «ыбылыку», Миша вылазы лыктйсьёс пала лымы «гранатаос» зйръяз. Но «тушмонъёссы» трогсег вал бере, пулемётэн ыбылйсьёсты жоген котыртйзы но сабизы.

Пулемёт Гералы тужгес но кельшем. Со вормытьясъкыса куриз:

— Вай пулемёттэ! Ми тйледыз вормим, иське, со табере милям!

— Тйляд? Кызбы ай со озы луоз?! — пуштйз Миша. — Тон ачид сыће пулемёт лэсьты ай.

Но Гералы Мишалэн пöseкъямез ноқыће ик өз йöты: войнаын котьку озы: vormемлэсь ваньбурзэ vormисез аслыз басьтэ.

— Пулемёттэ öд ке сёты, мон аслыз Сталинлы чагисько, гожтэт солы гожто!

Мишалэн вожпотэменыз шоканэз ик пытсаськиз.

— Сялай мон Сталинэд вылэ! — кеськиз со. — Мон солэсь уг кышкаськы! Мон ачим солы гожтэт ысто. Мынам атае пулемётчик вал но ожын быриз. Ми сузэреным асьмелэньёслы юрттыны турттйськом.

Ваче пумит вуэм пинальёс ог-огзэс мыжыкен «сюдйзы», ымнырьёссэс лыз-вожен суредазы, нош одйг кылэ өз вуэ.

Їуказеяз ёукна Елена Ивановна, Мишалэсь но Гералэсь лызвож карем ымнырьёссэс синйылтыса, пиослэсь ваньзэ выжыятйз. Мишалэн Сталин вылэ сяласько но солэсь уг кышкаськы шуыса кесяськемез сярись тодыса, дышетйсьсы жöтрес вераз:

— Озы уг яра. Сталин — со асьмелэн быдзым азьвет-лйсьмы, вань калыкёсмылэн атайзы. Со шоры сялад ке — дурыстэм урод уж лэсьтод. Нош Гера зэмзэ но ке Сталинлы гожтэт ыстоз? Соку тон но, Миша, сузэреныд анаед но тюрьмае сюрозы ук. Туннэ ик Гералы пулемёттэ сёт. Керетэмды сярись пал кыл но эн поттылы ни. Вакыт али бугырес уга, пияшьёсы, валалэ сое...

Кызбы-о, пе, Елена Ивановналэсь уд кылзйськы, уката ик, со тйни кыће дырекъясь куараен вераз, малы ке туж шуэрскыса кадь.

— Тон валад-а монэ, Миша? Пулемёттэ сёт, — косйз дышетйсьсы.

Миша жуштйз-лулзйз, ныр улзэ кимышкыныз ёушалтйз но йырзэ мыкырьяз, номыр өз вазы.

3. Нырысь урокъёс

Герка, вирсэртэм, эш шуэ ай ассэ, Миша шоры нырзэ чатыртыса учкиз.

Та учыр бере Мишалы Гера синазькыль тушмон луиз. Сыче ёеч пулемётэз киултйз ук! Миша арня пала Геркалэсь палэнскылйз, соиз пыриськыса вазьылйз ке но. Дыр ортчемья, Мишалэн эшезлы көтжөжез басылаз. Нош пияшъёслэн куспазы азьвыл сямен ик шумпотымон эшъяськон ой вал ни.

4. Гурт улон-вылон

Дулесовое вуэмзы бере нырысетй араз Мишаос скал өз вордэ. Нырысь рос-прос интыяськоно вал ай, со сяна, атайзы ялан гуртъёстй ветлйз, куддыръя кык-куинь нуналэн өз бертылы. Соин ик мемизылы скалэн вырыны секыт йӧтысал, угось музон сюлмаськонъёс но тырмылйзы. Нош йӧл гуртоослэсь басьяно луылйзы, куинь пинальёсты кызыы ке сюдоно, будэтоно ук. Соин ик Мишалэн мумизайиз скал басьтоно ик кариськизы. Нылпиоссылы луыса. Скал басьтыны атайзы Коляен чӧш мынйз. Пудо-животсэ бускель гуртысь вуттйзы. Дуно усиз та ньыль пыдо сюдйсьсы. Со понна скалзы йӧло вылэм. Мемизы нуналаз быдэс ведра нап но ческыт йӧл кыскылйз. Таӹе дуно пудо басьтэмзы пумысен Нургаян өз жалялля, угось пиналь ёсыз табере сютэм өз улэ ни...

Валамон ини, скалэн йӧлыз кыл вылаз. Гуртоослэсь скальёссэс, котькытын сямен ик, нимысьтыз возьмась чакла, луд вылэ нуллэ. Гуртын солэн данэз бадӟым, угось солы адымиос тужгес дуно пудозэс, сюдйсьсэс-вордйсьсэс быдэс нуналлы оско. Соин ик скал возьмасез быдэс гуртэн бырйылйзы. Котькуд кенак я воргорон со понна куаразэс сётылйзы. Кызыы сотэк? Угось быръем мурт кызыы чаклалоз, возьмалоз скалзэс, со бордысь потоз, кӧня йӧл кыскозы. Ваньмыз скал возисьёс пудозэс возьмам понна дун тырон сярысь вераськылйзы: гуразы пыжем нянь, йӧл яке сйль сётылйзы. Со сяна, пудо возьмасьлэн күремезъя, солы юрттыны нуналлы быдэ одйг яке кык адыми ветлылйз. Озыы котькуд скал возись гужем чӧже солы одйг арнязэ юрттйськыны кулэ вал.

Мишаослы но скал возьмасьлы юрттйськыны дыр вуиз. Коля гужемзэ муминыз чӧш колхоз бусыюсын, турын дасянын тыршылйз. Соин ик пудо возьманы Мишалы усиз.

4. Гурт улон-вылон

Пияш талы пумит ой вал, солы сюлоен ветлыны, соин скалъёсты кулэ интые улляса шлачкетыны кельшылыз. Шунды жужаку ик мемиез тыро-пыдо сайкамтэ Мишалэн сюбег пельпумьёсыз вылэ кало дэра пуйы ошиз ни. Отчы колды нянь, куинь огреч но женелик йол пониз. Сюлозы соослэн ой вал бере, атайзы жытазе кызыпу боды вандоно луиз, нош укмыс аресъем пияшлы со укыр секыт потиз. Нёр гинэ кутано вылэм, нош пияшлэн, ылыс бодыез быдэс нунал нуллыны кылдоз шуыса, нодэз өз тырмы.

Чукна юзмыт. Миша атаезлэсь вуж плащсэ но зок картуззэ мумиз дйсяны косэмлы пумит кариське вал, нош табере валаз, малы гурт скалъёсты возьмасьсы котьку но шунит дйсяськыса ветлэ вылэм. Кышноос скалъёссэс азбарысьтызы потто, кудйз-огез куняньёссэс, ошпиоссэс но, нош тросэз — вить-куать ыж-такаоссэс, кечъёссэс. Озы ог сю йыр пудо люкаське но боксыса гурт ыбес сёры люкаське, собере турыно выр-бамальёсы кыстиське.

* * *

1942-тй арын посьтолэзь зэмзэ укыр пось тупаз. Пыд улын куасьмем турын куажыртэ. Улыгъёсысь куакъёс котырысь гинэ пудоос жалем сиён шедьтылызы на. Созэ но лысвуо чукнаосы ке шат.

Вася агай пастух, шунды пыжны кутскиз ке но ини, кутьёсыныз, нинэн кечат-вамат керттэм ыштырьёсыныз турын пөлтй чаштыртыса, плащен но керттэм ыж гон дэре-мен, зок картузэн чупрес вамышъя. Со трос вераськыны уг яраты, куддыръя кылзэ зырен уд бералты. Гуртоослэн верамзыя, солэн кеносаз, пе, шыръёс но уг пырало, сютэм кулэмзылэсь кышкаса. Куанер муртъёс начар улэмзылы жожтисько, шуо, нош Вася агай сыче сям өз возылы, ма, ачиз сярись нокинлы номыр өз но мадылы. Сое каньыл сямо но шудо муртэн лыдьяллязы. Ачиз со пудо өз возылы, кышнояськыны малы ке пөрмытымтэ, таин йирин гуртоосыз азын възьдаськыса улыз. Лякыт сямыз

сое, мукет воргоронъёсын чошатыса, кытй-кытй лябыт, нош куддыръя кужмо но карыліз. Василийлы, Мишалэн малпамезъя но, возьдаськыны номырлэсь вал. Со рос-прос ужаз, гань-гань улйз, вань гуртооссы та воргоронэз гажазы. Маке шат, кышнояськымтэ ке. Ваньмызлы ик парен улыны кылдымтэ ук. Но Василий огназ улэмез понна мур куректылйз, ассэ ачиз тышкаськылйз. Нош улонэз вылэ өз жожтйськылы, кылдэмез сыче бере, ма карод. Инмар сое пал тури вордэм ке, сое со понна уд курла ук. Огназ мөзмыт ке но, чидалод ини, чидан, пе, чигымтэ.

Быдэс нунал Мишаен Василий пудоез возьмазы. Лымшор вакыт пöсен пияшлы плащез чик кулэтэм луиз. Бодыез но секытомиз кадь. Ярам ай, пудо уллё шерос тэле пыриз, лапегесь писпуос öжыт ке но вужер уськыто но пöсь шунды сиослэсь утё. Скалъёс, ыжьёс ву жерьёсы выдыса шутэтскыку, Миша узыё интыез шедьтйз но, көт вылаз выдыса, ческыт сиёнэз кырымен-кырымен ымаз тыриз.

Лымшор бере пудо уллё нош ик луд вылэ потйз но сиськыны öдъяз. Нуназе шорын шутэтскем интызылэсь кыдёке кошкыса өз вуттэ, пудо возьмасьёс выр бамалысь кышномуртэн нылашез синйылтйзы. Борыяло вылэм. Тодмо но лякыт куара кылйськиз:

— Зечбуресь, Василий Егорович!

Вася агай нимын-тулын ваземлы дышымтэ, соин ик огшап пумем кадь сыйлз, собере гинэ куараез потйз:

— Тазалыко луэ тй но, Лена Ивановна.

Мишалэн дышетйсез Тамара нылыныз борыяло вылэм.

— Миша, тон зэмос воргорон луэм ини, Василий Егоровичлы юрттйськод ни бере.

Пияш номыр вазьыса өз вутты, Елена Ивановна шуак чектйз:

— Ойдолэ милемын чош көня ке пуке, уд ке дыртйське.

— Кытчы милемлы дыртонэз, — каллен гинэ вераз Вася агай, дышетйсен артэ пуксиз но, кало дэра пуйызэ

4. Гурт улон-вылон

пельпумысьтыз басьтыса, пыдес вылаз понйиз. — Макем дыртытэк мынйськом, скальёсмы сокем жечгес сисько.

Елена Ивановна пальпотйиз:

— Тй уждэс яратйськоды, луоз?

Вася агай огшап малпаськиз но шуиз:

— Даке, кызы сое уд яраты. Мон пичи дырысен ини пудо борды думемын ук. Гуртмы котырысь вань возьёсты, тэльёсты трос пол лёгай ни, арысь аре, нош одйгез ар мукетызлы ноку но уг укша, ма, нуналь ёс но пёртэмесь. Уть ай, чебер куазед но кыче гань-гань: паськыт лудьёс, ошмес вуос жильырто, тэль пось шундылэсь уте, нош зорыку — зорлэсь, со сяна, ческыт узы-боры, губи кузьма на. Эх, кыче эркын, умой! Нош ужед яратоно ке, со тыныд ноку но уг акылыты, секыт уг поты.

Воргорон дышем сямызья пудо уллё шоры учкиз но веранзэ азыланьтйиз:

— Учке ай, кызы соос мыно: паськыт пазьгиськыса, гань-гань, ог-огзылы уг люкето. Таچه дыръя мынам но сюлэмы каньыл. Милям ужамы но, Лена Ивановна, тодэм но быгатэм кулэ. Палэнысен учкыса, номыр сыче-тачеез өвёл кадъ: пудоез возь вылэ поттйид но — вань ужез. Нош со озьы өвёл ай, — Вася агай картуззэ кымыс вадьсаз жутйиз но, со улысь шундыен пыжымтэ куэз аджйськиз. — Пудоез луд вылын сюдыны быгатэм кулэ. Скальёсты сизьйыр вылэ пырты ай, уката ик лысву дыръя яке зор бере — соку ик тордозы. Соосты нырысь ик азьвылгес нуллэм возь вылэ пыртоно, огшоры турынен сюдоно. Собере гинэ нуро интыосы улляно, жалем турыно возь вылэ валтоно. Нош гуртэ бертон азын шур дуре вуттылоно. Ваньзэ радызья лэсьтоно. Нош скальёсты юнме отчы-татчы нулйид ке, соос шугъяськыны, пеганы одьялозы. Соку ини пыдъёсыд жильдйськымон бызьыллод, тыбырыд сучмытозь пёсялод. Пудоез курадзй-тод гинэ, сюлоед но уз юртты. Котькуд ужын валам кулэ.

Елена Ивановна воргоронэз туж сак кылзйиз, верамез тунсыко потйиз, лэся. Вася агай султйиз, дэра пуйызэ

пельпумаз ошиз но возь кузя кошкись пудо уллёлэн бёрсяз учкиз, о́жытак кожей кукъёсыз вылын воргорон йыг-йыг сылэ, сюбеггес пельпумъёсыз вылысь плащез пертчылэмын. Та возьлэн, бусылэн, тэлылэн, быдэс инкуазьлэн люконтэм люкетэз кадь адске.

Тйни кызыы: кожаськод, гурт улон туж огшоры, кёттэ тырон сярысь гинэ сюлмаськон. Нош уть ай, та пудо возьмась но котырысь дуннеез яратонзэ сюлмаз нуллэ, улон шоры Инмарен сётэм визьмын учке.

Вася агайлэн чакламезъя ик луиз: жыт пал пудоез жалем турыно улыге вуттизы. Скальёс, куняньёс но ыжьёс бадзым тыысь кёттыр юизы но турынэз, сиёмзы потытэк кадь, мылкыдтэк ишкизы. Зырдам куазь пумен сйялскиз, бус вёлскиз, шоканы капчигес луиз. Жоген акшан но матэктиз, иське, пудоез гуртэ нуыны дыр вуиз.

Бертыкузы куакъёслэн нунал чоже шуям куаръёссы бусэн нюромытэмын ни вал. Бус пумен напчиз, уката ик кудгес интыос вадьсын. Нюлэскытй потыкузы, выжыкыл дуннее вуылызы кадь: бусэн возьяськем куакъёс азязы кыче ке тодмотэм пойшуръёс музэн кылдылызы, пияшлэн тыбырыз ик юзыралляз. Гурт адзиськиз но, пудо уллё шаплыгес мыныны одяз. Котькуд скал ас юртэз доры дыртэ, сое, сюдйсьсэ, капка азын кузё кенакез вите, нянь юдэсэн яке убобысьтыз урем жалем турынэн утялтэ.

Бус но, жомал но акшан вакытэз возьязы. Кышноос скальёссэс кыскыны но пинальёссэс шунит йёлын кунояны дырто. Нош Мишалы номыр кулэ ой вал ни. Корка пырыса, атаезлэсь плащсэ гинэ кылиз но, эсьма, пыдкуксэ но куштытэк, гур вёзысь шыкыс вылэ уськытскыса, соку ик умме усиз. Вить часын чукна мемиез сое мырдэм сайкатыны быгатйз. Пияшлэн султэм уг поты, пыдьёсыз тышкaм кадь. Но ма карод, солы эшшо ньыль нунал пудо возьмано на. Бен, та уж капчи вылымтэ, со понна тунсыко но.

Ортчизы со нуналъёс, Мишалэн пыдьёсыз но уг висё ни. Виль сюлмаськонъёс, музон гурт ужъёс сое вите.

4. Гурт улон-вылон

* * *

Мишалэн урамысьтыз пияшъёс нуназе бере вальёсты шурын пылатыны вераськизы. Нош вал утись Ондрей соосты жытазе сизьым часын гинэ, бусы ужъёсысь ваньмыз бертэм бере, пинальёслы сётйз. Пыласькон азын котькудйз пияш солы сюрем валэз пинё вуштонэн суяз, изнэсысь люгыюсты поттылйз. Миша но валзэ вуштйз, музъ емысен тыбырозяз өз сузъы, соку пияш кобла вылэ пуксиз но солэсь сарвылзэ суяз, изнэссэ сыназ.

Ваньзы пияшъёс шурлэн нялмыт ярдураз потйзы. Вальёс чакласькыса вуэ пыризы но юныи одъязы. Пинальёс возъ вылысь ишкем турынэн соослэсь котурдэсьёссэс, чыртыоссэс вуэн коттыса зыразы. Кык час пала соослэн шумпотэм куараоссъ, черекъямзы шур кузя шуккиськизы.

Бер жытазе ини Миша но эшъёсыз вальёсты возьманы мынйзы. Нюк сьёры потыса, вальёссэс сьёлтазы но сиськыны лэзизы, нош асьсэос турын вылэ интыяськизы. Герка кытысь ке шырпы шедьтэм но кытй-мартй тылскиз ни. Умой ик со пияш, сюлмо, эшъёсызлы юрттыны котьку дась. Бен, Мишалэсь пулемётсэ аслыз кариз вал, но со учыр вунйз ини. Гералэн йырсиез чыж-чыж, синъёсыз лызлызэсь, ымнырыз питырес сяртчъ, чылк-чылк. Мишаен со кемалась эшъяське ни. Гогызы ик бурмемын кадь. Огез ма каре, мукетыз сое ик лэсьтэ. Одйг йыртэман я зеч уж лэсьтон соослэн чешентэк өз пөрмылэ. Нош козлокен Гералэсь умойгес шудйсь пияш гуртазы ик ой вал, дыр.

Огпол, урам шорын шудыкузы, олокытысь-марысь куинь аресъем Гриня вуиз. Гольык пыд, дэремпол, котыз мычиськемын (тросгес ву юиз, луоз), погыли музэн питыра. Шудйсь пияшъёс доры ожытак вуытэк, паймыса учке, кызъы бадзымгес эшъёсыз козлокъёсты куяло. Одйг кыл но вераса өз вутты, мумиз усьтыр-табыр кылдйз но, гольык берпалаз чабкыса, пиналзэ китйз жабыртйз, дораз нуиз. Анаез, Насьта апай — егит анай. Ныл дыръяз ай со сярисъ бускелез шуиз:

— Талэсь жеч кышномурт пёрмоно. Мугорын пичи ке но, Їын поттыса ужа, нош кылыз лэчыт шашы кадь.

Али бен та егит кенак кылзэ өз кокалля, колхозын чыр-мыт ужаз, оло, ваньмызлэсь но чупрес.

Бьдзым тылож кутскон азын ай гуртазы солдатыёсты картофка октыны вуттйзы. Ветлйзы, кошкйзы таос, нош укмыс толэзь ортчыса, Насьталэн пиез вордскиз. Та пумысен гуртын курегъёс гинэ ке шат өз супыльтэ. Насьта шоры вань Їыжы-выжыосыз кырыж учкылйзы. Тöлын пельтыса пинал шедьтэм мурт дортй эшьёсыз гинэ но вазьытэк ортчылйзы. Мумиз гинэ сьöлыкам нылзэ, азьвыл мусояллямтэ нунькайзэ, чидантэм яратыны öдъяз. Пизэс яратон шунытсы кышномурть ёсты кыкназэс няськатйз, тылсияз. Мусокаезлы Насьта нырысь яратонэзлэсь нимзэ сётйз. Кенакъёс сое, оло, кыысьтызы ик öй лэзьясалзы.

Гриняз мумиз нуиз но, жыны час ортчиз-а, өз-а, Миша учке но, штантэм пияш кожей кукъёсыныз нош ик урам кузя вамышья ни. Мар ке но туж кулэен. Тани со музын кыллись козлок доры вуиз но сое кутйз, гадь бордаз жиптйз, ачиз лабыртэ:

— Мунё, мынам мунё...

Уг сёт ни. Витя со шоры черектйз:

— Тэшкыли, пон козлокез интыяз! Кылйськод-а, уд-а, тани мон тонэ...

Гриня козлокез уг сёты, зар бёрдэ. Шудонэз кельшем, лэся. Миша кыыныз шонтйз:

— Чок ойдо. Солэн дораз мунёез öвöл, дыр.

Пияшъёс куашетыны öдъязы:

— Ма, кызы-о козлоктэк шудод?!

— Мон солы аслэсьтымзэ сето, — буйгатйз Миша.

Табере бадзымъёсыз пиекъёс урам шорын козлок куязы, нош Гриня вужерысь ожо вылын лы шудонзэ веттаса пукылйз, шудо пальпотылйз.

...Нош уйин вал возьмамзы но тачыртыса жуась тылскем дорын олома сярсысь но лабыртыса пукемзы ваньзылэн

4. Гурт улон-вылон

ик тодазы пыраклы кылиз, вунонтэм пичи дырзэс яркыт суредэн югдытылиз.

* * *

Вал возьмамзы бере кык нунал ортчыса, Миша Витя эшеныз чорыганы мынийз. Витялэн айиз тыложлэн нырысетй араз ик быриз, соин ик пияш анаеныз чошен улиз. Витя шырыт сямо. Дорысьтыз нянь юдэсэн яке пöзътэм картошкаен потэ ке, урамын шудйсь эшъёссэ одно куноя. Аслаз көтыз ялан сюмаса улиз ке но. Сямыз но солэн лякыт.

Миым тыюсысь чорыганы ветлыкузы, Витя бадзым пурись юшез дэмзыйз. Шумпотэменыз быдэсак куалекъяса, Витя чорыгез ярдуре вуттэ ни вал, чорыглэн тыбырыз но вуысь мычиськиз ини, сое шакастйз гинэ кырмыны кулэ на, нош пурись юш шуак вылланы тэтчиз но, визнан сиез чигтыса, ты пыдсы кошкиз. Витя со сёры тэтчиз, жомбыльтыса чорыгез кутыны выриз на но, пайдаез өз лу, шудэз кийсьтыз шупчиз. Ярдуре потйз, сяззиськиз но бадзымъёс музэн кыланы-бураны, жожкыны öдъяз.

Нош туннээ шудзы вылэм, пияшъёслы удалтйз, визнан сизэс чигтымон секыт чорыг сузьетьёс доразы вуттйзы. Семьяоссэс но ческыт сиёнэн сюдыны, көчышьёссэс но гусьятыны тырмиз.

* * *

Тйни озы улон каллен-каллен азылантьйськиз. Ныльдон куинетй ар, гужемлэн пöсь вакытэз. Гуртоослэн зырдыт ужан дырзы. Пичи пинальёс гинэ урамын шудо, ма, соослэн но асьсэлэн сюлмаськонъёссы вань. Мишаен Гера Кам пала вамыштйзы. Пумитазы шöмземъёс но, сазыёсыз но арлыдоос уг суро. Вуз кароннизы дорозь нокинэ өз пумиталэ. Аран дыр кутскиз ни уга. Но туннэ 12-тй пöсьтолэзь, Петров нунал. Дауръёс чоже ини со гуртоослэсь ужзэс куспетй карылиз. Адямиос аран удысазы потозы,

ужзэс ёрьяса вуттозы гинэ — бертоно ни. Петролэз пусйыны. Дулесовоын со аръёсы юондыръёс трос өз ортчытъялэ, нош таче нуналъёсы гуртысьтызы шёмземъёсты адзыны луылйз.

Нырысетйзэ кудзем муртэ пияшъёс вуз каронни вёзысь пумитазы. Татын данак буш ящикъёс, зенеликъёс, пуклэкъёс, пукыса волятэм вакчи коръёс кыллэ: татчы кожасьёс уг бырыло уга. Чапак соос пöлын сьлэ вал пересь Алексей Егорович. Гарамöля, чыртыяз ыргон киросэз шонаське, пал колошаен (мукетсэ ыштэм, лэся). Со доры, вуз каронниысь потыса, бускель урамысь Дуся кенак вуиз, жужыт, чыжыт бамо, пинъёсыз тöдь-төдесь, нош синъёсыз — лыз инбам. Но синъёсыз куд-ог дыръя гинэ лызэн пишто, нош котьку сяменгес бездытэсь, мöзмытэсь луо. Кылыз бен Дуся кенак лэн пушнерлэсь но лек. Тани али но вератэк өз чида ни:

— Возыт өвөл-а тыныд, Алексей Егорович? Учкы ай, кыче-кыче гульккатэмед. Тон пересь адыми ни ук, калык мар шуоз, пиналъёс но тйни шорад учко.

— Дақ мон, Дуся, öжытак гинэ зузи, — пересь мурт шуак бөрдыны кутскиз, пичи пинал музэн. — Тынад улйсед корка тыр, нош мон та дуннеын чылкак огнам кыли.. Кыксэ но пиосме фашист быдтйз.

— Ма, көня-о тазыы кайгу жу вылад аракы кисьталод на? Тынад гинэ куректонэд вань шат? Гуртэти ортчы ай, көня юртэ воргоронъёс öжысь уз бертэ ни.

— Бен, шонер вераськод. Мынам корка сэрегам кык горд кизили шуккемын, кык быремъёсы, нош Лагуновоын тйни одйг песянайлэн корка бордаз быдэс ньыль кизилиез. Э, Дуся, янгыш мон, янгыш...

— Ойдо, келяло дорозяд, — лулскиз кышномурт.

Быдзым тылож озыы но сюлмазы шуккылыз. Тросэз калык пöлын но бусыын огназ сьлйсь писпу музэн улйзы. Öж тöллэн пельтэмез адымиосты улон öрысьтызы поттылыз но сюрес вылысьтызы пешкытъяз уго. Гуртын ог-огзэс чипыен-куреген тодо бере, со тужгес но шöдйськылыз, адскылыз.

5. Тылож — курадзон кож

Мишаослэсь семьязэс скалзы сютэм улонлэсь утылыіз. Ма, бускель пинальёслэсь кӧттыр сюрылытэк улэмзэс адзыса, мемизы соослы но йӧлзэс сётылыіз. Нош кылемзэ йӧлэз, дырын-дырын сюрылысь йӧлвылзэс но Сарапул базаре нуыса вузаллязы. Ӗжыт ке но уксё пыртон вылысь.

Миша анаеныз кык-куинь нуналлы огпол, йӧлын черыкьёсын мешокъёсты пельпумазы жӱтыса, вазь чукна ик Сарапулэ мынылызы. Пияшлы мемиеныз вамышъяны кельшылыіз, угось соиз сюрес вылысен мадылыіз, кыче вал солэн пичи дырыз, кызы улызы революцилэсь азыло, макем яратыса но жаляса будэтйзы сое атаез но пе сятаез. Семязэс сьӧд пилем кадь куректон шобыртэм сярись но вераз. Айизлэн бубиз мулла вылэм. Нош Инмарлы но, Аллахлы но оскисьёсты синазькыль каризы уго. Муллаез, гуртысьтызы тужгес гажано адямиез, пытсэталлям но Алабго тюрьмае келяллям. Озы ик со ышиз-быриз. Мишалэсь Зяйнат песянайзэ но тюрьмае кык толэзьлы пуктыллям. Нокыче сьӧлыкьёссэ шедьтиллямтэ, лэся, лэзиллям. Озы ке но жоген сое коркасьтыз уллаллям.

Ваньмыз та сярись мемиез пиезлы чигиськыса ик мадиз. Миша сое паймыса кылзйз: кызы озы: шуом, песятаез мулла вал, оло, мечете лыктэмъёслы кивалтйсьёс сярись мар ке йӧнтэмзэ вераны шедьтйз, нош малы сыче лякыт, сабырлы песянайзэ тюрьмае пуктоно вал? Но пияш тае пинал визьмыныз валаны ӧз быгаты на ай.

Бен, песянайзы туж оскись вал но Вылысь Инмарез яратон-гажан сямез быдэс семьязылы пычатйз. Котькуд ужзэ со Коранысь кыльёсын кутскылыіз. Мишалэн анаез но соку вазылыіз: «Бисмилляхи Рахим ир Рахман». Коран сураысь (главаысь-йыретысь) та кыльёсты сяна, со мукетьёссэ уг но тоды вал кадь. Вылысь Инмар сярись вераськыны

ёз яратылы ке но, солэн ванезлы оскыса улыз. Кык оскыс кышномуртъёс вёзын будыса, Миша ачиз но оскылыз: Аллах, Мухаммед, Рахман уен-нуналэн сюлмасько, котькуд вамышсэ чаклало, иське, соосты гажано, бур кароно.

* * *

...Яромаска вадьсысен сюрес уллане ваське но пу выж вылтй пичи шур вамен поттэ. Та шурын вуэз котьку сямен ик куреглы пыдын потымон гинэ луэ, оштолэзе гинэ со куашетыса, поръяса бызе, бусыосысь васькытэм сюез ярдуръёсаз шукке. Но али, куазь кёс улэмен, вуэз шурлэсь пыдэссэ мырдэм шобыртыса чуръяське. Выж доры вуыса, татын, вож турын вылын, кёня ке шутэтсконо кариськызы. Пёсь шунды шорын мыныса-мыныса зырдам пыдъёссэс шурын сйятыны, тузонзем ымнырзэс пылатыны.

Шыпытaк но окыт шур нюке васькыса, Миша пылыс турын вылэ ганяк лэзиськыз, сутйсь катаоссэ куштйз но пыдъёссэ вуэ лэзиз, бичатйсь векчи тулкымъёсын пыдчиньяосыныз выретйз. Мемиеныз кема вамышъязы, но сюрессылэсь жынызэ но ортчиллянтэ на, нош Мишалэн азылань мыныны катыыз өвёл ни, пукысал но пукысал ярдурысь небыт турын вылын, мырдэм кылымон жилььртысь вулэсь вераськемзэ кылзыса.

Жытазе ини, базарысь калык пёлын донгаськем, ньыло-нэз кесям бере, та шур дурын шутэтскытэк нокызыы йёныз өвёл. Чашетйсь калык пёлын кузь но пёсь нунал ёже бергаса жадем муртъёслы татын, шыпыт но ганяк интыын, шутэтскыны, каньялак шокчыны, пинь улын куажыртысь нянь юдэсьёссэс кушаны, шур вуэн гылатыны сыче умой. Вуэз но сыче ческыт потылыз, юэмъя юод. Мишалэн ме миез нянь юдэссэ кикур вылаз возьыса сиылыз: одйг пырыез но ожо пёлы медаз кирга. Собере сузьысьтыз ву юылыз но шуре пырылыз, пыдъёссэ сайкытатъяз. Отяз сюрес вылазы, пырак Дулесовоозь, одйг пичи шур но, ошмес но уз сюре ни, тузонэты вамышъялозы, такырзем бусыос вамен.

5. Тылож — курадзон кож

Бен, со кузь сюресэз ортчылыны Мишалы капчи ой вал, но со понна вöаз анаез вамышъяз, дыртытэк гинэ маке тунсыкозэ мадылйиз, нош Сарапулын пияш котьку мар ке вельзэ адзылйиз, тодылйиз. Бертыкузы дас кык иськем кузь өз потылы ни, доре сюрес угось котьку но вакчигес йötэ.

Сарапулэ дышетскыны мынон аязз Миша гужемзэ йöl вузаны огназ ветлылйиз. Соин-а, мар-а Старцев гурезе Юрманкаысен Гудокось тубон, пельпумысьтыз мешокез кык четветлы бушамын ке но ини, укыр секыт йötылйиз. Ярам, отязз сюрес Дулесовоязы уллане нуэ. Куддыр гинэ солы удалтылйиз: валэн уробоен ветлйсьёс учыраллязы, пуктылйзы. Нош котьку сяменгес ик Миша кузь сюресэз пыдын ортчылйиз.

Одйг пол озыы городэ мыныкуз, Яромаска шур дурысь, анаеныз шутэтскон интысьсызы, Миша пияшез адзыиз. Со, пыдъёссэ улаз купыртыса но сюрмем пыдпыдэсьёссэ шунды шоры пуктыса, урдэслань кариськыса пуке вал. Вырзылытэк. Но уг изыы. Синъёсыз мырдэм жильыртйсь ву шоры мöзмыт учко. Та дунне вылын нокин огназ уг улы: тылобурдоос, пöйшуръёс гинэ но. Иське, макем шудтэм, дыр, та пияш, сюрес вöзы огназ питыраса.

Миша пияш доры матэктйиз. Соиз лыктэмзэ өз ик шöдылы. Та ог укмыс аресъем пи тодмотэм маке, Яромаска яке Дулесово гуртъёсысь öвöl, Миша отысь вань пинальёсты тодэ.

— Мар-о пукиськод? Кытысь тон, кытчы мынйськод? — юаз Миша.

Пияш йырзэ но өз берыкты, мырдэм кылымон вазиз:

— Горбуновоысь.

— Висьыны усид-а, мар-а? Кытчы мынйськод?

Пияш сокем жадем-а, мылыз-а өз поты, но өз вазылы, синъёссэ музэ чölтыса пуке. Пельёсыз, чыртыез курмемын, тузонзэмын, шурын мисьтйськыны но катыыз тырмымтэ ни, лэся. Карьянлэн дэремез но гужамын, пöсьтэмын.

— Горбуновоысь?! — паймиз Миша. — Ма, со Нечкино палан, татысен кызь иськемлэсь кыдёкын ук. Огнад шат отын улйськод?

Катьтэмдем пи кёсам ымдуръёссэ мырдэм усьтйз:

— Анаеным улйськом.

— Нош атаед?

— Ожын виизы.

— Кытчы мынйськод?

— Сарапулэ.

Пичи сюресчи шунды жужамлэсь азьло ке но кыдёкысь гуртысьтыз потысал, вазь чукна ик татчыозь вуыны ой быгатысал, иське, со кытын ке сюрес дурын кёлэм. Котырез бордаз нокыче өвёл. Миша пияшлэн кодэктэм ымныраз учкиз но валатскиз: таид чылкак сютэмдем но соин катьтэмдем ук. Со пуйызэ пертчылйз но мемиеныз отчы понэм нянь турижез тйялтйз, йёлзэ поттйз но пияшлы кёттырымоназ юыны сётйз. Вырзизы азьлань. Кык иськемъёс ортчизы но, пияш выльысь сюрес шоры пуксиз. Солы нош нянь, йёл сётоно луиз. Озыы Миша анаеныз солы нуналлы сиськыны шуыса понэм вань йёлзэ но сектаз, няньзэ но сюдйз.

Пось шунды но кузь сюрес кыкназэсты катьтэммытйзы. Каллен ке но вамышьязы. Мишалэн четветъёсаз йёлзэ но чырсага вуттйз ни, дыр. Но соос азьлань но азьлань мынйзы.

Люкиськизы урамъёс вожын сыйлысь Сарапул кар банклен юртэз дорысен, Мишалы бур пала, базаре, кожоно вал, нош пияш Кам пала васькиз. Шедьтйз-а, өз-а со чужанайзэ, ма луиз соин отйяз? Тазэ ини Миша ноку уз тоды.

Тылож вакытэ ваньмыз ик сютэммыса курадзизы. Огшоры зег нянез кёттырымон сиён сярыйсь шудо суред котькудйзлэн малпаназ вужераськыса улйз. Со гужем тросэз пияшьёс векчи чорыгез визнаса яке куалялюльыосты шур пыдсысь поттылйзы но ярдурын ик калай корт вылын пырсатыса сиылйзы. Сылалтэк. Кётсэс алданы гинэ медло.

Нянь туриж понна номыре өз жаляллялэ.

5. Тылож — курадзён кож

* * *

Тылож азын ай атайзы Сарапулэ кошкиз, «Заготжив-сырьё» конторае, гуртьёсысь бичам куоссэ нуиз. Бер жыт гинэ вуиз. Ожытак шомаськыса. Умме усем ныль аресъем нылзэ сайкатиз:

— Роза, учкы ай, кыче мунё мон тыныд вайи. Пырак Москваын лэсьтэмын.

Мунё зэмен ик туж чебер вал: ымнырыз чыжыт, мертчан йырсиё, вылаз кожыё тодьы кофта но юбка, синъёсыз Розалэн кадь ик лызэсь, ма, тусын но со нылашлы укша — тупаны но кулэ ук!

— Та шоры учкыса, монэ тодад вайылод, нылы, — шуиз атайзы.

Дыр ортче. Протазихалэн корказ жоскыт йотыны одяз. Соин ик бадзымгес корка улыны выжизы, Наталья апай доры. Таиз кышномурт сямызья чылкак мукет вал: капчи мылдыдо, лякыт. Лена нылзэ но сычөөн ик будэтиз. Леналы Розалэн мунёез ортчыт кельшиз. Сычезэ ик басьтыны курыса, мемизэ ёртиз. Наталья апай Розалэсь мунёзэ нылызлы вузан сярись көня ке пол кыл поттылиз.

— Ленае мунёдылы укыр синмаськиз.

Нош мемизы, курись муртлы нокыче арберизэ сётыны өз жаялля ке, таяз учыре чутрак пумит кариськиз:

— Уг, уг вуза мунёмес, Наталья. Вождэ эн вай. Атаймы сое фронтэ кошкон аяз Розалы синпельлы кузьмаса кельтиз ук.

Роза та вераськонэз кылиз но, сюлмыз ик гадьысьтыз потымон жугиськыны одяз: нош мемиез, шырыт сямызлы луыса, солэсь одйг гинэ мунёзэ Леналы сётиз ке!

Жоген укыр секыт дыржес вуизы. Ныльдон куинетй арын гуртын чидантэм югдур кылдиз. Зоржес өз усе но, юос тысьсы вуытэк чужектизы. Мишаослэн шыд пöзътыны картофказы но ой вал. Одйг пол Роза мемизылы ачиз вазиськиз:

— Анай, ойдо мунёме Наталья апайлы сөтом. Нылызлы со туж кельше ук. Нош со понна асьмелы ожыт ке но картошсэ висъялоз.

Анайзы валаз, макем сиёмез потэ Розалэн: эсьма, солы яратоно мунёеныз шудонэн йырин ик өвёл, былъырам синвузэ Їушалтйз но кузё кенаклы ёектйз:

— Розае мунёэ ачиз тйледлы сётэ. Басьты сое Ленаедлы. Нош милемлы со понна кёня ке картошкадэ вай.

Наталья апай гулбечысьтыз кык бадёым ведра поттйз но Мариялы сётйз. Озыы кышномурт пинальёсыныз куинь арнязэ ёжыт ке но кёттыр улйзы.

— Будй ке, мон тыныд тачак сыёе мунё басьто, — Миша сузэрзэ буйгатйз.

— Пель угыос но-а? — пальпотйз Роза.

— Зарниоссэ, — оскытйз агаез.

Тйни озыы нылашлэн атаезлэсь синпель кузъымез мурт кие кошкыз. Со понна Мишалы айизлэн горд сурон янчикез кылиз. Синчеберзэ кадъ та синпелез утиз, быдэс улонзэ. Али но сое, атайзэ буре вайыса, кияз кутылэ.

* * *

Кызы ке одйг пол анаез Мишаен ёош нош ик базаре ветлоно кариськыз. Йёлын четветъёсын дэра пуйыоссэс пельпумазы ошыса, вазъ ёукна, шунды сутыны кутскытозь, тодмо сюрестйзы Сарапулэ вамыштйзы. Та рад соослы паймымон удалтйз: йёлзэс туж ёог вузазы.

Сйзъыл Мишалы, агаезлы сямен ик, Сарапулысь школае ветлоно луоз, угось гуртазы нылетй классозь гинэ дышето. «Тани дышетскод но адямие потод, — шуылйз анаез. — Инженер яке дышетйсь луод».

Йёлзэс вузамзы бере мумиз, Мишалы номыр вератэк, вуз карон ёёкёс доры вамыштйз.

Сарапулын кемалась дырёёсысен ини кулэсь пыдкучан вурылйзы. Нош али татысь пыдкук поттон фабрикаын, ожгарчиослы сапегёс сяна, парсь кулэсь зёк но шадра вылйё ботинкаос вурылйзы. Таоссэ но сандалиосты базарысь ик пу лавкаосын вузало вал. Нош Мишалэн мемиез отчы ёз пыры, аслаз вурем ботинкаосыныз но сапегъ-

5. Тылож — курадзон кож

ёсыныз вуз карись өлексы воргорон вёзы дугдиз. Миша со пиосмурт шоры көбераса учкиз. Өлексы мурт лапег пукон вылын пуке вал. Аяз, кыжмем зустари вылын, көня ке куз сапегъёс сыло, чилязозязы сузямын-маллямын. Чужектэм мыйыкез улысь пёлы зокта тамак пумез чындэ. Но Мишаез мукетыз юзыратйз: воргоронлэн пал пыдыз ой вал, со интые штан кукысьтыз зыр зокта вёлэм пу мычискемын но пырак Миша шоры мертамын. Бездэм гимнастёркаен, тугаськем но пештырськем кузь йырсиё воргоронлэн быдэс тусыз возматэ: тани со ожмаськиз, тазалыксэ, эсьма, мугор люкетсэ но ож лудэ кельтиз, нош табере ассэ сюдон понна пыдкук вуроно луэ.

Мишалэн мемиез трос өз бырйиськы, дун ласянь өз тэргаськы, пиезлы пыдызъя чебер сапегъёс (өжытак бадзымъёссэ, толалтэ урдэг, ыж гон пыдвыльёсын мед тэрозы шуыса) басьтиз но дэра пуйыяз лачаз. Мишалы валэктиз: та сапегъёссэ сйзыл гинэ, Сарапулэ дышетскыны мынид ке, кутчалод.

— Нош али вуж сандалиосыныд ик ветлод, — шуиз.

Гудырикошкон толэзь шөдтэк шорысь но жог вуиз. Куартолэзьлэн нырысетй нуналаз Мишалы Сарапул каре дышетскыны мыноно, агаеныз чош улоно. Та нуналлы дасяськыса, городэ нуоно вань котырзэ бырйиз, учкиз, дйсьсэ көня ке пол мерталляз. Нош одйг пол со, Гера но Витя азын ушъяськыны шуыса, вань дйськутэныз ураме потйз.

Эшьёсыз тунсыко ужен выро вылэм. Кузь но зок пужым бодыос борды пыд пуктон пульёс кортчогаллям но турикукъёс пөрмытиллям. Табере соос вылэ пуклэк вылысен султыса ветлыны курадзо. Таچه шудон ужез соос алигес гинэ нырысьсэ малпаллям ай. Мишалэн но турикукъёс вылын ветлэмез туж потйз. Таин валче со ваньзэ вунэтиз: базаретй муминыз ветлэмез но, чилясь виль сапегъёсыз но, начар улон кысюссэс куръяса-куръяса, соосты басьтэмзэс но. Гералэсь турикукъёссэ

куруса, Миша пуклёк вылэ тубиз но пыд пуктонъёс вылэ выль сапегъёсыныз султйз. Турикукъяёлэн бодыоссы секытэсь выйллям, Миша соосты пыдъяёсыныз ёош жутыны өз быгаты, кукыз омыре ошиськиз но, пияш музэ салиськиз. Озыы кёня ке пол. Нош дугдыны тодаз но уг лыкты, йыраз одйг гинэ малпан: кызыы озыы, эшъяёсыз турикукъяёс вылын ветло, нош со уг быгаты. Миша выльысь но выльысь усыйлйз, турикукъяёс вылэ султылйз. Нунал пумын гинэ соосын ветлыны йёндыриз.

Нош выль сапегъёсыз учконтэм луизы. Ныръяёссы кёня ке интыостй пилиськылйзы, нош урдэсьёссы, турикук бодыос борды зыраськыса, съёд буёлзэс пурисеныз воштйллям. Жытазе мумиз, Мишалэсь сапегъёсызлэсь пилиськем интыоссэ тэки тэн зыраса ватыны курадземзэ адзыса, пизэ «кызыпу жуken» ёжыт гинэ өз сюды. Кёня ке басыласа лулзиськиз:

— Сыёе жеч сапегъёсты сурыкмытйд. Табере школае пёсьтэм пыд кукен ветлод ини. Нош ми, кётмес но тырытэк, тыныд соосты басьтыны уксё люкам вал.

Таёе пыкылон кыл Мишалы тужгес но вёсь йётйз. Тодэ ук: анайзы кёттыр улонэз өз тодылы, аслыз номыр дйсь но өз басья — ваньзэ пинальёсызлы сётылйз, пинальёсыз понна улйз.

Табере Миша, школае мыныкуз яке гуртысь городэ потыкуз, сапегъ ёссэ кутчалляз но котьку ик анаезлэсь лулзыса пыкылэмзэ тодаз вайылйз: «Ми, кётмес но тырытэк, тыныд соосты басьтыны уксё люкам вал...»

6. Курадзѳн но оскон

Быдзѳым тыложлѳн куинетї сїзбылѳз но вуиз. Котырак шыпыт. Гурт вѳзысь кызѳпу сурдѳѳс чѳуж-чѳуж пишто, лемлет тылын пипу арамаос гомало, куарѳѳс чаштыртыса усѳ ни. Бергаса-бергаса соос васько но сїяса вуттымтѳ музѳемез шобырто.

Выль чѳукна югектїз но, шунды жѳужатозѳ ай Кам вылысь сыче нап бусѳз вуттїз, бускель юртѳз но адзѳыны уг луы вал. Нап бус пѳлын скальѳслѳн бѳксѳмзы, атасѳѳслѳн чорѳямзы, адями куараос но гуысь яке шобрет улысь кадѳ кылїсько.

Бен, гужем кошкиз. Малы ке но сїзбыл, мукет ар вакытѳѳс сярыйсь, котьку жѳоггес лыктѳ. Нош ик школае мынон дыр вуиз.

Ныльдон куинетї арын куарусѳнлѳн пумаз куазѳ зоро улїз. Кык арня дышетскемзы бере ванѳ пинальѳсты колхоз картофка октыны ыстїзы. Картофкаез фронтлы дасянѳз туж юн чаклаллязы, соин ик та уже пыд йылазы ветлыны быгатїсь ванѳ гуртоосты поттылїзы. Картофка копаны, уката ик сое вылад нуллыны капчи ѳвѳл, озы ке но адямиос жѳутскем мылкыдын тыршизы. Россиын картофка — со кыкетї нянь. Сое тырмыт дасяд ке, иське, толѳз сютѳм уд поты.

Жоген чѳужкушманѳз октон дыр но вуиз. Колхозын со улѳ бадзѳым бусыез висѳяллязы, угосѳ та бакча сиѳнѳз фронтѳ келян план но пичи ѳй вал.

Дулесовоос куинѳ нунал чѳоже чѳужкушманѳз кусѳѳссѳс шонерѳятѳк бичазы. Собере кубиста чѳогон дыр вуиз. Озы пинальѳслѳн дышетсконазы быдѳс толѳзѳ вис вуиз.

Та аре лымы вазѳ усиз, октябрь праздник нуналозѳ ик музѳемез шобыртїз. Собере пелляськыны кутскиз, сурѳсѳѳс букосаськизы. Гуртоос Камлѳсь кынмемзѳ ви-

тизы. Шурлэн паллян палаз турынзы бадӟым кабанӟёсы сюремын. Сое зӧк йӧ вылтй гинэ вал дӧдьыосын тапала поттылыны луоно. Толсурлэн кутсконаз колхозысь дас лэн дӧдьыен пиосӟёс но кышноос шур сопала потйзы. Соос кӧня ке нунал куспын турынэз пельскись куазен, букосӟёс вылтй ферма доры вуттйзы.

Гуртоос малпазы вал, колхоз пудо­лы сиён ворттэм бере соослэн но пудозылы турын вайыны вал сётозы шуыса. Нош Мишаослэн семьязылы вал ӧз донгиськы. Соин ик бускельзылэсь кийн кыскан дӧдьызэ куризы но отчы кыткиськизы.

Нюлэскысь лымы син вӧсь луымон тӧдды. Со туэ куакъ­ёсты йылозязы ик согем. Возьёс вылэ вуизы. Отын-татын сылйсь векчи писпуос пуштрес изыыос дйсьяллям. Кудйз туж бадӟым губилы укша, мукетыз лудкеч кадь, куинетйез адями мугор выллем.

Возьёс сьӧрын сьӧд нюлэс сылэ. Толэн чебермамын. Чус кӧлэ, кезыт чынкытэн, гӧрен биняськыса. Шунды шорын чильыр-вальыр кисьтаськись букосӟёс вылазы погыл­ляськыны ӧтӧ. Нош погыл­ляськыны дыр ӧвӧл ай. Тол нунал вакчи. Турынэз дӧдьые жӧггес тыроно. Та ужез быдэстыны капчи ӧвӧл, угось зурод доры мур лымыетй мыноно, гуштылыса-гуштылыса турынэн дӧдьыез сюрес вылэ поттоно. Одйг чумолӧ мында турын тырыса но сое кечат-ва­мат керттылыса, дӧдьые кыткиськизы. Коля но мемизы дӧдьыез гозыосын кыско, нош Миша берласянь донге. Пияш синтйз тыл потымон пычкиське, вакчи пыдъ­ёсыз выӧ, кышъям гын сапегъёсыз лымые кылыны туртто. Куддыръя со усе но, мемиеныз агаезлы соку уката секыт йӧтэ. Сучсуч пӧсяса, турынзэс кызы но озыы сюрес вылэ поттйзы. Табере ини дӧдьызы капчиенгес гылзиз.

Юг-тӧдды лымы синмез мальдытэ. Лызалэс чиясь сюрессы, Кам вамен потыса, вырйылэ тубе. Отын пеймыт борддорен нюлэс сылэ. Котырак шыпыт. Уд но малпа,

6. Курадзон но оскон

уйин вистэм-вожтэм жобаськиз шуыса. Дөдды скульёслэн зикиртэмзы гинэ кыдёке чузьяське.

Арня нуналлы гинэ бертылэм Коля Сарапулэ кошкиз. Со туэ сизыметй классын дышетске ни, соин ик трос лыдзиськоно-гожьяськоно луэ.

Мишаен Роза но дышетско. Школаязы кезыт, выжьёсты миськись Нюся апай гурез дугдылытэк эстэ ке но. Доразы но кезыт. Пур келян дыръя дасям пузы быре ини. Соин ик куинь-ныль писэн гинэ гурзэс эстылйзы.

Толшоре мемизы нюлэскы ветлоно кариськиз. Бускельзылэсь дөддызэ курыса, Миша анаеныз пу дасяны мынйзы. Тэле вуыса, пограм кызьёслэсь зок вайёссэс кораса но дасо пала вакчи корьёс вандыса, дөддыязы тыризы. Мур лымыетй пузэс кыскыны кема курадзизы. Мырдэм но кызы пичигес вырйылэ тубизы но, син азязы паськыт-паськыт бусы усьтиськиз, со сьёрын гуртысьтызы коркаос мурьёосынызы чындо.

Дулесово гурт бадзым өвөл, ог куатьтон корка. Али со лымые выемын но шур дурысь вырйылын будйсь нюлэс вöзын ик аспөртэмлыко чебер адзиське. Чындйсь мурьёосыз но, вадьсысьтыз шунды но, татчы, куинь иськеме, кылйськись пуны утэмьёс но — ваньмыз со выжыкыл дуннеысь кадь.

— Чида на, пие, дорозямы кыдёкын өвөл ни, жоген вуом, — мемиез Мишаез буйгатйз. — Юнме уг шуо ук: мае тыршид, сое сиёд.

Тйни сыче секытэсь вал ныльдон куинетй арлэн тол нунальёсыз.

Улон котькыче секыт медло но, отын но шумпотон сиос одйг-ог воректылйзы, мар ке зечез вуонлы оскон мылкыдъёс жужаллязы. Ма, улонэз яратиськод бере, сое уд курласькы. Ялан сютэм улэмед но школаын, дорад кынмемед понна но, вылад йөн дйськут дйсяны юнме оскемед понна но...

Одйг пол Мишалы выль дйсь дйсяны кылдоно вал, но солы ёз донгиськы. Кызбы ке тулыс мемиез йёл вузаны Сарапулэ кошкыз. Калыклы юрттэт сётонья ужьюртэ но солы пырано вал. Куддырья отын оже быремьёслэн семья-оссылы сиён-юонъёс яке дйськут но сётылйзы. Соосты кунгож съёрысь адямиос ыстылйзы. Тыложен сэрен воргоронтэк кылем семьяослы юрттон вылысь.

Миша ньылетй классын дышетске ни вал. Огпол со адъиз, кызбы вал сюдйсь Горд Пантьй, кисыяз кёня ке пыры кылем тамаксэ коръёс вискысь жуйыен сураса пичи газет юдэсэ бинялтйз. Урокъёс вискын Витька солы школалэсь палэнын сылйсь кыче ке пу юрт съёры ветлыны чортйз.

— Ойдо асьмеос но кыском, — ёектйз со.

Мишалы тамак ёынлэн зыныз чик но уг кельшы вал, нош эшезлэн ёектэмезлы пумит кариськыны ёз дйсьты: зырымесь, тамак кыскыны но кышкаськод на, шуоз. Миша эшез кыись пичи газет юдэсэз басьтйз но кор вискысь кыскам жуйыез отчы бинялтйз. Воргоронъёс сямен пуркетыны ёдъязы. Зэмзэ вераса, та йыртэмамзы Мишалы ёз кельшы: курыт ёын нырез, ньылонэз сутэ. Кёня ке гинэ кыскыса вуттйзы но, сэрег съёрысь Роза кылдйз. Ымаз тамакен, ныр пыртйз ёын лэзьясь агайзэ адъыса, визьтэммем кадъ кесяськыны кутскиз:

— Возьыттэм! Шузи ёын куды! Меми вуиз ке, тамак кыскид шуыса чагисько. Йётоз тыныд соку.

Тамак пумьёссэс лёгаса, ёыж ёыжектэм пиос школае берытскизы.

Жытазе мемизы шукуырес вельвет штан вуттйз. Сыче штан — выжыкылысь дйськут! Басмаез небыт, шунит, кисыосыз чияльсь тэчетзамокъ ёсын ворсасько, кукъёсаз но соос быдэн кык вуръылэмын. Мемиез Розалэсь чагиськемзэ кылзйз но вожпотыса шуиз:

— Озы, иське. Мар бен, тыныд та штанэз нуллыны уз кылды. Мон сое сиёнэн вошто.

6. Курадзон но оскон

Выль штан солы өз сюрэ но школае эрезен ветлоно луоз шуыса кӧтжожамез Мишалэн жоген ортчиз. Вылаз ик, семьязэс бадзым кайгу зйбиз. Ваньзылэн яратоно скалзы тулыс пал гид ӧс янак улысь гопе йырзэ донгем но сюрӗсыныз дэмзэм. Гидэ сюрон понна ӧсэз усьтыны Миша но, мемиез но, юрттыны лыктэм бускельӗссы но ӧз быгатэ.

Тодйськом ук: визь-кенеш сӗтъяны ваньмыз яратэ. Огез бускель кенак ӧсэз тйяны чектйз, мукетыз — корьӗсты гид пушкы донгыны но, отчы пырыса, скалзэс быжтйз кыскыны. Кырыз ымо бускельзы, Сашка агай, таӗе нодъямьӗсты вазылытэк кылзйз но, тйр курыса, гид липет улэ тубиз. Вӧлдэт пулзэс жутыса, гид пушкы пыриз но скалзэс кыскыны выриз.

— Ма, нӗшто сое ноказыы кыскыны уз лу? — чабкиськиз Клава апай бускельзы. — Тон сое сюрӗстйз, сюрӗстйз кыскы.

— Дақ солэн сюрӗсыз янак улын кугзамын.

Скаллэсь йырзэ поттыны ноказыы уг лу. Озыы, тазыы карыны косйсь ӗс тырмыт ке но вал. Соку Сашка агай аслэсьтыз чӧгиз: скалзэс вандоно яке со ачиз кулоз. Мишалэн мемиез куалекъяны ӧдъяз: семьязы скалтэк сютэм кылзэс ук!

— Ма, кызыы ми скалтэк уломы?

Нош ма кароно на таӗе югдуре, нокин номыр ӧз вера ни. Мария гидлэсь пичи укнузэ поттйз но Сашка агайлы пурт сӗтйз, ымдурӗсыз сыр куалекъяло. Нош нокутчы уд пыры, кылдэмзэс уд ортчы, шуо. Скалзэс вандйзы. Сйльзэ сельполэн гуртысь лавкаяз нуизы но кӧня ке ящик кабак винаен воштйзы. Со дыре отын уксӗзы но, мукет вузӗссы но учыраллянтэ. Бӧрысь воргоронӗс кышнооссылэсь лушкемен Мария доры чемысь пыраллязы гочатйсь вуэн зенеликӗссэ басьяны.

— Маруся, вай али одйг тӧдыы йырозэ, жадим, кынним эшьӗсыным. Пичильтык шунском.

— Ма, кышноед тышкаськоз ук. Монэ но, тонэ но.

Нош воргорон тэлымырыса вож куинь манетлыксэ мыче. Маруся бен валалляз умойтэм ужамзэ, нош кема пумить-яськемез өз луылы. Воргорон пальпотыса эшъёсыз доры кошкылйз. Со понна куинь манет вёзы куинь манет — пинальёсты сюдыны-дйяны уксё люкаськылйз.

Но семьязы йёлын-вёйын сюдйсь скалзытэк кылиз.

7. Тыложлы пум

Наталья апай дорын улыкузы, Миша одиг йӧспӧртэм вamyшeныз абдpатӧз.

Мемиез гур азь палан пуке но кут кута вал. Пинальёсызлы угось пыдазы номыр поныны ни, нош куазь сӧзьыла. Маруся, кут кутаса, нин шияюсты бергатэ, солэн кутьёсыз туслыесь, жикытэсь пӧрмылӧзы. Кутьёсын соку быдэс гурт ветлӧз, пичиос но, бадӓымъёс но. Таӓе пыдпононлэсь нокин ӧз возьдаськылы, угось ваньмыз огкадь сютэм-дӧйскуттэм улӧзы-вылӧзы. Маруся апай гын сапег но гындыны быгатылӧз, чебересь, пыдъя. Чосонка соосты шуылӧзы, кинлэн сооссы вал, туж моторъяськылӧзы.

Тӧни озьы кутаськонъяз мумызы Мишаез пыкылӧз: тынэсьтыд милемлы чидан гинэ усе, гуртсылы но, семьязылы но. Таӓе курламлы чидатэк, Миша тыл кадь ӓжжектӧз, мумизлы пумит лек кыл вераз. Мемизы, пинальёссэ сюдон понна берпум кужымзэ сӧтӧсь кышномурт, гомӧиз, пизэ нин шияен шлаккетыны ылаз вал, нош Миша палэнскыса вуиз, нин мемизлэсь мукет кизэ пульсатӧз. Коркась пегӓыса, пияш мунчо сӧрег сӧӧры ватӧськиз. Курыт синвузэ ӓшалляса малпаз: «Кошко мон татысь, дорысьтым, Куедаысь Сара ӓжжкенаке доры шонто. Отын Сахабутдин нюняй, фронтысь бертыса, вуз каронни возе. Соослы юртто, дорам ваньмызлы люкетӧсько гинэ бере. Асме сюдыны быгато», — малпаз Миша. Вожпотэменыз юртсы шоры огпол но учкытэк, со тодмо сюрес вылэ потӧз, йӧназ дӧйсьяскытэк, пыдкучантэк. Кисыяз одиг коньытэк, куртчоно нянь юдэстэк. Пӧзись мылкыдыз сое дорезлэсь кыдӧке но кыдӧке нуиз.

Карозь со жӧг вуиз. Жадиз. Шурысь ву юны пуксьылӧз ке но. Чугун сюрес вокзалозь вуиз. Вагон вылэ пуксиз, Куедае нуисяз. Поезд дыбыртэ, иськемъёсты лыдъя. Ми-

шалы липет вылын кыллыны умой вал: ыркыт омыр, музейем эгыр зынэн сураськыса, пияшлэсь мылкыдзэ сабыратйз. Кётжожьёсыз, дорез сярись малпаньёсыз ёртйзы. Шонер-а со лэсьтйз, тазы пегзйса. «Асьсэос ик жалялозы ай», — аслыз шуиз со.

* * *

Янаулэ поезд уйшор вакыт вуиз. Бадзым станция. Сое Миша анаеныз кёня ке пол ортчылйз ни, їужкенаксы доры Куедае ветлыкузы. Татын поезд кема сылэ: паровоз воштйське, ву басьтэ. Тани со йыг! карыса дугдйз. Миша, зубектэм пыдьёссэ ёжытак улзйтон вылысь, вагонысь васькиз но вокзалэ пыриз. Кётыз сьёе сюмамын, эсьма, чутырья ини. Буфетын пож ву кадь чай сяна ёвёл, сое но басьтыны кисыюсысьтыз векчи укёё ёз шедьты. Перронысь быректэм ву ке но шедьтоз шуыса, выльысь педло потйз. Съёдэктэм кирпич будкаысь корт гумыетй виясь пёсь вуэз їизатыны мынйз. Нош чугун сюрес дурын сылйсь милиционер Миша шоры кырыжак учкиз но со пала вамыштйз. Пияш дыжам дйськутэн, шайтан кадь кариськемын, паровоз їынэн съёдэктэмын, сакланы вуттйз: сое али кутоз. Вагонъёс валлин бызьыса кошкиз, питранъёс вискытй пегзйны шедьтоз шуыса. Нош милица адями таёе югдурьёслы дышем мар ке вылэм: Миша адзйз, кызы со, е бордаз думем наганзэ пал кйныз возьыса, тани-тани сутоз. Вагон ултй потыны ёз ке вутты, кырмоз. Та вие бур палысьтыз лапег кенерез адзйз, со вамен тэтчыса потйз, мудэт уллане питыраз. Милица ассэ курадзйтыны ёз малпа, пияш сьёры ёэ тэтчы. Нош поезд кеськиз но каллен вырзйз...

* * *

Уйзэ Миша кыёе ке писпуос улын ортчйтйз. Татын электротыл уг їуа ке но вал, отысь скамья вылэ выдыны ёз дйсьты: милица кырмиз ке? Куакъёс пёлын їонгыраса,

7. Тыложлы пум

Зардыку ини берен чугун сюрес пала мынйз. Свердловск пала поездъес кема дыр чөже ой вал. Вузъес нуись ёсыз дугдылытэк кошкылйзы. Мишалэн сием потэ. Перрон вёзысь базарын калык гужгетэ ни. Нош нянь юдэс, пичи гинэ картошка курыны возьыт. Жож мылкыдыз өжытак басылаз, табере со валаз ни, дорысьтыз пегзыса, янгыш лэсьтйз. Нош кызы со чужженакезлы но Сахабутдин агаезлы пегземез сярись вералоз? Дораз ик бертыса умойгес луоз, дыр. Мумиз сое ноку но еэн өз шобырья на, али но пегась пизэ валалоз. Ма, чок, йөттйз ке но. Мишаез тышкаськыса, со шонер ик лэсьтйз ук. Э-ке-кек, йырад кеньыред өвөл ке, жук сиыса уд пырты ни.

Ойтөд ини, кызы со, кык уй-нунал изьымтэ, сютэмам пияш, поездын берен бертйз, гуртозяз пыдын мынйз. Тазэ ачиз но уг тоды ни.

Дораз, валамон ини, Миша ышем пумысь туж сүлэм-шугьяськызы. Роза, яратоно сузэрез, агайзэ утчаны кулэ шуыса, анаезлы вазиськыз, нош мумиз вожпотыса вераз:

— Кызы кошкыз, озы ик вуоз! Эн тэтча, пук интыяд!

Нылаш чөгиз, нырзэ кыскаса палэнскиз.

Мишаез зыгырьяса өз пумиталэ. Мумиз, пал кыл но вератэк, солэн ныр улаз пырсатэм картошкаен миска пуктйз. Пияш көня ке пуньы копыштйз но, сиёнэзлэсь шөмзэ но валаса вуттытэк, валесэ бекырскиз. Чукна гинэ со мемиезлы Янаулэ вуылэмез сярись мадиз.

Мумиз, визьмо кышномурт, пизэ одйг кылын но өз пыкылы. Оло, таин валче но Миша уката өпкелиз. Эсьма, еэн мед зезёзы, пе, вал.

* * *

Виль дышетскон ар кутскиз. Малы ке но доре ужъёс трос сётъязы. Бер жытозь пукылоно луылйз. Анаез Мишаез, шудон пöлысь ишкалтон понна яке зэмен но школаын утялтйськыны юрттон вылысь, чемысь сьöраз басытылйз. Со партаос вылысь газет юдэсьёсты, сиёнюон

бинялтон кагазьёсты (пинальёс угось отчы соку гождьясь-кизы) бичалляз но тузонэз кёс зустариен чүшылйз. Миша со дыре, кымыссэ кисыртыса, доре сётэм ужзэ быдэсь-яз. Дышетйсез, Елизавета Павловна, дышетскисьёслэсь тетрадьёссэс лыдзйлйз. Тани со малы ке но йырзэ жутйз но шуиз:

— Ой, Маруся, та Мишаед тыныд йыр висён кузьмалоз ик, ялан мар ке но эрказьяське. Даурзэ тюрьмаын медаз ортчыты вылэм.

Дышетйсезлэн тазыы верамысьтыз Мишалэн сюлэмыз ик шугектйз, мугорыз пумиз. «Малы тй монэ озыы, Елизавета Павловна? Мар понна?» — гуньдытйсь юанзэ мырдэм ньылыса малпаз Миша. Нош пал кыл но өз поттылы. Мумиз кот зустаризэ уськытыса чабкиськиз:

— Малы тй озыы шуиськоды, Елизавета Павловна? Кыззы озыы вераны кылды берыктйськиз? Уз, со мынам ноку но тюрьмаын уз пукуы. Со мынам лякыт, жеч сюлэмо пияш, нокинэ вёсь уз кары. Бен, ми куанер улйськом, но со али, нош дышетскиз, пыд йылаз султйз ке, асьмеос ай соин сыче-сыче даньяськом.

Мемиезлэн та кыльёсыз Мишалэн быдэс улытозязлы тодаз усизы но кыззы улыны-вылыны косон выллем луизы. Институтын дышетскыкуз но, армиын дыръяз но, ассэ сюдыны-дйсьяны быгатыса улыны кутскемез бере но.

Ма, Миша сокем ик зйбыт пияш ой вал. Йыртэманы со быгатылйз. Но кинлы ке лексэ возытэк. Соин но, дыр, эрказ пизэ мемиез ноку вёсь өз карылы.

Миша тодаз вайиз, кыззы соос мемиеныз, одйг пол Сарапулысь бертыкузы, кар пумысен ини, Старцев гурезь йылысь вуз каронние пыризы. Отчы соос ноку өз кожаллялэ на вал. Ойтёд, малы та рад пыризы. Мумиз кузь сюрес вылэ потон азын пиезлэсь мылкыдзэ жутыны малпаз-а меда яке сое, йёлзэс умой дунын вузаны быгатйзы бере, ожытак шумпоттыны ылаз-а. Пичи гинэ вуз каронниын калыкез ой вал. Жажыос вылын дильдыез шыр виятйсь

7. Тыложлы пум

зыно чорыгъёс, нянь сукуриос кыллё. Нош пияшлэсь синъёссэ тужгес но чиясь кагазъёсын биням кампетъёс кыско. Но анаез солы кагазэн бинямтэоссэ, ньыль сэрегооссэ басьтйз. Одыг кырым. Вöзас — куинь преник. Чылкыт ныркышетэ бинялтыны косйз. Сое мумиз каре мыныкузы кисыяз понылйз, нош отчы зырымаськыны өз лэзьылы.

— Преникъёс котькуддылы быдэн одйг. Нош кампетэн ваньмы ёш чай юом, — шуиз анаез.

Мишалэсь сюлэмзэ ёабыштйз: «Аслыз но песянайлы преник өз басьты, милемыз, пиналъёссэ, сюдыны коньдонзэ шыръя».

* * *

Тылож бырем сярысь ивор гуртэти та шуытозь вöлмиз. Али гинэ нырысетй май праздник ортчиз вал. Пиналъёс чидатэк витизы ни гужемез — чорыганы, вал вазьманы, губияны, узяны-борыяны. Укмысэти куартолэзе дышетйсьсы синвуаськыса ик ивортйз: радио пыр, пе, Вормон сярысь веразы.

— Мынэ ай, мусоосы, бертылэ, дйсьтэс воштэ но берен школае лыктэ. Урокъёс туннэ уз луэ, Вормонмес пусъём.

Пиналъёс усьтыр-табыр бертылйзы, йöнгес дйсьсэс (кинлэн кыче вал ини) дйсьязы но школа азбаре люкасыкызы. Ваньмызлэн азыпалазы Витя Карнауховез султытйзы, ёж-горд флаген. Со бёрсы — барабанэн Мишаез. Солэн паллян палаз — пионер горнэн Гера Самохвалов султйз.

Пиналъёс Вормон сярысь иворез ялэм но быремъёсты буре ва йыса чалмыт сйлэм бере горнлэн шудэмез но Мишалэн барабанэн тачыртэмез улсын гурт урамъёсти ортчизы. Йыг-йыг вамышъязы, та каргам тыложын соос но вормем музэн. Ожысь пал суй, пал пыд вуэм воргоронъёс капка азьёсазы пушсы тырыса сйлйзы, кышноос синъёссэс кышет пумынызы ёушылйзы.

Осто, азыпалан шудо, шулдыр нуналъёс витё. Мишалэн анаез та нуналэ ваньзэсты ческыт сиёнэн сюдйз.

Гуртэ выль улон вуиз. Ожмаськонын улэп кылем воргоронъёс бертйзы. Соос дэмен люкаськылйзы, юндыръёс ортчытъязы, жож но шулдыр кырзаныёс гурлазы. Гуртысь кышноос ёемгес пальпотыны ёдъязы. Нош Мишалэн атаез ноку уз берты ни. Со трос эшъёсыныз ёош пыраклы ватэмын Орлов улосысь Ульяново гурт доры.

8. Сарапулын улон-вылон, чидан

Мишалэн улоназ но воштійськонъёс вуизы. Дулесовоын покчиослы гинэ школа вал. Витетй классэ Сарапулэ мыноно. Отын Гоголь урамысь мурт патерын солэн Коля агаез уліз. Солэсь висэтсэ улон бөлет но шуыны ым ой пырысал. Отчы уго солэн валесэз гинэ тэре вал. Нош койка улаз толалтэ кузёослэн парсьсы уліз. Мишалы со парсен артэ (ярам ай, пул висэт съёры) инты висъязы. Кузё кышнозы арлыдо ке но, туслы кенак, зеч сямо сюриз. Пиослы котьку ик юрттыны тыршыліз. Нина нылыз мумиз кадь чебер, Колялэсь өжыт гинэ бадзымгес, серемчи, пиослы озьы ик юрттыліз но доразы чемысь пыралляз.

Тйни озьы дас одйг аресъем Миша дореныз люкиськиз.

Ойтөд ини, кызы сое анаез каре улыны лэзиз. Агаез сое чаклалоз, шуиз, дыр. Улонзы бен соослэн гуртын но секыт вал. Атайзытэк бере. Сарапулын солэсь урод уз лу кожаз, ло. Ачиз дышетскымтэ ке но, валаз уго: пиналъёсыз дышетскытэк зеч улонэз уз адзё.

Мишаез дас сизьыметй номеро школае витетй классэ кутйзы. Гоголь урамысь ик улыно-вылыно из юртэ. Отчы жыны иськем пала мамышъяно вал, мур нюк вамен потано.

Классысьтызы пиналъёсын Миша жог эшъяськиз. Соос татчы пөртэм школаосысь люкаськемын вал, ваньзы ик куанер улізы, иське, ог-огзылэсь номырин өз висъяське. Школаын Мишалы кельшиз: татын виль улон, куддыръя шулдыр но. Нош патераз бертэм бераз мылкыдыз куашкалляз. Чидантэм мөзмыліз дорезлэсь, анаезлэсь, песязезлэсь, сузэрелзэсь, вынызлэсь. Дорезлэсь азьвыл люкиськылымтэ пи муртъёс дорын улыны дышемын ой вал уго. Агаез, быдэ вуэм пияш, техникумын дышетскиз, солэн аслаз эшъёсыз, аслаз сюлмаськонъёсыз, ужъёсыз. Нош Мишалы, огназ кылыкуз, дорезлэсь мөзмеменыз сыче

чидантэм секыт луылиэз, йыраз одйг малпан гинэ бергаз: бертоно, бертоно.

Сютэм улэменыз но, мөзмеменыз но Миша туж юн восьмиз. Куарус ён пумын мемиез, картофка мешокен дас кык иськемез лыктыса, сое адэиз но дэймиз:

— Ой, алла, ма, тон чылкак куасьмемед ук. Картоштэс но уд пöзтылыське шат? — бёрдыны öдяз.

Кöня ке улыса ини, сузям картофказэ пöзтыны пуктоньяз, пыкылиэз:

— Нош вераськод вал, умой улыськоды. Малы пöяд?

Миша вераськонэз мукет öре выжтйз.

— Песяй кыче улэ ини? Нош Розаен Анвар?

— Песяймы чылкак лябэиз ни, корка пушкытй но мырдэм ветлэ.

— Нош асьтэос ма сииськоды? Тй но сютэм улыськоды, луоз?

— Ми бен каллен векаськом. Ми дэмен ук. Картошмы вань. Колхоз но трудоденьлы кöня ке ю тысь сётйз. Тйледлы татын секытгес йötэ.

— Улом ай кызы ке, меми, ум кулэ, — анайзэ буйгатйз Миша.

Карын сютэм улон гуртын кадь öй вал. Отын уго марке но ымад сюрэлиэз, убоысь-а, тэлысь-а. Нош татын Миша понна — мурт дунне. Мурт коркаос, мурт бакчаос, тодмотэм адямиос. Солэн ялан сиемез потылиэз, изыкуз но шöдылиэз, кызы кöтыз сиён курыса чутырья.

Агаеныз гуртысь ваем картофказы куать нуналлы мырдэм тырмылиэз. Котыкуд кöснулалэ Миша Коляен, нош чемгес огназ, урокёс бере гуртаз вамышъяз. Дорысьёсыз сое шумпотыса, мöзмыса пумиталлязы но солы марке зечсэ лэсьтыны тыршылизы. Арнянулал жöг ортчылиэз. Жытазе, мешоке картофка, кöня ке нянь тырыса, Сарапулэ мыноно. Нош вань мылдыдын, малпаньясын Миша гуртаз кылылиэз.

Карозь сюрес кузь. Толалтэ со пумтэм-йылтэм потылиэз. Ымныре лымы жуге, пеймыт инметй пилем кесэгёс лобо,

8. Сарапулын улон-вылон, чидан

бездыт толэзь чүшмырес учке. Яромаска дорын, шур палась жотырес төл пельтэ. Тани али Мишаен Коля гурезь йылэ тубозы но — кар пумысь пу коркаос адзиськозы. Соос лапегесь гинэ, начар улон-вылонэн но лымыен зйбемын кадь.

Дорез сярыйс огдырлы вунэтыса, Миша аяз усьтйськем суредэз учке. Шыпыт. Толэзь югытын лымы дуно изъёсын чия. Зэмос лымы кадь ик өвөл. Ма, толэзь но йёспөртэм: укыр бадзым, ыргон кадь, чуж. Солэн ултйз пилемъёс уяло. Калык верамъя, иське, чюказе нунал чебер луоз.

* * *

Озы ныльдон куатетй арлэн толэз но ортчиз. Тужгес секытэз но сютэмез. Школаын урокъёс йылпумъяськызы но, Миша гуртаз бертйз. Агаез техникумлэсь куинетй курсэ йылпумъяса дышетскиз на. Сиёнлы дырын-дырын бертылйз.

Гужемлэн нырысетй нунальёсаз шуак-дуак кезытскиз. Инбамез пеймыт, чүшмырес пилемъёс возъязы но музэ куакакеньыр куштйзы. Со кема өз кыллы, шуназ. Пилемъёс кошкизы, нош кезыт возиськиз на. Шокчиськод сое но, сюлэм ик гадьын кынме кадь. Гуртоос выльысь фуфайкаоссэс, шинельёссэс дйсызы.

Көня ке нунал ортчыса, куазь воштйськиз: инбам чылк-чылк, нюлэс вылэ бус выдйз, иське, туннэ шунит, сайкыт луоз. Омыре сяськаяськись возьёс вылысь ческыт зынъёс лёсьясько.

Мишаез анаез Колялы картошка нуыны ыстйз. Ошет кало пуйе ныпьяса со каре потйз. Пурысь но губыресгес сюрес вож бусыостй кыстйське. Шунды шукырес яркыт пиштэ, чыжаса жыны инбамез басьтэ кадь. Миша, та сюрес вылтй нырысьсэ вамышьясь мурт музэн, сюлэмыз ырак луыса учке азьпала, бусыос, кыдёкысь нюлэс шоры. Тани сюрес дуртй мерттэм писпуос но соин чюш вамышьяло кадь. Со йырзэ жутйз но вылие учкиз — ноку шөдымтэ-валамтэ шумпотон мылкыдэн тырмиз: макем бадзым,

пыдэстэм та инбам, таёе ик лобёем потэ! Та улон но кыёе ёыдонтэм. Їок, гуртысь каре тазы картофка мешокез ныпьяса нуллоно луэ ке но. Миша жингырак серектйз.

* * *

Гужем ужаса ортчиз: убоос гудоно, картофка мерттоно, юэз арано, турын турнано. Гужемзэ ке ёд пёся, толдэ кынмод угось.

Сйзбыл ваньзы люкаськыса кенешизы: тырмоз тазы люкиськыса улыны. Гуртын соосты нокин думыса уг возыы. Коля техникумзэ йылпумья, Мишалы куатетй классэ мыноно ни, нош Розалы ар ортчыса — витетйе.

Каре улыны ёог выжиы. Ма, куанер муртлэн вань котырыз сямен вылаз дйсьямын уга. Валес котырзэс, шыкыссэс уробое тыриы но кошкыы.

Сарапулын туж тодмо Старцев гурезь вань. Куке но солэн йылаз ик монастырь сълэм. Соы матысь Красной урамысь улыно-вылыно юртлэн подвалаз улыны куриськыы. Кузё кышно, Закия апай, мемизылэн тодмоез вылэм. Подвалысь одйг ёлетын шырмач тусо кык агай-вынёс — Степанэн Ваня — но соослэн Валя сузэрзы уло на вал. Юртлэн улй люкетэз быдэсак сямен муэ выемын, пичи укноосыз мырдэм адзйсько на. Улон ёлетёсын но, корказын но лыдтэм трос пыёёс тэтчало, комакёс карьяськемын. Соин ик пиналь ёс йырзэс но миндэр вылэ поныны кышкаллязы, мемизылэн кётыз борды жиптйськыса кёлаллязы. Озыы, пе, комакёс нырзэс уз йырёе. Кроватьсы соослэн ноку ой вал. Пинальёс паськыт зус вылэ валем зустариос вылын кёлазы. Песяйзы шыкыс вылын изылыз. Та зеч инты понна со Мишаен жйтлы быдэ ваче пумит вуылыз.

Акшан вакыт ик ини Миша шуылыз:

— Туннэ мон шыкыс вылын кёло.

Нош туж шырыт но лякыт сюлэмо песяз пумит кариськылыз:

8. Сарапулын улон-вылон, чидан

— Йок*, улым**, мон ачим отын изё. Монэ но комакь-ёс йырайыны быгатозы ук. Со кузь быжъёс сярись верась-кемъёссэс кылыса, скулэмы ик дырекцияса висе ни.

— Юри озыы вераськод, песанай, номырид тынад уг висыы, монэ шыкыс вылад лэземед уг поты, — кунэрскы-лийз Миша.

Таچه тэргаськонзы жытлы быдэ потылийз.

Шыкысэн герзаськем мукет учыр но луиз. Мемизы Розалы тōды шортлэсь чебер свитер басътйз но, соиз школае мынытозь шуыса, шыкысэ лачаз. Кōня ке дыр ортчыса учко но, пуш тунгонэн чогаськись шыкысысь выл дйсь кызыы ке шупчем. Куспазы, бускельёсынызы вераськызы, кайгыризы, нош свитер өз сюры ни, ваньмыз танйськызы. Милицаослы өз ивортэ, угось соослэсь туж кышкаса улийзы. Иван бускельзы лушкаськем шуыса малпазы ке но.

* * *

Гурезь выжыын, горисполкомлэн карысь тужгес чебер юртэз вōзын, йыг-йыг корка сылэ. Солэн жужыт заборез сьōрын бадзым садэз вал. Адямиослэн верамзья, та коркан Бор-Раменский, пе, улэ. Туж визьмо но быгатйсь писатель. Граждан ож дыръя Азинлэн дивизияз ожмаськем но «Раменье» роман гожтэм. Писателез пинальёс өз адзылэ, нош улмо садзэ умой тодо вал.

Бускель пинальёсын Миша жог эшъяськиз. Соос вōзын горд йырси ё нылашъёс — Роза но Альфия Шагановаос — улийзы, улланязы — йыртэманы яратйсь Мишка Воротов. Нуназе ваньмон дыръязы пинальёс сиён-юон базалэн азбараз лушкем пыраны яратылийзы. Нош жытазе писательлэн садысьтыз улмопуосты сзъяллязы, лек утйсь пуныез кылэм-адзем карытэк. Улмо садъёс мукет юртыёс вōзын но вал.

* Йок — өвөл.

** Улым — пие.

Миша эшъёсыныз соосаз но ёемысь пыраллязы. Одйг пол Гоголь урамысь сыёе садё пыризы но, солэн кузёез, улмопуослэсь тёлтэк сзёъяськемзэс-куашетэмзэс кылыса, лущкаськисьёсты кышкатыны малпам. Корказяз потыса, со лек кеськиз:

— Кин отын нош ик?! Али ик кошке, ыбо ведь!

Пияшъёс дэрем гырказы тачак улмо тыризы ни вал. Кеськемез кылыса, соос забор вылэ усьтыр-табыр тубизы. Со вие ыбем куара чузъяськиз. Мишалэн берпалаз мар ке мертчиськиз. Пияш кышкаменыз ураме тэтчиз, дэрем улысьтыз улмоосыз музё куашказы. Пиос кир-пазы пегзизы. Бёрысь ини, дорысеныз, Миша ватскыса тазысь вуын кема гинэ пуконо луиз, мугораз мертчем сылал пырыос мед сылмозы шуыса. Сьёлыкез понна сое воргорон сылалэн зол гинэ «куноям».

* * *

Нош ёоген Мишаос выль улон интые выжизы. Мугез пияшлэн эшъёсыныз йыртэмамез ой вал. Подвалазы семьязэс пыёёс чидантэм одолизы. Мемизы ужысь огпол бертйз но выль патер шедьтэмез сярысь ивортйз. Музон улоннизэс учкыны дэмен мынйзы. Со Мысовской урамысь пу корка вал, улыно-вылыно маке. Татын но Мишаос подвалын улйзы. Нош выль кузёослэн корказы чылкыт, утялтэмын вал. Воргоронзы, Мунир агай, шадра ымныро, лапег гинэ, лякыт бигер, кытысь ке дунтэм дунын шедьтэм басмаосын базарын вуз каре вал, лэся. Огпол Миша кузёос доры малы ке тубыны учыраз но усьтэм ёсётй адзйз, кызыы Мунир, выж пулэз ёутыса, со улэ ватэм басма кесэгъёсты поттылэ. Воргоронлэсь ватоссэ синйылтйз шуыса, пияшлы аслыз умой ёз поты, со шыпытак доразы васькиз.

Таяз коркан Мишаос гужемзё, толзё улйзы. Тулыс но вуиз. Урамяёстй вуос жильыраны кутскем бере адямиос корка котырысьтызы лымыез мычо. Корказы доры тулыс ёоггес мед вуоз шуыса кадь. Мишаен Роза но та уж борды

8. Сарапулын улон-вылон, чидан

басьтйськызы. Азбаре потэм Мунир ага пинальёслэсь пöсьтозь тыршемзэс адзйса ушъяз:

— Тазалыко мед луоды, пинальёс! Зеч уж лэсьтйськоды. Сюлмоесь будйськоды, азыланяз но сыче ик мед луоды. Тани татй музъемозь ик сузялэ но ватэг шедьтоды.

Пинальёс соку öз валалэ, кыче ватэг сярись вераз Мунир ага. Нош воргорон нодъяз вал: адями аслэсьтыз шудзэ котькыче ужез рос-прос быдэсьяса гинэ шедьтоз. Мунир агалэн кыльёсыз арьёс орчемъя вунйзы кадь, но соос Мишалэн визь-нод шыкысаз пыраклы кылизы.

Жоген Мишаос та патерысьтызы но кошконо луизы. Юрт кузёослэн чыжы-выжыоссы, пе, доразы улыны лыкто.

Мукет коркалэн подвалаз интыяськызы. Татын туж зоскыт вал, эсьма, жök но пуктыны нокытчы. Нош дышеткись пинальёс доре ужьёссэс жöктэк кызы быдэсьялозы? Со сяна, Анвар но дышетскыны мылдыдаз. Школае Розаен чош мынэм но, нырысетй классэ кутыны куриськем. Ираида Сергеевна дышетйсь, пияшлы сизьым арес öй вал на ке но, сое кутано кариськем.

— Меми, монэ школае кутйзы! — шумпотыса ивортйз со. Анайзы чабкиськыз:

— Школае?! Нош маин тон отчы ветлод? Пыдкучтанэд öвöл ук.

Анвар трос малпаськытэк вазиз:

— Тон мыным ыж гон пыдвыльёс керттйд ук, соосын ветло.

— Ма, шуныт куазен ветлод ик, дыр, нош тол ке вуиз?

— Толалтэ но пыдвыльёсын ик ветло, школаозь кыдёкын öвöл ук.

Калыкын шуо: пичи мурт зэмзэ гинэ вера. Озы ик анайзы но малпаз, лэся. Нылез ик пинальёс дышетскыны кутскизы. Улон интызы уката зоскыт потыны öдъяз.

9. Анай

Улон укыр секыт вал. Адямилэсь со вань кужымзэ кыс-кылйз, нош жечен берыктыны өз дыртылы. Анайзылы тужгес но секыт йөтылйз. Шунды жужаку ик, солы ужын луыны кулэ ини. Нош солэсь азыло, куазь сактытозь, дорысь пөръёссэ быдэстыса вуттоно: гурез эстоно, ваньзылы быдэс нуналлы сиён дасяно. Нош жытазе, выльысь пеймытэн ини, дйсь миськоно.

Өйтөд, кызыы меда вормылйз кышномурт вань шуг-секытьёсты но пумтэм сюлмаськонъёсты? Дораз лыктыса зыгырты вал сое, ваньмыз понна тау карон кыльёс вера, но Мишалэн пинал визьмаз таё малпан өз ик пыралля. Сюлэмъёсмы кезытэсь уга, вöзысьтымы аядми тон сярись уй-нунал сюлмаськыку малпаськом: озыы ик луыны кулэ. Бöрысь ини, трос аръёс ортчыса, мемимес, матысьёсмес кайгырыса тодамы вайиськом, но соос вöзад öвöl ни, соосты уд зыгырты ни. Эх: малы меда дырыз дыръя соосты яратэмед сярись öд вералля?

Анайзэ мукет кышномуртьёсын чöшатыса, Миша юн ос-кылйз, солэн мемиез дуннеын ваньмызлэсь умоез шуыса. Со туж либыт, лякыт но визьмо кышномурт. Со сяна, анаез туж чебер. Съöd-съöd, нап йырсиосыз, жогак сынамын ке но, вальк-вальк кыллө, шунит синъёсыз, кельышлы нырыз сое туж туслы каро. Мугорыз но веськрес. Дйся вылэм солы шуыр-рес дэрем — синъестэ бордысьтыз öй вошъясал... Но сыё дэремез солэн öй вал. Вань дйськут пинальёсызлы гинэ октылйз. Аслыз ке вуж дэремъёсызлэсь гинэ но вурыны дырыз өз сюрлы. Синучконэ но учкиськыны өз ваньмылы.

Сарапулэ улыны выжемзы бере анайзы вуриськон фабрикае интыяськиз. Мукет салдат кышноосын чöш со чукнаысен бер жытозь дэремъёс, валес котыръёс вурылйз. Озыы ке но уждун туж öжыт басьтылйз.

9. Анай

Юрт кузёзы, кырыж ымо Иван Трошев, патер дун тыронэн өз дыртыгья, нош одйг пол доразы пыриз но шуиз:

— Маруся, патер понна тыриськонды укыр трос люкаськиз ни...

Ма, кышномурт та сярись ачиз но тодэ, нош маин тырод? Коньдонзы нянь но басьтыны уг тырмы. Жытазе анайзы ваньзэс кенешыны люказ:

— Пинальёс, асьмелы патер понна дун тыроно. Нош уксемь, асьтэос тодйськоды, асьмелэн кемалась өвөл ни. Узырлыкмы Зойка кечмы сяна өвөл. Оло нош, сое вандом но, сйльзэ вузаса, коньдонзэ Иван агайлы сётом? Яке Зойкамес кузёослы сётом, патерын көня ке толзэь чоже улэммы понна.

Пинальёс куаш поттыны өдъязы. Тужгес но Роза:

— Ум, ми Зойкаез ум сие. Котыкыче сютэм мед луом, нош сое сиыны ыммы уз пыры.

Тйни озьы семьязы нош ик йёлтэк кылиз. Нош Иван агай, патерын улйсьёсызлэсь курадземзэс адъыса, мукет ласянь юрттйз. Ачиз со карысь сюрес лэсьтон контораын бригадир луыса ужаз. Кивалтйсьсэс, зок но жотрес сямо кышномуртэ, Марусязе доразы уже кутыны куриз. Сюрес лэсьтйсьёс, фабрикаын вуриськйсьёс сярись, данаклы тросгес уждун басьтылйзы. Бен, ужзы соослэн туж секыт вал: Яромаска шур дурысь ваем кот луюез машинаосысь кйын жоктоно, вуоно сюрес пыдсы вёлдоно, корткуйёсын, йёспортэм суэриосын чошкатоно. Собере носилкаосын изьёс нуллоно. Воргороньёс изьёсты луо вылэ тырылйзы но, соосты чекичъёсын кокаса, чошкыт сюрес пөрмытылйзы. Озьы нуналаз дас-дас кык метр сюресэз лэсьтылйзы. Та губырмытйсь ужзы вазь чукнаысен бер жытозь кыстйськылиз. Быдэс гужемзэ. Нош толалтэ сюрес лэсьтон дугдылиз. Соку Мишалэн анаез базар дорысь кунокуалэн сиськоннияз утялтйськйсе интыяськйлиз. Татын уждун ичи тырылйзы, но семьязэс утыны со тырмылиз. Сиськонние трос калык ветлылиз. Татчы базарын вуз карисьёс но,

басьяськисъёс но пыраллязы. Вузaмзэс, бaсьтэмзэс «миськыны», нуназeяны. Ожын пал суй, пал пьд кылем воргоронъёс люкаськылызы. Соос базарын картаен шудылызы, кураськылызы, кудйз арган шудыса кёттыр шедьтылыз. Сиськонние тачак адямиос пыраллязы бере, выжез татын жог кырсемылыз. Мишалэн мемиез быдэс нунал ёже куссэ өз шонерьялля: выж миськылыз, жокъёсты ёшылыз. Жытозь пумак жадьылыз, суйёссэ жутьямез өз луылы ни.

Ныльдон куатетй ар но, азьвылъёсыз кадъ ик, секыт но сютэм вал. Оло нош, уката ик. Со аре гужем кёс улыз, юос но бакча сиёнъёс пось шунды улын жуазы. Соин йырин карын улысьёслы бакчазылы оскиськонзы ой вал. Нош кёттырон кытысь ке шедьтоно, иське, кыче ке но уждун поттоно.

* * *

Уксёзы ноку өз тырмылы бере, Мишалэн семьяяз коньдон өвöлысь мултэс өз кайгырылэ. Паймоно кадъ, нош анайзы ныль пиналь ёссэ кызы ке дйсяны-кутчаны пөрмытылыз. Нылпиосыз школае чылкыт, жикыт ветлызы. Покчиосыз бадзьымъёсылзэсь пичи кылем дйсьсэс нуллызы. Ма, со азьвыл но котькуд семьяын озьы вал. Соин ик Миша эшъёсызлы өз вожьяськылы. Вожьяськон соослэн огзылэн но сямазы ой вал. Бен, кин ке узыргес улэ, чебергес дйсяське, ческытгес сиське. Собере мар-о, соин йырин кымин выдыса бёрдоно-а? Жикыт улыны, чиданы Миша котьку но анаезлэсь адзем карылыз. Узырлык, узырмон сярысь вераськон семьяязы өз ик потылы. Ма, кыче узырлык сярысь вераськод, атайзы понна пенсия но анайзылэн уждунэз сиськыны гинэ но мырдэм тырмылызы ке. Соин ик чылкак жуммем анайзы, берпум кужымзэ поныса, пинальёссэ пьд йылазы жутьыны тыршиз. Мишалэн анаезлэсь шутэтскемзэ, тэк кыллемзэ син аяз ик пунктэмез лу: со ялан мар ке но каре, сьулмаське, ужаз но, дораз но берга, ваньзэ лэсьтыны вуттэ.

9. Анай

Сютэм векамзылы кызы ке чидасалзы ни, нош зоскыт улоннизылы дышыны ноказы уг луы. Ныль кузя дышетскись пинальёс доре ужзэс быдэсьяны пичи жок съоразы черодэн пуксьыллызы. Таче югдурысь потон сярись малпанъёс Мишалэн йыраз ялан бергазы. Огпол шуак анлаз: нош соос асьсэлы пичи ке но корка пуктызы ке? Пияш вуоно корказылэсь олоқыче но суредъёссэ кагаз вылэ пуктылыз: инъетсэ, вылтуссэ, пушкысьтыз висэть-ёссэ. Ма, корка пуктыны сокем ик секыт өвёл кадь. Уть ай, Сарапулын көня из юртьёс сыло. Тодоно вал, кызы кирпич лэсьто. Бен, сое горд суйлэсь лэсьто. Матысь нюкын сыче суй тачак. Векчи корт юдэсьёслэсь кирпич шуккон каб лэсьтоно. Горд сюз коттыса, отчы туйыса тыроно. Кыче ке но каб нерге шедьтыса, Миша отчы горд сюз туйназ. Нош кабысь поттэм кирпичез кияз пырдйз. Сое кыдатано шуыса өз ваклайты уга.

Корка лэсьтон сярись малпанэз Мишалэн жоген төлзиз. Ваньзэсты абдратйз Коля агаез. Котьку но дйсьтйсьтэм, возьдаськись пияш юн сямю луэмзэ возьматйз но семьязылы патер басьтыны быгатйз.

Ожын пал кук кылем воргоронлы Коля зоскыт улэм-вылэмзы пумысь жожтйськыз. Соиз Коляез кивалтйсьёс доры патер курыса одно ик ветлыны косйз: тй, пе, бырем ожгарчилэн пинальёсыз ук. Карысь улон юртьёсья управленилэн кивалтйсьез, тып-тып мугоро воргорон, пияшез кема гинэ алдаса возиз, ялан чуказе жуken сюдйз. Таин көжымы уз пöзы шуыса, Коля партилэн горкомаз мынйз. Горкомлэн секретарез, пияшлэсь мөгаса но пöсекьяса мадемзэ кылзэм бераз карысь улон юртьёсья управленилэсь кивалтйсьсэ соку ик дораз öтиз но сизьдйз:

— Тон тодйськод ук, соослэн атайзы ожын быриз шуыса.

— Б-бен...

— Нош тодйськод-а, солэн ныль пичи пинальёсыз но висись пересь анаез кылызы? И тон сыче семьяез жаляны уд валаськы? Сюлэмтэм шат тон? Куинь нунал

дыр сётйсько тыныд, со куспын таослы улон инты сёт. Одь ке сёты, ужысьтыд палдод! Сыёе сюлэмтэм кивалтйсьёс милемлы кулэ овёл.

Тазы сизьдэм бере улон юртъёсыя управленилэн кивалтйсьез Коляез патер бырйыны ачиз нуллыз. Куинь пöлысь одйгезлы со нуналэ ик ордер сётйз. Дуно кагазез басьтыса, Коля усьтыр-табыр бызиз Азин ураме. Отын соку анаез из нуллэ вал.

— Анай, асьмелы патер сётйзы! — сюрес лэсьтйсьёс доры вуытэк кеськиз со.

Мумиз абдраменыз носилказэ ик уськытйз. Пиезлы өз оскы.

— Мар тон? Кинлы, пе, али патер сётъяло? Алдаськод ук?

Ордerez кияз бергатыса но өз оскы. Їош ужась кенакъёс визьнодазы: тйледлы, пе, жегатскытэк патерады пыроно.

Патерзы Труда урамысь улыно-вылыно из юртын вал. Кукe но кемалась арьёсы юртэз тöды буяллям но, со туж йöно аджйськиз, дыр. Виль улонниязы выжыкузы, одйг учыр мылдызэс сöриз. Горисполкомысь сётэм ордерзы киязы вал ке но, патеразы уйлсьез вылэм. Кыкетй этажысь Анна апайлэн мумиз отчы каръяськем. Чиед гинэ песянай. Асьсэлэн улон висэтсы соослэн туж пичи. Баджымзэгес курыса бызьылйллям, бызьылйллям но, пайдаез луымтэ. Соин ик, бускель ёссылэн индылэмзыя, буш кылем бöлетэ пыроно кариськиллям. Азьвыл уйлсьёсыз отысь кошкем бере ик песянай отчы котырзэ нуллытэм. Мишаослэн семьязы татчы вуиз но, пересь мурт аслаз пичи бöлетаз берытскыны чутрак пумит кариськиз, мынам но, пе, ёжы-выжыосы ожин быремын. Маруся, керетон сямыз ой вал бере, лулжйськиз гинэ на:

— Ярам, песянай, уйлськод ке, ул милемын ёош. Инты ваньмызлы тырмоз.

Миша агаеныз азбарысь кыёе ке куштэм пульёсты пыртйзы но песянайлэсь кöлан интызэ висъязы.

9. Анай

Песянай соосын чош толэзы пала улйз. Нокин соин оз керетылы, но пересь валаз, лэся, выль улйсьёс нокытчы уз кошке, татын соослы мурт адямитэк но зоскыт. Огпол жытазе шуиз:

— Умой адями тон, Маруся, пинальёсыд но зеч сямоесь, од уллялэ монэ. Адзисько, тйледлы асьтэ коже но татын зоскыт. Ярам, мон берен Аннае доры улыны выжо, уг люкеты ни тйледлы.

Бускельёссы туж зеч адямиос выйлллям. Юртазы дас семья улйз. Котькудйз аслаз бөлетаз. Кыкетй этажысь Дина Алексеевна но Ольга Фёдоровна дышетйсьёс, картъёссы зеч уждун басьтылызы но, мукеть ёсыныз чошатыса, со вакытя умой дйсьяскизы, коттырымон сиизы-юизы. Нош мукетьёсыз та юртысь бускельёс, Марусялэн семьяез кадь ик, куанер улйзы, корка пуш тйрлыксы ик ой вал.

Мишалэн анаез шырыт кузё кенак. Доразы кин ке пыре ке, одно ик сое куняны скулмаське, пось чай вёзы, ма гинэ куртчонэз вань, одно жок вылэ поттэ. Витымтэ кунолы помидор пумене зырзем зэмос нянь но куддыръя сурылйз. Нош солэсь ческытэз сиён ик вань-а меда?

Виль улонниязы пыремзы берегес ик Маруся таће шумпотонзэс одно пусьёно кариськиз. Жок вылазы лапег тэркыын көня ке селёдка но бадзым миска пöзтэм картошка кылдйзы. Пинальёс пуксьыса гинэ вуттйзы но, өсэти анайзы пыриз, мыня, синьёсыз кескич учко. Бёрсяз — ог дас кык аресъем пияш но солэсь пичигес нылаш, кыкназы ик гольык пыд. Ос доры султйзы но тор пала вамыштыны уг дйсьто.

— Я, пинальёс, куноостэс пумиталэ! Асьмеос туннэ юондыр кариськом ук. Асьме патерамы улыны пырим ук, кызы сыће шумпотонэз пусйытэк кельтод. Нош юондыр куноостэк уг луылы. Та пинальёс — асьмелэн бускельёсмы. Французовъёс. Нимыд бен кызы ай, нылы?

— Лида, — чыж чыжектыса вазиз нылаш.

— Нош мынам нимы Женя, — юамез витытэк вераз агаез.

— Мар бен, тодматским, табере тй милям эшьёсмы луоды. Ойдолэ жёк сьёры.

Ваньзы уралтыса сиськыны ёдъязы. Картофкаен миска син куспын буша, селёдкаез та шуытозь ньылызы. Жоген нянь, картофка пырыос но сиемын вал ни. Пинальёслэн кётсы тыриз. Оло нош, улытозязы нырысьсэ соос тазы сиськызы. Женя, эсьма, кётсэ чабкылиз:

— Пульдытозь сиськиськыз... Ойдолэ азбаре шудыны.

Маруся огзэ но пиналзэ мукетьёсызлэсь ёз висьялля — ваньзэс огкадь яратйз. Огпол со, Мишаен ёшен пукыкуз, вуриськонзэ ал вылаз понйз но, мар ке тодаз усьыса, шуак шуиз:

— Тй, пиосы, куспады эн керетэ. Тй агай-выньёс ук. Одйг гинэ сузэрдэс уте. Матысь адымиостэс ноку эн тышкаське. Янгышсы туж бадзым ке но, эн каргалэ. Кылын, пиосы, адымиез виыны но кема ёвёл. Каргаськод но бёрысь ачид ик туж ёпкелёд.

Собере будэтйз на:

— Їогемедлэсь азыло малпаськы, шелепед кытчы палдоз.

Миша солэсь та верамзэ соку ёз вала. Арьёс ортчыса ини анлаз, анаез индылэм вылэм: мар ке лэсьтэмедлэсь азыло чакласькы, ма со ужедлэсь пёрмоз.

* * *

Мишаослэсь юртсэс анайзы возиз. Огназ, шуыны луоз. Со вань улонзэс радъяз, бергатйз. Мар гинэ семьязы умоез я уродэз кылдылиз — ваньзэ сюлэм пыртйз поттылиз. Пал кылем кышномуртлы куддыръя чидантэм секыт ке но йётылиз, со котьку но ассэ лачмыт возылыз, лек кылзэ туж шер кылоно луылиз. Пинальёссэ ёз эркия, мултэс ёз мусоялля. Ужын сюрмем кизэ пиезлэн я нылызлэн йыр вылаз понылиз но лякытак маялтылиз.

Одйг пол жытазе, вуриськыса пукыкуз, со шуак Мишала шуиз:

9. Анай

— Улонын, пие, олоқыче но адямиос пумиськыло. Одйгъёсыз зеч малпанъёсын гинэ уло, нош мукетъёсыз уродэзлыгес дышемын. Тон, эке, умой адями борды кариськы. Угось кинэн кушласькод, солэсь ик дышод. Урод муртъёслэсь кыдёкетй палэнтй кошкы. Мон кык даур уг улы ук, кукке но сопал дуннее кошко. Зеч адямиос вёзын тй огнады уд луэ. Тй, пинальёсы, ог-огдылы юрттэ.

Анаез кукке но кулоз шуыса, Мишалэн йыраз но өз лыктылы.

— Анай, нош адямиос куло ке, кытчы соосты каро? — мырдэм кылымон юаз со.

— Ой, уйлы пумит олома но юаськод, — кыыныз шонтйиз мумиз, нош Миша уг буйгатскы.

— Кулэмъёслэн но корказы вань-а? Сое-а шайгу шуо?

Анаез мылкыдтэк гинэ валэктйиз:

— Бен, адямиосты шайгуэ вато. Кулий ке, монэ но отчы согоды.

— Нош кызы ми тонтэк улом?

— Тй мон доры куное ветлоды. Тани тон суй коркае доры лыктод но шуод яке малпалод: «Анай, мон та, тынад пиед... Та дуннеын тынад дышетэмедъя улийско, котькинлы зечсэ гинэ лэсьтыны тыршисько. Дышетски, өнер басътй, ужасько. Адямиос монэ гажало». Тйни озьы шуод, анайдэ тодад ваёд, шайгуэ дорын сылод но ас улондэулыны кошкод. Мыным но соку умой но каньыл луоз.

Мумизлэсь таچه кыльёссэ кылыса, Мишалэн сюлмыз ик чигиськиз, кайгуэн тырмиз. Сыче жаль потйзы солы пумтэм яратоно анаез но, сузэреныз выныз, агаез но, аслыз ачиз но ваньмыз-ваньмыз та дунне вылын улийсь адямиос. Пушкиз тыриз, зар-зар бёрдонзэ, пиньёссэ куртчыса, пушказ тымиз, синъёссэ синвуосыз чүшкало, шокан пасьсэ бичатйсь пог ворсаз. Мумизлэн кыиз борды кырмиськыса, Миша жюштэм кадь куаразэ поттйиз:

— Анай, тон ноку уд кулы, озьы-а?

— Э-э, нодтэме тон мынам. Эн бёрды, мон ай кема уло на, мыным ай куамын ньыль арес гинэ ук. Тйледыз но пыд

вылады султытоно на. Тодэмед ке потэ, кулон, пе, номыр ужатэк, токма ульсьёс доры жоггес лыктэ. Нош мон ялан ужасько, бергасько, кытын, пе, со кулон монэ сүтоз! Я, буйгад-а?

— Ы-ы.

Миша анаез борды жиптйськиз, мумиз сое зыгыртйз. Озы соос чал-чал пукизы. Оло, чапак таче вакытэ асьмеос тужгес но валаськом, макем ог-огмес яратйськом.

«Анай, мусо анай! Со нуналысен куатътон ар ортчыса, ми тонэ Иж карлэн шунды пуксён палысьтыз кыдёкыс шайвылэ ватйм. Сюй коркаяд. Розаен чош ми тон доры чем вуылйськом но тынэсьтыд со жытэ милемлы сйзем, милям нимынымы верам кыльёстэ шыпыртйськом.

Тау тыныд ваньмыз понна, мусо но дуно анаймы. Тау яратэмед, мусоямед понна. Тау, ми сярысь скулмаськыса, уйёстэ изьытэк потылэмед, ужаса киостэ сюрмытэмед понна».

Тазы чемысь малпалляз Миша, мййы арлыдаз вуыса. Макем бер лыктэ асьмелэн сыче малпанмы! Нош солэсь азьвыл анайёсмес кулэезъя дуньяны, утыны ум валаське... Но ачиз Мухаммед пророк шуиз вал ук: анай-атайзэ яратйсь муртъёслы гинэ, пе, Аллах та дуннеын зеч но кема улон сётоз.

Укыр бер тае валаны кутскиськом, укыр бер...

10. Съöd нянь

Быдзым тылож бере нырысь аръёс но секытэсь, сю-тэмесь вал ай. Озыы ке но адямиос жутскем мылкыдын ужазы, куашкам юртьёссэс отысь-татысь бичам пульёсын, коръёсын тупатъязы, вильдйзы, виль улонзэс лэсьтйзы. Тушмон улэ шедёнлэсь пегземъёс дор пальёсазы кыстйськызы. Соос бёрсы шундыпуксёнысь улосъёсы тэлен но мукет лэсьтйськон арбериосын эшелонъёс мынйзы. Улон каллен-каллен ас öраз пырыны öдяз. Аспöртэмлыко вакыт вал соку: адямиос шырыт сюләмоесь, ог-огзылы юртто, ваньзы ик виль улонзэс чебергес, шундыё но шудо карыны тыршо. Кема дыр çоже курад-зем калык капчиенгес шокчиз.

Гуртьёсын но каръёсын адямиос карасэн, жаг турыньёсын басьтйськем бусыюсты, бакчаоссэс мырдэм но кызыы гырылйзы, кизыылйзы, мерттйськызы. Куддыръя асьсэос кыткиськыса, герыез, усыез кысказы, кырымен-кырымен сямен бичам кидысэз муэ кизизы. Оскыса но, сюләмшугъяськыса но витизы виль няньлэсь вуэмзэ, угось юос удалтйзы ке, улонзы но шулдыргес, бусьтыргес луоз, малы ке шуоно нянед ке вань, иське, колхозэд, гуртэд, ма, быдэс кунэд ваньбуро.

Сюрс укмыс сю ньыльдон сизыметй арын гужемлэн кутсконаз югдур чидантэм луиз. Со аре гуртоос но, карын улийсьёс но тылож дыръя кадь курадзонэз чидазы. Ныльдон куатетй арын вань юосты пöсь шунды сутйз. Соин ик вуоно араз тулыс шимес сютэм улон вуиз.

* * *

Эшшо одйг нунал ке но улон понна, со дыре ад-ямиослэн одйг малпанзы йыразы бергаз: кызыы кöттэ алдано, кытысь кöттыр шедьтоно? Кынмем картофка, картофка кöм шедьтэмзылы но шумпотылйзы, нош нянь

кёмен гусъяськыны быгатэм адыми ассэ шудолэсь шудоен лыдъялляз.

Турын жужытгес будйз но, адымиос потлэсь, пушнерлэсь но мукет турынъёслэсь табань пыжылйзы. Оломае но сиылйзы, кётсэс гинэ алданы медло. Ярам ай, тодьыпот Мишалэсь жужыт будылйз.

Нянь кёттыр сиён сярись котькудйз малпалляз, нош сыче шудлы оскон ичи вал. Шимыт вуз каронниосы адымиос няньлы но сылаллы гинэ пыраллязы. Нянь су-кыриос жажыосын, нош чемгес пу ларьын кылльылйзы. Пуртэн шырзылэм вуз карон жок вылын трос сукуриос тыремын. Сыче соос чебересь, сыче ческыт зыноесь! Тачак та съод, ыльгес нянез адзъыса, адымиослэн сюлэмзы ожытак каньылалляз: иське, няньмы вань ай, иське, улом-вылом на.

Мишалэн быдэс сукури нянез кияз воземез огпол но ой вал на. Карточкаен нянь басьтыны кык биньгозы кузьда черодын сылыкуз, синъёсыныз гинэ сукуриосты «сиылйз». Нош вуз карись, басьяськисьлэсь карточкаоссэ басьтыса, туж жог лыдъялляз, көня грамм отын пусъемиын ужась муртлы, пересьлы, пиналлы. 125, 200, 250 грамм гожтэм куинь карточкаез качыен вандыса басьтэ но сукурилэсь куиньмос люкетсэ мыче, со вёзы пичи пиналлэн кикурез быдза нырзэ шорыса сётэ на. Таиз шорем пуйые оз пырылы, черодын няньлы сылэм муртлы бертоняз гусьяськыны сюрылйз.

Вуз кароннилэн жажыосаз кыллись съод нянь сукуриос адымиос понна быдэс дуннеысь тужгес бадзым узырлык вал соку. Няньлэсь зынзэ но соос, нырынызы гинэ овёл, вань мугор люкетъёсынызы шодылйзы кадь, нырпелесъёссэс паськытатыса, пушказы пычатыны турттылйзы.

Нош доразы сукурилэн куиньмос люкетэз вуыку, семьяысь куать адыми котькудйз ас понназ малпалляз: «Мыным нырыз мед сюрисал. Со жечгес пыжемын, ческытгес. Кёмыз но зокгес». Нош тыныд шорем нянь юдэсэз сиись-

10. Сьӧд нянь

код но, кӧт сьумамысь уг дугды, оло нош, уката но кужмогес курыны ӧдъя. Ярам ай, нелькем картофкаен шыд сое ӧжытак буйгатылӧз. Нош шыдазы поныны одӧг сузь ке но кеньыр ке сьурылӧз, та сьарысь кема дыр ӧже тодазы вайылӧзы.

Соку ваньзэ карточкаосъя люкылӧзы, кӧня муртлы висьямез туж юн чакласа. Нянез ӧкуазе понна ӧз сӧтъялэ. Сое нуналлы быдэ басьяно вал. Нош кин ке толэзьлы талонӧссэ ыштылӧз, солы шимес вакыт вуылӧз: яке выд но кул, яке турын-куарӧс, писпу бычы, сул ке но сьыса, улондэ азьланьты.

* * *

Нянен вуз каронни Мишаослэн юртэнызы ваче син сьылӧз. Ӧкуазе нянь басьтыны адямиос отчы ӧжит ик черод кутылӧзы. Черодзэс эскерылыны уй ӧже кӧня ке пол поталлязы. Озьы луиз ини: нянь басьтыны черодын сылон Миша вылэ усиз. Одӧг пол Коля агаез мумизлы ӧжӧтӧськиз: выныз, вуз каронниысь бертытозяз, суқыри нырез, пе, быдэсак куртчылыса быдтэ.

— Меми, ойдо сое няньлы ум лэзьялэ ни, — шуиз со.

Таӧе чагиськемлэсь Миша ӧжомиз, эсьма, шокчем омыреныз ик вондӧз. Нош пумит кылзэ ӧз вера, со угось агайзэ гажа вал, солэсь ӧжытак кепыралляз но.

Нуналаз адямилы быдэ 200 грамм гинэ нянь сӧтылӧзы. Соин ик семьязылы ӧжны суқырилэсь ӧжит гинэ бадӟымгес сьурылӧз. Валамон ини, Миша, нянен бертыкуз, суқыри нырез куртчылытэк, ноказыы ӧз чидалля. Ма, мемиез та сьарысь тодэ вал. Со Колялы шуиз:

— Иське, кинэ-о няньлы ысьялом? Тонэ-а?

— Мон уг быгатӧськы. Нянь басьяны ветлӧй ке, техникумам кызы-о дышетском на?

— Уд ке быгатӧськы, иське, та сьарысь ум вераське ни. Миша ведь уйӧсы но черодын сылэ, быдэс семьямылы нянь вае.

Та вераськем бере ог ар ортчыса, Миша куатетї классын дышетскыку ини, Орик Веретенниковен эшъяськиз. Соизлэн мумиз мукет лавказын нянен вуз каре вал. Орик эшезлэн семьяезлы нуналлы быдэ сукури нянь басьяны ёектїз. Мишаослы та ёектонэз инмысь усем шуд кадь луиз.

Огпол Миша Орикен мар ке пумысен керетїзы. Эшезлэн пештырес сямьзылы дышыса ини, Орик со доры уръяськыны ачиз лыктїз. Нош соиз кётжожзэ өз вунэты вал ай, вожпотыса кесьякиз:

— Кош татысь! Адёеме но тонэ уг поты.

Мемиез тае кылыса кушетскиз:

— Тон мар? Эшед тон доры уръяськыны лыктїз, бур кизэ сётэ, нош тон сое улляськод! Нош Орик асьмелы нуналлы быдэ сукури нянь басьяны юрттэ. Али ик мын но эшедлы кидэ сёт.

Миша янгыш лэсьтэмзэ ачиз но валаз ни. Эшеныз өз ке тупалэ, семьязылы сукури нянь (!) со уз басья ни. Тїни озьы Орик соослы мемиезлэн ужан вуз каронниысьтыз нуналлы быдэ нянь сукури октылїз. Эшшо кык ар ёоже на.

* * *

Вуиз 1948-тї ар. Толсуре ёырт кезыт улїз, уйёсы ньыльдон градусозь вуылїз. Нош пумтэм сюлмаськонъёсын йырин порпиен ыбылїськись тол кызыь ке шодытэк ёог ортчиз.

Коля техникумзэ йылпумяз но кышнояськиз. Сое Сибыре, Юрга карысь машина поттон заводэ ужаны ыстїзы.

Гужем нунальёсы Миша нянь басьтыса вайылїз но, ужез бырылїз. Эшъясьныз ёош Кам дуре мынылїз но, отын соос пыласькыса, шунды шорын пыжыса, лумбыт улылїзы. Пионерлагере ветлыны Мишалы огпол но өз кылды. Мукет пияшъяслэсь отын улэмзы сярись мадемзэс гинэ вожьяськыса кылзылїз: макем, пе, отын шулдыр, нош кыёе ческыт сюдо!

10. Съöd нянь

Миым гужем мемиез сое Омске куное келялляз. Отын мумизлэн сузэрез Мунир картэныз асьсэ юртын улйзы. Нажиба чужкенакез вань чыжы-выжыюсыз гажазы, угось со быдэс тылож пыр потэмын, эмсузэр луыса ожмаськемын, орденъёсыз но вань. Нош солэн кык выньёсыз, Мишалэн чужмуртьёсыз, ожин быризы. Омскын ик ас юртазы улйзы на Сара кенак Соня нылыныз но песянаенызы. Миша соос дорын дас нунал кунояз но ческытлэсь ческыт сюдэмзэс вань улытозяз тодаз вайылйз. Соня Мишалэсь ог ньыль ареслы бадзымгес нылаш, быдэ вуэмын вал ини, шуыны луоз. Чибори кало сумкаеныз шонаса, пияшез базаре валтйз. Туж валаса бырйиськиз но, сумкаяз куинь гордкушман, кубиста йыр, кыче ке ческыт зыно турын-куар поныса, сое Мишалы нуыны сётйз. Со нуналэ ик нылаш абдрамон ческыт шыд пöзтьйз: гордкушманэн, кубистаен, мар ке мында йөлвълэн. Таче шыдэз эксэйёс сие вал, дыр, малпаз Миша. Мукет нуналаз Соня кеньырен, кубистаен, сыче ик ческыт шыд пöзтьйз но котлетъёс пырсатйз. Мишалэн мемиез сыче ческыт ноку но өз пöралля кадъ. Ма, пöраны но номырлэсь вал бере. Огъя вераса, Омскын дас нунал улэмез пияшлы выжыкылын кадъ потйз.

Тузэ мемиез Пермь улосысь Куедаын улйсь сузэрезлы гожтэт гожтйз но Мишаез со доры быдэс толэзьлы кунояны нуыны малпаз. Пöсьтолэзьлэн кутсконаз анаез ужысьтыз куинь нуналлы куриьскиз но, соос вокзалэ вырзйзы.

Вагонэ донгиськыны вуттйзы гинэ, поезд питранъёс йыггетыны кутскизы ни. Вагон пушкын мыныны лякыт, липет вылаз кадъ өвёл. Укноос съöрын вужерак-вужерак ортчизы Кам вамен выжлэн корт сюрлыюсыз, собере берлань бызизы писпуос, куакъёс, кыдёкын адскизы чужектйсь ю бусыос. Усьтэм укное бугырак пыриз паровозлэн съöd чынэз, ньылонэз бичатйз. Чок ойдо, тазэ чиданы луэ, со понна Миша куное мынэ, ческыт но кёттыр улонэ.

Лыктозы шуыса, гожтэтэн ивортйзы ке но вал, Куедаысь чыжывыжыюссылы соослэн вуэмзы шöдтэк шорысьгес луиз.

Миша азъвыл но соос доры ветлйз ни. Но соку Сара Їужкенакез Сахабутдин картэныз базар дорысь улыно-вылыно юртын улйзы. Нош табере соос, станция каргурт шорысь пичигес корка, бадъым бакча басьтыса, отын уло ни. Сахабутдинэн Сара кемалась кузпальяскемын, нош пиналь ёссы өвёл. Озыы кылдэм ини: воргорон пёртэм тушмоньёсын ожмаськыса бертытозяз, нылпи вордон дырзы ортчем, лэся. Одйг гинэ вoрдоссы — пичигес пунызы вал. Сое туж яратйзы, уката ик Сахабутдин. Пуны но воргорон котырын ялан бергалляз, солэн синьёсаз ик учкыса, быжзэ выретылйз, кузёзэ яратэмзэ возматыса тэтчалляз, куаньгетылйз.

Нош Мишаос доразы куное лыктон нуналэ пунызы кулэм. Сахабутдин солэсь шойзэ станцие мынытозяз ик шедьтэм ни вылэм. Пуныезлэн кулэмез со понна — бадъым куректон. Їем но мур лулзылыса, воргорон Мишаен ёшо бакча бераз гу гудйз но яратоно вoрдоссэ отчы ватйз.

Мишаосын ёшатоно ке, Сара Їужкенакез картэныз ваньбуро улйзы. Миша шуысал, узыр но. Укнооссы чильтэро катанчиосын возьямын, янакъёс вылын сяськаосын гёршокъёс, валес вылазы вить бадъымесь мамык миндэръёс. Їёклэн шораз ик бадъым, чиясь самовар сылэ, сиён-юон тйрлыксы но учкымон, чай юон ёашаоссы тодьы фарфорлэсь. Чай юонзы та коркан кыче ке йёспёртэм сэбед кадь ортчылйз. Ваньмыз татын жикыт, гань-гань вал. Їёк вылысь тэркыын тачак-тачак шормам нянь, ымын ик сылмись кадь ческыт булка. Мишалэсь со булка шоры синьёссэ вошьятэк учкемзэ адъыса, Їужкенакез ёектйз:

— Тон, улым, эн возьдаськы. Тани та булка шоремез басьты но вылаз нёкы вёй зырзы, вылтйз чечы маялты на.

Бен, татын улэм-вылэм майбыр. Тамында ческыт сиёнэн чай юонъяд, узьмаге вуид, кожалод.

Сахабутдин агай вераз, ёуказе, пе, ваньмы ик базаре мыном, куноос понна така басьтом но шурпа пёзьтом.

Миша чакламъя, воргорон вузаны-басьяськыны пишмытэ вылэм, чик дунтэмен бадъым ыжез басьтйз. Собере

10. Сьöd нянь

дэмен ик сое вандйзы, ниизы, партчазы но миськизы, сйльзэ коразы-вандылызы. Сара Мишалэн мемиезлы бадзым юдэс сйль чогыса сётйз. Анаез туж но туж пыкиськиз вал но, Сарапулысь сютэм кылем песянайзэс, Розаез но Анварез тодаз вайыса, лэся, сыче дуно саламез сьöраз нуиз ик. Миша кунояны кылиз на.

Сахабутдин пöртэм арбериос чектйсь магазинлэн кивалтйсез но, ачиз ик татын одйг гинэ вуз карисез но вал. Магазиназ оломае но вуза: пöртэм басмаос, тйрлыкжёс, одеколонжёс, ручка-карандашжёс, кусоос, сиесжёс, букоос... Нош басьяськисьёсыз трос öз люкаськылэ: огез пыре, мукетыз потэ, куинетйез вузжёс шоры жальмаса сйлэ. Мишалэн вуз карон жöк сьöрын сйлэмез татчыозь öй вал на. Сахабутдин басьяськисьёсыныз лабыртонъяз пияшез я огзэ, я мукетсэ лэсьтыны косэ но, Миша ваньзэ шумпотыса быдэсья. Огпол со вуз карон жöк путэтжёсысь но со улысь кöня ке векчи коньдонжесты синйылтйз. Соосты бичаса, агаезлы сётэ вал но, соиз вераз: тон, пе, шедьтйд, иське, со тынад.

— Тон со киргам коньдонжесты бича но анаедлы, сузредлы, выныдлы кузьымжёс басьтод.

Тйни кыче шырыт адями вал Сахабутдин агаез.

Куноын улыны умой вылэм, но Мишалэн дораз бертон дырыз вуиз. Школае мыныны но дасьяськоно ни, туэ со сизыметй классэ ветлоз ни.

Свердловск палась поезд Куедае вазь чукна вуэ. Чужкенакез но Сахабутдин агаез, бадзым сумкае олома мында саламжёс тырыса, пияшез келяны мынйзы. Агаез тодмо кассирезлэсь билет черодтэк басьтйз. Люкиськон азязы Сара Мишаез бордысьтыз палэнтйз но, пияшлэн пельпумаз кизэ поныса, со шоры жаляса но кайгырыса учкиз, тусбуйзэ пыраклы тодаз кельтыны турттйз кадь. Малы ке но куиньназы ик нырзэс кысканы öдязы. Сараен Сахабутдин Мишаез мыд-мыд паласен зыгыртйзы но вагон доры валтйзы.

Тйни озьы йылпумъяськиз Мишалэн куноын улэмез. Солэн тодаз но өз лыкты соку, Куедаысь матысь ад-ямиосыныз пыраклы люкиське шуыса. Трос ик дыр өз ортчы, Сахабутдин но Сара уланысь бёрсьысь бёрсе кошкызы. Мишалэн тодаз, сюлмаз соос пыраклы кылизы, туж матысь, шырыт сямо но котьку юрттыны дась луись адямиос шуыса.

* * *

Жоген сйзьыл но вуиз. Астафий нунал, 3-тй коньывуон. Та нуналэ төлъёслэсь пельтэмзэс чаклаллязы. Туэ со лымшорысь пельтйз. Пересь ёс чакламъя, иське, шунит улоз на, сйзьыл куазь уз сарпаськы, лымы кематэк уз усьы, нош толлы кизем юос вуоно арын удалтозы. Зарни сйзьыл та нуналысен ньыль арня кыстйськоз на.

Мишаослэн пиослы 16-тй номеро школаысьтызы пиналь-ёсты кык арнялы картофка октыны келязы. Собере гинэ рос-прос дышетскон уж кутскиз.

Улон өжытак капчигес луиз ке но, таиз но ар сютэм но бездыт ортчиз.

Урамъёсты шобыртонъя гужем ужъёс йылпумъяськызы но, мемизы нош ик базарысь сиськонни тусьты-пуньы миськисе интыяськиз. Шуркынмонэ, та столовойлэн кивал-тйсьёсыз яке райсобес сюлмаськемен-а, семьязылы дун-тэк сиськыны талонъёс висъязы. Мемизы со талонъёсты Мишалы сиськыны сётоно кариськиз. Талонъёсыя сись-конни Красной урамын, кар милицилэн юртэзлы матын сылйз. Отын котьку чылкыт, жикыт вал, янакъёс вылын сяська гөршокъ ёс сылйзы, укноос югыт чильтэръёсын возъямын. Тодь-тодь жоккышетъёс вылын но сяськаосын вазаос сылйзы, но таосыз кыин лэсьтэм сяськаос вал ини. Нош Мишалы дуннеысь тужгес чебер сяськаослэсь но золгес кельше вал татын пöрам сиёнзы. Мемиез котьку сямен ик лапшаен көс шыд пöзтылйз. Юондыр нунальёсы гинэ көня ке кылем-мылем көйын картофка пырсатылйз.

10. Сьӧд нянь

Нош столовойын нуназелы зумыто-зумыто шьд но сйльын яке чорыген картофка пунем, макарон, со сяна, компот яке кисель.

Кӧтыз пульдымон сиськыса, Миша гурезь уллане аслаз урамаз питыралляз. Иземез потымон кӧтсэ тырыса, со доре сӧтэм ужьӧссэ быдэсьян сярись но вунэтылйз. Ма, кӧттыро адями азьтэмгес луэ уга. Нош со быдэс толэзьзэ точ-точ сиське ни, сыче дыръя йырвиым но кӧмен шобырске кадь, визьбур но калленгес берганы ӧдъя, кытысь сиён шедьтон сярись ялан малпано ӧвӧл ни угось.

Но Мишалэн таиз но шудо толээз ортчиз. Виль 1949-тй ар вуэм бере дыр туж жог азьлань бызиз. Сизьым классэз йылпумъяса, экзаменьӧс сӧтоно. Мишалы школаын дышетсконзэ азьланьтыны уксӧзы ӧй вал. Соин ик техникуме пырыны, стипендия басьтыса дышетскыны кулэ. Дорысьӧсынызы огазе люкаськыса кенешизы но, Мишалы электромеханикая техникуме пыроно шуизы. Чапак сое ик Колязы миым йылпумъяз вал.

Техникуме экзаменьӧссэ Миша умой сӧтйз. Жоген со техникумлэн нырысетй курсаз нылъӧсты но пиосты дышетскыны кутэм сярись ялоньсь аслэсьтыз фамилизэ, нимтулзэ лыдӓиз.

Миша понна виль улон кутскиз.

11. Техникумын

Техникуме пыремъёслэн нырысетйосыз огыр-бугыр дышетскон нунальёссы ортчизы. Мишалэн радиоаппаратура лэсьтонъя техникъ ёсты-технологъёсты дасясь группаяз сизьым классэз али гинэ быдтэм «чипыос» трогес вал. Нырысь-валысь соос вель адямиос пöлын, вель интыын кепырасагес улйзы. Но жоген егит пиослэн задор мылкыдзы кыре потйз но, соос нильёсты серекъяны-мактаны, исаны öдъязы, дышетскемзы бере ваньмон дырзэс дэмен кызыы орччытъян сярысь кенешылйзы.

Группаяз сюризы быдэ вуэм, армие ветлэм пиос но. Алексей Выборнов, Алексей Борякин но Станислав Благов вить-куать ареслы покчи пиослэн шаянтэмзы шоры мынъя гинэ учкылйзы: нодтэм кочышпиослэн шудэмзы шоры кадъ. Нош асьсэдыз нод-нод возизы, юнме öз лöптылэ, коньдонлэсь но, кыллэсь но дунзэс тодйзы ни но мултэс кылзэс, манетсэс öз поттылэ. Куддыръя быдэс дышетскон нунал чöже ымзэс öз усьялэ. Но со понна покчиос кыче ке юанэн вазиськыку, котьку визьноданы быгатылйзы.

Техникумын каръёсысьгес пинальёс дышетскизы, трогесгес — Сарапулысь. Көнязе ке гинэ пиос палэнысь лыктэмын но муртъёс дорын улйзы. Миша туж жог тодматскиз башкир шаерысь, Янаул станциысь лыктэм Венер Зариповен. Тып-тып мугоро, съöd йырсиё, бирдыямтэ сиресо небыт, кечато дэремен пияш малы ке ваньмызлы соку ик сюлэмзыя луиз. Венер уго котькинэн одйг кыл шедьтыны быгатылйз, пиосын но, кепырес нильёсын но тупалляз. Со кужмо ке но вал, ассэ востэм возыылйз, лякыт луэменыз висьяськылйз, нимданзэ утылйз.

Нош Мишалы со быдэс улонэзлы тодаз кылиз капчи сямыныз, шырыт сюлэменыз, ваньзэ рос-прос лэсьтыны тыршеменыз. Зарипов нокин азын öз вылтйяськылы,

11. Техникумын

нокинлы өз пыриськылы Эшезлы берпум юдэс няньзэ сётылйз — таиз сямыз ож бере арьёсы туж пусйымон но дуньямон вал.

Дышетсконзылэн нырысь нунальёсаз ик Миша шөдйз: Венерез сютэм улон куасалтэ ни. Соин ик эшсэ дораз чортйз.

— Нош тынад көт кышъянэд мар ке вань-а? — юаз соиз.

— Ма, анае картофка пöзтьйз, дыр. Шорем ке но нянь но шедьтом, — оскытйз Миша.

Венер малпаськонэ усиз, куное мынйз ке, умой-а лэсьтоз шуыса, лэся. Собере шуиз:

— Тон, марым, дышетскон бере дорам лык но, соку ини учком: куное мыно-а, уг-а.

Нош урокъёс бере шуиз:

— Ярам, дорад мыном, пудэс чөшен пильылом но соку ини жытнянь каром.

Та учыр бере Венер нянь шоремзэ яке öйтöд ини кытысь шедьтэм прениксэ (!) но Мишаен шори люкылйз.

Группаысьтызы пиос пöлын Игорь Сысолин висьяськылйз на: жужыт, веськыт, пезыгыт сйльвино, котьку жикыт но чылкыт дйсьяськемын. Техникумын со öрзи кадь ветлылйз, егит дыр чебереныз данъяськыса но вуоно улоназ виль дуннеез усьтыны но отын эксэй луонэзлы оскыса кадь. Техникумын нырысетй шулдырьяськон жытэ со яратоно кырзанъёсты векчигес куараеныз кырзэз но, нильёссы котыраз гожерьяны öдъязы, кызы ке но син шораз йöтыны турттылйзы.

Нильёссы пöлын висьяськылйз Лера Муслимова. Ассэ туж йöно воземеныз но котьма ласянь ас малпанзэ вераны дйсьтэменыз. Лера кисьмам ныл öй вал на: чиед гинэ, мыт ымныро, пельпумъёсыз öжытак жутйськемын, нош тусын кельышлы, синмаськоно кадь. Тужгес но сое туслы карылйзы векчиесь гинэ сьöд синкашъёсыз но паськыт, чылкыт кымесыз. Но группаысьтызы пиос та нылашлэсь кышкаллязы (со котыртй гожерьян сярись веранэз ик

өвөл), угось Лера ассэ жотырес дышетйсь кадь возылыз, куспазы гинэ яке баджым кенешазы-а котькуд адымылы, синъёсаз ик учкыса, со сярись малпанзэ меҷак вералляз.

Лераен артэ мудрон адзиськылыз лапег гинэ, вешано кадь ныгныг Тамара Кокорина. Питырес ымныро, чуж мертчан йырсиё, кузь пигылиоссэ пельдйньёсысеныз пельпумьёсыз дорожь котьку лэзьялляз. Питырес синъёсыз, чыжгорд, ожытак пеперес ымдуръёсыз сое шудон мунё тус карылызы. Мур тодон-валанъёс басьтыны өз тыршылы, дышетйсьёслэсь верамзэс гинэ пеляз понылыз, куддыръя паймыса но. Нош дышетскыны умой дышетскиз.

Нош Алексей Выборновез группазы тужгес но гажазы. Армиысь вуыса, со кышнояськемын ни шуыса вераськызы, кузпалзэ адзисъёс ой вал ке но. Пиналъёс куспын тупамтэос кылдыку, Алексей котьку но югдурез тупатыны амал шедьтылыз. Со позырес сирпу кадь юн, пыд йылаз йыг-йыг сыйсь нодэс воргорон вал ини. Пиос шуд но яратон, улон сюрес но мукетъёсыз шуг валано ужпумъёс сярись споръяськыкузы, Миша малы ке но котьку ик Выборновлэн валэктонъёсызлы оскылыз. Алексей малпанъёссэ чогыса кадь жот-жот вералляз, аслыз ачиз оскыса но мукетъёсты оскытыса. Оло, сыће сямизлы луыса, чош дышетскись эшъёсыз соин эшенызы кадь вераськылызы.

Гена Трефиловен гинэ Мишалэн кусыпъёсыз өз тупалэ.

— Кескич зичы кадь тон, — Геннадийлы огпол вераз Венер, — вераськод «одйг», малпаськод «кык».

— Ма карод, сыће вордскиськем бере, — гориз Трефилов. — Кескич ке од луы, уд алда, од ке алда, тонэ пöялозы.

— Ачид алдэтэ медам сюрэ вал, ваньзэ ик алданы уд быгаты ук, — чушмырскиз Вернер. Миша но, эшезъя кариськыса, кылзэ вераз.

Зэмзэ ке, Гена сямизъя либыт вал, нырзэ өз чатыръя, өз ачимъяськы, улонтй шулдыр вамышъяз. Миша солэсь кытй-отй кепыралляз но.

Техникумын дышетсконэз Мишалэн капчиен мынйз. Егитъёс татын улон радлы жог дышизы. Куать чассэ классёсын пукылйзы, бёрысь — лабораториосын, библиотекаосын, нош бертыса доре ужъёссы бордын пырскылйзы. Нырысетй курсың эуч кылэз, литератураез, математикаез, химиез, физикаез дышетонзэс азыланьтйзы на.

Тани туннэ но берло кык час дышетскон дырзы математикалы висъямын. Классэ жужыт, вайыж кадь шонер песятай пыриз. Йырзэ со йёно возе, йырсиосыз лач сынамын, синъёсыз ёрзилэн кадь учко, нырыз шонер. Йырыз но вакчи тушыз юг пурысьтамын, нош мыйыкез ёжытак ёужалэс, тамак кыскемысьтыз, дыр. Тани со дышетскисъёссэ синъёсыныз ортче, тодэмез потэ кадь: кудйз меда та егитъёс пёлысь техникумзэ кема аръёслы данэ поттоз.

Пересь дышетйсез улон тёлъёс зол гинэ сэстйллэм уга, сое аслаз куректонъёсызлэсь юнгес мукетъёсызлэсь сюлэм пыртйз поттылэм кайгуоссы куасалто. Дышетйсьлы трос чиданэз чиданы кылдэм, дыр, сыче-сыче пурысьтамын бере. Фамилиеэ солэн Сухих вал, оло, соин но урокъёсыз кёсыт, мёзмыт ортчылйзы, одйг мултэс выростэк но, кылтэк но.

Ёужазез физикая дышетйсьлэн урокъёсыз луозы. Со математиклэсь лапеггес, нош егит дыръяз бадяр кадь веськрес вал, луоз, али губырскемынгес ини. Пурысьтам йырыз, съод костюмезлы луыса, уката но тёды адске. Бадъёмесь пурысь синъёсыз мыр-мыр учко, но лякытэн. Урокъёсаз со туж шаплы выре, соин ик кийсьтыз бурез ёемысь пырдэ но дйсез вылэ куашка. Тёды пырыосты пенжакез вылысь курткины выре но дйсьсэ уката бура. Дышетйсьсы физикаез яратэ но тодэ, тодон-валанъёссэ егит адямиослы пычатыны сюлмаське, физикатэк, пе, тй синтэм кочышпиос кадь луоды.

Историяя дышетйсьсы — арлыдыз вань ке но ини, тусызыя туж егит адкисъ воргорон. Учкисъкод солэн синъёсаз,

пичи пиналлэн кадъ өжытак пеперскем ымдуръёсыз шоры но соку ик валаськод: та адями туж лякыт, шырыт сямо, со вöзын мылкыд каньыла. Та воргоронэз егитьёс ымзэс ик усьтыса кылзылйзы.

История — тужгес но сурам-пожам тодос, дыр. Угось сое котькуд кун кивалтйсь ас сяменыз тупатъятэ. Нош таиз дышетйсьсы кенешо кунзылэсь историзэ туж оскымон маде. Ваньмыз солэн валамон: узыръёс калыклэсь ваньбурзэ кысказы, ужаса улйсьёс вормизы но «зöк көтьёс» граждан ож пуромытйзы. Табере асьмеос выль историмес кылдытйськом. Но история одно ик зэмлыко медло. Улонын котьку но зэмзэ гинэ вераны кулэ. Кинлэсь ке, малэсь ке кышкаса но пöяськыны уг яра. Ляб лулъёс гинэ кышкаса öрекчасько. Аслыд мар ке табыш поттон понна но öрекчаськыны уг яра. Со — зэмлыкез вузан. Мукетьёс шудтэм югдуре медаз сюре шуыса гинэ пöяны луэ. Бен, озылысьтыны возыт, нош ма карод, сыче учыре сюрид бере.

История урокысь егитьёс асьсэлэсь асьсэос кепыраса потылйзы, эсьма, коридорын шаянтон сямзэс но вунэтылйзы.

* * *

Оштолэзьлэн кутсконаз Мишаен Венер Янаулэ ветлоно кариськизы. Авторучкалы чернила басьтыны. Сарапулын угось сое одйг вуз каронниысь но öз шедьтэ. Вамыштйзы вокзалэ. Билет, валамон ини, öз басьтэ. Ышыггес интыын поезд возьмаса сыло. Палэнысен соос тумошо адско, дыр, дйсьсы сычегес уга. Миша лапег гинэ, кызы шуо: солы зус вылэ но кечырскыса тубоно. Векчи басмалэсь штанзэ төл выретэ, парусинлэсь курткаезлэн воротникез пельпум выльёсаз выдэмын, погмаськем картузэз лошъям кадъ адзйське, пыдьёсаз — парсь кулэсь шадра катаос. Венер Зарипов соин артэ йöнгес адске, солэн мугор но жужытгес, курткаез но корт тэчет замокен, пурысь картузэз но выльгес.

11. Техникумын

Поезд кыче ке юртъёс сьöрысь шуак кылдйз. Пиослы, милица вöзти шупчыса, вагонэ кечырсконо, липет вылэ тубоно. Ярам, пöрмытйзы. Вагон пушкысь мычискем трубаос вискы выдйзы. Кыдөкысь сурдъёс бöрсязы каллен гинэ кылё, матысь кызыпуос, пипуос — соос шунаса вуттым-тэ букосьёсын на — жоггес берлань бызё. Кесэго пилемъёс быдэс инбаме пазьгиськиллям. Соос улысь бусыос кöло на. Кыдөкысен ик ини чиль-дол адскиз паськыт вöлскем Кам шур. Пилемъёслэн вужеразы тулкымъёс пурысесь, секытэсь адско, мугорез юзырато.

Пиос гань-гань интыяськызы но, иземзы ик потыны öдъяз. Тани Шольяз но ортчизы, жоген Камбаркае вуизы. Поезд татын кема уг сылы, кык-куинь минут гинэ. Маши-нист юрттйсеныз паровозысьтызы ик уг васькало, стан-циысь лемлет картузэн дежурнойлы жезлзэс сёто но усь-тэм укноетй азыпала учко, витё семафорлэн «йырызлэсь» жутскемзэ.

Камбарка станцилэн юртъёсыз но бöрсязы кылизы. Табере поезд Янаулын гинэ кемагес сылоз на. Отысь станцие со каллен гинэ пыриз, жадьыса кадь. Татын паровозэз вагонъёслэсь люкозы но со интые мукетсэ дэмзытозы, выль машинистэн но солэн юрттйсеныз. Та-бере ини соос поездэз нуозы Чернушки станциозь.

Поезд котыре питранъёсты вöясь но вагонъёсты эс-керись кенакъёс вуизы. Соос ваньзы ик вöен наштаскем штанъёсын но, воргоронъёс музэн, ымтросазы орасько.

Венерен Миша вагон йылысь васькызы. Поездын мы-нйсьёс но вагонъёсысь потыло, назьылляськыса перронэтй поръяло, нош уноез мар ке сиён басьтыны дырто. Сьöразы кутэм сиён-юонзы уго сюрес вылын туж жог быре, ва-гоньын пукыку, сиськем сяна, ма карод на. Нош бадзьым станциосын пöсь картошка, сылалтэм кубиста, ияр яке кутэмняньёс басьтыны луэ.

Вокзал азъын пичигес базар кылдэмын. Вуз карись кенакъёс пырак тротуар вылэ интыяськемын, канава дурын ик, корзинаосысьты зы, мискаосысьтызы сиён-юонъёссэс лыктись-ветлись калыклы дэмласа кесясько.

Нош тани вокзал съорысь пеймыт-лыз шинелен адыми адзиськиз. Солэн пельпумъёсaz горд погонъёс, кускысьтыз еэз борды бадзым револьвер дэмзытэмын, йыр быдза мыжыкъёсыз саесъёсысьтыз мычиськемын. Дыртытэк гинэ вамышья. Вуз карисьёс шоры чушмырес учке. Кенакъёс, помидорен, киярен корзинаоссэс, пось картофкаен мискаоссэс ури-бери кутыса, кир-пазь кариськизы. Огез чутись песянай султыса оз вутты, корзина вöзaz ик пуке. Со вала, милицаен пумиськон кыче югдуре вуттоз, султыны курадзё. Нош ош кадь таза милиционер чик дыртытэк со доры лыктиз но песянай вöзын сылись корзинаез шуак вань кужмысьтыз чыжиз. Корзина пештиз, отысь сиёнъёс — картофкаен миска, кияръёс, помидоръёс музейем вылтй питыразы. Тае адзыса, Мишалэн сюлмыз ик вöсь луиз. Милиционер, пал кыл вератэк, сюрессэ йөн-йөн азылантьиз.

— Мар тон кариськод, шайтан?! — шуак кеськиз Миша.

Нош милиционер пиос пала оз но учкы, перронтй гань-гань вамышьяз.

Таче югдурез адзыса, Мишалэн дурыстэм вожез потйз. Ма, кыче мар адыми со милица? Ма, нёшто солэн мумиз öвöl, нёшто со сютэм улонэз оз чидалля, тодэ ук: куанер улон песянайёсты вокзал доры вуттэ. Валаны ик уг луы, кызы соос та секыт аръёсты чидало. Кык сю манет пенсия басьтыса. Сомында тыро уга. Быдэс тылож чоже асьсэдыз жалятэк ужамзы понна. Кызы, пе, али кык сю манет тыр улыны быгатод. Соин ик песянайёс, кётсы ялан сюма ке но, кöня ке картофказэс пöзъто, соин кутэманьян пыжыса, сое вузаса, семьязылы öжыт ке но юрттон вылысь. Ма, со песянайёсты, сомында чидамзы, уждун но

11. Техникумын

басътытэк, губырскымон ужамзы понна, ки вылын нуллыны кулэ!

Сюлэмтэм муртлэсь адымиез вöсь каремзэ адзýса, Миша, оло, улоназ нырысьсэ тазыы вожпотонэн гомзиз. Отйяз сыче учырýсын трос пол пумиськылйз, куддырýя мыжыкýссэ но урдылйз, нош мукетýят адзýмтэ улсы кариськылйз.

Пияшýес чернила öз шедýтэ. Ма, вуз каронниос но ворсасýкыло ни. Венер вордскем гуртояз пыдын мыныны чектэм вал но, укмыс иськемез уйлы пумит ини вамышýяны мылзы öз поты. Соин ик Сарапулэ берытсконо кариськызы. Но ош кадъ милиционер, соосты адзýса, вокзал дортй солань-талань ветлэ вал.

— Тон кытчы монэ валтйськод? — вокзал дорысь кошкэмзэс адзýса юаз Миша.

— Кытчы, кытчы... Вамышýя ойдо. Котыр сюрес — вöй сюрес. Поездлэн йырыз пала мыном, отй станцие пыром.

Заборысь пырон пась шедýтйзы но вырзэм поездлэн вагонýесаз кечырýяськызы. Миша корт баяс борды кырмиськыса вуттйз, Венер бызе на. Котýкуд вагон тубатýес вылын угось соос кадъ ик билеттэм муртýес мыно ни. Миша но пыдзэ тубат вылэ пуктыны курадýе ни вал но, кыкетй тубатын сылйсь мотор пи сое чýжиз. Ярам, Венер Мишаез китйз кыскыны вуттйз, сотэк эшез вагон питранýес улэ сюрысал. Мырдэм но кызыы поезд пумысь кыкетй вагонэ кечырскыны быгатйзы, липет вылэ тубызы. Лулзэс шедýтэмзы бере Венер чýжасýкись мотор пилэн мыноно вагонэз пала вамыштйз. Соизлэн кияз шуккиз но улие донгиз. Витýымтэ шорысь луыса, пияш баяс бордысь лэзиськиз но сюрес урдсы питыраса кылиз...

Озыы эшýес пунэмзэ берыктйзы. Ма, умой ик озыы öз лэсьтэ ни но, та сярýсь тодазы но öз лыкты, угось со пи но Мишаез чик жалятэк поездысь донгиз, питранýес улэ, шуыны луоз.

* * *

Оштолэзылэн шорысеныз соослэн слесарь ужъёсыя практиказы кутскиз.

Слесарь но токарь мастерскойёс техникумлэн подвалаз интыяськемын вал. Бадзым бӧлетын кӧня ке дасо корт жӧкъёс сыло. Бордазы акаръёс юнматэмын.

Мишалы, эшъёсызлы сямен ик, чекычлы шуыса дурем корт юдэс, штангенциркуль но кык эгол, дась вӧлэм чекычлэсь суредзэ сётйзы но соя ужаны косйзы. Секыт уж ӧвӧл кадь. Нош корт жӧк вылазы лапыш Миша уг суззы. Пыд улаз пульёслэсь сазнам нимысьтыз выжлӧгет кыскытэк ӧйлэсь.

Чекычез Миша ог куинь час вӧлыны курадзиз. Нош лэсьтэм арбериез сюбеггес но шадра пӧрмем. Съӧд халатэн мастерзы дораз лыктйз, Мишалэсь чекычсэ мертаз но кунэрскыса жӧк вылэ понйз:

— Э, пияш, кортэз юнме вӧлэмед. Чертӧжъя ӧд ужа шат? Отын ваньмыз пыр-поч пусъемын ук. Эн дырты, дыртйсь таракан пуртые усе.

Миша възьдасъкеменыз чыж чыжектйз. Вылаз ик, группайсытызы нылъёс шоразы учкыса сыло. Коть му пыр вия.

— Ма, мон мултэссэ вӧлэме бере мертай на, — валэктыны выриз со.

— Тон, пияш, ужакуд эскериськыса дырты. Котькыче ужын. Дыртэмлэсь кылдэм ортчем. Тазы вӧлйид ке, асьмелэн кортмы уз тырмы. Выльысь лэсьты, серем карозы.

Ма карод, выль чекыч бордын нош ик пӧсяно луиз.

Та учыр бере, кыче ке арбери вӧлыкуз, штангенциркульзэ кийсытыз ӧз куялля ни, шуыны луоз. Токарьлэн уезлы дышетскыкуз но. Тйни озы сое ас ужзэ гажаны, данзэ утыны дышетйзы.

* * *

Практика бере огшоры дышетскон нуналъёс кутскизы.

Техникумын пиналъёслэсь шутэтскон дырзэс радъясь соосты сцена вылын кырзаны-вераны, актыны но кыскылйз.

11. Техникумын

Та ужез техникумысь библиотекаен кивалтйсь Нина Дмитриевна Бабина мыло кыдо нуиз. Вань дышетскисьёслы со жеч книгаосты лыдзыны дэмлалляз, пинальёсты концертъёсы но спектакльёсы пыриськыны кыскылйз. Солы луыса ик, Миша но сцена вылысен кылбуръёс лыдзылйз, концертъёсты нуылйз. Крезьгурлы со ноку өз дышетскы ке но, кырзалляз, актылйз, эсьма, опереттаосысь сценкаосын но шудылйз. «Свадьба в Малиновке» спектакльысь Яковлэсь фронтысь бертэмзэ возматйсь суредын таза но чебер Бабинаен (Дормидонтовна) шудэмзэс учкисьёс котьку но кётсэс ик посыса горылйзы. Быдэсак спектакльёсты но шудылйзы. Кылсярысь, «Я хочу домой» спектакльын Миша тылож дыръя Германие нуэм пияшез шудйз но учкисьёслэсь сюлэмзэс ырзыйтйз.

Концерт я спектакль бере эктонъёс кутскылйзы. Соку но Миша валтйсь радын луылйз: бырйылйз, библиотекаысьтызы пластинкаос пöлысь кудзэ но кыче дыре пуктоно вуж «Урал» радиолаязы, Орджоникидзе заводэн кузьмам арбериязы.

Тыро-пыдо дйськутэз öвöлысь но лапышак луэмысьтыз возьдаськеменыз, Миша студентъёслэн шулдыръяськон жытьёсазы ассэ туж кепырес возиз. Кыче ке нылашез актыны öтөн сярысь малпаны но көбералляз. Соин ик со радиола котырын бергалляз, пластинкаосты вошъяз но озыы жытсэс шулдыртыны тыршылйз. Чажгетйсь пластинкаосты кылзыса акыльтэмзы бере егитьёс баянэн шудйсь усточиы котыре тэбиньылйзы. Восьтэт но жужыт Женя Ивановзылы крезьгураны быгатонлык ачиз Инмар сётэм, дыр. Тани со баянзэ кутэ, векчи но кузь чиньюсыныз съöd-тöдды бирдыос вылти жингырак ортче но, дурыстэм чебер чузъяськись крезьгуръя нылъёс бубылиос кадь поръяны кутско. Соос понна Женя Иванов катъэммытозяз шудылйз.

Одйгаз сыче жытэ быдэс техникум актовой залэ люкасыкыз. Концерт учкыны. Номыр ик йöспöртэмез öй вал кадь:

нырысь ик кылбуръ ёс чузьясъкызы, собере дышетйсьсы чугдэс куараен кырзэз, возьдасъкеменызы Їыж Їыжектэм нылъёс «пирамида» кылдытыны быгатэмзэс возьматйзы. Соос бере сцена вылэ уроказ дыртыса сямен потйз физикая дышетйсьсы. Вылаз, выль ке но овёл, чылкыт, жикыт костюм. Туннэ со кыче ке ас югдаз вал, мукет дуннеын кадь. Урокъёсын бурен ялан наштасъкылйсь кужмо киосаз скрипка возе, вож нуныез выллем, сьиче пичи, ненег ад-зйське со крезьгур кылдытон арбери. Дышетйсь юбо зокта пыдъёссэ кёня ке вайяса султйз но скрипкаез ангес бордаз жиптйз, мае ке кылзыса выллем, синъёссэ кынйз...

Крезьгур дуннее овсэз Мишалы Инмар усьтымтэ, лэся. Дас сизыым аресказ вуыса, со вылй данъям крезьгуръёслэсь акыляк потылйз. Нош физикая дышетйсьсы уката но вылй дано крезьгурез шудйз, дыр. Одйг интыяз солэн скрипкаез векчи гинэ куараен ненег кырзэз, нош со кырзэанэз котькуд адямилэн быдэс дуннеен, отысь вань чебереныз, мусоеныз валче луэмез сярйсь вал.

Ненег но чебер скрипкалэн куараез лул-сюлэме ик пыре но сое вань сьолыкъёслэсь мозмытэ. Ма, трос-а меда сьолыкъёссы вал ини чусомем пиослэн-нылъёслэн, нош соосты но скрипка дун-чылкыт кариз кадь.

* * *

Ортчем семестрын литературая Евгения Михайловна дышетйз. Солэн урокъёсыз котьку тунсыко ортчылйзы, угось ужзэ но, литератураез но туж яратылйз. Лапег гинэ, туж восьтэт, висись мурт кадь тусо, бадзымесь сьод синмо кышномурт, яратоно кылбурзэ лыдзъыкуз, тодмантэм воштйськылйз, кылбурлэсь чеберзэ усьтыса, со ачиз но чебер, тузй кышномуртлы пормытскылйз.

Миша книга лыдзйны яратылйз. Кисыяз котьку но тёл шулаз бере, солэн аслаз книгаосыз ноку ой вал. Соин ик эшъёсыныз солы дас куать аресказ кузьмам книга тужгес дуно кузьым луиз.

11. Техникумын

Пиналъёс яратыса лыдзыйлызы Марк Твенлэсь, Ромен Ролланлэсь, Джек Лондонлэсь, Александр Дюмалэсь книгаоссэс, Бальзаклэсьёссэ но киязы кутылызы. Мишалэсь сюлэмзэ бугыртйызы Виктор Гюголэн «Отверженные» романэз но Михаил Шолоховлэн «Донские рассказы» книгаез. Нош тужгес но сое бордаз кыскиз, бадзым зеч ужьёсы өтиз Николай Островскийлэн «Как закалялась сталь» романэз. Та книга котьку но солэн жок вылаз улийз, Павел Корчагин соин артэ ветлийз.

Кылбурчиос пöлысь солы тужгес но сюлэмяз луизы Александр Твардовский (кышкасьтэм но пезыгыт сямо Василий Тёркинлы луыса) но Константин Симонов («Женщина из города Вичул» кылбурзэ лыдзёмез бере).

Группаязы тужгес но трос лыдзиськиз Орик Веретников. Со котьку ик съöраз кыче ке тунсыко книга нуллылийз. Одыг пол урокёс вискин со Мишалы чөктйз:

— Туж умой книга лыдзёмед потэ-а? Мон тыныд сёто, «Овод» нимаське.

Миша книгаез шумпотыса басьтйз, нош сое кык жыт куспын лыдзёмез бере уката шумпотйз. Эшезлы «Оводэз» берыктыкуз шуиз:

— Кылзы ай, Орик, таçe зеч книгаез мон, оло, öй лыдзыйлы на вал. Тынад сычеосыз ик вань на ке, мыным лыдзыйны сётъя, ява.

Орик солы мур но тунсыко книгаосты ялан нуллыны öдяз. Соосты лыдзыйса, Миша адымилыко луыны но уланысь кырсьсэ, алдаськонэз валаны дышетскиз, книгаосысь синмаськымон адымиос кадь луыны тыршиз.

Миша сямызъя пуксеттэм, шаплы вал. Урокёс вискин коридоретй дыбыр! бызыйлийз но, тодмо нылаш шоры донгиськыса, солэн көтаз чиньыеныз мырзыйлийз, соиз ой! но шуыны öз вуттылы, нош пияш кыче ке туж кулэ уж сярысь вераськон мытылийз ни.

Огаз нуналэ Мишаез физкультурая но ожгар тодонъя дышетйсьсы коридорысен дугдытйз. Алексей Михайлович

Фогель техникумазы партбюроен но кивалтйз. Со, зэмос ожгарчиос сямен, котьку но жикыт, френчен ветлылйз, нош синъёсыз котырысь дунне шоры шуныт учкызы. Егитьёс сое яратылйзы. Мишалэн ке физкультураен «кылыз өзгес тупалля». Бызылыны со быгатылйз, оло, куд-ог пиослэсь жоггес но, нош турниказы лапыш пияш сузьтйськыны өз пөрмытылы. Солэн тэтчамез шоры учкыса, быдэс группазы серекъялляз.

Алексей Михайлович шуак чектйз:

— Физкультураен зачёт мон тыныд пукто, нош со понна тон баскетболэн шудод.

Миша ма шуыны ик зудйз. Со уга волейболэн но шудыны йёнала уг быгаты вал. Мукет шудйсьёс солэсь трослы жужыт бере, туп доры котьку вазьгес сузьтйськылызы, Мишалэн киосыз вылтй сое выж вылэ салылызы. Нош Алексей Михайлович тйни пияшлы баскетболэн шудыны чектэ. Серем каре-а, мар-а. Ма, уг кадь, чик уг пальыша.

Баскетболэн Миша волейболэнлэсь но урод шудйз. Чильпам пуйыо кульчо улэ со бызыса жог вуылйз, нош тупез отчы пыртыны кык пол сяна өз быгаты. Дышетйсьез, пияшлэсь туж но туж тыршемзэ дуньяса, лэся, солы зачёт пуктйз ик.

Экзаменьёсты сётонэн йырин сюлмаськонъёс, изытэк ортчйтэм уйёс йылпумъяськызы. Мишалэн группаысьтыз егитьёс куинетй курсэ потйзы. Ваньзы шумпото: дышетскон ар йылпумъяськиз, азьпалан эрико, шутэтскон вакыт. Пырак сйзылозь!

Класс уженызы кивалтйсь кенаксы, пинальёсын люкиськыкуз, зеч кыльёс верам сяна, соосты пыкылйз но: пёлысьтыды куд-огез, пе, урокёсын укыргес шудылйзы, йыртэмазы. Нимъёсты өз поттылы, нош Миша солэсь пыкылэмзэ ас вылаз басьтйз. Я, чок ини, мар вал, со сярэсь вунэтыны но луэ. Гудырикошкон пумозь.

Техникумын шыпытаз. Сое йылпумъяса диплом басьтэм егитьёс гинэ одйг-ог пыраллязы на. Дышетскем юртэнызы, дышетйсьёсын люкиськыны.

Гужем шорын Мишаослэн бигер гуртысьтызы тодмоос-сы вуизы. Соос быдэс гуртэн люкам нёкы вöйзэс вузаны вайиллям. Бадзымесь кызпу шумесьёсын. Марусялы вань тодмоосызлэсь саламъёс веразы. Чай юыса жыны нунал пукыса мадизы «гондыр гутёязы» улэмвылэмзы сярись. Собрере Марусязез куризы: пиед, пе, етйз, карез Сарапулын вордскем мурт кадь тодэ ни, дышетскемез вань, милемлы вöймес базарын вузаны мед юрттысал вылэм.

Паськыт базарлэн дуртйз куасьмымтэ тулыс дэриен, вал кыед люкьёсын, уссылэм куро бөмъёсын котыртэм лапасьёс сыло. Соос улын — вуз карон жöкьёс. Жöкьёс вылын йöлын гөршокъёс, кузятэмен мискаос, йөлвылэн пияла банкаос пуктылэмын. Нош вож ведраосысь нёкы вöен кык интыын гинэ вуз каро вылэм.

Тодмо ини: вуз карыны визьмыд ке öвöl — кисыяд но буш. Миша бен сычегес вузчи ини. Та ужен вырыны солы кепырес йöтылйз но, кыче ке йöнтэм ужен выре кадь потылйз. Соин ик мумиз Сарапулысь чыжы-выжыеныз Ильгизэн базаре келяз. Соиз шаплы вуз каре, быдэс базар тыр кесяське:

— Кинлы самой ческыт вöй кулэ, со ми дорын улэ, гуртысь лыктэмын, дунтэм луэмын, лыктэ, басьтэ, аксяды ке вань, эн жалялэ, ми вузмес ум жалялэ.

Таче шулдыр но йöспöртэм öтемез кылыса, котыразы калык люкаськыны öдяз. Огъёсыз пальпотыса учко гинэ, мукетьёсыз коньдонэнызы шильыртыны кутскизы ни. Жыны нунал куспын пиос вань вöйзэс вузазы. Зеч дунын. Бертыса уксёзэс доразы витись куноослы сётйзы. Бен, умой вуз каризы. Но Ильгизлы луыса, нош Мишалэн сюлэмяз та уж öй вал. Али но, бöрысь но. Вуз карыны валам кулэ уга, солы пичи дырысен дышетсконо, нош Мишаослэн семьяязы та уез малы ке öз гажаллялэ.

Гужем умой, каньыл. Мылыд потэ ке, кёттырмонад пыласькы, крезьгуръёс кылзыны Пушкин садэ ветлы.

Духовой оркестр шудэмья татын пичиез но, арлыдоез но экто, шулдырьясько. Нош йӧнгес но визьмын шутэтскемед потэ ке, жытьёсы театре мыныны луэ. Миша эшьёсыныз Сарапул театре сигаз тубан пась пыр сюрыйзы. Спектакль кутскемлэсь трослы вазьгес. Пуконьёс улэ ватскыйзы но залэ адямиос пырем бере отысь потылызы, спектаклез гань-гань учкыйзы. Но огпол соосты шараязы, уллязы. Пиос пегзызы, нош кыдёке ӧз, сиге берытскизы но, мурьё сьӧры ватскыса, залэз тӧлатон укноосты усьтызы но спектаклез, кӧт вылазы выдыса, оти учкызы.

Сарапул театрын усто артистьёс указы. Соос кемалась дано луэм спектакльёсынгес шудйзы. Но со спектакльёссы туалала улон шоры синмез усьтылызы. Калык татчы котьку но трос люкаскыйлиз. Иван Тургеневлэн гожтэмезья «Дворянское гнездо», Лев Толстойлэн гожтэмезья «Живой труп», Александр Островскийлэн «На всякого мудреца довольно простоты» пьесаезья спектакльёсты учкыкузы, шыпыт-шыпыт пукыйлызы.

Нош «Шельменко-денщик», «Свои люди — сочтёмся» комедиос дырья сюлмысьтызы серекъяллязы.

Театр — со улоньсь одйгез туж паймымон мар ке. Сигын учкись тужгес йыртэмась, шӧртчи пияшьёс гинэ но, сцена вылысь улонэз адзыса, шып карискыйлызы, сюлэмез бугыртись учырьёсты учкыса, нырьёссэс кысказы, нош кас муртьёсты али ик бызьыса мыныса мыжганы дасесь вал.

Сыче спектакльёсты учкемзы бере пияшьёслэн мурт садъёсысь улмопуосты но сзъяны мылдызы ӧз жутскылы ни. Кызы ке но чылкыт сюләмо луэмзы, мукет сяменгес улэмзы потылыз.

12. Быдмон

Нош ик дышетскон ар кутскиз. Куинетї курсэ потэм егитьёс ас өнерзыя рос-прос тодон-валан люканы кулэ. Та сярсы соослы радиопромышленностьын ужан амальёсыя выль дышетїсьсы Леонид Иванович Нестеренко ивортїз. Со радиозаводын технолог луыса но ужаз, техникуме дышетыны но ветлїз. Уроксэ кутскон азын со, малпань-ёссэ радъяса, лэся, классысь егитьёс азын шып сылылїз. Паськытгес ымныро, котьку чылк-чылк мычем бамо та воргоронлы көня арес сётыны шугьяськоно вал. Йырзэ өжыт мыкыртыса но кийсьтыз бурзэ бергатыса, со гожъян пул вылэ ог-огенызы герзам ньыль сэрего пусьёс суредалляз. Пинальёслэсь тетрадьёсазы суредь ёссэ пуктэмзэс витытэк, ваньзэ чушылылїз.

Ас удыссэ Нестеренко юн зеч тодэ вал. Группалэн старостаез Алексей Выборнов дораз радиоприёмникъёс бичалляз но дышетїсьлы аспөртэм юаньёс сётъялляз, нош соиз, нокыче книгае учкытэк, валэктоньёс сётъялляз, трос лыдпусьёс но вераса. Пинальёслы со лякыт учкись синьёсызлы луыса но ужез яратэменыз кельшылїз.

Чуказеяз радиолокация урокъёс вал. Классэ Марк Абрамович Радуцкий шаплы пыриз. Жужытэныз, лэся, со өжытак губырскемын. Съод-съод бабылес йырсиё, тусын визьмо, чебер. Радуцкий алигес гинэ институттэз йылпумъям но радиозаводэ ужаны ыстэмын. Пиналь ёсын со өжытак серемпыр вераськылїз. Ужзэ но зеч тодэ, кылыз но умой радъяське. Одїг час куспын интыысьтызы султутьям вань пинальёслэсь нимъёссэс тодэ ни вал. Дышетскисьёс шоры со визьмо синьёссэ өжытак кыныртыса, мынясагес но лякыт учкылїз. Урок быремез ялыса, чингыли жингыртїз но, Радуцкий веранзэ соку ик йылпумъяз, кылзэмзы понна «тау» шуыса йыбырттэм ка-

риз нo клaссый потйз. Вылъ дышетйсьсы пинальёслы сюлэмзыя луиз.

Тйни кызыы нo улoнын луэ. Мишa пoнна мемизы юртсэс возись oскымон, яратйсь, валась тужгес матысь адыми вал ке, Марк Абрамович сaмой яратoно дышетйсьез луиз. Али нo ини, арлыдо вакытaз, полковник пoгонъёс дaсo аръёс Їoже нуллыса, Мишa радиолокaцияя тa егит дышетйсьез котьку туж шунйтэн тoдaз вайылэ, угось сыёе адымиос пинальёслы вань сюлэмзэс сётйлызы.

* * *

Шуак толмиз. Кык уй нo нунал дугдылытэк лымыяз, музейем, юртъёс пуштырес шобретэн шoбырскизы. Сoбере кезытьёс вуизы. Шунды пилемъёс сьорысь потйз, йё кадъ кульчоен эгесаськем маке чик оз шунты ни, инмез гинэ син мaльдымон чагырен буртчиназ.

Таиз тол лымыё, тoло тупаз. Сарaпул урамъёсты букoсьёс ваментйзы, лапег коркa укноoсты нo ворсазы. Пинал кызыпуoс, льoмпуoс нo палэзыпуoс йылозязы ик лымые выйизы. Пинальёс букoсьёс ултй гудйськылызы, южмaм лымы люкъёслэсь борддоръёс жутйлызы нo oг-oгенызы «ожмаськoнъёс» пурoмытылызы.

Кыёе умой али гинэ сактйсь толсур инбaм улэ вуыны нo кезыт, дун oшмес кадъ oмырез юыса сылыны, выжыкылысь выллем чебер гортэм кызыпуэз адзыны. Умлэсь мoзмытскыса шoдйськод ни муръёысь жутскись ёын зынъёсты, кылыськод шыпыт куарaoсты. Нош тужгес нo шумпoтто шутэтскыса люкaм кужымед, пезыгыт мылкыдыд. Мугордэ уд ик шoдйськы, музейем вaдьсын порьяськод кадъ. Мугордэ арлыдад вуэмъя, улoнэз шoмъяса-верьяса, визь-нод люкaм берад гинэ шoдыны кутскиськод уга.

Таиз нунал мукетъёслэсь пoртэмгес вал, угось туннэ Мишaлэн быдэс группaeз йё вылэ нискыланы мынэ.

Пу коркaосын жикатэм Пeрвoмaйскoй урaмын спортэн вырон бусылы инты кызыы ке сюрем. Гужем oтын футболэн

12. Быдмон

шудыны капка юбоос сылйзы. Пияшъёс, Миша, Геня, Витя но Борис, соку туп съёры мыло-кыдо бызьылйзы. Нош толалтэ та бусые йё кынтылйзы но, жытьёсы отын быдэс Сарапул нискылалляз.

Бен, со нискылан инты кемалась өвөл ни, нош соку, жыны даур талэсь азьло, оло нош, Сарапулын вань улийсьёс отын нискылаллязы, кожасалыд. Юбоосысь пиштйсь тыльёсын югдытэм пичи гинэ йё бусыын соос чажыртйсь пластинкаосысь чузьяськись крезьгуръёс улсын ог-огзэс уйылйзы, чабылйзы. Уката ик — техникумын дышеткись ёс. Мукетьёсты ултйгес карыса, лэся, соос палэнынгес возиськылйзы.

Укыргес зол нискылтыкуз, Миша ачиз но өз шёды дэмен сылйсь нылъёс пёлы кугзэмзэ. Нылашъёс, чирак! черектыса, котырак пазьгиськизы, нош Миша огзэ нылашез кырмыны вуттйз но сое йё бусы шоры валтйз. Отын уго тыл сокем яркыт уг пишты вал, иське, нылашен чёшен нискыланы но сокем курдыт өвөл.

Нош нылашез зольгыри быдза гинэ, бадзым синъёсыз мусо учко. Ай со нылмурт сыче тузй дйсьяскемын: съод пильыс юбкаен, буям ыж гон шортлэсь керттэм вакчи гинэ кофтаен, озьы ик пужыё керттэм тодь-тодь изыен но чыж-горд чыртыкышетэн, нош пыдъёсаз зэмос конькиос, катаеньёсыз, кутчамын вал. Сыче конькиен муртъёс шоры техникумын вань дышеткисьёс пумтэм вожьяськыса учкылйзы.

Миша, кайпалтэм нылыз шоры учкыны дйсьтытэк, йырзэ йыбырттэм кадь мыкыртйз но баблес йырсиё нылашлэсь юаз:

— Кыззы ай тынад нимыд, нылаш?

Соиз, курдамзэ палэнтыса ини, нош кепырасагес ик ай куаразэ поттйз:

— Хамида.

Нылаш но сыче кепырамлэсь етйзмыса, Миша чектйз:

— Хамида, ойдо чёш нискылалом.

Нылаш чыж чыжектйз но йырзэ гинэ мыкыръяз. Табере Мишалы йö бусыетй синтэм-пельтэм лобаны уг яра ни вал. Нылашен ваче ки кутскыса, соос, нокинэ азьпалтыны турттытэк ини, гань-гань котыръяськызы. Со куспын Ха-мида мадыны вуттйз: со, пе, Мишаен одйг техникумын дышетске, кык курслы бергес, солэн зеч сямо выныз вань на, муминызы-айинызы чöш уло.

Жоген соослэн пидьёссы жадизы но, Хамида йö бусы дорысь шунскон корка пыраны чөктйз. Отын, пöсь омырен шокась корт гур вöзын, со чыжыт-чыжыт луиз но уката муспотон нылашлы пöрмиз. Шунскон коркась потыса, нылэн пияш көня ке нискылазы на но, йö бусы вылысь калык чылкак шеромем ни шуыса, Хамида дораз бертыны ылаз. Миша сое келяны чөктйськыз. Конькиен катаоссэ куштыса, нылмурт гын сапегъёссэ кутчаз но, Горд Спорт урам кузя вылие тубизы. Нылашлэн юртэз вöзын Мишалэн соин сьлэмез, вераськемез потэ на вал но, кышномурт куара Хамидаез дораз öтиз. Нылаш, йырзэ ошыса, корка палаз дыртйз. Кошкыкуз небыт пöзеныз Мишалэн бамаз йötскиз.

Табере котькуд көснулэлэ Мишаен нылаш йö бусыез волятйзы. Хамида техникумазы куасэн бызьылыны тужгес но шапльез вылэм. Конькиен нискыланы Люда Меньшиковаез чортылйз. Мукет эшъёсыз но сьöраз калъяськылйзы. Но соосыз йö бусые выжы малы ке öз лэзьылэ, мукет уже нориськылйзы.

* * *

Выль ар жыт но ортчиз. Олокыче но пöртмаськон дйсьёсын, шудон-шулдыръяськонъёсын. Техникумысь библиотека кенак, Надежда Дмитриевна, Мишаез чөртлэн дйсеныз пöръяз. Тумошо пöрмиз. Жытын серемес почта шудонэн но шудйзы. Нылашъёс пиослы гожтэтъёс гожъязы но пырсйылыса ыстылйзы. Миша öтемен, техникумысь егитьёслэн шулдыръяськоназы Роза но муспотон Галя

12. Быдмон

Виноградова эшениз ветлйз. Эктонъёсын йырзы поро-
мымон ик бергазы.

Тол экзаменьёс но ортчизы. Дышетскон ар азылань-
тйськиз.

Оштолэзь пумынгес Кам вылысь йö вырзйз. Миша эшъ-
ёсыныз шуkyрес суредэз учкыны бызьылйз. Та нуналь-
ёсы Сарапулысь пичиез но, бадзымез но шур дуре люкась-
кылйзы, батыр шурлэсь шуkyръяськемзэ учкылйзы. Таяз
нуналэ но ярдурын нылъёс, кышноос, воргоронъёс, пичи
пинальёс сылйзы. Сумбрес йö кесэгъёс, вылысьтыз вылаз
тубыло, кежыр-куажыр! тйясько, пожаськем вуэ зымыло
но выльысь урдскыло, вылланы тэтчыло, шуky поттыса
усыло. Тани бадзым йö кесэг вылын пограм кыз уя вал
но, даурьем писпуэз, кыче ке бодыез сямен, вупортон
кыскиз, выйтйз, йылыз гинэ огдырлы адскиз на. Ог вить
минут ортчыса, кыз выльысь ву вылэ лөптйз. Нош табере
со чик но пуштырес öй вал ни — тйям, погмам ваё писпу.
Даурьем кыз бере куро бöмъёсын тол сюресэн йö кесэг
гылзйз, со бöрсый — быдэс шормуç, кир-пазь карем выж
коръёсын. Вань калык таçe шуkyрес кужымлы паймылйз,
ярдурын зйб-зйб сылылйз.

* * *

Куартолэзе шутэтскон нунальёс бере дыр туж жöг бызь-
ыны öдъяз. Лабораториын быдэсьяно ужъёсты йылпумъяно,
ар çоже люкам визьбурдэ сумъяны кулэ. Дышетйсен
сётэм ужъёсты лабораториын ваньзэ быдэстыны туж секыт
йöтылйз. Эшъёссылы туж юрттылйзы визьмо но муспотон
нылашьёс Валя Тотьянина но Лера Муслимова. Соос вань
лекциосты одйг кылзэ кельтытэк гождьяллязы, дышетйсьлэсь
котькуд малпанзэ валаллязы но пусйылйзы. Собере Валя,
жöк дораз султыса, егитъёслы ас валамзэ вералляз. Нап
йырсиосыз буртчин кадесь, сыçe небытэсь, гочатйсьесь,
таçe ик маялтэм, мусоям потэ. Бамъёсыз ненег çыжытэсь,
задор шудэм пиналлэн кадесь. Шораз учкыса, мылкыд лөптэ.

Нош со валэктыны курадъе.

— Ма, кызы уд валаське? Учке ай, тани кызы со луэ, — суредaм гожъёстйз чиньыеныз нуллйз нылаш. Тани, пе, тазы электрон ивор герзетын кужмоя.

Женя Косолапов, ялан сырмась, нырысетй классын дышетскись эке музэн, кизэ жутыса, дышетйсьлэн юанэзлы валэктыны курыськись пи, соин соглаш уг луы:

— Тон, Валя, шонер уд вераськы, тон шонер вера. Учкы ай, кызы татын гожтэмын, адъид-а, езтыллэн кыче кужыме татын пусъе мын.

Нош ваньзэ валэктылйз котьку зйбыт пукылйсь Юра Ходырев. Техникум директорлэн пиез бере, со ваньмызлэс жеч дышетскыны кулэ вал. Озы солы анай-атаез косйзы. Нош электрокужымъёслэс вёлскемзэс возматйсь суредъёсты солэс умой нокин лэсьтылыны өз быгатылы.

— Электрокужым тани малы шуак будэ, — валэктыны өдъяллыз Юра но югдурез ас сяменыз адъемзэ вералляз.

* * *

Дышетскон арлэн берпум арняосыз укыр дыртытэк кыстйськызы. Коть сюлоен соосты улля. Нош нунальёс огзэс огзы воштылйзы, экзаменьёс матэктызы. Ужъёс тачак люкаськызы: берлолыгес кельтэм зачетьёсты сётоно, лабораториын ортчйтэм эскеронъёсья гожтэм ёстэ, суредaмъёстэ дышетйсьёслэн жок вылазы вуттоно...

Экзаменьёс но кутскызы. Сюлмаськонъёс, шугъяськонъёс, кóлытэк ортчйтэм уйёс, дышетскыкуд гожъямъёстэ вукак потымон лыдъоно. Техникумез йылпумъясьёсты быдэс дуннелэсь люкызы. Соос ог-огенызы гинэ вераськылйзы, ог-огзэс гинэ адзылйзы на кадь. Ма, экзаменлы кык-куинь ёошен дасяськыны каньылгес. Тросгес кузя люкаськиськод ке, йырвизьдэ гинэ суралод. Миша экзаменьёслы Юра Беспаловен дасяськиз. Соизлэн уга патерез бадзымгес вал. Соос Юралэн бóлетысьтыз валес вылэ интыяськылйзы но зок книгаосы синъёссэс

12. Быдмон

мертчытылйзы, ог-огзылы юаньёс сётъяллызы, уйшор берозь пöseкъяса споръяськылйзы.

Куартолэзьлэн кызетй нуналаз нырысетйез, математикая, экзамензы ортчиз. Соосты ог-огзылэсь учкыса медаз гожъялэ шуыса пуктылйзы. Но пинальёс куспазы шыпыршыпыр карыны амалтылйзы ик. Мишаен артэ Гена Трефилов пукиз. Шумприч но котьку шулдыр мылдыдо пияш туннэ бёрдоно кадь. Со Миша шоры тэльмырыса учке но лушкем сипыртэ:

— Номырзэ уг валаськы, йырын шалтрак буш. Юртты вал, а?

— Юртто, юртто, аслым сётэм ужез гожъяса быдтй ке, — эшсэ буйгатйз Миша.

Вераны капчи, лэсьтыны шуг. Дышетйсьёс амало дауртйзы угось: Мишалэн азьпалаз но мышказ пукисьёслы одйг ужёсты быдэстыны сётйзы, нош артэ пукисьлы — мукет. Миша аслэсьтыз задачазэ быдэстйз, ужзэ чылкчылк гожтыны гинэ кылиз на. Но артэ пукись эшез бёрдон калэ вуэмын ук. Миша солэсь задачаен кагаззэ ас азяз лушкемен кыскиз но жогак гожъяз, кызьы сое быдэстоно. Озы со ачиз но, эшез но экзамензэс «ныльлы» сётйзы.

Шундыё пöse нунальёс но вуизы. Экзаменьёслы Камысь шормуҷын дасяськыны луэ. Тодьы пытьы кельтыса лобись katerен кылдытэм тулкымъёс луоё ярдуре питырско. Сюмын (заливын) яркыт-чуж синмо тодьы вусяськаос лэйкало. Шурлэн мукет палаз борддор кадь тэль сылэ. Нюлэс комбинат вадьсысь та Вож шормуҷе экзаменлы дасяськыны пиос нуналлы быдэ ветло. Лыдзисько, пыласько, шунды шорын пыжо. Татын шыпыт, эркин, нокин уг люкеты. Эсьма, чорыгась ёс но пыжен туж шер вуыло.

Инвожо толэзьлэн пумаз шур лазегоме. Шормуҷлэн Пермь улос пала учкись дуртйз кузь луо ныр кылдэ. Ярдурлэсь палэнынгес шормуҷ куакъёсын, йыр поромымон ческыт зыно турыньёсын шобырскемын. Шурез коласа потэм бере пöse луое месйськем потэ.

Юрa Бeспaлoв вaнъмызлэсь aзьлo луo шoбрeтэн шo-
бырскиз нo шыпaк кaриськиз. Солэсь aдъём кaрысa, мукeт
пиoс нo сьулэм лычсузьымoн шуныт нo нeбыт луoe зы-
мылйзы. Тйни Витя Глeбoв нo луo шoбрeт улэ пырeм.
Пыдпыдэсьёсыз, йырыз нo тeтрaдeн бур кийз гинэ aдъись-
кo нa. Рaдиoлoкaция лeкциoсты нукыртысa лыдъe. Ойтөд,
йыраз мaкe пырe мeдa, угoсь шунды пыжe. Соин, лэсь,
пылaсь кoн сярьсь гинэ мaлпaськoд. Кычe умой юзмыт
тулкымъёсын уяны нo шурлэн йөспөртэм oмырeныз
шoкaны!

Юрa өз чидa ни, луo улысь пoтйз нo вu дoры бызиз. Со
бөрсьы — Мишaeн Витя. Лaзeг интыeтй бызьысa мынйзы
нo мур aзe вуьсa зымылйзы. Сoбeрe тыбыр вылaзы выдйзы
нo вu вылын кeмa кыллизы. Кaллeн бызись шур cooсты
пумен ярдур вөзтй нуиз. Но трос пылaськыны дыр өвөл.
Кык нуaл oртчысa — экзaмeн. Дaсьяськысa вуттoнo. Эшьёс
луo нырe пoтйзы нo выльысь лыдъиськыны, лыдъeмзэс
йыразы кугъaтыны өдъязы.

13. Нырысетй яратон

Экзаменъёсты сётыса но курс понна гождоно ужъёсты дасяса, гужем шор туж жог вуиз. Каникулъёслы толзээн жыныен гинэ кылиз на. Ма, со дыр но малы ке туж чаляк ортчиз. Миша валаса но өз вутты, гудырикошкон но йылпумъяське ни. Жоген выль дышетскон ар кутскоз. Мишаослэн азбаразы будйсь кызьпулэн чуж куаръёсыз кылдйзы ни, мар ке сярысь вераса кадъ, со төл шорын чаштыртылйз, кыкетй этажысь укноосы вайёсыныз йыгаськылйз.

Куарусён толзэь — арлэн, оло, тужгес чебер дырыз. Шунды музъемез шунтэ на. Дышетскись нылашъёс, одйг кадъ курень дэремъёсын, төдь-төдь айшетъёсын, забыльтыса школае дырто, сумкаосынызы шонаса, шудыны ылалляса мыно пияшъёс. Мишалэн группаысьтыз егитъёс но выльысь техникуме люкаськызы. Ваньзы ик йёнскиллям, рос-просгес луиллям. Нош пумиськемзылы шумпотыса, астэ лачмыт возыны быгатод шат? Забыль потто.

Миша Лера Муслимова шоры паймыса учке. Кык ар куспын со чош дышетскись эшъёссэ вить чиньюоссэ кадъ тодыны вуттйз ни, кожа вал. Котькуд выроссы, туссыбуйзы тодмо. Но озы вылымтэ ай. Уть, кыче вылэм та нылаш! Бен, Мишалы азьвыл но солэн пеймыткурень синъёсыз кельшылйзы. Нош сыче лякыт, сюлэм вылтй вйй кисьтыса учкемзэ азьвыл өз шоддылы. Инмаре, макем чебер вылэм та Лера! Ку но кызы, нокин валаса вуттытэк, таце синпөртмась сясыка усьтйськиз?

— Ле-е-ра! Макем тон чебер!

Нош нылаш, Мишалэсь та верамзэ кылыса, эшъёсыныз забыльтэмысь дугдйз, чыжектйз, но веран кыл шедьтйз:

— Тон азьвыл чебер тусэз гинэ синйылтылйд. Малы тй, пиос, чеберезлы гинэ синмаськиськоды? Лякыт муртэ

бырйыны кулэ. Шунтйсь сёлэмозэ. Зарни, чебер чиля ке но, кезыт.

Вераськоназы Слава Благов пыриськиз, мукет дырря котьку чалмыт улйсь пияш.

— Э-э, эшьёс, тй янгышаськоды. Чебер нылмурт пиез мальдытэ, нош шушанезлэн тусыз мукет нылэз шумпоттэ. Кышномурт котьку но зырдыт мылкыдо, дартлыко, дйсь-тйсь, нош со дыре ик ненег луыны кулэ. Ми, пиос, сыче нылэз, кышномуртэз пумтэм яратыны быгатэменымы даньяськиськом.

Тйни кыче визьмо вераз. Кытысь ке лыдземзэ-а тодаз вайиз, ас вылаз чидамзэ-а шараяз?

Нош Миша выльысь паймыса учке: Валя Тотьянинаен Тамара Кокорина но кыче чеберскиллям! Луиза Зворыгина но, Алла Солодова но. Ма, Валялэн азьвыл но сыче ик бадзымесь, гочатйсь синьёсыз вал шат? Нош Аллалэн пичи гинэ чатырskem нырыз кыче мусо адзиське! Али ик чупасал кадь. Со задор нырзэ. Ма, солэн нырыз азьвыл но чатырskemын вал ук, нош Миша өз саклалля быдэ вуэм ныллэсь пумен кужмогес гочатйсь туссэ. Уть ай, уть, бамчукчоосаз чупано кадь пичи гинэ гопъёс серекьякуз но, мыняса вераськыкуз но кылдо. Э-э, Лера, та улонын чилясь зарни но кулэ. Ачиз но Лера чебереныз пиштэ ук.

Группаысь егитьёс, куинен-ныылен люкаськыса, гужем ортчйтэм нунальёссы сярись мадылызы. Миша палэнтйсь-киз но Лёня Кореневез синйылтйз. Малы меда одно ик сое? Нырысьсэ уг адзы ук? Бен, со бадяр кадь веськрес, визьмо синьёсыз мукетьёс вылтй кытчы ке кыдёке учко, кыче ке туж шумпоттйсь, зечсэ кузьмась суредэз адзё кадь. Ма, со сыче суредьёсты адзыны быгатэменыз, нодлыкеныз мукет пиослэсь висьяськылйз.

* * *

Таиз чукна шыпыт но лачмыт вал, оьжытак кезытскиз. Нош сйзьыл шунды ворекиясь пужмерез мыняса шунтйз.

13. Нырысеті яратон

Пыдын ветлон сюресь ёс вылысь пульёс котмизы, съөдэк-тйзы, чылкыт луизы.

Миша техникуме бызьыса пыриз но коридореті мынйсь дышетйсьсы шоры өжыт гинэ өз мырзиськы. Классэз доры лобыса ик вуиз. Отын, укно дорын, сумказэ бордаз бур кыныз жіптыса, нылаш сылэ вал. Курень дэремен, векчи кускыз дэремиен жікатэмын. Со йырзэ берыктіз но тыбырысьтыз мертчан йырси пунэтэз мөля вылаз вуиз. Артэ сылйсь эшеныз вераськонъяз, нылмурт коридореті ветлйсь егитъёсты чаклаз, кинэ ке утчаз кадь.

Нылашез укыр чебер ой шуысал, но солэн өжытак паськыт ымнырыз, нунызэ киосаз возись анайлэн кадь учкемез Мишалэн сүлэмаз ик йөтйзы. Нылмурт шоры со ымзэ ик усътыса учке. Нылашлэн я напкурень, я пеймыт луэм синъёсыз со вылтй но ортчизы. Ныллэн ныр котыртйз, ненег киосаз суредаськем пужыос солэсь шумприч но задор сямо луэмзэ возьмато. Мишалэсь шораз мыр-мыр учкемзэ шөдыса, со нырысь чүшмырскиз, нош жалем ымдуръёсыз соку ик мынязы, чупаны өттыса кадь өжытак усътйськызы. Пияш шоры паймыса но, шумпотыса но, мылпотон сиоссэ но пазяса учке.

— Я, мар тон сыче учкиськод? — пияш доры матэктыса, лушкем шыпыртйз со.

— Мон-а? — шуак луиз Миша.

— Тонтэк-а? — пырсйиз нылмурт.

Мишалэн йырыз поромиз, пельдйньёсаз вир кока, нокинэ, номыре адзйтэк, ныл дорысь жогак палэнскиз, нимзэ но өз юа. Бөрысыгес ини эшъёсызлэсь кинзэ-марзэ тодйз.

Та учыр Мишалэн тодаз мертчыса кылиз. Виль ар жытэ со та нылашез выльысь синйылтйз. Тодэ ни вал: нылмурт нырысеті курсы дышетске, классы кыкеті этажын, нош Мишаослэнэз — нырысетйын.

Виль ар эктонъёс кутскизы ни, Миша, борддор борды пыкъяськыса, Галяез синъёсыныз утчаз. Соиз тодмотэм пияшен берга вал. Пельпумаз выдэм зөк йырси пунэтэз

буртчин лeнтaен пунэмын. Техникумлэн оркестрез виль крезьгур шудыны кутскиз но, Мишa борддор бордысь донгиськиз, нылмурт доры вaмыштыны дйсьтйз. Гaлeя эшeныз вeрaськысa сьлэ вaл. Нырысь кылдэм дйсьтонэз Мишaлэн шуaк ышиз но, сo, нылмурт доры кык-куинь вaмыш вуытэк, тыпaк дугдйз. Сокемысен мaр кe бөттырaз, эхтыны өтиз кaдь. Нылaш солэсь өтeмзэ кылысa чыжeктйз, эли-кeби луиз. Озыы кe нo Мишa пельпум вьлaз, кыпидэсaз пöсь нылмурт киослэсь йөтскемзэс шөдйз. Нош нылмуртэн нырысь эктонэз сoе вoзьытэ гинэ уськытйз. Гaлeя сoе aс шөдэмезья бергaтйз, Мишa сoя кaриськысa эхтйз, кизэ ныллэн кускaз поныны дйсьтытэк. Нылмуртлэсь пöсeктэм мугорзэ чöлыы пумыныз гинэ нo юнгeс зйбыны кышкaсa, шуaк бушaм йырысьтыз кычe кe визьмo кыл вeрaны утчaз. Öз шeдьты.

Нылмурт тaчe югдурысь потыны aчиз юрттйз, юaз:

— Тынaд кызьы нимыд?

Мишa, нылмуртлэсь пыдзэ лёгыны шeдьтысa, чугдэм куaрaен мырдэм вeрaны быгaтйз:

— Мишa. Мон тaтын куинетй курсын дышетскиськo.

Нылмурт ини чик кeпырaтэк бордaз кaриськиз:

— Тодйськoм, aдзйлыським ни. Нош мынaм нимы — Гaлeя. — Сoбeрe шуaк юaз: — Мaлы тон нoку нo өд эхтылы вaл?

— Мa, уг быгaтйськы нo, — вaлэктйз Мишa. — Пыдьёсы мыдлaнь думeмын, дыр.

— Мынaм нo пыдьёсы интыязы өвöл кaдь, эхтыны уг быгaтйськы.

— Туж интыязы кaдь, — Мишa синъёссэ ныгыт ныл пыдьёс шорысь жутйз нo оркестрын шудйсьёс шоры воштйз.

Нылмуртлэн вуэм зeг буёло йырси пунэтэз Мишaлэн ки бордaз ялaн йөтылйз. Соос Гaлeяен мaр кe вeрaськoн мытыны вьризы, техникумысь oгъя тодмооссы сьaрысь нo тодaзы вaемьяськизы, нош Мишaлэн нo, Гaлeялэн нo мaлпaнъёссы чик соос сьaрысь öй вaл. Нокин, нoмыр

13. Нырысеті яратон

сярысь вератэк но, соослы тазыы чөшен берганы-курадзыны туж умой потйз. Угось Галя понна та лапышак пияш кемалась тодмо, кельышлы пимурт луиз. Нош Миша жытын шулдыръяськись мукет нылъёсты, шукурес чебер дйсьськемъёссэ но, адзыны ик өз быгаты ни.

Синучкон чалепъёсын лякылэм но югдытэм туп бордысь вёлкись сиос пушкын Галялэн вольям киосыз лобись тылобурдо бурдъёс кадъ адскылйзы, муспотон ымнырыз шуак-шуак югдытскылйз, йырси пунэтьёсыз зарниен вореқтылйзы. Нылмурт, ваньзэ вунэтыса, лопырськем мылдызы пушкы выйыса, номыре, нокинэ адзытэк, адзыны но турттытэк бергаз. Тани-тани со, вож буртчин дәремен веськыт-веськыт но пезьгыт мугоро нылаш, калык вадьсы жутскоз, вылйын, эркын омырын, поръяны кутскоз. Галя шоры гинэ али ваньмыз учко, солы гинэ синмасько. Пиос синмасько, нылъёс вожъясько. Галя, сое шөдыса, уката но эркын поръяз, лобаз...

Синмаськеменызы йырзы поромем пияшъёсты вожъяськытыса, Галя Мишаез бергатылйз, солэн синъёсаз кыннырес учкыса серектылйз, мар ке вералляз. Собрере соос жытысь пегзызы, Миша та выжыкыл нылмуртэ дорояз келяз. Быдэс Сарапул пыртй дыртытэк вамышъязы, огогзы борды жиптйськыса. Галялэн юртэз карлэн пумаз ик сылэ вал. Татын со агаеныз но анаеныз улйз, нош атаез улэп вылымтэ ни. Мишаен Галя, люкиськыны чыдытэк, ныллэн коркаез вөзын кема гинэ сылйзы. Олокытысь-марысь съёразы Галялэн Шура эшез кальясъкыз (акылес!). Миша, муспотонэзлэсь кынмем киоссэ кутыса, соосты пось шокаменыз шунтйз. Нош Шура эшсэ дыртытэ, мон но, пе, кынми ни. Пияш, нылашеныз люкиськемез потытэк, серемес учыръёс сярысь мадиз, куиньназы горизы. Нош мар пумысь — созэ Миша чуказеяз тодаз вайыны өз быгаты ни, угось яратон шудэн кудзыса, котыр дуннеез вунэтиз. Нылмуртэн люкиськыкузы, Миша, Шуралэсь чик кепыратэк, Галяез зыгыртйз но шыпыртйз:

— Тон мыным сыёе кельшисъкод, сыёе — вераны кыл уг шедътисъкы. Тодисъкод-а, мон тодй, котъку тодй, тонё одно пумитало шуыса...

Дораз вуытозяз, Миша та кылъёсты быдэс сюресэз кырзаса-вераса бертйз, дыр. Нош йыраз одйг гинэ малпанэз бергаз: ёуказе со нош ик Галяез дорозяз келялоз.

Галя но, Миша но яратон тулкымъёсазы ванъзэ вунэтыса уязы, югыт шундыен югдытскизы. Трос аръёс ортчыса но, соос тужгес яркыт, шунит та вакытсэс сюлэмазы возёзы. Ма, дас куать арескын яке со котырын кылдэм яратон котъкинлэн котъку но тодаз кыле, яркыт тулыс шунды кадь.

Нош соку Галя, серекъяса но маскаръяськыса, Мишалы вераз: со, пе, урокъёсын вактаз усъылыны ёдъяз, нош дораз, ёёк съёры пуксъыкуз, мар ке лыдзёны, гождяны, малпам ужзэ быдэстыны вунэтылыз но Виль ар ёйтэ Мишаен пумиськемзэ тодаз вайылыз. Шуак луыса, часэз учке но, доре сётэм ужъёсты быдэсъяны дырыз пичи гинэ кылем на. Нылмурт, мур лулзисъкыса, тетрадьзэ поттэ но лыдзёны ёдъя.

Мишалэн Галяез адзёйтэк улэмез ёз лу ни. Арнянунальёсы пыдъёсыз сое нылмуртлэн корка дораз асьсёос нуылызы. Тани со адзё: Галя укноетйз мычисъкем но кык эшъёсыныз лабыртэ. Гажанзэ адзёса, со эли-кеби луэ но, минут ортчыса, Миша доры бызъыса, ёем шокаса вуэ ни. Пиез зыгыртэ но пёсь шыпыртэ (малы шыпыртэ? Нокин уг кылы ук), техникумазы туннэ шулдыр ёйт луоз, пе.

Нош техникумазы соослэн ёйтъёссы зэм но шулдыр ортчылызы. Кёснунальёсы. Студентъёс отчы эшъёссэс, тодмооссэс ётыны быгатылызы. Со ёйтъёсы техникум быдэсак яркыт тылъёсын югдытскылыз. Шулдыръяськон заллэн синучкон кадь чилясь паркет выж вылтйз егитъёс бубылиос музэн поръязы. Покчи курсъёсын дышетскись нылашъёс, гождэт нуллыса, чупрес бызъылызы. Ужзы тырмылыз, угось пиос туганъёссылы бёрсьысь бёрсе гождяллызы. Ёйтъёсы школаосын, мукет техникумъёсын ды-

13. Нырысеті яратон

шетскисьёс но шумпотыса ветлылізы. Нырысь котьку сямен ик концерт яке спектакль учкылізы. Собере ини радиола, баян шудэмья эхтылізы, шулдыръяськылізы. Концертъёсын Игорь Сысолин кырзаменыз паймытъяз. Со романсь ёсты, радио пыр чузъяськылісь мукет кырзанъёсты туж чебер куараен кырзалляз, сюләмзэ ик сётыса. Сое кылзыса, залысь егитъёслэн синвуоссы ик былъыраллязы. Игорь сцена вылысь кошкыку, соос киоссы вось луымон чабизы, кесяськизы:

— Игорь, bravo, bravo!

Ма, мукет кырзасьёслы но кужмо чабылізы.

Нош вордйськонэ виль дышетскон арня кутскыліз. Егитъёс урокъёсы дыртылізы, жокъёссы сьёры пуксьылізы но сумкаысьтызы тетрадьёссэс, библиотекаысь басътэм книгаоссэс поттылізы. Но книгаос ожитъёзлы гинэ студентъёслы тырмылізы.

Миша урокъёсын ас вактаз усьыса пукыліз. Соослэсь быремзэс гинэ возъмалляз. Син азяз ялан Галялэн тусыз уліз.

Тулыс но вуиз. Та дыре сюләм, мае ке витъыса, малэсь ке мөзмыса, уката но жугиське, лопырске. Миша дораз но пукыны уг чида, ураме потэ. Тулыс акшан солы лампаен югдытэм корказы сярись югытгес потэ. Омыр чылкыт, алигес гинэ шуныт зор ортчиз. Урам дуртй будйсь писпуослэн куаръёссы бычырало ни. Красной урамысь вуз каронниослэн усътэм осьёсысьтызы нырез бичатйсь зынъёс кылісько. Кытын ке азбарын серекъяло, кытын ке кырзан нёжъяло. Кар садын оркестрлэн шудэмез кыдёке чузъяське, «Дунайские волны» вальс кадь. Урам аслаз улонэныз улэ.

Урокъёс бере Миша библиотекае мыноно кариськиз. Книгаез вал ке но. Оло, пе, отчы Галя но пыроз. Нош соиз өз вуы. Мукет ужъёсыз вал, дыр. Соин ик Мишалэн лыдзёмез йыраз уг пыры. Ма, усътэм тетрадез, книгаез сярись вунэтйз но ни. Вань малпанъёсыз, мылкыдъёсыз

Гaлa кoтыртi бeргaлo. Өйтөд, кыче нунaлэ тa дуннe сo пoннa музoнмиз, нo Мишa тoдэ: сo зэмен нo мукет луйз. Азьвыл чик тoдмoтэм нылмурт солэн сюлэмaз пыриз, пилэсь вань малпaньёссэ кoтыртiз бeргaтiз. Олo, тae ик яратoн шуo? Кин тoдэм, кин тoдэм.

Мишa шуак тoдaз вайиз, кызы сoос шулдыръяськoн жытысь бeртiзы. Мукет eгитьёс кытчы кe туж жoг ышизы нo, Мишaен Гaлa вачe кылизы. Инмын кизилиoс жуатскизы. Сoос пöлысь нылмурт сюбeг сюрлo кaдь гинэ толзeз адзиз. Адямioс вeрaмъя, сo, пe, шуд кузьмa. Тaлы oскысa, Гaлa шумпoтысa вaзиз:

— Мишa, учкы ай, толэзь вoрдскeм!

Пияш солэсь малпaнзэ, мылкыдзэ шöдiз, лякытэн шуиз:

— Шудлы-бурлы.

Гaлa сeрeктiз, ымнырзэ пöзъёсыныз вoрсaз. Малы мeдa Мишa сoе öз зыгырты, öз чупa сoку? Дiсьтoнэз öз тырмы угa. Нылмуртлэн кoркa дoрaз вуизы нo, Гaлa жoгaк кaпкa сьöры ышиз. Мишa урaмe oгнaз кылиз. Нылмурт дoры пырaмeз солэн öвöл. Гaлaлэсь aнaйзэ нo oгпoл гинэ адзeмeз вань. Сoиз нылзэ пырыны öтъякуз.

Їуказeяз сoос Пушкин сaдэ вeтлыны вeрaськызы.

* * *

Гaлaлэн мылкыд туннэ ċукнaысeн ик бурдъяськeмын. Куазь шунды ё, чылкыт oмыр кудзытэ, бурдъяськытэ. Нылмуртлэн сeрeкъямeз, бeргaсa-бeргaсa вылиe жутскeм-eз пoтэ. Вeськыт пыдъёсыз музэ ик уг йöтылo кaдь. Сяськaё дэрeмeз тöлaськe, пeзъгыт гaдьёсыз вeкчи бaсмa пыртi пoтыны турттo. Туннэ солэн eгит мылкыдыз шукыръяськe, туннэ солы дaс куaть aрeс тырмиз! Нoкинэ, нoмырe адзытэк бызe сюрeс кузя.

Мишaен тeхникумзы дoрын пумиськызы. Кaлыклэсь вoзьдaськoнзэс вoрмысa, вачe ки кутскизы нo гoрoд сaд пaлa мынiзы. Мишa oтчy aзьлo нo вeтлылiз. Жытъясы oтын кoтъку шулдыр луйлiз. Сaдэ сo билeт бaсьтытэк пырaлляз.

13. Нырысеті яратон

Заборысь ляб шуккем пульёсты шедьтыны луыліз. Ма, забор вылти но пырыны кема ик өвөл. Нош туннэ со нылмуртэн, иське, билет басьтоно луоз. Садэ пыремзы бере аслыз но туганэзлы мороженой басьтйз. Нылмурт пияш шоры пальпотыса учкиз: эх, чупа вал сое! Малы ке но солэн мылдыдыз чөм вошъяськылэ: я шулдыр, я пильмо луэ. Но соин артэ капчи, умой. Миша Галялэсь гинэ сюлэмзэ ас палаз өз берыкты, группаысьтызы мукет нылъёс но шораз учкыло, пиос сое гажало. Нылэз чупаны Миша нырысь дйсьтйз. Галяез вордскем нуналэныз зечкылан амалэн. Чупамез бен сычегес пөрмиз, ымдуръёсыныз ныллэн бамаз гинэ йотскыліз. Озыы ке но кыкназы чыжектызы, сюлэмъёссы дыбыр! тэтчало, улысьтызы музъем ышиз но, соос выліе-выліе жутскизы кадъ.

Со нуналъёс ноку вунонтэм кылызы. Бер жытозь юмшаллязы. Оломар сярысь но вераськылізы, нош кылзы өз бырылы, ог-огзылэсь өз чыдылэ.

Шундыпуксён палась инвис кемалась кысйз ни. Чагыр инбам пеймытаз. Уй шобрет музъем вылэ выдйз. Жутаткем кизилюс ин сюрестй каллен мынэменызы дырлэсь дугдылытэк быземзэ возьматэ, котькуд адымилэсь малпанъёссэ быдэстыны сюлмаськемез сярысь верало.

Миша туганэз дорысь лобыса бертэ, нош сюлмыз яратонэз вöзын. Но туннэ сюлмыз писыръя ай. Галя доразы патерын улийсь Витя сярысь вераз. Со, пе, ныллы кемалась синмаськемын ни но бордаз тэбине. Нош толон Мишаен бер жыт люкиськыса пырем Галяез кышкатэм: со пиен пумиськылэмдэс адйи на ке, пе, кыкнадэс пуртъяло. Витя — кышкыт адыми, тюрмаын пукемын, олома но дауртыны быгатоз. Соин ик чакласькыны кулэ.

Öйтöд ини, Витя узатэмен-а та учыр луиз я озыы тупаз-а, нош Миша Сарапулка вамен выж доры вуиз но, со улысь кыкналасянь пиос потйзы. Тылъёс татын но, быдэс та урамын но уг жуало. Уйшор бере тём пеймыт. Миша кык пиос со пумитэ кас малпанэн лыкто шуыса валатскиз но

жоггес вамыштйз. Со уго уй Сарапулысь таёе учырйёсты
 зёч тодэ вал, таёе пиосын огпол гинэ өз пумиськылы.
 Иське, тон огнад бере, пегзоно, синтэм-пельтэм! Мукет
 амал өвёл! Дыртонъяз ботинка вылаз понэм колошаез усиз.
 Со ик юрттйз но. Миша жогак мыкырскиз, колошазэ кутйз
 но матэктэм пиосты тыч-тач коказ. Пиос шөдтэк шорысь
 луизы, кык-куинь вамышлы чигназы но, Миша, соос вөзтй
 чальтчыса, выж вамен бызиз, пеймытэ ышытскиз. Дораз
 вуиз но лулзэ шедьтыны уг быгаты ни. Сюлмыз тэтчамысь
 дугдэм бере гинэ патеразы пыриз. Со пиосты тодмаз но
 кадь. Сарапулысь тодмо курокеёс. Ой жаласалзы.

Та учыр жоген вунйз. Техникум улон бергатйз, дыр-
 тытйз. Со дырысен уно толэзьёс ортчизы. Викторез
 адзылыны солы өз кылды. Нош солэсь чакласькон сярысь
 малпан йыраз улйз, солэн кышкатйсь вужерез мышказ
 ветлйз. Викторез чош пукем эшьёсыз вандйллям шуыса,
 Галя верам бере гинэ со ышиз, сылмиз. Со удалтымтэ пи
 жаль но потйз: адями ук, курег өвёл... Э-ке-кек...

* * *

Техникумысь комсомолецёслэн огъя кенешазы Мишаез
 комсомол комитетэ шөдтэк шорысь бырйизы. Концертёсты
 нуэмзэ но спектакльёсын шудэмзэ синйылтйзы, ло. Солы
 самодеятельностья өриен кивалтыны оскизы но политикая
 дышетскон ужез радьяны косйзы на. Табере Мишалэн
 дырыз чик өз тырмылы ни. Нош нылъёспиос пöлын берганы
 солы кельшылйз. Ужьёсыз нуналысь нуналэ йылйзы но
 йылйзы. Соосты быдэсьяны со огназ өз вуттылы ни.
 Студентёс пöлысь шаплы юрттйсьёсты утчаны кулэ луиз.
 Соосты дышетыны, аслыз но дышетскыны.

Калыкын вашкала дырысен верамын: адямиез котьмалы
 дышетыны луэ, нош улонлы ачиз дышетскыны кулэ. Дышид
 ке, шуддэ-бурдэ шедьтод, улонэд шулдырмоз. Шудо адями
 лякыт сюлэмо луэ, нош шудтэм мурт — лек. «Шуд шунтэ,
 кайгу кынтэ», — шуылйз Мишалэн песянаез. Нош Мишалы

13. Нырысеті яратон

ас өнерезлы дышетсконо ай. Йырзэ но ужатоно, киоссэ но — радиоприёмникъёс бичаны дышоно.

Радио бичаны Миша коньывуонэ ик кутскиз. Ас вакытаз со Пионер юртысь радиокружоке ветліз. Огез эшез солы вакчи зёк вень кадъ графит сётіз, отчы пружинка бинялтэмын, валэктіз: тани та́че арбериослэсь детектор приёмникъёс бичало. Собере «Радио» журналысь вандыса басътэм суред вайиз. Соя Миша көня ке радио сазназ. Улон интыяз бөлетэз быдэсак езьёсын вотэсамын вал. Ныль-а, вить-а ползэ курадземез бере гинэ радио шуон арбериез чаштыртэм-куажыртэм кадъ куара сётіз. Нош Миша та куараослы пумтэм шумпотіз, вöldэтозь тэтчаны дась вал.

Куинеті курсысен радио бичан лабораториысь корт ньөр котыре бинем ыргон езьёсын ёзьёсты но горд тылын жуась лампаосты шедьтыны луыліз. Бёрысь ини, техникумын тодон-валан люкамзы бере, егитьёс заводлэн куштійськем арбериоссэ тырон интыысьтыз олокы́че но ёзьёс бичаллязы. Но заводысь соосты поттыны шуг йётыліз, угось чаклась-эскерись кенакъёс, синмад ик учкыса, дйсь улті йыгыръязы, киязы скорем радиоёзьёсты жёк вылазы поттылызы. Озы ке но техникумын дышетскисьёслэсь радио кылдытыны мылдызэс кысыны өз быгатэ.

Ма, техникумлэн лабораториосаз но радио бичаны пöртэм ёзьёс данак луылізы. Угось соосты радиозавод кузьмалляз. Студентёслэн киосынызы бичам радиолаос, юри возматаны шуыса, жажыос вылэ тачак пуктылэмын вал. Дышетійсьёс но, лабораториен кивалтійсьёс но егитьёслэн радио бичан мылдызылы шум гинэ потылізы. Ныльёс но пиос езьёсты паяльникен лякылыны, лампаосты суредамъёсья шонер пуктылыны туж тыршылізы. Вань егитьёслэсь зечгес та ужез баянэн шудійсь Женя Ивановзы быдэсьяз. Миша, тае шөдыса, со борды лякиськыліз но эшезлэн ужабез шоры учкыліз, кызы ай, пе, та радиотулкымъёсты кужмөятісь ёзэтэз лэсьтэ. Со вие

лабораторие жужытэзлэсь кепыраменыз өжытак губырскыса ветлйсь Виктор Мичков пыриз. Ужаны шуыса вурем лыз басмалэсь курткаен, пöсьтэм сиресо тöдбь дэремен, чыртыяз мудрон думем чыртышет. Кымысысьтыз, бамьёсысьтыз муресь кисыриос сое вазьгес пересьмыны кутскем муртлы укшатыны кулэ вал кадь, нош солэн котьку мур малпаськись тусын, со дыре ик задор вамышьяменыз сэрен шöдйськылйз егит визь кужмыз но пезьгыт мылкыдыз. Виктор лабораторие котьку но аслаз улонтйяз кадь пырылйз, өсэз пыдыныз чьжыса кадь. Егит мылкыдыныз, кужыменыз выль, тодмотэм дуннеосты усьтыны дась луись мурт музэн. Солэн ассэ таёе воземезлы чик паймонэз öй вал, угось Витя Мичков радиосöзнэтъёсты техникумын ваньмызлэсь жеч сэрттылйз-пертчылйз. Таёе быгатонлык солы ачиз Инмар сётэм, шуыны луысал.

Витя пиос доры матэктйз, пал синмыныз гинэ учкиз но шуиз:

— Та сöзнэтты уз ужа.

— Малы? — паймыса юазы Мишаен Женя.

— Тани учке ай, — валэктыны öдъяз Мичков, — таёе югдуре электрокужым палэнтй кошкоз но ассэ чылкак мукет сямен возьматоз, — гижыеныз кырыж гож суредаз со.

Бен, электрокужым ёзьёстй Витя Мичков ачиз ветлэ, кожасалыд. Миша соин бöрысьгес эшьяськиз. Эсьма, Галяез но урокъёссы бере дорояз чöшен келяллязы. Нош та бордысь кыёе ке кышкытлык кылдоз шуыса, Мишалэн тодаз но öз лыктылы. Бöрысь ини, югдур югдытскем бере, Миша тодаз вайиз, кызы одйг пол эшез Галя шоры ньылоно кадь учкиз. Шöдйськиз вал: та жечлы öвöл. Озыы ик луиз.

Кошкизы нунальёс, арняос. Соос шумпотонъёс вуттйзы, шудоесь вал кадь. Усьтыр-табыр ортчылйзы. Дышетскемен чöш угось комсомол ужъёс сюлмаськонъёс йылэтйзы. Галя, покчи сузэреныз но чöш, котьку сяменгес артэ ке но вал, Мишалы соин йырин öйлась ни. Улон сое бугырес öретйз бергатйз, нуиз.

14. Оло, инсьӧры лобало ай

Коньывуон толэзе шуньт улйз. Нырысь нуналъёсаз гинэ кезытскылйз, уйёсы кынтылйз. Бӧрысь шундытскиз, шуньтскиз, покчи гужем кадь улйз. Пыжыны бен ӧз пыжы ни но, няськыт ик возиськиз ай. Миша но Толя Конев Гоголь ураметй поръязы. Писпуос чуж тылын гомало. Куаръёс пыд улын но чаштырто ини, усьымтэез тросгес на ай. Пияшъёс туэ дышетскон арзы сярысь вераськизы. Куинетй курсын соослы ӧнерзыя тодон-валан тросгес басьтыны кулэ, пӧртэм радиоосты бичан амальёслы дышетсконо, та ужез заводын радъян сярысь визь-нод люкано. Иське, техникумын сузьем тодэмъёсты улонын кызы кутыны валано. Советской ураме потыса, Мишаен Толя ДОСААФ-лэн юртэз вадьсы вуизы. Учко но, татын, пе, парашютэн тэтчаны дышетозы.

— Кылзы ай, ойдо асьмеос но гожтйском, — чектйз Миша. Со уго парашютэн тэтчаны кемалась малпа ни вал.

— Нырысь тодоно ай, кызы но мар отын дышето, — нод-нод вераз эшез.

Пыризы. Юалляськизы. Огаз бӧлетын соосты тып-тып мугоро, ожгарчи выресо воргорон пумитаз но кытысь кин луэмзэс, кыче мумы-бубылэсь вордскемзэс но пыр-поч гожъяса, нырысетй дышетскон нуналзэс ялйз. Нош борддоре ошем суредысь нылаш, лётчик комбинезонэн но шлемен, пиос шоры мыньпотыса учкиз, шуиз кадь: «Тй но мон кадь кышкасьтэмесь-а?»

Парашютэн тэтчаны дасяськисьёслэн дышетсконзы тунсыко ортчылйз. Котькуд покчиарняе вить часын жытазе кызь пала нылъёс но пиос, инмысь музэ васькылыны дышетскисьёс, люкаськылйзы. Доразы вуылйз чапак со тып-тып мугоро но ожгарчи выресо воргорон. Котьку но капчи мылкыдын, шумпотыса. Тая но егитъёс шӧдылйзы:

дышетйсьсы соослы мылкыда, соосты яратэ. Павел Егорович нырысьвалысь кыче ке серемес учырез мадылыз, тамак кыскыса Їужектэм пиньёссэ возьматыса горылыз, собере ини парашютлэн кылдэмез, воштйськемез сярись вералляз, тёллэсь инмын поръямзэ, бергамзэ валэктылыз но одно ик нимысьтыз пусйылыз: парашютэн тэтчыкуд, одйг чакламтэ выросэд но медам лу, сотэк — бырод. Малпатэк вамыш лэсьтэм сапёр музэн.

Дышетскизы быдэс тол. Тулыс ини курсантьёс парашютёсты асьсэос биняны-тырыны дышизы. Инвожое соосты аэродроме вуттызы. Парашютэн нырысьсэ тэтчыны. Аэродромзы Сарапул кар пумын вал. Кам вамен чугуна сюрес выжлы матын. (Галялэн юртэз вёзын ик!) Татын, паськыт но ёошкыт бусыын, техникумысь ялан сютэм студентьёс кётсэс чырстурынэн но кумызен алдаллязы. Лудын нокыче юртёс өз сэлэ. Дыртйд-вуттйд гинэ бадзым палатка пуктызы. Инструкторёс отчы рос-прос эскерыса тырем парашютёсын сумкаосты интыязы. Ижысь нимысьтыз та нуналлы шуыса ыстэм ПО-2 но АН-2 самолётёс вуизы. Соос котырын механикёс но техникёс бергало, самолётёссыз парашютэн тэтчасёсты жутыны дасяло.

Парашютэн тэтчанэз радъянэн Иж аэроклубысь ик лыктэм адями кивалтйз. Нырысь ик со лётчикёсын кенешиз: кытысен, кыче дыре но ма жуждалаысен курсантьёсты куяно луоз. Бёрысь со егитьёсты одйг радэ султытйз. Котыкудйзлэсь тазалыкез сярись юаз, ма но кызы со кароз, самолётэ пуксыкуз, самолётысь тэтчыкуз, музьем вылэ вуэмез бере.

Павел Егорович дышетэм егитьёсыныз ёош тэтчыны кулэ вал. Со но вань нылёс, пиос вёзтй ортчиз, эскериз, вань бирдыоссы бирдыямын-а, нылёсты кузь йырсиоссэс шлемёссы улэ зеч-зеч ватыны косйз. «Пырпоч чакласькыса гинэ, янгышьёслэсь утиськыны луоз», — шуиз со. Шуак дугдйз Федя Толстых вёзы, сиён-юоньёсья техникумын дышеткись пи шоры учкиз но юаз:

14. Оло, инсьёры лобало ай

— Мар ай тйляд ымнырды шулзэктэмын, синъёсты гордэктэмын?

Тй толон чарка өд бекыръялэ-а?

Федя йырзэ ошиз.

— Ма, ожитак вал... Эшмылэсь вордскем нуналзэ пусйим но...

Инструктор чабкиськиз гинэ на:

— Кызы-озы тй сыче бадзым нуналды азын кудзйтскыны дйсьтйды? Мон тйледыз тэтчыны уг лэзы. Стройысь потэ но парашюттэс сётэ.

Федя, луткам атас музэн, эшъёсыз азе потйз но парашют сумкаоссэ музэ куштйз. Инме сюрес солы пытсаськиз.

Бен, инструкторзы шонер вераз: пыр-поч чакласькыса гинэ, янгышь ёслэсь утиськыны луэ. Парашютэн тэтче-медлэсь нунал азыло ке но со медло.

Көня ке минут ортчыса, нырысетйосыз егитъёс трос чидам-адзем самолётэ тубизы. Бордъёс кузя кыстйськись корт зусъёс вылэ интыяськызы. Инструкторзы парашютэз усьтон фальёслэсь — векчи гозыослэсь — карабинъёссэс паллян борд вөзтй кыскем пунэм корт езэ дэмзйтъяз но өс доры ик пуксиз. Со ваньмызлэсь берло тэтчоз.

Жоген самолёт мотореныз гудыртйз но вож турын вылтй жоггес но жоггес ворттйз, омыре жутскиз. Курсантъёс шугенгес пукизы, угось тыбырысьтызы бадзымез парашют борддоре пыкиське, нош мөля вылазы ошемез, пичигес ке но, секытэныз азыпала кыске. Миша ваче пумит пукись эшъёсыз шоры учкиз. Шөдйське, ваньзы ик сюлэмшугъясько. Мар ини отын сокем секытэз, курдытэз кадь: самолёт өт өс вамен вамыштод, фал соку ишкалскоз но тыбырысьтыд парашют ачиз усьтйськоз. Нош өз ке усьтйськы? Соку мөля вылад ошем парашютэз усьтйсь кульчоез кыскод. Но таёе югдуре сюрон сярысь малпаны ик курдыт. Чок, чок, Инмар мед утёз. Сюлэмшугъяськемзэс, курдамзэс нильёс-пиос ватыны тыршо ке но, золкыса пукемысьтызы, көдэктэм ымныръёссыя валано, кыёе мал-

панъёс йыразы бергало. Тйни Лида Вострикова куалекъ-
ясь кыныз йырсиоссэ кёня ке пол ини шлем улаз донга-
ны выре.

Нош пичи вож самолётсы аэродром котыртй кёня ке пол
котырскиз но, сюрс метр жуждалае тубыса, бусы вадъсы
вуиз. Самолётын вож тыл жуатскиз. Иське, дыр вуиз!

— Азылань, гыдыосы! — задор кесъкиз инструкторсы.

Ойтод, мотор гуретэмен солэсь куаразэ кылйзы-а,
өз-а но, Павел Егоровичлэн пальпотйсь ымнырыз шоры
учкыса, егитъёс ожытак либатскизы: ваньмыз умой луоз.
Самолёт ос усьтйськиз но, со вамен егитъёс огез бёрсыы
мукетыз вамыштйзы. Миша эшъёсызлэн тюамзы шоры
чем йыгасъкысь сюлмын учке. Тани ачиз но со ос дорын
ини. Инструктор солэн пельпумаз каллен гинэ чабкиз но,
Миша омыре вамыштйз, сюлэмыз, оло, нылоназ вуиз.
Парашют усьтйськытозь, кёня ке секунд гинэ ортчиз, нош
Мишалы со дыр туж кема кыстйськиз кадъ потйз. Йыр
вадъсысьтыз пезьгыт омырен тырмем тодьы парашютэз
адъыса, Мишалэн золскем лулсэръёсыз басылазы, пия-
шез шумпотон мылкыд пачылатйз, солэн огдыре ик вань
кужмысьтыз кесъкыса кырзэмез но, серекъямез но по-
тйз. Миша котырак учкиз: бур палан Кам бызе, читыр-
чутыръяськемез кёня ке дасо иськеме адъисъке, чынкыт
пыр вужерало кызыпу сурдъёс, кыче ке гуртъёс, чиялыо
пичи шуръёс. Шунды мальдытэ ке но, Сарапуллэн улыно-
вылыно из юртъёсыз, пу коркаосыз, чуръяськысь ульчаосыз
кыпидэс вылын кадъ адско.

Мишалэсь улйын, ожытак бур палан, пезьгыт омы-
рен пельскем тодьы парашютъёс, дурыстэм бадъым гудыри-
пузьёс музэн, каллен гинэ васько. Соос улын — азывылгес
тэтчем курсантъёс. Пёлысьтызы огез музъемозь вуэ ни но
зечгес пуксъыны дасяське, дыр.

Йыр вадъсысьтыз парашютлэсь сое оскымон воземзэ
шодыса, Миша чылкак буйгаз, куалекъясь сюлэмыз басы-
лаз. Пияшлы табере сыче умой, эркын вал, солэн тазыы

14. Оло, инсьöры лобало ай

музъем вадьсытй кема-кема лобемез потйз. Тйни кызы но луэ вылэм: тэтчид уллане, нош малпанъ ёсыныд, мылкыдыныд вылье-вылье, инмозь ик жутскид. Йыраз шуак чилектэм таће малпан Мишаез чылкак паймытйз.

Нош музъем матэ но матэ вуэ ни. Миша, дышетскемзэс тодаз вайыса, пыдъёссэ купыртйз, му борды йöтыкуз, медаз гинэ усьы вал. Тыршиз ке но, төл но ляб пельтйз ке но, парашют сое уськытйз, вож турын вылтй тыбырыныз нискылтытйз. Парашютлэсь улаз кылем гозыоссэ ас палаз кысконо вал шуыса, бöрысь гинэ тодаз лыктйз. Соку сое төл öй лошъясал, угось бурд кадь лопыръяськись басма музэ выдысал. Ярам, эшъёсыз парашютсэ зйбломытйзы но, пыд йылаз султыны быгатйз.

Вож самолёт со дыре пуксиз но омыре выльысь жутскыны дасяськиз. Моторзэ öз кысы, төлпериеныз турынэз туга, дораз люкаськем курсантъёсты ыратэ, пыд йылысьтызы погыртымон пельтэ. Павел Егорович, шумпотэменыз лöптыса, инмысь васькем егитъёсты зыгыръя:

— Дуно пиосы-ныльёсы, зечкыласько тйледыз парашютэн нырысьсэ тэтчеменыды, инбамен эшласькеменыды!

Та нунал бере ини, техникумын экзаменъёс вискын, егитъёс инмысь выльысь но выльысь парашютэн васьказы. Табере ини самолётлэн бурд вылаз потыса уськытскылйзы, бурен суредам круглэн шораз ик васькыны тыршылйзы яке парашютсэс кема дыр чöже усьытэк лобылйзы. Миша табере данъяськыса нуллйз ини төдды парашютлэн суредэныз пеймыт-лыз гадьпусэз.

* * *

Выляз квартолэзе берпуметйяз, нылетй курсы, дышетскон кутскиз. Гужем шутэтскон куспын вань егитъёс шунды улын пыжиллям, задормиллям, нош соин чöш кызы ке шуак быдмиллям, йөнскиллям. Дышетсконзы соосты жöген ас öраз кыскиз, выйтйз. Нош Мишалэн трос дырыз бырылйз на комсомол комитетын ужаса. Озы ке

но со парашютэн тэтчанъя кружоке ветлэмысь өз дугды, ДОСААФ-лэн улыно-вылыно юртаз арнялы быдэ көня ке жытьёсы бызьыса мынылйз.

Одйг полаз отчы вуыса, Миша шуак кылйз: татын, пе, пинал лётчикъёсты дасяны кутскозы, тол Чоже дышетона лобанъя тодонваланъ ёсты, самолётъёслэсь пуштйрлыксэс, соослэсь кызьы лобамзэс. Нош вуоно гужем, 1953-тй арын, Иж карын самолётэн лобан быгатонлык люкано. Кин ке ассэ отын но, татын но зеч возьматйз, ожгарчи лётчикъёслэн училищезы пырыны быгатоз. Таچه ивор егитьёслэсь мылкыдзэс лөпкытйз. Парашютэн тэтчась ваньмыз сямен пиос пинал лётчикъёсты дасясь школае гожтйськызы. Отын но арнялы быдэ дышетылйзы. Самолётъёслэн чебер суредъёсынызы ошылэм классын. Нош класслэн шораз ик самолёт мотор пуктэмын вал. Пиос ялан со котырын бергаллязы, моторез маяллязы, йыгыръяллязы, самолёт штурвал сьёрын пукемзэс син аязы пуктылйзы но моторлэсь гуретэмзэ кылылйзы ни кадъ.

* * *

Нош нырысь ик техникумын дышетскондэ азьланьтон, йылпумъян сярись малпаськоно вал.

Коридоретй, пезьгытэм туп музэн, Коля Курганов лобе — пештырskem йырсиё чиед гинэ пияш. Толон гинэ техникумысь комсомолецъёслэн огъя кенешсы ортчиз но, сое, группалэсь комсоргзэ, комсомол комитетэ бырйизы. Коля ялан кытчы ке дыртылйз, пыдъёсыз музэ өз ик йөтылэ кадъ, мугорзэ кельтыны турттыса музэн тапыртылйзы. Пиос, нълъёс вискытй олокытй-мартй донгиськыса, со азяд ишан музэн кылдылйз. Мишаен ваче донгиськыса, со тачыртыны өдъяз:

— Кылзы ай, Миша, мон туннэ быдэс уйме өй изь, ялан малпаськи, кызьы, ма бордысен кутсконо мыным со комсомол ужез?

— Кызьы, кызьы? Тон нырысь ик лулдэ шедьты ай.

14. Оло, инсьöры лобало ай

Миша кык арзэ ини техникумысь комсомол секретарьлэн воштйез вал. Туэ со дышетсконзэ йылпумъя бере, интыяз Коля Кургановез бырйизы.

— Кылзы ай, оло нош, ваче пумит эчешонъёс радъяно? Уть ай, пиналъёс, уката ик гуртысьёсыз, асьсэдыз кепыргес возё, нош сыче тылгизы поттонъёсын, чакма, соос сюлэмшугъёссы сярись пырак вералозы.

Мишалэсь пумитаз ваземзэ но витытэк, Коля артэ сыйись мукет пиос, нильёс котыре тэбиниз. Ма, Мишалы но Кургановлэн сюлмаськонъёсыныз йырин öй вал ни. Соны али техникумез зечгес йылпумъян сярись малпаськоно. Радиоаппаратура бичанъя техниклэсь дипломзэ бастйиз ке, ожгар летчикъёсты дасясь училищее пырыны трослы каньылгес луоз. Соин ик Миша чукнаысен уйшор берозь дышетскиз: лыдзиськиз, гожьяськиз, чертёжъёс гожмаз, лабораториосын пырскиз. Нош солэсь тазы огсыр дышетсконзэ куспатйзы. Вань калыклэсь улонзэ пильмаз бадзым кайгу. 1953-тй арын южтолэзьлэн кутсконаз быдэс кунысь репродукторъёс Сталинлэн кулэмез сярись ивортйзы. Газетьёс генералиссимуслэн съод гожъёс пушкы пыртэм туспуктэмъёсыныз потйзы. Со вакытэ Сталин калыкмы понна инмар чотын вал. Адямиос оскылйзы, вань улонвылонзы солэн гинэ кивалтэмез улсын радъяське, азинске шуыса. Бадзым кунлэсь индустризэ кужмоятон сюрестй валтэменыз югдурлэсь вожьяськемзэ но валэктылйзы. Нош кунмы нуналмысь воштйськиз, вильдйськиз. Котькин но талы шумпотыны кулэ вал кадь, но малы ке Сталинлы люкетйсьёс ялан кылдылйзы: промпартия, азинскон сюресмес кожытыны турттйсьёс, машинаосты, станокъёсты сöрылйсьёс. Судъёсысь вуэм ивортонъёсысь виль но виль тушмонъёслэн нимъёссы тодмо луылйзы. Но, газетьёс верамъя, Сталин виль улонмылы люкетйсь вань съод кужымъёсты сэстылйиз. Армимес юнматйиз. Отчы виль пычал тйрлык, танкъёс, самолетьёс вуизы. Сталин вераны луонтэм трос лэсьтйиз

Гитлерез но солэсь гыжкальёссэ пазьгон вылысь. Юнме шат ожгарчиосмы, тушмон вылэ мыныкузы, «Родинамы, Сталин понна!» кеяськизы.

Кинофильмъёс азын но экран вылын возматъязы, макем Сталин, вань калыкъёслэн атайзы, батыр но визьмо. Со котьку но дыртытэк, нод-нод вераськылйз, котькуд кылзэ висъяса, мертаса кадь, соин ик соос, малпанъёсыз, адями визьме ёгем кадь кылылызы. Сталин туж огшоры дйсен ветлйз но адямиосын ассэ чик вылэ карытэк вераськылйз.

Тйни озьы газетьёс, радио, кино калыкмес оскытйзы: ёапак сыёе луыны кулэ партимылэн но быдъым кунмылэн йырыз.

Бен, со дыре ваньмыз озьы малпало вал. Бёрысь ини, 1956-тй ар вуыса, тросэз, Миша но, Сталин сярысь сомында умойтэмзэ тодйзы но сое инмар чотэ пуктэмысь дугдйзы.

Нош витьтон куинетй арын тулыс ваньмыз бёрдйзы: воргоронъёс, кышноос, дышетскисьёс. Кунмес бадъым вормонъёсы валтйсь кивалтйсьлэн улонысь кошкемез быдэс калыклы кайгырон-куректон вал.

Вань ужъюртъёсын сямен ик, техникумын но кайгырон, буре ваён митинг ортчиз. Ваньмыз мур куректэмзэс веразы, нош котькудйз юн оскиз: быдъым атаймылэсь ужзэ азыланьтом. Та осконэз юнматыса кадь, тросаз предприятиясын тужгес умой ужасьёс партие куриськон гожтйзы.

Техникумысь коммунистьёслэн кивалтйсьсы но, комсомол азьветлйсь ёсты люкаса, партие куриськонъёс гожтыны ёектйз. Но комсомол комитет люкамъёс пёлысь ваньзэсты ик ёз дэмла. Коммунисть ёслэн кенешазы тямыс муртэ гинэ партие кутыны пуктйзы. Бадъым курсъёсын дышетскисьёсты. Мишаез но. Арня ортчыса, соосты партилэн горкомезлэн бюрояз ётизы. Горд басмаен шобыртэм ёёк съёрын предприятиослэн кивалтйсьёссы но пурисьтам йырсие кёня ке кузя рабочийёс пуко. Їапак со арлыдоос ик таёе еж муртъёсты партие кутонлы пумит кариськизы.

14. Оло, инсьöры лобало ай

Мишаен йырин но, дыр. Угось со лапыш гинэ, нырулаз одйг пигонэз но öвöl на. Ныль муртэ партие пыронлэсь алызы. Кöня ке арзэ комсомолын, пе, ужалэ на ай.

Валамон ини, пиослэн кöтсы урод луиз. Но жожомыса, пересь рабочийёслы йыркурьяськыса ветлыны дыр öй вал: берпуметй курсэз йön йылпумъяно.

Кыче диплом уж гожтыны Миша ачиз бырйиз. Телевизорлэн экраназ суред пуктйсь сöзнэтъя. Али со асьмеос олокыче но электрон арбериослы дышемын ни, нош Миша техникумын дышетскыку, группазылэн старостаез ваньзэс паймытйсь радиола бичаз. Со, одйг пластинка чузьяськемысь дугдэ ке, ас кожаз мукетсэ пуктэ но выльысь шудыны кутске вал. Нош соку заводъёсын поттэм телевизоръёслэн экранзы кикур пасьта сяна öй вал. Отысь мае ке аджон понна, солэн азяз баджыматйсь пияла пуктылызы.

Телевизоръёслэн сöзнэтъяёссы, куспазы герзаськемзы огшоры радиоприёмникъёсын кадь ик вал. Лампаосын ай. Транзисторъёс сярысь лекциосын гинэ мадылызы. Соосты дышетйсьёслэн но киязы кутылэмзы öй вал на. Соин ик Мишалы, лампаосын сöзнэтъяёсыз бичано телевизорез пушкы мед тэрозы шуыса, соосты корт листлэсь инъет вылэ туж жикыт, артысь артэ интыяны кулэ. Телевизорзэ заводын кызыы жечгес но жоггес бичано шуыса, кыче но кыче ужез бöрсыйсь бöрсе быдэсьянэз чакланы секыт йötйз. Но Миша диплом ужез бордын мылысь-кыдысь тыршиз. Уйвöтъясаз но выль телевизорзэ аджылыз, дуннеысь тужгес умойзэ но чеберзэ. Диплом ужзэ быдэстонэн кивалтйсьез, Леонид Иванович Нестеренко, пöртэм юанъёсын, дэмланъяёсын, чектонъяёсын калзэ быдтэм бераз но телевизорез заводын бичан сярысь диплом люкетэз уката пыр-поч эскерыса, Мишалэн пельпумаз чабкиз:

— Ужед утыны дась.

Диплом утисьёс нимысьтыз дасям актовой залэ люкасыкызы. Соос туж сölэмшугьяськизы, куддыръя туж капчи юанлы но вераны кыл öз шедьтылэ. Мишалэн но пушкыз

куалекъя. Борддоре ошылэм черт ёжъёссэ возъматкуз-валэктыкуз, шуак буйгатскиз, курданэз тёлзиз но, диплом ужзэ «вительы» утиз.

Егит өнерчиосты кытчы но кытчы уже ысьян сярсы кагаз вуиз. Ваньзэ сямен соосты Ленинградэ, Ульяновске, Самарае но Саранске ыстыны чакламын. Мишалы, зеч дышетскиз, комсомол секретарь вал бере, Ленинградысь «Светлана» заводэ мыныны чектйзы. Вить эшъёсыныз чош. Сыче зеч интые сюрны тросэз мылдыдаллязы. Нош Миша пумит кариськиз. Угось со ассэ ожгар лётчик луыны дася ини, инсьөре но лобан сярсы малпанъёсын улэ. Со юн оскиз: ДОСААФ-лэн Ижысь аэродромаз лобаны дышетскоз но собере лётчикъёсты дасясь училищее сюрес усьтйськоз.

* * *

Ижысь аэроклублэн көня ке гинэ юртъёсыз чугун сюрес сьöрын Перогурт вöзын сыло. Быдзым тылож дыръя татын Ижевск школаысь вуоно штурманъёс лобазы. Со школайн сюрс пала аядми дышетскиз. Самолёт омыре жутскон сюреслэн паллян палаз көня ке ангаръёс сыло. Соослэсь палэнынгес самолётъёслэн сылон интызы. Отын брезентэн шобыртэм УТ-2 но ПО-2 бурдо машинаос адзисько. Бусылэн бур палаз гужемъёсы көня ке дасо ожгар палаткаосты кык чурен пуктылйзы.

Миша татчы вуиз но кытчы вамыштыны паймыса сылэ. Аядмиос ваньмыз маке каро, бызьыло, эли-кеби выро. Лётчикъёс но механикъёс самолётъёссы котырын бергало. Малызэ уд вала. Кытчы дырто, кыче пыч куртчем соосты?

Палаткаос палан Ижевск аэроклубын дышеткись пиос, солдат дйськутэн ини, но погонъёстэк, взводэн-взводэн султыло я пазыгисько. Командаос бöрсыйсь бöрсе кылйсько: «Стройся! Разойдись!» Палэнысен учкыса, огкадь аядми уллё кыче ке но туж кулэ уженыз выре.

Миша аэродром улон шоры ымзэ усьтыса учкыку, вöзаз авиациысь капитан дугдйз:

14. Оло, инсьöры лобало ай

— Я, мар-о долкад? Милям татын тэк сылыны уг яра: яке кытчы ке бызиськод, яке стройын вамышьяськод. Кыче взводьсы?

«Бен, татын зэмен но коскаса огинтыяд сылыны уг яра, лэся», — малпаз Миша.

— Мон взводме уг тодйськы на, али гинэ лётчикьёслэн Сарапул школаысьтызы вуи.

Данзэ бюджетон понна йылэтйиз на:

— Техникумез йылпумъяй, соин ик берегес кыли.

Капитан сое йырысеныз пыдозяз учкиз но кыыныз возьматйиз:

— Тйни отчы штабе мын, отын тыныд ваньзэ валэктозы. Бызьыса марш!

Аэродроме вуэмез бере куинетй нуналаз Миша, миськылыса гужатэм штанэн но гимнастёркаен, кусказ жик-жик бычям паськыт еэн но пыдьёсаз укыргес бадзымесь, секытэсь ботинкаосын, строе жог султыны, аслэсьтыз интызэ (пумысеныз кыкетйез) шедьтыны дышиз ни. Курсантьёс нуналлы быдэ кык час чоже самолёт кабинаын пукылызы но УТ-2-лэн кабинаысьтыз педальёсты зйбылйзы, рычагёсты кысказы, йырвизьмазы чүпизы, кыче прибор мае возьматэ. Озы дышетскемзы бере Мишаез Сарапулысь эшъёсыныз чош пыртйзы самолётэз омыре жутыны лэземъёслэн радазы.

Шунды пальпотыса, жингрес сиосыныз шудыса жужа. Зардон — та кылэз кылыса гинэ но ини, мылкыд капчи, задор луэ. Зардонэз пумитаса, лыдтэм тылобурдоос кырзаныёссэс кырзало. Мишалэн но кырзамез потэ, угось туннэ самолётэн лобанъёссы кутско.

Лётчикьёсты дышетыны чаклам УТ-2 самолётын кык интыез. Азыпалысяз курсант пуксе, нош мышказ — инструктор. Солэн кабинаяз но, курсантлэназ сямен ик, самолётэз валтйсь рычагъёсыз но педаль ёсыз вань. Соин ик, дышетскисез янгышаку, андан тылобурдоез со ачиз шонер лобытыны дась.

Миша самолёт бурд вылэ усьтыр-табыр тубиз но азьпал кабинае пуксиз. Сюлэмыз шоканзэ дырекциятымон жугиське. Лётчик-инструктор, самолёт бурд вылын сылыса, Мишаез эшшо огпол нодъяз на: тазэ педалез соку зйбоно, тазэ рычагез соку кысконо, таиз прибор лобыку сое возьматэ, таиз — созэ. Миша ваньзэ валаз-а шуыса, возьматыны косйз, ма но кызы курсант лэсьтоз кулэ дыръяз. Пияшлэсь ма карыны тодэмзэ валаз но, сое пельпумаз чабкылыса, кабинаяз пуксиз, косйз:

— Я, Инмар мед юрттоз асьмелы. Лэзь моторез!

Миша эли-кеби вырзиз, киосыз куалекъяны одъязы, но со, пиньёссэ вось луымон куртчыса, ассэ басылатиз. Мотор гудыртиз но, самолёт, бурдьёссэ лэйкатыса, пумен жоггес но жоггес бызиз чокшкыт гуждор вылтй. Со кызы ке туж капчиен омыре жутскиз. Сизьымдон метр вылийе жуткыса, Миша мышказ пукись инструктор пала берытскиз: луэ-а, пе, котырскыса лобыны? Самолёт задор кырзаса кадь гуретэ. Жуждалаез возьматйсь прибор ньиль сю метр возьматэ ни. Инструктор кыныз возьматйз: пуксы, пе. Мишалэн котыз ик жож луиз, угось лобан дырзы укыр жог ортчиз. Нош ай самолётэз умой пуктыны кулэ на. Котькуд лётчиклэн, самолётсэ пуктыкуз, лулсэръ ёсыз золско, дыр. Самолёт питранъёс музэ йото, собере дыбыр! бызё но жоглык кулэсме ке, капчиен шокчиськод.

Самолёт Мишалэсь кылзйськиз. Музьемен пумиськыса, со пичильтык тэтчем кариз ке но, отйяз гуждор вылтй бызиз. Газзэ кулэстыса, Миша самолётэз омыре жутскон сюреслэн кутсконаз вуттйз. Ваньзэ-өвёлзэ дас вить минутъёс гинэ лобазы, нош Миша кабинаысь суч-суч пöсяса васькиз.

— Молодец, умой жутскид но, пуксид но, — ушьяз сое инструктор.

Вуоно нуналэ Миша мукет инструкторен лобаз. Таиз но пияшез нырысь-валысь рос-прос нодъяз, собере гинэ двигателез лэзыны косйз но кыныз шонтйз: «Лобим!»

14. Оло, инсьöры лобало ай

Тöл чäпак мышказы пельтэ вал, соин ик та рад но самолёт омыре капчиен жутскиз. Сизьым сю метре жутскемзы бере инструктор кыдөкетй котырскыны лэзиз. Таяз учыре но дас вить минут лобамзы Мишалы пумтэм шумпотон вайиз. Самолётэз умой пуктыса но двигателез дугдытыса, со вите ни вал инструкторлэсь ушъямзэ. Нош соиз шуак юаз:

— Кытчы тон озьы ышылыськод? Дырын-дырын мон шлемофондэ но öй адззылы.

Верамезлэсь кыче югдуре вуттонзэ чик малпатэк, Миша валэктйз:

— Парашют вылын пукиськом бере, педальёс дорозь пыдъёсы уг сузё, соосты зйбоно ке, пуконысь уллань лэзиськоно луисько.

— Озьы-а, ма... Ярам, та сярсы малпаськом ай, — кысырскиз инструктор.

Та учыр бере Мишаез лобаны дышетонэн кивалтйсь доры öтизы. Соиз юаз:

— Малы тй тазалыкез эскеронъя комиссиез öд ортче? Со нырысь дышетскон нуналэ ик вал ук.

Миша валэктйз, диплом ужзэ утеменыз йырин бере кылиз но комиссиез ортчыны öз вуы шуыса.

Чуказеяз тазалыкез эскеронъя комиссиез со Ижысь ДОСААФ-лэн юртаз ортчиз ни. Татын пияшлэсь секталазэ но, жуждалазэ но, зöкталазэ но мертазы, вань мугорзэ йыгыръязы, кырмазы. Собере комиссилэн кивалтйсьез ялйз, солэн тазалыкез юн, но лётчик луыны со уг быгаты, малы ке шуоно кукъёсыз вакчиесь.

— Но мон парашютэн тэтчасько ук, дас куинь пол тэтчи ни, — пöсекъяз Миша.

Нош сьлворемез öз юртты, комиссия сое самолётэн лобанлэсь палэнтйз. Шонер верало вылэм: ноку но уд тоды, ма луоз чуказе, солэсь трогес дыр ортчыса — уката но.

Чуказеяз чукна Миша аслэсьтыз ужкагазьёссэ басьтйз но аэродромысь нялтас мынйсь машинаен, синвуоссэ нылылыса, чугун сюрес вокзалэ кошкиз. Ымдураз бöрдонэн,

нырзэ ошыса, лётчик луон но, инсьёры лобан сярсы но
осконъёссэ ыштыса, дораз вуиз. Вуоно нуналаз техни-
кумын сое Ульяновскысь автомобиль заводэ ужаны ыстызы.

* * *

Сюрес вылэ потыны туж жог дасяськиз. Ма,
тыриськонэз но сомында вал: фанералэсь вуж чемоданаз
ул дйсез, миндэр пуйыез но простыняез сяна, номыр өз
тэры. Туспуктэмъёсын альбомзэ гинэ но отчы чуртнаны өз
быгаты ни.

Мемиез, пизэ келямлы сйзыыса, солэсь эшъёссэ-юлтошъ-
ёссэ жок съёры люкано ик кариськиз. Мишалэн Сарапулысь
ваньмыз сямен эшъёсыз люкаськизы: Витя Вахрушев, Юра
Беспалов, Гена Бочкарёв, Роза эшсэ отиз на. Жок вылын
тыкмачен шыд, пырсатэм картофаен котлетъёс. Мемизы
черык горд вина но кёнә ке зенелик сур пуктиз на.

Рашидэн Валя гинэ өз лыктэ. Соос кемалась ини
туганъясько. Валя секытэн, жоген пияны кулэ. Бигерьёсты
мукет выжыысь муртэн кузпальяськыны со дыре өз лэзь-
ылэ. Соин ик Рашидлэн мумиз-айиз Валяз асьсэлы выль
кен карыны чутрак пумит кариськизы. Быдэс урам та
кылдэм югдур сярсы кылзэ шериз.

Огпол мемизы, гур аяз бергакуз, Розалэсь юаз:

— Кылйид ни-а, Валялэн, пе, Рашидлэсь пиналыз
вордсконо?

Розалэн абдраменыз синъёсыз питырес луизы, со
чабкиськиз:

— Мар быдја возыт! Бызытэк... Кызы со калык
синме учкоз на?

Та пумысен вераськонъёс өз кылдылэ ни, нош мумизлэн
соку шораз мыр-мыр учкыса юамез Розалэн сюлэмаз усиз.

Со Галя Виноградоваен эшъяськиз, ныгылес, капчи
мылдыдо нылашен. Эшез котыртй пиос ялан гожеръязы.
Миша тае тодэ вал но одйг пол, Розаен Галя жыт эктонъёсы
мыныны дасяськыку, суэрзэ визьмано кариськиз:

14. Оло, инсьöры лобало ай

— Тон, сузэре, астэ чакла, быжыныд трос эн бергаты! Пиос улын лошъяськыса бызид ке, картэд та пумысь жожкиз ке, мон тонэ ачим, та киосыным... Тюрмае ке но пуктйзы, Сибыре ке но со понна келязы...

Роза зар бöрдыны öдъяз но мырдэм вераны быгатйз:

— Возьыттэм! Тон... возьыттэм. Мон мемилы чагисько.

— Чагиськы ойдо, меми монъя кариськоз. Мон тыныд верай, нош тон ачид учкы ни, йырыд буш öвöl. Анай асьмеды сое калык азын возьытэ вуттон понна öз жыты. Агай-выныдлэн данзы сярись но малпаськы.

Нош анайзы аслэсьтыз кылзэ вераз:

— Э-э, кылтэчы ик тон, пие, кылыдлэн серметэз öвöl. Мон Розаен та пумысь кемалась вераськи ни. Эн сюлмаськы, со асьмелэн — визьнодо нылаш.

Со вераськоньёс азьвылгес вал ини. Нош али Миша Галяен артэ пуке. Нылаш доразы нырысьсэ пырыны дйсьтйз. Роза, паль паляса, шумпотэмзэ олокызы но возьматыса (со эмен но лöптэмын вал), эшсэ агаез вöзы пуктйз. Миша таёе ик шöдэ кадь ныл бордысь лöсьяськись ненег шуньтэз, соин ик пилы эшъёсыз пöлын пукыны уката но умой, сюлэмъяз.

Но Галяез Миша умой тодэ ни, со шöдэ: нылмурт малы ке но шымырськыса пуке, ёемысь ёыжектылэ, шораз ваземез уг кылы, адямиос йыр вылтй учке но малпанъёсыныз чылкак мукет интыын улэ. Нуназе бере ваньзы ик егитьёс пыласькыны ветлоно кариськызы. Туэ понна берпуметйзэ.

Кыкетй гудырикошкон — Ильин нунал. Илья, пе, гужемез йылпумъя. Та нуналэ нуназеозь гужем на, лымшор бере — сйзыйл. Калыкын тодо ни: Ильин нунал ортчиз ке, ин тымет кыриськоз но музейем вылэ кисьтйськоз. Нош Ильин нуналэ зориз ке, вуоно арын жег удалтоз, ёукнайсен пильмаськиз ке, кизыны вазь потыны луоз но юос жеч тэлезозы, нуназе ке пилемъёс вуизы, бергес кизёд но нянед сокем уз удалты, жытазе гинэ пильмаськиз ке, бер кизыса, öжыт ю тысь басьтод. Ильин нуналэ пудоез но

лудэ уг поттыло, Їашъемлэсь но лузьёслэсь утыса. Нош бёрысь чибиньёс но уг норисько ни, пыласькыны но уг яра, угось ву кезьытске.

Сизыметй гудырикошконэ Анна Холодничалэн нуналыз. Со возьматэ, кыче тол луоз. Їукна кезьыт ке, толалтэ порпиос ыбылйськозы. Нуназеозь куазь кыче улийз, сыче ик тол но толсурозь возиськоз, нуназе бере куазь толшорысен куазьлэсь кыче луонозэ возьматэ. Калыклэн таچه тодметъёсыз Мишалэн тодаз юн усизы. Ма, гуртын кызыы, пе, сотэк.

Нош туннэ шуныт вал. Егитъёс Камен ярдуре поттэм коръёс вылэ пуксизы но кылиськизы. Пыласькизы, тулкымен шуккем пульёс вылэ выдйзы. Куасьмизы. Но мугоръёссы ялан шодйзы на кадь сзэмытйсь тулкымъёслэсь бичатэмзэс.

Миша, тыбыр вылаз выдыса, инме учке. Отысь котьку но маке тунсыкозэ адйзыны быгатод. Паймоно кадь но, инбам ноку одйг кадь уг улы. Малпаськод, инмын ваньмыз кынмиз, уг вырзылы, нош жечгес учкиськод но, тйни ук, пилемъёс гызмыльто.

Кыче умой вылэм татын, аслад городад, эшъёсыд пёлын, мемиеныд, сузэреныд, выныныд артэ улыны. Та ни ук соос, эшъёсыз, котьку сямен ик Мишаен, куспазы верасько, нокин нокутчы уг но кошки кадь.

Бен, покчи дыр быриз, туж ик шудо ке но со ой вал, сютэм ке но улийськиз, син азе шундыё, яркыт суредъёсын кылиз. Ма вите сое азыланяз, кызыы со улоз тодмотэм городын? Кызыы улоз берпум нянь юдэссэс соин шори люкылэм эшъёсызтэк?

Їуказез Гая но эшъёсыз Мишаез чугун сюрес вокзалозь келязы. Мыныкузы олома чыры-пырыос пумысен вераськизы, Їуказез ик выльысь адйиськоно муртъёс музэн, Мишаен чик но быдэс арлы, отпуске потытозяз, уг люкисько кадь. Пиос пёлысь оgez касса доры бызыльйз но плацкарт вагонэ билет басътйз. Серекязы, маскаръяськизы, со дыре ик кайгыризы. Мишалэн сюлмысьтыз маиз ке ишкалскыса кылиз. Вёсь карытэк. Но жожомытыса, юн кайгырытыса.

15. Ленинлэн вордскем городаз

Ульяновск быдэс дуннелы тодмо. Татын вань ужаса улийсьёслэн дуно-дано азыветлийсьсы — Владимир Ильич Ульянов-Ленин — вордскиз. Соин ик та кар, мукетьёсыныз чашатыса, аспөртэмлыко, чебер, заводъёс но отын туалаеть, азымынийсь амальёсын ужаны кулэ. Тазы малпалляз Миша.

Кузонын со мукет поездэ пуксьыны кулэ вал но, сое кема гинэ витёно луиз. Соин ик Ульяновске бер жыт вуиз ни. Засвияжье каргуртын улийсь чаш дышетскем эшъёссэ мырдэм шедьтйз. Соосыз татысь огъяулонниын выжыяськиллям вылэм ни. Венер Зарипов, Алексей Борякин, Лера Муслимова, Тамара Кокорина, пичигес ке но, асьсэ бөлетъёсазы уло ни. Эшъёсыз Мишаез шумпотыса пумитазы. Нош ма но со юалляськемзы бере ас ужпөр-ъёсынызы вырыны дыртйзы. Миша Венер дорын көлйз, нош чукна султйз но соку ик заводэ дыртйз. Отын сое, трос ик юалляськытэк-мартэк, радио-трансформаторъ ёс лэсьтонья цехе технологе пуктйзы.

Бен, дуннеын чебересь каръёс-городъёс уно, Ульяновск со дыре пöлысьтызы одйгез синмаськымонэз но тунсыкоез вал ини. Кызы, пе, сотэк, угось татын Володя Ульянов вордскиз бере, карын улийсьёс солэсь данзэ утыны тыршизы. Лыктэм бераз нырысетй арнянуналэ ик Миша Венерез карлэн урамъестйз калгыны чортйз но трос выльзэ тодйз. Ульяновск кемалась, 1648-тй арын, кылдэм но Волгалэн жужыт бур пал ярдурьысьтыз юнматэм кар вылэм. Сое калыкын Венец, иське, йыръясь тугоко, шуиллям. Татысен дасо иськемъёсы адзйське батыр шурлэн читырчутыръяськемез, со котырысь улос музъем.

Кылдэмез дырысенгес ик Симбирскез (Ульяновскез соку озы нимало вал) калык бугыръяськонъёс зуркатъяллям. Степан Разин, татй ортчыкуз, ожгарчиосызлэсь лыдзэс

кызь сюрсозь йылэтэм. 1774-тй арын Емельян Пугачёвез, кунлы пумит ож тйрлыкен жутйськем крестьян калыклэс азветлйсьсэ, Симбирске жилььяса вуттйллям но из юртлэн муржолаз возиллям. Али со юрт интыын (паймод но бырод!) драмая театр сылэ.

Симбирск пыртй ик декабристьёсты В. П. Ивашевез но Н. И. Тургеневез улытозязылы Сибыре келязы. Та карын улйзы но указы И. А. Гончаров, Н. М. Карамзин писательёс, Александр Пушкинлэн эшез Н. М. Языков, Наполеонлы пумит ожмаськонын данэ потэм Денис Давыдов. Ма, Симбирске ачиз Пушкин но вуылэм. Пугачёв сярысь книга гождьякуз.

Мишаен Венер туалала паськыт ульчаостй порьязы, вашкала но лапеггес юртьёсын урамьёстй ветлйзы. Нош тодды излэсь жутэм Венец шуонэ вуыса, икак луэм сюлэмын учкызы син сузёнтэм котыр улосэз, вёл-вёл бызись Волгаез. Засвияжье каргуртэз, отын жуткись но жутэм шимес баджым заводлэсь юртьёссэ ке аджыны өз быгатэ. Соосты жужыт улон юртьёс сайяло угось.

* * *

Автомобиль поттон заводуын лушкем ужась цехъёс вал. Отын орудюсын шонер ыбылонэн кивалтонъя СОН-4 станциос лэсьтйзы но соосты машинаосы пуктылйзы. Трансформаторъёсты татын чапак Сарапулысь радиозаводын кадй ик бичаллязы. Инъетъёссэ сыче ик кортлэсь коразы, озы ик езьёсты биньылйзы. Но корт инъетлэн дуръёсыз малы ке пиртэшо чогыськыны одьязы. Бёрысь сое нимысьтыз суретэн сиран-шобыртон уж кулэезья өз мыны ни. Миша книгаосын бер жытозь бугыръяськиз, утчаз: кыче муген? Тодйсь-валась өнерчиос но уго та юанлы валэктон сётыны өз быгатэ, оло, пе, трансформаторез малпамкылдытэм муртьёс отчы укыр трос мултэс ёзьёс сазнаны дэмлаллям. Уно книгаосты лыдзьыса, йырзэ тйяса, Миша анлаз: трансформаторлэсь куд-ог ёзьёссэ зэмен но кап-

15. Ленинлэн вордскем городаз

чиенгес лэсьтыны луоно. Озыы со ужез капчиятонъя куинь чектонъёссэ нимысьтыз кагазэн утиз.

Куинетй толэзьзэ ужакуз, Миша трансформаторез бичан цехысь мастерен ваче пумит вуиз. Нош техбюролэн кивалтйесез Ивлев арлыдо ужасьлы дурбасьтйз:

— Тон, эке, Игорь Алексеевичен тупаса ул. Со милям нодлыко воргорон, сямыз йӧспӧртэм ке но. Ми сямен татчы выжыясыкы ай, собере ини визьноданы кутскы. Бен, тон технолог, кивалтйсь, нош кивалтоно туж эскериськыса.

Миша лулзйськиз гинэ. Ас понназ малпаз: «Таӹе визькенеш сӹтьясӹӹслэсь кылзыса улйӹд ке, йӹнзэ уд шедьты, зӹеч ужьюгдуре уд ву».

Та учыр бере толэзь ортчыса, Мишаез, лушкем уж борды лэзӹн сярись кагаз вуӹмен, дыр, СОН-4 станциосты бичанӹз эскерись мастер каризы. Виль кивалтйсь та ласянь туж сӹлӹмшугьяськиз, угось станция — со одйг кыӹе ке трансформатор ӧвӧл, СОН-ӹз лэсьтонъя кагазӹӹс гинэ быдӹс зурод люкасыкозы. Ӗйтӧд, вормоз-а со зуродз Миша. Нош Алексей Корякин но тужгес ик Венер виль уж борды кутскыны туж но туж дӹмлазы.

Миша кык толэзь ӹже, уйӹссӹ изытӹтӹк, книгаосты лыдзйса пукиз. Нош со книгаосты солы, кизӹ нуртытыса, одйг нуналлы гинэ сӹтылйзы. Заводысь лушкем ужанлы сйзем бӧлетлӹн книга жажыосысьтыз. Лыдзйса но станциез пыр-поч йыгыръяса, Миша сое син азяз кыӹе ке улӹп кинӹ ке кадъ пуктылыны кутскиз ни: тани солӹн бадзйым-бадзйым тӹркыосыз-синӹӹсыз, сӹлӹмыз — лыдьясь-чотась ӹззз, пыдӹӹсыз — питранӹӹс. Ма, мугорыз но, пуштросз но вань. Кыӹе ке улӹпослӹн — пудо-животлӹн-пӧйшурлӹн кадъ.

* * *

Зӹечлыкез эскеронъя отдел огезлӹн завод юртлӹн кыкетй ӹтажаз интыясыкемын. Татысь жӧкӹӹс вылын котьку но трос книгаос кыллизы. Нош борддоре Пӹтр эксӹйлӹн зӹечлык

сярысь 1723-тй арын толшорлэн 11-тй нуналаз пуктэмез бадзым букваосын гожтэмын вал. Отын верамын: Тулаысь фабрикалэсь кузёзэ, Корнила Белоглазовез, сюлоен, пе, жугоно, угось со, покач, кунлэн ожгарчиосызлы ярантэм пычалъёс вузаны дйсьтэм. Нош Фрол Фукс альдермал-старшинаез, озыы ик сюлоен жугыса, Азове келяно, малы ке шуоно со ярантэм пычалъёсы, умоесь шуыса, аслэсьтыз пусъёссэ пуктылэм.

Уть ай, кыче чурйтэсь куронъёс выйлллям. Мишалы бен солэсь ляггес кариськыны луэ шат? Собыдза ожгар станцилэсь зечлыксэ эскерон-чаклан со вылын бере? Со ведь кыче ке альдермал өвёл, солы уй но, нунал но чаклано: Инмар мед утёз, станцилэн кыче ке ёзёз, чыры-пырыез ке но, ёз ке ужа, пичигес шекен луиз ке. Янгышалод — тонэ сюлоен уз жуге, быдэс улонад кымысад ёуштаса пуктэм кадъ съёд виштыен ветлод.

Валтйесез альдермал — эскерись мастер — Мишалы куд-ог ёзъёсты дунъян-чаклан дыръя вёзас луыны лэзь-ылйз ке но, ас кожаз ужаны солы ёз оскылы на. Мишалэсь арлыдо эскерись мастеръёс зеч ёнерчиос вал ини, станциез бичанын ужась слесаръёс соосын гажаса вераськылйзы, нош Мишалы серекъяса шуылйзы: «Тон, пиёк, та машинамылэн липет вылаз эн туба, уката ик ужакуз. Антенналэн тулкымъ ёсыз улэ сюрдид ке, кук вискысьтыд покчи эшед бабемысь уз сайкалля ни».

Нош кызыы ке огпол валтйесез альдермал-эскерись мастер выль станциез ожгарчиослы келян азын эскерыны Мишалы аслыз оскиз. Ожгарчиос ласянь лыктэм муртъёслэн ужкагазъёсазы но гожтйськыны косйз. Куамынэти толсуре со вал. Ар понна берпуметй станциез келяку.

Валтйсь альдермал станциез бичам ёнерчиосты но Мишаез уж беразы но кельтйз, станцимес, пе, уйин бергатыса эскером на. Кызыы со ассэ возьматоз, нимысьтыз журналэ гожъялом. Нош ёузна вань со гожъямъёсмес ожгарчиос ласянь лыктэм муртъёслы сётм.

15. Ленинлэн вордскем городаз

СОН-зэс эскеронэз чукна ньыль час котырын гинэ йылпумъязы. Ваньмыз — станциез бичасьёс но, электрон ёзьёсты лэсьтэмъёс но, ожгарчиос ласянь ыстэм муртъёс но — пумақ жадизы. Нош мылқызды выльын лоба, угось арлы план быдэстэмын.

— Тае пусйытэк кельтыны уг лу, — шуиз валтйсь альдермал, киоссэ посйз но артэ сыйсьёсты огаз ужан бөлетэ отиз. Отын жок вылэ пуктылйськемын вылэм ни: дун, чильпырась но чильырась пуштросэн зенеликъёс сыло, сылалтэм парсь кой, шормам буй-буй нянь, мукет куртчонъёс витё ни. Воргоронъёс, егит пиос зенеликъёсысь юонэз асьсэос ик чаркаосы лэзьязы но кымаллязы, курытсэ соку ик вуэн согылызы. Миша кабак винаез өз яратылы: ньылонэз укыр сутэ, нырез чатыртэ. Соин ик юыны пумит кариськиз вал, нош артэ сыйсьёс сое мыскыл улэ кыскизы, кыче, пе, тон воргорон, тае но юыны уд ке мылқыдаьсы. Мишалэсь юонтэм мылқыздэ станциез бичасьёслэн кивалтйсьсы — арлыдо өнерчи бекыртйз:

— Ю ойдо, пие, тае югдурез тыныд пусйыны кулэ. Нырысетй станциез келяськод ук. Та чарка, тыныд зечсэ сйзьяса, скулмысь тырмытэмын.

Миша чаркаез одйг ымаз кисьтйз. Шокчытэк, зынъятэк. Шоканэз соку ик пытсаськиз, ньылоназ тыл гомзйз, бамъёсыз но тани-тани кенжозы.

— Вуэн, вуэн сое пачкаты, — артэ сыйсь воргорон кружка мычиз. Спиртэз нырысьсэ юэм Миша жоген шомзйз, ымдуръёсыз ас коказы паляны өдъязы. Шузи муртлэн кадь.

Борысь мукет СОН-ъёсты келяллязы на. Куд-ог дырря Москва дорысь ожгар частьёсы но соосты нуылоно, отын ужатыса эскероно луылыз. Уж тунсыко вал, но со дыре ик туж юн саклыко. Ма, кызы шуо, яке ческыт емыш шедьтод, яке легезьпу венен чабьяськод.

Толшорлэн пумаз заводсы комсомолецёслэн кенешсы ортчиз. Культура юртлэн вёлмыт залаз тямыс сю пала комсомол азьветлійсьёс люкаськызы. Соос, быдзым Иосиф Виссарионович Сталинэз буре вайыса, огчош султылізы. Бёрысь ини сцена вылысь жёк съёры быръем муртьёс пуксизы: тёрмуртьёс. Заводлэн директорез Социалистической ужысь Герой, парткомлэн секретарез, цехъёслэн кивалтійсь ёссы. Улосысь тужгес бадзым заводлэн сійё-дано кенешаз партилэн обкомезлэн но комсомоллэн кар комитетэзлэн секретарьёсыз жёк съёрын йён-йён пукизы. Заводсы комсомолецёслэн йырзы Саша Исаков соосты но веран кылаз їушказ ке но. Нимъёссэс вератэк гинэ. Собере ини азьвыл ик дасям, гожтэм кагазьёсья вераськисьёс сцена вылэ потазы.

Миша ас интыяз вень йылын кадъ пукиз. Ма, мар таће та? Техникумазы комсомол кенешъёс задор, шулдыр ортчылізы, нош татын умме усёд ук! Ёз чида ни, кенешен кивалтійсьёслы гожтэт келяз: сётэ, пе, мыным но кыл. Али ик. Берло гожтэм та кылъёсызлы луыса яке виль адямилы но кыл сётоно шуыса, жоген Мишалэсь фамилизэ ялізы.

Миша чорк султійз но сцена вылэ бызьыса потійз:

— Эшъёс, мар-о тазы ужтэмаськом ай? Та кенешмы комсомолецъ ёслэн-а яке уйбыртійсь пересьёслэн-а? Мон вушйылыса пукисько ни вал. Ма, кытын асьмелэн задор мылкыдмы?

Собере мадиз, кызы соос, егит ёнерчиос, заводэ лыктійзы но огъяулонние интыяськызы, нош отын, холодильникез вератэк ини, сиён пёраны электрогуръёс но, дійсьтэ вольятатон уютгёс но ёвёл. Егит ёнерчиослэн улэм-вылэмзы нокинлы нокыће уг йёты. Соос, тае шёдыса, жытьёсы шёмзытскыло. Озы ик Миша будэтійз на, солэсь ужез капчиятонъя куинь чектонъёссэ жыны ар ёже ини чакланы курадёо шуыса.

Тёр муртьёс но, мукетьёс но куспазы шыпыр-шыпыр карыны ёдъязы. Кенешлэн азьвыл ик рос-прос чаклам,

15. Ленинлэн вордскем городаз

гожъям радэз өжытак воштйськиз. Нош собере Мишаез заводысь комсомол комитетэ бырйизы. Нош Саша Исаков (сое комсомолецъёс выльысь асьсэлы азьветлйсь каризы) Мишалы аслыз воштйсь луыны чектйз. Соиз пумит өз кариськы. Комсомол уж солы тодмо ини, нош татын чылкак мукетыз сярысь сюлмаськоно: егитъёс азинлыко но зечлыко мед тыршозы.

Кин ке но егитъёслэсь ужез капчиятонъя чектонъёс сётъямзэс чакланы дэмлаз. Эскеризы но, югдур чидантэм вылэм. Егит өнерчиос гинэ но выльзэ, зечлыкозэ туж өжыт чектылйллям, нош егитъёсыз рабочийёс та ужлэсь чылкак палэнскиллям. Югдурез комсомол завкомын чаклано кариськизы. Комсомолецъёс кенешазы отизы валтйсь технологлэсь воштйсьсэ но ужез капчиятонъя, чектонъёсья но выльзэ утчанъя бюролэсь — БРиЗ-лэсь — кивалтйсьсэ. Кенеше парткомлэн секретарез но лыктйз. Егитъёслы дурбасьтон понна. Комсомолецъёс валтйсь технологлэсь воштйсьсэ но, БРиЗ-лэсь кивалтйсьсэ но «бышкизы», пыкылйзы, кытй-отй сереме но уськытылйзы. Дыг ужамзы, выльзэ утчан сярысь сюлмаськымтэзы понна. Ма, инженеръёс но рабочийёслэсь чектонъёссэс санэ уг басьто, соосты уже пычатыны уг тыршо. Комсомол завкомлэн та зырдыт кенешез бере парткомлэн секретарез заводысь техникая ёзьёслэсь кивалтйсьёссэс люказ но соосты зол гинэ кузгатйз. Та бере югдур каллен-каллен тупатскыны өдъяз. Шонер верало ук: ас кожаз ветлйсь уробо дунне вылын өвёл, сое ялан кин ке но донгыны, кыскыны-валтыны кулэ.

Цехын, завкомын чырмыт ужаса, Миша дырлэсь орчемзэ но уг шөдылы. Вылаз ик ай завод директор Саша Исаковез цехен кивалтйсь кариз. Нош комсомол комитетэн кивалтонэз Миша вылэ куштйзы. Со понна цехын ужлэсь но мозмытйзы. Саша зеч комсомол секретарь вал. Солы егитэз но, арлыдоез но вазиськылйзы, цех кивалтйсь ёс, коммунистъёс но дораз пыраллязы. Соин ик Миша туж сюлэмшугьяськылйз: шонер-а меда со лэсьтйз, комсомол

секретарьлэсь ужзэ быдэсьяны кариськыса. Кабинетаз пукыны солы мөзмыт йөтйз, угось калык пöлын берганы кельше вал. Соин ик цехёстй чөмгес ветлыны öдяз. Егитьёс солы трос тунсыкозэ мадылызы, чөктылызы. Цехын, рабочийёс пöлын, ваньмыз син азын, татын куспазы оломар мудроньяськыса яке алданы турттыса уг верасько. Мар ке лушкеманы вырид ке но, ужась калык шараяськытоз, вань малпань ёстэ кыре поттытоз.

Кызы ке огпол Миша ужан цехаз кожиз. Комсоргзы татын капчи мылдыдо но шöртчи Павел Борисов вал, трансформатор ёзёсты бичанья мастер. Станокьёс гужгето, соос вöзын сылйсь нылашьёс йырзэс но уг жуткало.

— Чырткемесь-а, — комсорген зөчьяськиз Миша.

— Чырткем ай кадь но... — нукуртйз соиз.

— Малы «кадь»? Мылдыдыд öвöл, лэся. Оло, дырыз дырья дорады öй кожы-а?

— Чапак вакытаз учырад. Тани сылйсько ай, малпасько, кызы одйг ужпумез бералтоно. — Павел көня ке малпаськыса сылйз. Малпанзэ Мишалы верано-а, öвöл-а шуыса, дыр. — Участокмылэн кивалтйсьезлы, Михаил Васильевичлы, одйг чөктон сөтй, — веранзэ азыланьтйз Борисов, — нош со пумит кариське, чөктонме (со зэмен ик зөч маке) быдэстыны тулэз лусьемлэсь но капчи ке но. Кылзы ай...

Борисов тупен-тупен мадиз, кызы езёсты бинян но трансформаторе герзэн ужёсты мукет сямен радьяно.

— Али сямен ужаса, пинал нылъёс нормазэс быдэстыны уг vormo но, уждунзы укыр ичи усе.

— Ма дэмласькод?

— Ма, шуисько ук: ужан радэз воштоно. Кыче ужез нырысь, кычезэ со бöрсьы, кудзэ таосыз бере быдэсьяно. Нош участокмылэн кивалтйсьезлэн кылзэмез но уг поты. Номыре, пе, ум воштэ. Валамон ни, солы озы улыны каньылгес.

15. Ленинлэн вордскем городаз

— Нош тон укыргес зөк кызез погыртыны уд турттійськы-а, гогыед уз ырззы-а?

Но малпанэныз жуалскем Павелэз алыны уг луы ни. Со ужан радлыкез кызыы вильдыны пыр-поч малпам ни, лэся. Вераськемзэс кылыса, вёесь киоссэ зустариен чушылйсь пи доразы вуиз.

— Эй, комсомол, мар-о пöseкьяськоды? Уртчоды ведь.

— Ма, тани улон-вылон сярысь кенешиськом: кин, кызыы, ма понна ужа, — вазиз Миша.

— Вераськондэс умой öрьяськоды. Мон тазыы шуысал: ваньмыз ик асьсэды кылчинёс кадь возысалзы но шайтан вальёс кадь ужасалзы ке...

— Нош ачид?

— Ачид... Куддырья, эке, пельпумад медаз пуксе шуыса, йыр йылад но кариськоно луэ.

Миша та пиен азьвыл но пумиськылйиз, вераськылйиз ни вал. Тодэ, со туж ачимьяськись но ассэ гинэ тодйсь адями. Кыкетй улонэз улйсь мурт кадь ассэ возе. Кулыкуд кукъёстэ кудпала зоньтыны но валэктоз, дыр. Тани али но со визьноданы выриз:

— Тани мон алигес мае шöдй: пыдкучтанме кылбытэк кöлыны выдйсько ке, чуказеяз чукна одно ик йыры висе. Тй но, эшъёс, йырдэс юнме эн висетэ. Дунне асьметэк но бергалоз, асьметэк но кысоз. Иське, малы отчы-татчы кыстаськонэз, олома пумысен йырдэ тйянез...

Тйни кызыы гинэ улыны луэ вылэм: номыр сярысь сьулмаськытэк, йырдэ висьытытэк, уя но уя ойдо, кытчы визыл нуэ.

— Кылзы ай, Павел, ойдо асмеос комсомол кенеш ортчытом, вераськом, ма понна улйськом-вылйськом, — чектйз Миша.

Павеллэн но та пумысен малпанэз йыраз лыктэм вылэм ни. Кенешсы задор, зырдыт ортчиз, ог-огзэс «бышкыса», бичатыса, пышкылыса. Нош доразы бертыкузы, егитъёс малпаськонэ усемын вал.

Егитьёслэн каргуртысь Культура юртын ортчылйсь жьтьёссы кемалы вунонтэм кыльылйзы. Заводын кырзаны-вераны, актыны, крезьгураны зэмос усточи нылъёс но пиос уно вал. Концерт бере егитьёс нимаз-нимаз цехъёсья буфетэ люкасыкылйзы. Пиос нылъёсты кампетъёсын, ческыт юонъёсын, мороженоен кунояллязы, нош асьсэос курытсэ чарка коть замыртыны учыртылйзы. Эктонъёс кутскон азын.

Нош со жьтьёсты ортчытыны котьку но коньдонлы ёрмылйзы. Профсоюзлэсь яке заводлэн коньдон ужпумъёсья ёзэтысьтыз ялан уд кураськы ук. Егитьёс пöлысь кин ке но заводьсь куштйськем корт бичаны но сое уксёлы берыктыны ёектйз.

Вуонояз кöснуналэ ик заводын ёаш! вазе вал. Котькуд цехлы одйгкык машина висъязы, бичам кортэз со машинаосын «Вторчерметэ» нуллйзы. Озыы комсомол завкомлэн коньдонэз кылдйз. Сое жьтьёсты ортчытъяны но ёрмыса улйсь егитьёслы юрттыны кутйзы.

Сыло кык пиос.

— Малы ке но та улон укыр огпöртэм луиз, — лулзись-киз оgez.

— Малы?

— Толон но кисыын тöл шулаз, туннэ но уг шильырты, нош уждун басьтытозь дас нунал на.

Таёе югдуре сюрем егитьёслы, кызыы быгатйзы, юрттылйзы: пунэмен но коньдон сётъязы, берыктонтэм выльсь но.

Гужем нунал кузь, нош уй — одйг чырым быдзэ гинэ. Заводын ке тылъёс ноку öз кысылэ. Комсомол завкомын ёектйзы электрокужым кутонэз шыръянлы сйзем эскерон ортчытыны. Цехъестй ортчизы но паймизы: кытын но отын одйг адями но ужамтэ дыръя кужмо электролампаос жуало, станокъёс юнме бергало. Комсомолецъёс кöня ке уйёсы озыы заводэтй ортчылйзы. Нош ёукнаосы заводэ, цехъёсы

15. Ленинлэн вордскем городаз

пырон азын бордгазетъёс ошылэмын луылйзы ни. Отын — егитъёсын шиям мастеръёслэн, эсьма, цехъёслэн кивалтисьёссылэн но, туспуктэмъёссы, нимъёссы-тульёссы. Тае адзыса, рабочийёс куспазы лабыртылйзы, пöseкъязы, но одйг малпанэ вуылйзы: кивалтисьёс, ма, асьсэос но шыръяса ужан сярись уг малпасько.

— Кивалтисьёслэн вань чиньёоссы косыса возматьяны гинэ будэмын, соиз валамон, но асьмеос но янгыш, комсомолмы ке тйни синмо-визьмо, — шуылйзы соос.

Заводлэн директорез комсомолецъёслэн тазы ужамзы сярись тодыса, лыдъяны косйз, электрокужымез юнме быдтэ мен кöня ыштонъ ёс адзэмын. Та учыр бере цехъёслэн кивалтисьёссы, заводуправлениын пукисьёс комсомол азьветлйсьёслэсь верамъёссэс пелязы поныны öдъязы. Заводысь дыкужымъя ёзэтэн кивалтйсь, чүшмырес воргорон, быдэс городын но дано-гажано адями, комсомол завкоме кожалляны кутскиз.

* * *

Куартолэзе заводысь профсоюзлэн огъя кенешез ортчиз. Миша азьвалтэтын-президиумын завод директорен но партком секретарен артэ пукиз. Кенеше ыстэм-быръемъёс но кычө кагазъёсты лыдзйтэк вераськизы. Сиськонниын ляб сюдэмзы, нош тужгес но улон юртъёсты туж каллен жутэм пумысен мечак юанъёсынызы соос директорзэс но пумак каризы. Соиз, арлыдо но тазамем мугоро воргорон, кытй-отй ма вераны ик кыл öз шедьтылы.

Бен, завод кивалтисьёслэн улон капчи öвöl. Уть ай, кöня тодонвалан, чидан кулэ ужпöрез умой радъян, нуон понна. Мишалы но азьланяз тодон-валан люкан-басьтон сярись малпаськоно вылэм ни. Вылй дышетсконниын. Нош кызы отчы пырод, армие ветлытэк. Тйни озы Миша ятвылаз усиз. Луылэ ук озы: ветлйськод, ветлйськод малпаськыса, йырде тйяса, шуак малпанэд кылде но, синъёсыд усьтйсько кадъ. Собере аслыд ачид паймиськод: ма, кызы

азьвыл тодад ۆз лыкты?! Азьвыл ик валано ни вал ук: мыноно армие, ато эшьёсыд погоньёсын бертозы ни.

Нош парткомлэн секретарез, Иван Павлович, Мишалэн мылкыдызлы пумит кариськиз но сое завод директор доры валтїз, мед, пе, военкомлы жингыртоз но, комсомол секретарьзэс армие медаз басьтэ.

Югдур мукет сямен берытскиз.

Директорлэн вۆл-вۆл кабинетысьтыз бадзьым жۆк вылын ог дасо телефоньёс сыло. Таза мугоро кивалтїсь азьысьтыз быдэс гурезь ужкагазь ёсты палэнтїз но, парткомлэсь секретарьзэ сак кылзыса, ас кылзэ вераз:

— Умойтэм малпамед, Михаил. Быдэс заводэз булгандырид, цехьёсын тусэз возьматыны уг луы, соку ик бордэ норисько, табере ачид армие пегзыны турттїськод. Өвۆл, пияш, адями эксэйяськыны малпа ке, со нырысь ик аслэсьтыз мылкыдъёссэ эгесаны дышыны кулэ.

— Вождэс эн вае, но тї янгышаськоды, мон чик но завод калыкез ۆй булгандыры, егитьёс асьсэос тымиськем мылкыд чыпетсэс кыризы. Нош мыным зэм но армие дырыз дырья ветлоно, бۆрысь арлыды но ортчоз. Ма, мон кадь таза пиос армие ке ۆз ветлэ, кин отчы мыноз на? Со сяна, нылъёс монэ серем карозы ук, кудзылэн-о армие ветлымтэ пиез туган кутэмез потоз, — пальпотэм кариз Миша.

Директор со шоры йыркуро жаляса учкиз, Мишалэн, эсьма, пигонь ёсыз чогыр жутскизы. Кивалтїсез кинлы ке жингыртїз, куриз: завкоммес, пе, кызы ке жечгес интые басьтэ вал. Телефонын мар ке чажыртїз, бульыртїз на но, директор ини пальпотыса ивортїз:

— Зэм верало вылэм, Иван Павлович, шудо муртлэн атасэз но пуза, — горектїз но йылэтїз на, — арня ортчыса ПВО-е бырьемьёсты келяло, тонэ но, Миша, соос пۆлы гожтїзы. Оло, отын но комсомол ужен вырод ай. Ярам, милемлы вождэ эн вай, жеч солдат мед луод. Кунмес утөн — секыт уж но, со кыдатэ, визьнода, улонэз валаны дышетэ. Оскисько, заводамы ик берытскод шуыса.

15. Ленинлэн вордскем городаз

Военкоматын Мишалэсь ужкагазъёссэ жог дасязы. Ялйзы: вить нунал ортчыса, со мукет пиосын чош ожгар частяз кошкоз. Озы Мишалэн ужан вакытэз куспатйськиз. Заводэ эшъёсыз, комсомол азьветлйсь ёсыз кылёзы, «УАЗ» машинаосты бичалозы, пушкаен ыбылонэн кивалтйсь станциосты лэсьтозы, нош со ачиз армие куинь арлы кошке. Азыпалан выль, тодмотэм вакыт, ма, быдэс азыпал улонэз...

16. Ожгарчи

Армие басытэм пиосын пароход, бурдо питраньёсыныз ву вылэ шлакетьяса, Волга кузя уллане васькиз но нуназе котырын Куйбышев озынэ-пристане лякиськиз. Вуоно солдатъёс быдэс уйзэ пароходэти олань-талань ветлйзы но али жёлмамын вал. Шур вокзалысь ресторанэз адзёса, ваньзэсты одйг строе султытьямзы бере отчы пось шыд ке но ёзъылыны куриьскизы. Вылй командирзы — егит гинэ лейтенант — но солы юрттйсь сержантьёс олома өз пумитьяське но, жоген ресторанысь вань жөкьёс съорын армие мынйсь пиос пуко ни вал. Кин ке аязяз пыжем сйль вуттыны куриз, мукетьёсыз, вуз карон жөк вылысь парлайсь чыж-чыж кисло-куслоосты синйылтыса, чапак соосты сурен чош вайыны куризы. Солдат пиос туннээ юмшазы...

Егит пиос дас вить минутлы гинэ ресторанэ куриьскизы вал, нош шулдыръяськонзы часэн жыныен кыстйськиз. Собере ини кинэ ке ас пыд вылаз, мукетьёссэ, кунултйзы жутыса, машина кузовъёсы пуксытылйзы но жоген ини горд кизилиё корт зезысь съоры пыртйзы.

Интыязы вуэмзы бере пиосты мунчое валтйзы, чылкытатйзы но соослы юг-төды ул эрезьёс, ул дэремёс, паськыт еэн гимнастёркаос, галифеос люкылйзы, небыт бинялтонъёс, секыт кирза сапегъёс но горд кизилиё пилоткаос сётъязы на. Пиос выл дйсь пушкы пыризы но огогзэс уг тодмало ни. Бен, соос ай зэмос солдатъёс өвөл, нош корт капка съоры кылем пимуртьёслэсь висьясько ни.

Миша, выль эшъёсыныз тодматскыкуз, анай-атаеныз сётэм нимез вераз — Рустам.

Рустам малпа вал, армиын офицеръёс гинэ кузёясько, косо-ысто шуыса. Нош татын ваньмыныз косяськизы арлыдо старшина но вить сержантьёс. Соос пиосты одйг радэ

16. Ожгарчи

султытылйзы, мар ке косэмзэс быдэсьямез эскерылйзы, иське, соос ик татын зэмос командиръёс вал.

Солдат пиосты, сю витьтон адымиез, покчи кивалтон ёзчиосты дышетон школае уллёязы. Татын соослы тушмонлэсь омырысен шуккет лэсьтонэзлэсь чакласькись частьёсын радиотелеграфист луыны дышетсконо. Школазы Безымянки каргуртлэн дурпалаз, Куйбышевлэсь тямыс иськемын, интыяськемын. Пиослэн быдэс нуналзы, вазь чукнаысен бер жытозь, олокыче но туж кулэ ужъёсын ёртэмын. Куать часын чукна соос ул дэремъёсын, галифеосын но секыт сапегъёсын дыбыр! карыса кыре потылйзы. Плацетй котыр бызьыса, куинь иськемез ортчылйзы, собере дас вить минут чоже мугоръ ёссэс позыръязы, куасаллязы. Сержантъёс возматэм бёрсы. Тазы сайкатскыса, ньыльдон минут чоже мисътйськылйзы, тушсэс мычылйзы, дйсьсэс жикыттылйзы. Соку ини казармаын кылдылйз жотырес сямю старшина. Пиосты со казарма котырез утялтыны поттылйз. Пиос, чужонъёс, куйюслопатаос, носилкаос кутыса, усем куаръёсты чужылйзы, тамак пумъёсты бичаллязы но горд кизилиё капка съёрын шудо-буро, эркын улонзэс тодазы вайылйзы.

Старшина жотрес сямю ке но вал, пиос солэсь туж ик өз кылзйськылэ. Ма, присяга но өз сётэ на бере, старшина соосты жикатыны уг быгаты на. Нош сержантъёс котькуд вуоно солдатэз син улазы возыны тыршизы. Нош пиос куд-огез, куйызэс яке чужонзэс эшсылы сётыса, заборысь пасез шедьтылйзы но эрико улонэ кочылйзы. Чемысь кыче ке мудрон югдуре сюрылйзы...

* * *

Чукняняны (чукназэ кёт кышъяны) солдатпиос сиськонниязы взводэн-взводэн пырылйзы но, кыче ке пырсатэм сиён зынэн шокаса, жокъёс съёры пуксьылйзы. Сиён нуллйсь-люкылйсь эшъёссы кизер жукез азьвил ик пуктылэм пичи мискаосы тырылйзы, котькудйзлы шормам

нянь, пичи гинэ сакры юдэс сётылызы. Нош їук сиён-дэ кушаса-нылыса вутїид-а, өд-а — дас вить минут ортчыса косо ини: «Султїськом! Потїськом! Строе султїськом!»

Укмыс часозь дас вить минут на, быдэс школа строе султэ. Рустамлэн взводэз нырысь радын сылэ. Со — радлэн пумаз ик, угось тужгес лапегез. Азязы їужыт, веськыт, арлыдо ке но ини, шаплы Ефимов подполковник потэ. Со вёзын юрттїсез, Черных капитан, їог кадь шонер — шөдїське, пинал дырысеныз ик ожгарчи стройын вамышь-яны дышемын. Соиз озьы но, угось Черных Суворов училищез йылпумьям. Капитан жон-жон кеськиз:

— Школа, р-равняйсь! Смирно!

Капитан, пыдїессэ чебер їутьяса, полковник азе мынэ но ог куинь вамыш со доры вуытэк дугдэ, їот-їот вера:

— Полковник эш! Школаын дышетскисьёс строе султытэмын.

Картуз дораз їутэм бур кизэ лэзытэк ик, со бур пала вамыш лэсьтэ но дышетскисьёс пала берытске. Капитан — вашкала грек инмар, Апполон, кадь чебер, зэмос офицер. Сержантїёс, дышетскисьёс — ваньзы ик солэсь адзем карыны тыршылызы. Угось їапак сыїе офицерїёс сярысь шуо: кун понна ваньзэ сётоз, нош данзэ — нокинлы.

* * *

Дышетскон кутскиз. Анткыл-присяга кутытозь, армие басьтэм пиослы уставїесты дышетыны, соослы сётэм вашкала винтовкаез їог сэрттыны-бичаны, шонер ыбылыны быгатано вал. Нуналлы быдэ пиос стройын кык час їоже ветлылызы, сомында ик мугорзэс кыдатїзыюнматїзы. Бур пала, паллян пала кожоно, пыдїестэ шонер їутыса вамыш-тоно, сержант азе дугдоно, бур кидэ картузэд доры їутоно. Но взводзы чик но зэмос ожгарчиос кадь уг вамышья ай: огез нырзэ ошем, мукетыз олома котырак учкылэ, пыдїессы їот-їот уг мыно. Нош вуоно солдатїесты зорыку

16. Ожгарчи

но, лымыяку но дышетйзы. Бирман старшой лейтенант пиосты быдэс толэзь чоже курадзйтйз, пумак кариз. Но со понна пиос стройын ветлыны дышизы, ыбылйськыны но шонер ыбылйсько ни.

Я, присяга кутон нунал но вуиз. Чиялтозь сузам винтовкаосын курсантъёс горд басмаен шобыртэм жок доры огез бёрсы мукетыз лыктылйзы но анткылын кагазэз басьтыса лыдзылйзы: «Мон, ужась калыклэн пиез, кылме сётйсько...»

Та нунал вань пиос понна дано, дуно вал. Табере соос зэмос ожгарчиос, атыкай музъемзэс утисьёс. Быдэс улонзы чоже. Солдат дйсьсэс куштон дыр ке но вуиз.

* * *

Миша, табере Рустам ини, виль улонлы жог дышиз. Ваньмыз сямен ик, вазь султылйз, жог дйсьяскылйз, уйёсы шуак сайкатыкузы но. Ожгар өнерья дышетсконзы но кутскиз. Взводлэн командирез, Бирман, радио ужлы дышетйз. Рустам бен радиоосты зеч тодэ ни вал, нош тросэз эшъёсыз соосты нырысьсэ сэрттылйзы-пертчылйзы.

Классазы котькуд жок борды Морзе азбукаен ивортон келян приборъ ёс юматэмын вал. Пиос соосын ужаны дышетскизы. Котькуд прибор командирлэнэныз герзэмын. Дышетскисьёс пуксьылйзы, пельёсазы наушникъёс тырылйзы но, морзе букваос чузьяськыны кутскылйзы: ти-ти, та-та-ти, ти-ти-та. Морзе азбукаез жоггес дышетон понна, пиос куспазы но та куараосын вераськылйзы.

Рустамлы нимысьтыз уж но сётйзы. Тревога ялыку, офицеръёсты но отьыны кулэ вал. Бирман чапак Рустамез та учыре солы ивортлыны косйз. Кышнояськымтэ пиосмурт, аслэсьтыз патерзэ сяна, лушкеш кёлан кык музон интыоссэ но возматйз. Тревога толэзьлы быдэ ялылйзы. Рустам, усьтыр-табыр дйсьяськыса но винтовказэ кутыса, командирез доры бызьылйз, куддыръя соиз интые өсэз егит кышномурт усьтылйз.

Взводзылэн командирез, Рустамлэсь кагазъёссэ учкыса, лэся, сое радиоаппаратъёсья урокъёс нуыны косйз. Бёрысь — Морзе азбукаен иворъёс келянъя но. Толшоре Рустам куинетй классъем, нош южтолэзе кыкетй классъем радиотелеграфист луиз ни.

Рустамлэн ожгар ужез тунсыко вал. Тани со ивор келя, нош сое кылйсь радист, оло, сюрс иськемын, Рустам ке соин артысь муртэн кадъ вераське. Мукет пиосты но радио-передатчикен ужаны жоггес дышетено.

Школалэн начальникез южтолэзь шорын полигонын связь возён инты усьтыны косйз. Бирман та ужез Рустамлы куинь эшъёсыныз быдэстыны оскиз. Машинаысь басътэм липето кузове кык передатчикъ ёс пуктйзы, антеннаосты юнматйзы. Татысен лушкем иворъёсты кыдёкысь тэле интыяськем ныль радистъёслы келяны кулэ. Пиос кема гинэ курадзйзы: я передатчикъёссылэн кужымзы уг тырмы но, соосты тэлысь радистъёс уг кыло, я ивор кутйсь аппаратсы уг ужа. Но ныль ёошен кызы но озы ужзэс быдэстйзы. Со понна Рустамез взводлэн командирезлэн воштйсез каризы. Та интыын сержант луыны кулэ но, соиз, службазэ йылпумъяса, дораз кошкыз ни. Ма, Рустам но, куинь толэзь ортчыса, школаез йылпумъялоз ни.

Оштолэзе, ныль часын ёукна, дневальной шуак кесъкиз:
— Школа, подъём, тревога!

Курсантъёс улыно-вылыно койкаосысьтызы тэтказы но ури-бери дйсяськызы, тыриськон пуйюссэс, винтовкаоссэс кутыса, педло бызыыса потйзы. Татын соосты взводъёслэн командиръёссы витё ни вал. Школалэн начальникез, Ефимов подполковник, ялйз, ваньзы ик соос туж лушкем юртэз возьманы мынозы. Частьысьтызы дас иськеме. Отчы час ортчыса вуоно.

Пеймыт уй на. Инмын кизилиос гинэ бездыт пишто. Пиос тыбыразы тыро пуйюсын, противогазъёсын, винтовкаосын сюрес урдсытй бызё. Оген бызыны секыт, нош дэмен — уката но. Взводысь нокин но бере кылыны кулэ

16. Ожгарчи

өвөл. Нош куд-огез курсантъёс юри быземъясько, мукеть-ёсызлэн кынарзы сомындагес. Сержантъёс взводэз берлань берыкто но кылемъёс дорозь бызьыто, соосты кунултыса, азылань улляло.

Бен, тревога дышетскон понна гинэ ялэмын вал. Нош дас иськемез вань кужымез сётыса бызёно луизы. Тросэз пиос бинялтонъёссэс тыро-пыдо өз бинялтэ вал но пыдъёссэс нярзытылйзы. Нош берен ини капчи мылкыдын вамышьязы: дас иськемез бызьыса ортчыны быгатйзы ук! Казармаоссы адскизы но, пиос, командиръёссэс паймытыса, кырзан но мытйзы.

Вормон нуналэ быдэс школаез одйг строе султытыны кулэ. Генераль ёс но, пе, лыктозы. Солдатъёслы выль дйсь сётйзы. Сое роспрос утюгано, гимнастёркае тодьы сирес вурзёно, сапегъёсты синучкон кадь чилиясь кароно. Старшина но взвод командиръёс, котькуд солдатэз эскерыса, пумак луизы.

Дас часын чукна строй азе школалэн командиреныз чош генералполковник потйз. Со Приволжск ожгар округлэн командующоез Кузнецов вылэм. Лапегес но тып-тып мугоро, кукъёсыз Рустамлэн кадь вакчиесь. Тусызъя сое чик но сыче бадзым командир уд шуы. Йырсиез вакчи гинэ чышкемын, пельдоръёсыз пурысьтамын. Ассэ туж етйз возе. Кельышлы вурем кителез вылын Совето Союзлэн Героез луэмзэ возьматйсь зарни кизили пиштэ. СССР-ысь Верховной Советлэн депутат гадьпусэз но вань. Кузнецов бёрсьынгес Редькин генерал-майор вамышья, противоздушной обороная корпуслэн командующоез. Соин артэ Военной советлэн ёзчиез, генерал-лейтенант мынэ.

— Школа, равняйсь, смирно! — кеськиз Черных капитан.

Жот-жот вамышьяса, со Кузнецов генерал азе мынйз но ивортйз:

— Генерал-полковник эш! Связья ожгар өнерчиосты дасясь школаын дышетскисьёс, Вормон нуналлы сйзьыса, одйг строе султытэмын!

Генеральёс солдатъёс азьтй ортчизы. Котькуд взвод азьын командирез сылэ — лейтенант. Нош нырысетй взводлэсь командирзэ, Бирман лейтенантэз, мукет ожгар часте выжтйзы но, солэн интыяз Рустам ефрейтор сылйз. Кузнецов генерал взводзы вадьсы вуиз но ефрейтор шоры паймыса учкиз, собере — школа командир шоры. Нош юаны номыр өз юа. Генерал, солдатъёслэн ымныръёссы шоры учкыса, быдэс строй азьтй ортчиз. Собере Кузнецов но корпуслэн командующоез вакчияк вераськизы но Вормон нуналэн зечкылазы.

Черных капитанлэн куараез нош ик жон-жон шуккиськиз:

— Школа, равняйсь! Смирно! Строен мыныны... — нырысь радын сылйсьёс интыязы вамышъяны кутскизы. — Взводэн-взводэн! — командиръ ёс взводъёссы азе по-тйзы. — Нырысетй взвод шонерак, мукеть ёсыз бур пала! Школа! Марш!

Солдатъёс, чонь-чонь кариськыса, пыдъёссэс йыг! пуктылыса вамышъязы. Кызъы, пе, сотэк, сыче бадъым генеральёс азьын командиръ ёссылэсь данзэс уськытыны уг яра. Ваньзы ик та нуналэ оскизы, дунне вылын соос понна вормонтэм тушмон өвёл.

* * *

Пёсьтолэзе школаын дышетсконзы йылпумъяськиз. Курсантъёсты пöртэм ожгар частьёсы келяны пусйизы ни. Нош Рустамез школае ик кельтозы, сержант карыса. Дышетскисьёс приказэз гинэ витьыса улйзы на. Нош туннэ школаысь куинь мурт городэтй патрулен ветлыны кулэ. Кивалтйсе Рустамез юнматйзы. Городэтй уйшорозь ветлйзы. Номыр сыче-тачеез өз луы. Патрульын ветлэмъёс, кык часэ мыныку ини, казармаязы жадьыса пыдын вуизы. Винтовкаоссэс интыязы пуктылйзы, кылиськизы но кöлыны выдйзы.

Нош чукна солдатъёсты сайкатйзы но, огыр-бугыр югдур кылдйз. Школалэн кивалтйсез, казармае чукна вуыса,

16. Ожгарчи

пычал тйрлык возён висэтэ пырем но абдрам: сузям, вöям винтовкаос пöлын куинез — сынэм виштыё. Со патруле ветлэмъёслэн винтовкаоссы вал. Быдэс школаез кыре поттыса султытйзы. Винтовка номеръёсты учкыса, янгыше усем пиосты строй азе поттйзы. Котькудзэс быдэн куинь уй-нуаллы гауптвахтае пуктон сярись ялйзы. Еоссэс октйзы но пытсэт сьöры келязы. Корт öс шимес зукыртыса ворсаськиз но янгышам муртъёсты эшъёссылэсь люкиз.

Пытсэтам муртъёс асьсэдыз тышкаськизы, пыкылйзы: ма, кызы-о визьзы öз тырмы винтовкаоссэс казармае вуэмзы бере ик сузяны? Азытэмзы-а вормиз меда. Рустам кык уй-нунал çоже тазьы кайгырыса, ассэ ачиз курласа улйз. Куинетй нуналаз çукна гауптвахтае Ефимов подполковник вуиз но пиослэн пытсэт сьöрын пуконзы кык уйнунал гинэ, пе, каремын. Нош Рустамлы азыланязлы визьмаз пыроз, угось сое школае кельто ук. Но янгышамез понна сое сержант уз каре, ефрейторын ик ветлоз.

Рустамез та ивор туж жожомытйз. Нырысетй взводлэн коман дирезлэсь ефрейтор юрттйсьсэ табере курсантъёс серем карозы ук! Соин ик Рустам школае кылыны чутрак пумит кариськиз. Кык нунал ортчыса, сое дас эшъёсыныз çош дивизиысь радиоцентре келязы. Отын радистъёслэсь ивортонъёссэс кылзйсь-эскерись муртъёслэсь нимысьтыз туркым-огазеяськон кылдытйзы.

* * *

Радиоцентр Куйбышеввлэсь кызь иськемын интыяськемын, шыпыт интыын. Вылйысь кивалтйсьёс отчы шер гинэ вуылйзы. Соин ик татын улон-вылон гань-ганьгес вал. Но радистъёслы но стройын сылоно-ветлоно, тревогая уйин султылоно луылйз.

Гудырикошконэ ог куинь часын уйин ваньзэ тревогая жутйзы. Радиоивортонъёсты кылзыса пукисьёс сяна, мукетьёсыз солдатъёс тямьс иськеме бызьыны кулэ вал. Тыбырын пульдытозь тырмытэм кало пуйы, зöк кульчо

кадь биням шинель, противогаз, винтовка ошемын, е борды — патронъёсын сумка, ваньзэ мертано ке, ог куамын килограмм кыскоз. Жыны иськемзэ отделение бызиз, собере көня ке вамышъяз но выльысь бызьыса мынйз. Шокпотытозь.

Но та гинэ мар вылэм ай. Жоген солдатъёс шур дуре потйзы. Öрыз паськыт ик öвöl, куамын метр пала, ярдурыз но нялмыт. Пытыюся валано, татчы пудоез люктаны нулло шуыса. Командир шурез уяса потыны дасяськыны, штыкъёсты винтовкаос борды юнматыны косйз. Винтовкадэ вийыны кутскыкуд гинэ вуэ месылыны лэземын.

Куазь сактэ ни. Соин ик ог витътон солдатъёслэн шурын жомбылльяськемзы кыдёкысен адске. Азьпалан стройын нырысь сыйсьёс мыно. Соос жужытэсь, ву кытйотй гинэ мöлязы дорозь вуэ. Иське, шурез вамышъяса потыны луэ. Нош Рустам шур шорозь вуиз но кыче ке гутее лэзькиз, шокчыса но öз вутты, ву улэ кошкиз. Ярам, винтовкаез вылэ пыкъяськыны но азьлань донгиськыны, вуысь мычиськыны быгатйз. Ротаысьтызы жужытгес солдат сое лазеггес интые кыскиз. Секыт сапегъёссэс сумедысь мырдэм кыскаса, ярдуре кызы но озы потйзы. Серекъялод но, бöрдод но: жыны иськемын улынгес шур вамен йыг-йыг выж вылэм. Но командиръёс ма каремзэс тодо, луоз, солдатъёссэс шур вамен потаны дышетыны малпазы, дыр. Ма, командирлэсь котьку но кылзйськоно. Со янгыша кадь ке но.

Куартолэзь шорын радиоцентре нош ик Ефимов подполковник вуиз. Татысь кивалтйсен мар ке вераськыса, Рустамез дораз öтыны косйз. Ефимов полклэн командирезлэсь приказзэ лыдзйз: Рустам, пе, табере младшой сержант но, солы выльысь школае берытскыны косэмын.

Солдатлы армиын кыкетй арез тужгес капчиен йötэ. Татысь улонлы со дышиз ни, нош дораз берытозь кема на, иське, ожгар дйсьсэ нуллы но нуллы ай. Нош берытозяд

16. Ожгарчи

нуналъёстэ уд ке лыдьяськы, дыр но жоггес бызе кадь. Армиын кыкетй арзэс вань солдатыёс витё, угось та ар чоже, оло, доразы бертылыны лэзёзы. Нош со понна ай трос пёсям вудэ кисытоно, ожмаськыны дышетсконъёс дыръя но, стройын ветлыку но, сиён дасянные ыстыкузы но, нош караулын сылыкуд, кезыт уйёсы трос пол кынмылод на.

Ефимов приказэз лыдзиз но, Рустамлэн шуак малпанэз кылдйз: нош доре бертылыны куриськи ке. Осконэз öжыт, угось школае кылыны пумит кариськиз вал, но юамед понна ымад уз чабке.

— Подполковник эш, юаны луоз-а? Мон туж янгыш Тй азын, быдэс школа азын янгыш. Тау Тйледлы, мыным выльысь оскиськоды шуыса. — Рустамлэн ымпушкыз кöсаз, бамъёсыз жуаны öдъязы. — Мынам жыны службае ортчиз ни, оло, кöня ке нуналлы ке но бертылыны лэзьясалды? Школае берытскон азам.

Ефимов пияшлэсь мылкыдзэ валаз, бертылыны соку ик лэзиз. Быдэс дас нуналлы! Сюрес вылэ быдтоно дырез вератэк.

* * *

Кык нунал ортчыса, Рустамлы радиоцентре вуэм гожтэтэз школае вуттйзы. Гожтэт басьтоз шуыса, со чик но уг малпа вал, угось виль интые выжемез сярысь нокинлы ивортныны öз вутты на. Гожтэт Галялэн кыыныз гожтэмын вал, чебер но жикыт. Казармаысь валес вылаз пуксьыса, Рустам малы ке но сюлэмшугьяськыса лыдзйны öдяз.

Галя дышетскемез, визьмо дышетйсьёссы сярысь гождям. Нош эшъяськемзы, яратонзы сярысь пал кыл но поттылымтэ. Рустамен соослэн номыр öй вал, кожалод. Берло чуръёсаз валан сётэм, Виктор Мичковен эшъяськиз, сое яратйз но бызьяны дасяське шуыса. «Шудо лу», — шуэм пумаз, озьы кусыпсэс уретэм.

Таёе шуккетэз Рустам чик öз виты вал. Нырысьсэ сое тазы алдазы-вузазы, соин но, дыр, сюлмыз укыр

вось луиз. Отйяз, улытозяз, сое трос пол алдаллялозы, вузалозы: кивалтйесез, туж оскымон кадъ эшез...

Нош Галя яратон кизилизёс вузас, кысйз. Рустам нылмуртэн нырысьсэ пумиськемзэ, техникумын дышетскемзэ тодаз вайыны курадйиз. Галялэсь туж но туж юамез потэ вал: малы со Рустамез яратэмысь дугдйз? Рустам понна котыр дунне бездыт, пеймыт адскыны өдъяз, инмын шунды ик өз пишты, уз но пишты ни кадъ.

Галялы со өз гожты ни. Куректонзэ пыдло ватйз, ас югдазгес ветлйз.

Дораз Рустам кык уй-нунал бертйз. Армие ветлымтэ мурт ноку но вераны уз тоды, кыче со армиясь доре көня ке нуналлы бертон сюрес. Калыкен тырмем вагонын пукиськод, нош сьулмыд дорад ини, син азяд пуктйськод коркадэ, шудо пальпотыса пумитад потэм анайдэ, сузэрдэ.

Рустамлэн бертэмез матысь адямиосызлы шуак луиз. Мемиез со но та юалляськемез бере гур азъ палан берганы өдъяз. Роза шумпотыса дугдылытэк мадиз аслаз улэмез-вылэмез, ужъёсыз сярись. Анвар, нырзэ чем кыскаса, шуг-секытьёсыз пумысен жожтйськиз.

Кык-куинь нунал куспын Рустам урамысьтызы троссэ эшъёссэ адйиз ни. Галяен гинэ өз пумиськылы.

Куарусён пумын техникумысь дышетскисьёс вань классъёсын пуко. Буш но жужыт коридорын Рустамлэн вамышъямез туж зол кылйськиз. Рустам амалтэк дугдйз, өсьёс шоры учкиз, соос сьорысь тани-тани егитьёс мычискозы кадъ йөтйз. Нош озыы өз луы. Табере со кылйз, макем юн йыгаське сьулэмыз. Урокъёслэсь радзэс возьматйсь бадйым кагазысь лыдйыса тодйз, кудаз классын Галялэн группаез пуке. Укно доры султыса витиз. Но тани урок йылпумьяськиз, коридор калыкен тырмиз.

Галя потытозь, дыр трос ик өз ортчы, нош Рустамлы со укыр кема йөтйз. Нылмуртэз сокем адземез потйз уго: кыче меда ни со? Кышкаса но витиз: ма шуоз, кызыы синъёсаз

16. Ожгарчи

учкоз? Рустам тани-тани тубатьёстї улланы бызъысал ни, дыр, но коридоре Галя потїз.

Рустамез вокзалэ келям нылаш кадъ со чик ой вал ни. Пеймыт-вож дэрем солы туж тупа, лапег кóтермаё-пыдберо катаосыз солэсь мугор туссэ йонгес, кышномуртлэн кадъ-гес каро.

Рустам малпа вал, Галя сое адъыса абдралоз, шуак луоз шуыса. Нош нылмурт чик но óз паймы, та́че пумиськонлы со кемалась дась ини вылэм, лэся. Пи доры кык вамыш вуытэк, Галя дугдїз но Рустамлэсь ваземзэ вите.

— Тани, бертаны лэзизы, — мырдэм кылымон вераз Рустам.

— Туж умой, — шуиз Галя но выльысь чалмыт сылїз.

— Ныль часын драмы лыкты, — óтиз Рустам. — Мемие эшьёсме жок съоры люкано кариськиз. Жоген мон берен Куйбышеве кошко.

— Ярам, лыкто, — синъёссэ выж шоры чолтыса вераз Галя.

Люкиськизы тодмотэм муртъёс кадъ.

Галя куное лыктїз но жубис усътэм óсэти урдэслань пыриз. Нокин шоры уг вазылы, уг учкылы. Шодїське, со туж кепыра, мылкыдтэм, та жок съоры мылыз потытэк вуэмын.

Рустамлэн мумиз куно пумитаны зол тыршем, жок вылэ олоқы́че но сиён-юонъёс пуктылїз. Артэ пукись Рустамен Галя азын быдэс тусьты паласа юдэм сугон сылїз. Рустам нылмуртлэн тэркыяз сугонэз тырылїз но тырылїз: си, пе, котькуд аяди курытсэ верьяны кулэ, сотэк ческытэз уд вала. Галялэн синвуос шурен бызё, сугонлэсь-а яке Рустамлэн бертэменыз йырин шугекъяськонэз чидаме-ныз-а. Галя ымнырзэ пилэн пельпум вадьсаз кариз но, Рустам ныл синкылиослэсь вылаз усыйлэмзэс шодїз. «Вождэ эн вай, эн лекаты монэ», — шыпыртїз нылмурт. Рустам, сое жаляса, «уг» шуыны турттэ ни вал но, шуак валаз: вожзэ но ваёз, лекатоз но, со сяна, паймоно кадъ,

нош Галяез со уг яраты ни, та нылмуртэ скулмысьтыз ишкәлтӱз ини.

Галяез келяны Рустам өз мыны.

Бӱрысь ини Рустам Галяез тодаз туж ик өз вайылы, нош вайылыз ке но, шузи дыръяз синмаськем нылмуртэз кадь гинэ.

Кунооссы кошкем бере Рустам, мемизы, Роза но Анвар огназы кылизы. Колязы гинэ доразы өвӱл, Юргаысь туж лушкем заводаз ужа. Рустам жӱк вылэ выльысь пуктылысь-кись анаез шоры зечгес учкиз но, сӱлэмыз тӱрс! кариз: мумиз лапеггес луэм, пельпумъёсыз лӱзиськиллям, тӱлам бамъёссӱ выль кисыриос гожмаллям. Сутӱр синъёсыз гинэ азьвыл кадесь ик лякытӱсь, вешасесь.

Мемиез анай сӱлмыныз шӱдӱз ни, макем секыт йӱтӱз Рустамлы

Галяен люкиськон. Соин ик буйгатӱз:

— Тон, пие, туж ик эн кайгыры. Улонын котьма луӱ. Бен, нырысетӱ яратон но куддыръя Ҷушка... Кылдӱмез сьӱче вал, дыр. Оло нош, умойлы но со, кин тодӱм, собере быдӱс улондӱ ой курадӱысал меда...

Мемиез Рустам доры лыктӱз но солӱсь йырзӱ бордаз жӱптӱз, чиед но кужмо чиньыосыныз бабыльскись йырсиоссӱ маялӱяз. Собере артӱ пуксиз но шуныт учкыса шуиз:

— Бадӱым ини тон мынам, нош сӱлӱмыд азьло кадь ик вӱлак усьтӱмын. Йырсиосыд но сьӱчеесь ик. Соос, пе, шумпотыку бабыльско, нош куруктыку пырдо, чигыло. Нош тынад йырсиосыд шунытӱсь, бабыльско на. Соин ик, пие, эн кайгыры, тынад ай ваньмыз азьпалан, зӱмос яратондӱ но шедьтод ай.

Рустам султӱз, мемизӱ кужмо киосыныз зыгыртӱз но корка шортӱ бергатӱз.

— Лӱзь ини, паньгатод, — сӱлвориз анаез. Мозмытскыса Рустамлы пичи дырысь тодмо одӱг гинэ пуконӱ лӱзиськиз но Ҷектӱз:

16. Ожгарчи

— Ойдо, пинальёс, шыпытак пуком, атаймес тодамы ваём.
Атайзылэн борддорысь туспуктэмез шоры учкиз но,
тусыз жожмыт луиз.

— Одйгзэ чаркаез атаймес буре вайыса жўтом, мукетсэ
сэ — тыныд, пие, зеч сюрес сйзьыса.

Рустам чаркаосы вина лэзьяз, Розаен Анварлы но пичильтык понйз. Анайзы жожмыт шуиз:

— Ойдолэ атаймес буре ваём. Тй но со кадъ ик зеч
адямиос мед луоды. Эн вунэтэ атайдэс, со тй понна улонзэ
сётйз. Шуккиськытэк юом, буре вайыку, чаркаосты ваче уг
шукко.

Ныльназы ик юизы, помидорен, киярен куртчизы.

— Табере мыным сйзёнъестэ вера, анай, — куриз Рустам.

— Верало, пие, одно ик верало. Шуд но бур тыныд
сйзисько. Сялмыд тынад, пие, лякыт но шырыт, жаляны
быгатэ. Сыче ик со медло. — Собере будэтйз на: — Тонэ
ушъямзылэсь, данъямзылэсь йырыд медаз поромы. Астэ
ушъяса эн кесяськы, мукетьёс тон сярысь зеч кыльёс каллен
ке но мед вералозы. Адямиосты ноку но вöсь эн кары.

Озы соос ныль кузя зыгырскыса кема пукизы на.

17. Беркыл

Рустам аслэсьтыз яратонзэ куинь ар ортчыса пумитаз. Быдэс улонзэлы.

Армиысь старшой сержант луыса бертйз. Берло арзэ полкысь комсомол бюролэн секретарез вал, сое партие кандидатэ кутйзы.

Вордскем шаераз бертэм Коля агаез доры Иж каре мынйз но механикая институтэ пыроно кариськиз. Экзаменьёслы рос-прос дасяськоно луиз, нош кыче ке шуг-секытьёс оз кылдэ, угось армиысь бертэмъёс понна пöртэм капчиятонъёс вал. Озыы Рустам лыдъян-чотан машинаосъя факультетлэн жыт ужась ёزاز дышетскыны пыриз.

Машина лэсьтон заводын сое генеральной конструкторлэн М.Т. Калашниковлэн ужан ёзэтаз техинструкторе кутйзы. Нош лушкем ужъёс борды лэзён сярись кагазьёссэ дасятозь, Рустамез пычал тйрлык музейе пуктызы. Отын олокыче но револьверъёс, вашкала но туалы пычалъёс, пистолетьёс люкамын вал.

Коньывуон толэзе Рустамез партилэн райкомаз öтизы. Нырысетй секретарь соин вераськиз, юалляськиз но шуиз: тонэ, егит коммунистэз, пе, комсомол уже ыстйськом. Рустамез ёрос комсомол комитетлы кыкетй секретаре бырйизы, нош көня ке толэзь ортчыса, со нырысетй секретарь луиз ни.

Нош собере Рустам дас ар чоже тыршиз партилэн Иж кар комитетаз. Чапак со дыре Ижын трос улон юртыёс жутйзы, выль заводъёс лэсьтйзы, ужпöрын пöртэм шыр्यान амальёсты кутыны öдъязы. Бöрысь ини Рустам куамын ар пала улонзэ милицын ужанлы сөтйз. Со, огшоры бигер пияш, министрлэн воштйсез, полковник луиз. Мар но öй вал со дыр чоже. Солэн скулмаськемынз тюрьмаосын бугыръяськонъ ёс дугдытэмын, отысь пеган учыръёс оз луэ

17. Беркыл

ни, жѳуась нѳлэсьѳесты но кысыны потаз, музѳем зуркамен куашкам армян карѳѳесысь калыклы но юрттыны ветлѳиз, милицилэн ѳрос ѳзѳѳесылы юртѳѳѳ жѳутонэн но кивалтѳиз. Ма, ваньзѳ вераса быдтод шат.

Нош Рустамен артѳ, солэн сѳлмаз котьку но Тамараѳез улѳиз. Куке но кемалась-кемалась со яратонзѳ пумитаз но йырыз берыктѳськыз, поромиз. Чѳок, со понна Рустам шудзѳ шедѳтѳиз.

Гажанзѳ со комсомоллэн ѳроскомезлэн пленумысеныз нырысьсѳ адѳиз. Егитѳѳ соку Ижмаш парткомлэн секретарезлэн вѳл-вѳл кабинетаз люкаськызы. Тамара жѳужыт сиресо, керттѳм, чебер курень дѳремен вал, лапеггес гинѳ, пезьгыт но веськыт мугоро. Мертчан йырси пунѳтѳз кускозяз ик ошишькемын. Чѳапак йырси пунѳтѳзлы луыса ик, Рустам та нылѳз синйылтѳиз, луоз. Тамара нылпи юртын валтѳись пионервожатойын ужа вылѳм. Нылпи юртѳз Ижмаш бурд улаз шунтыса возе бере, нылмуртлы заводлэн огѳяулоннияз бѳлет висѳяллям но, со Рустамен одѳг этажын улѳ.

Тамара шѳртчи, котьку капчи мылкыдо, кыл вылаз пень уз пуксьы. Нош кинлѳсь ке шуг-секытѳ сѳюремзѳ тодѳ ке, котькинлѳсь азьло юрттыны дыртѳ, кайгырись муртѳз буйгатыны быгатѳ. Комсомолецѳ ѳслэн вань ужрадѳѳсазы мылысь-кыдысь пыриськылѳ.

Нош Рустам ялан бергаз, калык пѳлын ужаз, гажанзѳ мусояны, солэн пыдѳѳтѳм инбам кадѳ синѳѳсаз учкыса пукыны дырыз ѳз тырмылы.

Тамаралэн синѳѳсыз паймымонѳсь: вожпотыкуз — пеймыт-пурысѳсь, кезьытѳсь луо, учкоз но, тыбырыд юзыркезьыра, нош ѳѳеч мылкыдыз дырѳья — чагыресѳ яке вожпырѳемѳсь, задор тылсиосын зоро.

Палѳнысен учкыса, Тамара котьку но дыртѳ кадѳ, но со котькуд вамышсѳ чакласа лѳсьтѳ, котькуд кылзѳ малпаса вера, соин ик визькенѳшь ѳсыз чѳапак интыяз луо. Котькычѳе уж борды рос-прос басѳтѳське но суп-сап ужась-

ёсты адъёмпотостэм каре. Аспёртэм сямьзылы луыса ик, лэся, со жеч дышетись вал но пинальёсты куамын ар пала визьнодаз.

Рустамлэн но Тамаралэн яратонзы жог араз. Комсомол ужын ёош бергазы, огъя сюлмаськонъёсын, одйг огъяулонниын улйзы бере, соос ог-огзылы матэ но матэ луизы, ог-огзытэк өз быгатэ ни.

Тaмaрa Сaрaпулысь нылпи юртъёсын будэмын, анай-атай юртрлэсь шунйтсэ тодытэк. Соин но, дыр, гажанэз понна сыёе сюлмаськиз, котыртйз сыёе бергаз — Рустам, кызыы шуо, кылчин бурд улын кадъ ветлйз.

Нош Тамаралэн яратон муртэз, комсомол ёроскомлэн секретарез, быдэсак ужен нориськемын вал. Ма, кузпаль-яськон нуналаз ЗАГС-э но бере кылыса вуиз. Угось комсомол кенешсы куартолэзь кутсконэ дано нунальёс азын кема кыстйськиз. Школаосын дышеткись склэсь ятыр пинальёсты комсомолэ кутано вал. Максим Горький урамысь ЗАГС доры Рустам бызъыса вуиз. Дас минутлы бере кылыса. Тамараез урамын но, юрт пушкын но өвёл. Отчытатчы бызъылыса, син мальдымон чебер выль кенэз сэрег сьёрысь шедьтйз. Егитъёс ЗАГС-э дыртйзы. Татын ужасьёс соослы трос жеч кыльёс веразы но, Рустамен Тамара кузпальяскемзы сярысь кагазэ гожтйськизы. Їап соку ёс усътйськиз но, кузпальяскемез пусъён бёлетэ киосазы шампанской женеликъёсын, сяськаосын пыризы: комсомол обкомлэн нырысетй секретарез, чиед но жужыт Костя Логачев, Иж кар комсомоллэн секретарез, возъдаськись тусо Володя Подлинных, чугун сюрес вылын ужась комсомолецъёслэн азьветлйсьсы Володя Володоманов, сиськонниосын тыршись комсомол егитъёслэн секретарьзы Шура Харузина, комсомол ёроскомысь Рита Пименова, Таня Андрoнoвa но Нина Шадрина. Соослэн шулдыр куараоссы, серекъямзы жужыт вёлдэтъёс ултй шуккиськизы, шунйт мылкыдзы, жечкыланъёссы быдэс ЗАГС-эз югдытйзы кадъ. Эсьмаса, Рустамлэн кышнояськыны

17. Беркыл

бере кылыыса вуэменыз сэрэн ассэ курлан мылкыдыз со вие ик вунйз.

Со дырысен трос арьёс ортчизы ни. Рустамлэн но Тамаралэн нырысь ик Володя пизы, ар ортчыса, Сергейзы вордскизы. Соос будйзы, пыд вылазы султйзы, кышнояськизы. Володялэн но Танялэн куинь пиоссы будо ни, Рустамлэн но Тамаралэн нунокъёсы: Алексей, Саша но Вова. Песятайлэн но песянайлэн улонзы удалтйз, шуыны луоз. Кемалась малпазы ни вал нимаз юртэн улыны. Кынарзы тырмиз — кар вёзы корка жутйзы. Бакчазы улмопуоссы, чяпуоссы сяськаясько ини. Пуксеттэм Тамара быдэс нуналэн, корка но пыратэк, убооос котырын берга. Бакча сиёнъёсыз солэн удалто. Тани теплицае кыче ке одйг кияр кидыс мерттйз но, соиз писпу кадь бадъым будйз, сю кило пала емышсэ сётйз.

...Лымшорысь төл шуак кужмояз, липет вылэ зор шапыкъёс усьылыны кутскизы. Тамара жогак корка пыриз, усьтэм укноосты ворсаллякуз, педлось ческыт зыно сяськаен пычам омыр шораз ыртйз на. Гудыриё пилем корказы вадьсы вуиз, югак чилектйз. Тамара мальдэм синъёссэ кыныыз огшаплы ворсаса, езтыл пыртйсь рубильникез кысыны бызиз. «Гидэз усьтоно, — малпаз со. — Зор бере му вылэ нумырь ёс пото, мед курегъёс кокчалозы-гусь-яськозы».

— Э-э, уг вутты ни, — шара вераз со, угось выльысь чилектйз но, гудыртэм куара инбамез йыр вадьсаз ик пилиз кадь.

Педлон со вылэ тузонэз бергатйсь төлпери урдскиз, дэрэм сёзулзэ пыдъёсыз котыртй бинялтйз, йырысьтыз шляпазэ пешкытйз но гуждор вылтй, теплица вөзтй пытыртйз. Тамара йыре пононэз съёры уйиськиз, со вискын таза зор шапыкъёс бамъёсаз шуккиськизы. Ярам, котмыса өз вутты, корка пыриз.

Педлон жальгатэ. Ижын но зоре, дыр. Ма меда каро ини пиосыз, нунокъёсыз? Покчиоссы доразы вуо ке, Тамара

соослы котьку но кыче ке уж сётэ. Володя пиез озьы даур-тэмзэ куддыръя уг вала. Нош котькуд пинал быгатэмезъя мар ке но ужаны кулэ. Туала нылпиослэн ужамзы туж ик уг поты, иське, соослы ужан сям пычатано, тыршемзэс кулэезъя дунъяно, ушъяны вунэтоно өвёл. Сотэк пинальёс анаятайзылэн сільсьöразы ворттылыны дышозы, номыр карыны уз быгатэ, мылзы но уз поты. Укыр соос туалa вакыт эли-кеби выро, дырто. Компьютер, телевизор азьын мултэс трос пуко. Нош улонэз экран вылысь учкыса уд вала ук.

Рустам но та дыре нунокъёсыз сярись чемысь малпаське. Тани бадзымез нунокез, Алексей, лякыт сюлэмо, визьмо будэ. Компьютерен синзэ кынъыса ужаны быгатоз. Нош рос-просэз уггес тырмы. Ассэ но дунъяны уг вала кадь. Нош адями ассэ уг ке дунъя, солэн йырыз мыкыртэмын. Визьдэ, кужымдэ шöдыса-валаса гинэ гурезез ортчод, ву-кырем вамен потод, паськыт шурез выжод. Нош со дыре ик адямиез соку гинэ гажало, кукe со аслыз ачиз шонер дунъет сётэ, нырзэ уг чатырты, котырысьтыз адямиослы но жеч карон понна тырше.

Нош астэ гинэ тодыса-яратыса улйд ке, со улэмед улэм уз лу ни. Ассэ гинэ яратйсь адями — емыштэм улмопу, шунтйсьтэм сэрегпум. Со дыре ик, астэ яратыса, ялан визьмогес, чылкытгес, кужмогес луыны тыршид ке, бадзымесь гормонъёс басьтод. Но зэм верало, монъяськись мурт быдэс дунне со котыртй берганы кулэ шуыса малпа, нош аслаз маял но суралтыны манйез өвёл. Адямилы нырысь ик ужез яратоно, малпанъёстэ быдэстон понна жадёнэз валатэк тыршоно.

Саша нунокез ужаны яратэгес, сюлмыз но небытгес. Песятаез-песянаез доры лыктэ ке, соку ик аслыз уж шедьтэ. Мае ке мылкыдтэм быдэстэмысьтыз песянаез пыкылэ ке, пальпотэ но шуэ: мылкыдын, пе, тыр-шисько но, азьтэме vorme, лэся. Саша пересьёсты уг вунэты, соосты яратэ, песянаез-песятаез сярись сюл-

17. Беркыл

маське, вордскем нунальёсынызы но ваньмызлэсь азьло жечкыла.

Покчиез Вова нуноксы пичи өвёл ни ке но, улонэз дуньяны визьнодэз уггес тырмы на. Со востэм, но туж жог жуалске, пешятаезлы шахматэн келя ке, синвуосыз потымон жожоме. Нош малпанъёсыз муресь, визьмоесь. Востэм ке но, пушказ, ой, кыче зырдыт мылкыд нуллэ. Ай со ваньзэсты паймытоз, вылие жутскоз на.

Серёжалэн Орис пиез сярись вераны вазь на. Нош со но визьмо будэ кадь. Инмаре, уть гинэ вал соосыз адямилэн тужгес кышкыт сямъёсызлэсь: астэ даньянлэсь, вожъяськонлэсь но кезыт сюләмо луонлэсь. Угось ассэ даньясь муртлэн сюлмыз из кадь, нош из вылэ жаг турын но уг поты, улзыйтсь ву кыстаса но. Кезыт сюләмо адями жалянэз уз тоды, тужгес матысь адямизэ ке но вöсь каризы. Вожъяськись муртъёс ке тужгес кышкыт йыружъёс лэсьто.

Ма, Рустамлы пиосыныз но удалтйз. Бадзымез ик тани, Володя, нодлыко воргорон, ноку нокинэ уз пöя, сюләмыз вöлак усьтйськемын, нырысь öтемъя ик юрттыны дась. Шуныт зорись синъёсыз мумизлэн кадесь ик, котьку лякыт учко. Кинлы ке мар ке жечсэ лэсьтоз но, со сярись пал кыл но уз поттылы, возьдаськыса кадь. Нош кыче со кышнозэ яратйз, Таняез ки вылаз нуллыны дась вал, соиз берпум шокчытозь. Кöня ар ортчиз ни, нош яратонзэ вунэтыны уг быга ты. Рустам понна но Таня али ке но тодаз туж яратоно нылыз кадь улэ.

Рустамлэн йыраз шуак визьмо верам лыктйз: адямилэн синъёсыз солэсь лулпуш дуннезэ, пе, возьматэ, нош ымынырыз мылкыдъёссэ, сямъёссэ. Чапак Володяз сярись верамын кадь.

Сергеез мукетгес. Соиз егит дырзэ төлсаяска вакыт кариз, курытсэ но, кузыйтсэ но веряз, куать арзэ Испаниын шудзэ утчаз. Сямызъя сыче ик востэм, либыт кылиз ке но, синъёсыз куддыръя жуалско но, малпанзэ быдэстытояз, сое нокин дугдытыны уз быгаты ни. Ачиз

ке  з дугды. Жаль,  емысь озьы ик луэ: кенже но туж  ог кысэ. Корказэ но тйни ноказыы йылаз-пумаз вуттыны уг быгаты... Пинальёс, пиналь ёс, мумыды-айыды кадь нокин тйледыз уз вала, уз визьнода.

Пинал дырзэ тодаз вайыса, Рустам малпаз: егитьёс соку улонтй туаласыз кадесъёсыз сямен  з вамышъялэ, улон шоры  з учке. Али пиос, нильёс но  абресэсь, малпанзы доры номыр шоры учкытэк, шонерак мыно, уг чаклало, шонер-а лэсьто, уг-а. Но адямилэн улон тодон-валанэз янгышаса, курадзйыса но люкаське. Соин ик со номырин  ошатонтэм дуно.

Бен, котькудмы асьмеос к ттыро улон понна тыршиськом, сьулмаськиськом. Номыр уд кары:  ок вылад нянтэк уд улы. Нош адямилы, к тсэ тырон, шуныт коркан улон сяна, пиштьсь шундылэн сиосызлы шумпотыны быгатон, лул-сьулэмдэ утисьлы тау карыса,  еч ужъёс лэсьтыны мылдыд но кулэ.

Рустам выльысь тодаз вайиз Быдзйым ож дыръя улэм-вылэмзэс, дулесово бусыосын юосты октыкузы-калдыкузы кусъёссэс тйямзэс.

Инмар мед ут з ини сы е сютэм улонэз чиданы, ноку медаз гусьяськы ни пот нянен но бусыысь бичам кынмем картофка табанен.

Озьы ке но сомында шумпотонъёс, шудэн тырмем нунальёс Рустамлэн семьяяз пинал дыръяз кадь ноку  й вал ни. Уть ай, ю утялтонэ нырысьсэ потэмзэ ик тодэ ваёно ке. Бусые кышноос, песяйёс, пичиез но, бадзйимез но пинальёс потйзы но ю-нянез октйзы-калдызы.

Нош картъёссы ожын бырем пал кышноос курадзён арьёссэс пересь дауразы но ялан тодазы вайыло. Соку соослэн сьулэмъёссы тужгес но в сь луылэ, дыр. Угось сютэм улоназы тулыс возь вылэ  ужам нырысь турын но соос понна шуд адзён вал. Картъёссы бырем сярись ивортонъёс басьязы ке но, вытьёс тыризы, пеймытысен пеймытозь ужазы, й нала дйськуттэк кынмыса но, котмыса

17. Беркыл

но. Песянайёс али но капка азьёсазы пуко но, ож дырез тодазы вайыса, синвуоссэс кисьто, нош тужгес ик асьсэлы асьсэос паймо: кызы, мар кужымен соку ваньзэ вормизы?

Нош табере ма луиз асьмемын? Кыче улонэ мынйськом? Быдзым ож дыръя бусыосысь ю тысез кышноос, песятайёс но пинальёс одйгтэм утялтылызы, нош али гуртын воргороньёс но, пöртэм машинаос но тачак — ужа но ужа. Нош гуртьёс шалмо. Заводьёс но. Выльысь кылдйзы ужтэк кылемьёс, ужтэмасьёс. Малы? Оло нош, азьло кадъ ужаны ум быгатйське ни? Яке курадзем-чидам пересьёс интые будэм кивоштйсьёс уг оско ни, война дыръя кыче чидантэм чиданэз чидаз калык?

Тйни ук Алексей но, учконо ке, урод пияш уд шуы, нош азьвыл вакытэ, ож дыръя улэм-вылэм сярысь мадиськод ке, оло кылзэ, оло уг. Песянайёссы, песятайёссы сычесьиче курадзоньёс пыр потйзы, сомында чиданы луэ шуыса уг оско. Асьсэос но пересьёс ас улонзэс куддыръя выжыкылэз кадъ тодазы вайыло, угось озыы чиданы адями уг быгаты. Но чидаз ук! Шумпотыны но быгатылыз, мукетьёссэ но шунтыны кужмыз тырмылыз. Бен, зэмос кужмо адямиос улызы соку...

Трос аръёс ортчизы. Мишаен-Рустамен артэ будэм-юнмам пиослэн, нылъёслэн улонзы пöртэм сямен радьяськиз, пöрмиз.

Коля агаез, Сибирьын ужаса, Иж карын көня ке улыз но Кузонэ выжыаськиз, бадзым кивалтйсь вал. Табере пенсиын ни, патеретй но мырдэм ветлэ на. Венера нылыз дорын улэ. Венералэсь, пичи нылаш дыръяз, йырсиоссэ Рустам пунылыз но, китйз кутыса, сое нылпи садике валтылыз. Табере Венера Росси Федерациысь дано дышетйсь, Татарстанысь одйгезлэн умоезлэн школалэн директорез.

Роза сузэрэзлэн улон сюресэз вольыт öй вал.

1955-тй арын, сизыым классэз йылпумьяса, Сарапулысь электромеханикая техникуме пырыны малпаз. Агайёсыз

отын дышетскизы шуыса, лэся. Классысьтызы вить нильёс пöлысь со огназ экзаменьёсты умой сётыны быгатиз. Эшъёсыз ужкагазьёссэс техникумысь басътизы но Розаез но отчы пыронлэсь алызы, мар, пе, тон огнад отын дышеткод. Соиз но кагазьёссэ басътыны мынйз. Техникумын, агайёсызлэсь отын зеч дышетскемзэс тодазы вайыса, чылкак паймиллям но, кагазьёссэ сётон азын нылмуртэ анаеныз кенешыны ыстйллям. Мемизы, адымилэн мылкыдыз öвöл ке, сюлоен улляса уд дышеты шуыса, нылызъя кариськем но шуэм:

— Нылы, отын ке дышетскемед уг поты, ачид тодод, нош кытын ке но тодон-валандэ будэты, дышетскытэк адыми радэ уд поты.

Дас классэз йылпумъямез бере ини, бызьыса, Роза ужан висказ техникумын дышетсконо луиз ик. Мукетаз. Улон озы косйз. Кузпалыныз, Габдулла Акрамовичен, соос Талгат пизэс но Лариса нылзэс будэтйзы. Пизы улонысь дырызлэсь вазь кошкыз. Нош кык пи нунокъёссы быдэ вуэмын ни. Алина ныл нуноксы но визьмо, лякыт. Линар эмеспизы зег нянь кадъ зеч воргорон, эмчи. Роза доры куное Галя эшез чем пыра. Со кустэм культо кадъ луэм ини но юн пурисьтам.

Анвар арми бере Киеве мынйз но авиацилы инженеръёсты дасясь институтэз йылпумъяз, татын ик комсомол, партия, профсоюз удысьёсын тыршиз, институтаз ик дышетйз. Табере со кышноеныз ёш пенсие потэмын ни. Киев дорысь музъем вылазы корка жöто. Алёна нылзы но Володя эмеспизы Саша пизэс, вуоно лётчикез, будэто.

Рустамлэн эшъёсызлэн но улонзы пöртэм-пöртэм.

Виктор Вахрушев жугиськыны яратылйз но, анаез сое жйтлы быдэ бускель азбаръестй утчаса ветлылйз. Армиысь бертыса, со шумприч кенакез кышно вайиз но, тупаса öз улэ. Огпол выльысь керетйллям но, Виктор кышнозэ жугем. Милиция сое пытсэт улэ пуктэм, нош отын мукет воргоронъёс Вахрушевез ымтиз вир кошкымон

17. Беркыл

тышкаллям-лөгаллям. Катъясъкыны Викторлы кылдымтэ ни, сое Сарапул шайвылэ нуиллям.

Кызь аресказ но вуытэк, Рустамлэн тужгес оскымон эшез, Гена Бочкарёв, но улонысь кошкиз.

Рашидлэн но улонэз өз удалты. Рустам сое куамын ар ортчыса пумитаз, одйгаз колоние ветлыкуз, отын пукисьёс пöлысь.

Юра Беспаловен Виктор Глебов гинэ, техникумез йылпумъяса, заводын ужазы.

Мертчан йырсиё Хамида Иж карысь заводын ужаз но, выли быгатонлыко инженерлы бызьыса, Израиле соин чош улыны кошкиз.

Галя Барабанова, Миша-Рустам Сарапулысь кошкем дырысен кык ар ортчыса, техникумез йылпумъяз но Виктор Мичковлы бызиз. Но Инмар соослы валче улыны шуд сётымтэ, лэся: техникумын көня ке ар чоже дышетэм Виктор улонысь кошке.

Галяен Рустам берпуметйэз 1958-тй арын пумиськиз.

Галина, Иж каре лыктыса, Рустамлэсь телефонзэ тодыса, солы комсомол ёроскоме жингыртйз. Адзиськоно, пе, вал. Машиностроитель ёслэн Культура юртсы вöзын пумиськыны вераськызы. Вить час котырын Рустам отчы вуиз но кепыраса посйськись, куанермем кышномуртэ пумитаз. Галя шудтэм улонэз-вылонэз сярысь вакчияк мадиз но выльысь пумиськылыны чектйз, мон, пе, тонэ вунэтыны уг быгатйськы. Чош кариськонзылы оскиз на, лэся. Рустам вераз: яратон тылгизызы кысэмын ни, солэн синмасъкымон кышноез вань, соин ик Галяен пумиськылон сярысь малпанэз но өвөл. Собере будэтйз на: «Мон тыныд вожме уг вайиськы, кемалась уг лекатйськы ни».

Галя, йырзэ ошыса, Максим Горький ураметй уллань васькиз, нош Рустам ужаз берытскиз. Кышномуртэн пумиськыса, со номыр пумысь өз но кайгыры, өз но жаля ни.

Бöрысь Галяез со өз но адзылы, со сярысь номыр өз но кылылы ни.

Лёня Коренев техникум бере Ижысь мотозаводэ, приборьёс лэсьтонья Удмуртиысь тужгес умояз заводэ, сюрриз. Татын со, пöртэм интыосын ужаса, огезлэн ёзлэн кивалтйез луиз. Лёняен Рустам, шер ке но, пумиськылызы.

Венер Зариповез куамын кык ар ортчыса пумитаз. Ульяновске бадзым кенеше ветлыкуз. Татын одйг удысын ужась эшьёсыз Венерлэсь кытын улэмзэ но, телефонзэ но тодйзы. Рустам жингыртйз но эшсэ кунокуаяз öтиз. Соиз лыктыны пумит кариськиз, куноез, пе, мон дорам пумитаны кулэ. Вераськем дыре Рустам автозавод дорысь юрт доры машинаен лыктйз. Öсэз ачиз Венер усьтйз. Пöськытэм спорт дйськутэн, ымнырыз тöрнамын, кисырияськемын. Сыче капчи мылдыдо, котьку пальпотйсь пияшез улон посэм, жугем, бездэм тусо пезятай карем.

Рустам одйг зенелик кабак вина вайиз вал. Соос юизы, куртчизы, маиз сюрриз огназ улйсь воргоронлэн. Вераськонзы мöзмыт пöрмиз. Рустам эшезлы уже интыаськыны юрттыны çekтйз вал, нош соиз чутрак пумит кариськиз.

Венер верамья, заводын, пе, техникумез йылпумьям куинь эшьёссы ужало: визьлюксы Лера Муслимова, серемчи Тамара Кокорина Алексей картэныз но Алексей Борякин.

Рустам, скулэмыз вöсь луыса, Венер дорысь кошкиз. Пыраклы. Нош егит дыр эшез, Инмарен сётэм визьнодо техник-конструктор, огназ кылиз, пöсьтэм спорт дйськутэныз, удалтымтэ улонзэ улыны.

Николай Курганов техникум бере чугун сюрес вылэ ужаны ыстэмын вал. Армиысен комсомоллэн дас куинетй съездаз но ыстыны бырьемын вылэм но, ожгар частьсэс мукетьёсаз пазяса вуттйллям. Собере институтын дышетскем но мотозаводын зеч тыршем. Со понна ик, луоз, сое парти уже басьто но ёрос комитетлэн промышленностья но транспортъя ёзэныз кивалтыны пукто.

17. Беркыл

Со дырысен трос дыр ортчыса, Рустабез партилэн ёрос комитетаз өтизы вал. Коридорті мыныкуз, шуак, егит дыръяз кадь ик, ишан сямен, аяз Коля Курганов кылдйз. Дуно костюмен, тазамам мугоро. Табере уга со — Николай Геннадьевич, партилэн ёрос комитетэзлэн нырысеті сек ретарез. Солэн кивалтэм улсаз Иж карлэн шораз нырысетіосыз трос улыно-вылыно улон юртъёс, операя но балетъя театр пунктэмын, пионеръёслэн Дворецсы, Карл Маркс урамысь трамвай сюресъёс вамен выж лэсьтэмын.

Эшъёс пумиськемзылы шумпотыса зыгырскизы. Азь-вылгес но пумиськылйзы ке но ини вал. Но татын, ёрос комитет юртын, Николай Геннадьевич — кузё. Соин ик Курганов йонъяськыны, мар ке туж визьмо вераськыны өдъяз. Нош Рустам, парти ужын ужам но МВДын дас арзэ ни зарни кизилю погонъёсын ветлюсь мурт, нырысеті секретарез могзүйтйз:

— Я мар тон, Коля, вашкала эшед азьын нырдэ чатыр-тйськод.

Собере соос, кык арлыдо воргоронъёс, улытозязы трос адзем но лэсьтэм адямиос, сютэм но бугырес комсомол вакытсэс тодазы вайыса, коридорын кема гинэ сйлйзы.

Адямилэсь улонзэ бёрсьысь бёрсе кылдүйтйсь шуг-секытьёс, куректонъ ёс-кайгыронъёс но шуыны луэ. Соос уго котькудйзлэн тырмыт. Нош озьы ик, соосын чөш, артэ шумпотон, яратон, шудбуро вакытьёс но радъясько. Адямилэн улонэз паймоно кадь: котькыче секыт, пеймыт дыръёсы но улон кызы ке но югыт, шундыё интые вуттэ.

Котькуд адями, азьтэмез, дйсьтйсьтэмез но, куке но шонерскыны, саесъёссэ пужалляса, мар ке зечсэ лэсьтыны быгатэ. Котькудйзлэн улоназ мае ке быдэстон сярысь малпанэз вань. Трос-а со лэсьтоз, өжит-а, бадзым-а, пичи-а уез, но малпанзэ быдэстон понна азьлань мыноз. Озьы луыны кулэ. Улонлэн куремезъя-косэмезъя.

Радио пыр Александр Малинин кырза. Сюлмысьтыз ик. Аслаз улонэз сярысь кадь:

Ярдуръёс, ярдуръёс...

Тапалыз, сопалыз.

Висказы улонэ

Шур выллем ик мынэ.

Рустамлэн но эшъёсызлэн ож тылэн Ҷушкам пичи но егит дыръёссы жог бызись улонлэн сопал ярдураз кыдёке-кыдёке кылызы. Улон шур воштйськиз. Ортчем вакытысь кылызы на тодэ ваёнъёс но та дунне вылтй вамышъясь кӧня ке эшъёс гинэ.

Историен дышетйсьёс пинальёсты куке но оскытылызы, капитализм куашкалоз но, асьмеос социализме, коммунизме вуом шуыса. Социализме вуим кадь, нош коммунизме вуон сюрес ворсаськиз. Табере кызетй дауре улэм пиосныльёс валазы ни: выльысь капитализме берытским. Ваньмыз табере заводъёсты, мувӧез, музейем эгырез киултон понна жугисько. Аксым выль ӗучъёс кык сю но, куинь сю но ар улыны малпало, оло...

Марлы жугисько, мар малпаса? Адямылы кулэм бераз сажем музейем сяна кулэ уг лу ни ук. Ваньмыз, маиз солэн вал, улэпъёслы кылӧз.

Ма понна адями музейем вылын улэ? Ческыт сиён-юон понна мукеть ёсты но лёгаса ветлыны Вылысь Инмар сое ӧз кылдыты, мумиз йӧлыныз ӧз сюды ук.

Иське, сое мукетыз понна кылдытйзы, сюдйзы-вордйзы: адямылыко адями луыны, бордысьтыз кылдэм выжыоссэ но сыӗеен ик будэтыны.

Рустам нош ик малпаз: «Котьма шу но, милям, ож тылын Ҷушкам луло муртъёслэн, огшоры кадь гинэ, кинлэн ке шуэмезъя, удалтымтэ улонмы туж мур пуштросо, чебер но шудо вал, оло нош, тужгес шудо. Милемлы номыр понна возъдаськыны, асьмелэсь асьмелы но, пиналь ёсмылэсь, нунокъёсмылэсь но. Вань калыкен Ҷош улым, Ҷош янгышаллям, Ҷемтылым, Ҷош ик вормылым, шумпотылым.

Ярдуръёс, ярдуръёс...

Тапалыз, сопалыз.

Висказы улонэ

Шур выллем ик мынэ.

Нош сопал ярдурын дыдыксин сяськая,

Нош сопал ярдурын кизили ворекъя,

Нош сопал ярдурын тылскеме на жуа,

Нош сопал ярдурын улонэ но жужаз...

Аръёс бӧрсьы аръёс лобо... Улон шурлэсь визылзэ азьланьто нунокъ ёс, сое вӧл-вӧл, кужмо, дун но сайкыт каро. Бен, нунокъёсмы жечгес, югытгес, чылкытгес но шудогес улозы.

Содержание

1. Мурт гуртын	3
2. Тылож гомзон ар	15
3. Нырысь урокъёс	26
4. Гурт улон-вылон	34
5. Тылож — курадзон кож	43
6. Курадзон но оскон	51
7. Тыложлы пум	57
8. Сарапулын улон-вылон, чидан	63
9. Анай	70
10. Съод нянь	79
11. Техникумын	88
12. Быдмон	103
13. Нырысетй яратон	111
14. Оло, инсьоры лобало ай	123
15. Ленинлэн вордскем городаз	139
16. Ожгарчи	152
17. Беркыл	166

ЗАППАРОВ Растем Нургаянович

Љушкам лужьёс

Кузьмадёс

Компьютерная верстка *Перевощиков Д.Н.*

Дизайн обложки *Тютинa А.А.*

Подписано в печать 28.02.2012. Формат 60x84/16.

Печать ризогрфическая. Гарнитура HelveticaUCD

Усл. печ. л. 8,2. Уч. изд. л. 10,5

Тираж 150 экз. Заказ №000768

ООО ИИЦ «Бон Анца»

426063, г. Ижевск, пр. Дзержинского, 3.

Тел./факс: (3412)63-21-63. E-mail: mail@izhcat.ru